

STEPHANI BALVZII
MISCELLANEORVM
LIBER QVARTVS;

Hoc est,

COLLECTIO VETERVM
*monumentorum quæ hætenus latuerant in
variis codicibus ac bibliothecis,*



PARISIIS;

Excudebat FRANCISCVS MUGVET Regis &
illustrissimi Archiepiscopi Parisiensis
Typographus.

MDCLXXXIII.

CVM PRIVILEGIO REGIS.



1871

1871

1871

1871



PRÆFATIO.

AD LECTOREM.

Post emissos tres primos libros meorum Miscellaneorum, cùm intelligerem hanc operam meam placere hominibus eruditis, ac quotidie urgerer ut quartum darem, feci lubens, tum ut viris gravissimis meique amantissimis morem gererem, tum ut revocarem memoriam rerum præclarè ab antiquis gestarum & scriptarum. In quarto itaque libro multa edidi cognitu dignissima, quorum elenchum posui post hanc præfationem, simul admonens unde singula accepta sint. Majorem verò eorum partem deberi celeberrimæ bibliothecæ

PRÆFATIO.

“cæ Colbertinæ satis intèlligent qui hæc nostra legent. Sunt autem nonnulla quæ præmonenda existimavi.

Vitam beati Stephani Abbatis monasterij Obuzinensis in diœcesi Lemo-
vicensi descripsi ex veteri codice ejus-
dem monasterij quem mecum huma-
nissimè communicarunt qui nunc in
ea domo vestigia patris sui sectantes
vitam illic agunt monachi Cisterciën-
ses. Scripta est elegantissimè ab auc-
tore cœtaneo, discipulo viri sancti,
qui testatur se nihil in ea posuisse nisi
quod ipse proprijs oculis vidit, aut fi-
delibus & veracibus viris, qui vide-
runt, referentibus audivit. Præcipuè
tamen sua se hausisse docet ex relatio-
ne cujusdam monachi Obuzinensis no-
mine Bernardi, qui & in seculo fami-
liaris fuerat viro sancto, & in religio-
ne usque ad illius obitum inseparabi-
liter ei adhæsit. Scripsit autem illam
victus præcibus quorundam religioso-
rum fratrum, jussu autem & impulsu

PRÆEATIO.

Roberti & Geraldii Abbatum Obazi-
nensium, tum etiam Alexandri Abba-
tis Cistercensis. Hujus vitæ plurima
fragmenta refert Angelus Manriquez
in annalibus Cisterciensibus, & ad an-
num MCXLIII hæc ait de ejus scri-
ptore : *Auctor anonymus ejusdem sancti
discipulus, judicio acri, & affluentia ora-
tionis non contemnendus, sed præstantiori
adhuc notitia rerum, quippe à puero edu-
catus sub beato viro, necnisi per biennium
separatus quo sub S. Rainardo Cistercij
vixit; cetera Stephano individuus co-
mes hæsit; adeoque aut testis ocularis, aut
qui ab his qui interfuerunt hausit quæcun-
que scribit.*

Fecit eruditissimi viri Jacobi Sir-
mondi judicium ut existimarem edi-
tione digna esse acta visitationis pro-
vinciarum Burdegalensis & Bituricen-
sis factæ à Simone de Bello loco Ar-
chiepiscopo Bituricensi. Non solùm
enim Sirmondus eorum testimonium
laudat in Notis ad Capitula Karoli

P R Æ F A T I O.

Calvi, sed etiam magnam eorum partem ex initio sua manu descripsit. Accessit postea auctoritas viri item eruditissimi Joannis Mabillonij, qui excerpta quædam horum actorum valde prolixa vulgavit in tomo secundo anecdotorum suorum ex schedis, ut ipse agnoscit, Claudij Chantelovij. His magnis exemplis adductus, ratus sum aliquam utilitatem cum voluptate conjunctam ex his actis capturos viros doctos, si illa ederentur qualia extant in veteri libro. Itaque ea conquisi, & inventa habui commodatò beneficio & humanitate viri doctissimi Gaspardi Thaumasi Thaumasserij Iurisconsulti Bituricensis. Descripta ergo sunt ex veteri codice, sed mendosissimè scripto, & qui transpositionibus interdum ac repetitionibus laborat. Ista autem facilè ut plurimum à nobis emendata sunt. Sicubi autem occurrit locus difficilis, cujus emendatio dubia esset, intactum reliqui. Portò acta illa non esse inte-

PRÆFATIO:

grā quivis facile deprehendet.

Epistolam de ceromate inveni descriptam in vetustissimo codice in quo continentur glossæ in Iuvenalem & Persium. Quis illius sit auctor, neque vetus codex prodit, neque ego reperire potui. Ex nomine Fredilonis & ex antiquitate codicis conjeci scriptam esse circa tempora Karoli M. & Alcuini, ideoque illam posui post epistolam Alcuini ad eundem Imperatorem.

Hugonis de Cleerijs commentarium de majoratu & senescalcia Franciæ, olim editum à Sirmondo, nova editione donavi, ut ea ratione tollerem insignes aliquot mendas quæ habentur in editione viri clarissimi, qui apographo haud dubie usus est mendosissimo. Nam vir in istis rebus summus non commisisset hos errores, si vetus exemplar habuisset. Duas partes habet hic commentarius. In prima continetur scriptum Fulconis Comitis Hiero-

PRÆFATIO.

solymitani de majoratu & senescalcia
 Franciæ, in secunda commentarius
 Hugonis de Cleerijs. Primam partem
 viderat is qui gesta scripsit Consulum
 Andegavensium edita in tomo decimo
 Spicilegij Dacheriani, posteriorem vir
 clarissimus Claudius Fauchetius. Ex
 quo colligi potest olim in monasterio
 sancti Albini Andegavensis, unde
 commentarium istum citant Facu-
 hetius & Sirmondus, extitisse scriptum
 Fulconis divisum à commentario Hu-
 gonis. In codice tamen ex quo ego
 habeo utrumque conjunctum est &
 consequenter descriptum. Subjunxi
 huic commentario literas Henrici II.
 Regis Angliæ & Comitis Andegaven-
 sis de custodia abbatiæ sancti Juliani
 Turonensis, tum quia fidem facit da-
 piferatum Franciæ hereditarium fuis-
 se in familia Comitum Andegaven-
 sium, tum quia in eisdem testis nomi-
 natur idem Hugo.

De articulis oblati Ludovico XI. à

PRÆFATIO.

Nominalibus & de opinionibus five signaturis xxiv. Doctorum Parisiensium illud me admonere debere putavi, libros magistri Petri de Rivo Doctoris Lovaniensis, quis illic nominantur, extare in iisdem antiquis codicibus bibliothecæ Colbertinæ ex quibus editæ sunt opiniones Doctorum Parisiensium; in quibus etiam habentur multa alia circa materiam de futuris contingentibus, & inter hæc, etiam propositiones Henrici de Zomeren adversus magistrum Petrum de Rivo, & Francisci Cardinalis sancti Petri ad vincula, qui fuit postea Sixtus quartus, tractatus de iisdem futuris contingentibus.

Walfridi Strabi versus in basilica sanctorum Petri & Pauli invenimus in vetustissimo codice M S. monasterij sancti Albani Andegavensis, in quo habentur ejusdem carmina edita ab Henrico Canisio in tomo sexto lectionis antiquæ pag. 653. & sequentibus.

PRÆFATIO.

Edidimus autem, quia defunt in editione Canisij. Menda tollere nolimus, quæ admodum multa sunt, ne temere isthic fecisse cuiquam postea videremur. Walfridi autem nomen apposui ex conjectura tantum, quia hoc carmen in veteri libro descriptum est inter poemata quæ sub ejus nomine prodierunt.

Vale, lector, & his utere dum sequentes libri parantur.



ELENCHVS

EORVMQVÆ IN HOC VOLVGINE continentur.

FRagmentum Theodoriti de Trinitate. pag. 1.
Aliud ejusdem contra Sabellium. pag. 2.

*Ex duobus antiquis codicibus MSS. uno Ecclesia
Bellovacensis, altero monasterii Corbeiensis.*

Hugonis Floriacensis tractatus de regia potestate
& sacerdotali dignitate. pag. 9.

Ex codice 4321. bibliotheca Colbertina.

Vita B. Stephani Abbatis Obazinensis in diœcesi
Lemovicensi. pag. 69.

Ex veteri codice MS. Obazinensi.

Acta visitationis provinciarum Burdegalensis &
Bituricensis à Simone Archiepiscopo Bituricensi
ab anno Christi 1284. usque ad annum 1291.
pag. 205.

*Ex veteri codice MS. illustrissimi Archiepiscopi
Bituricensis.*

Epistola Taionis Episcopi Cæsaraugustani ad
Eugenium Episcopum Toletanum. pag. 397.

Ex codice 66. bibliotheca Colbertina.

Testamentum Volfaudi Comititis fundatoris ab-
batiz sancti Michaëlis ad Mosam. pag. 403.

Item testamentum Volfaudi de villa Marsupia.
pag. 409.

Item ejusdem de villa Condato. pag. 419.

Ex chartulario ejusdem monasterii.

Ex epistola Paulini ad Leonem Patriarcham.
pag. 412.

Ex codice 1870. bibliotheca Colbertina.

Epistola Alcuini ad Karolum M. quam ad eum
mitteret libros VII. adversus Felicem. pag. 413.

Ex codice 3953. ejusdem bibliotheca.

Epistola cujusdam : Quid sit ceroma. pag. 417

Ex codice 1829. ejusdem bibliotheca.

Ludovici Pii preceptum pro Ecclesia Nemaufensi. pag. 420

Ex codice 3910. ejusdem bibliotheca.

Ejusdem præceptum ut nonas & decimas dent qui beneficia tenent de Abbate S. Michaëlis ad Mosam. pag. 422.

Destructio capellæ Masiriaci, quæ structa erat in injuriam Ecclesiæ Aciaci. pag. 423.

Ludovicus Rex concedit Vncrino monacho S. Michaëlis Fraxinum ad restorationem veteris monasterii. pag. 425.

Karoli simplicis præceptum de eodem. pag. 426.

Ex chartulario ejusdem monasterii S. Michaelis.

Epistola Leonis VIII. de privilegiis abbatiæ Montis-majoris. pag. 428.

Ex codice 2668. bibliotheca Colbertina.

Litteræ Vuigfridi Episcopi Virdunensis de Ecclesia Alieri. pag. 431.

Ex chartulario S. Michaelis ad Mosam.

Gregorii V. epistola de privilegiis abbatiæ Montis-majoris. pag. 432.

Ex codice 2668. bibliotheca Colbertina.

Arnoldi Episcopi Halberstatensis epistola ad Henticum Episcopum Herbipolensem de institutione episcopatus Bambergensis. pag. 435.

Epistola Vvalonis ad Vvidonem Episcopum. pag. 442.

Ex codice 1566. bibliotheca Colbertina.

Charta Landulphi Episcopi Ecclesiæ Taurinensis de parte capitis sancti Iohannis pag. 445.

Ex chartulario monasterii Angeliacensis.

Narratio electionis Abbatis Soricinenfis. pag. 446.

Ex vetustissima membrana bibliotheca Colbertina.

Litteræ Pibonis Episcopi Tullensis de cella As-
mantiz. pag. 418.

Sophia Comitissa de eadem cella pag. 450.

Litteræ quibus Domnus Abbas Odelricus sancti
Michaëlis ad Mosam apud Apostolicum Urbanum
II. impetravit ut sepultura circa hanc Ecclesiam
constitueretur. pag. 453.

Auctoritatis apostolicæ rescriptum. pag. 454.

Placitatio inter Abbatem Lanzonem sancti Mi-
chaëlis & Abbatissam Ioviniaci. pag. 454.

Privilegium Innocentii. II. de Ecclesia Tyriaci.
pag. 458.

Ex chartulario ejusdem monasterii S. Michaëles.

Epistola Thomæ quondam Abbatis Maurignia-
centis ad sanctum Bernardum Abbatem Clareval-
lensem. pag. 459.

Ex codice 1005. bibliotheca Colbertina.

Litteræ Manegaudi Abbatis S. Michaëlis de re-
novanda memoria Ducis Volsaudi. pag. 463.

Monachorum S. Michaëlis querimonia ad Ar-
chiepiscopum Trevirenses de injuriis Comitis
Rainaldi Barrensis. pag. 464.

Litteræ Victoris Antipapæ ad Albertum Episco-
pum Virdunensem. pag. 465.

Ex chartulario ejusdem monasterii.

Alexandri III. epistolæ duæ pro Ecclesia Albien-
si. pag. 466.

Epistola Innocenti III. pro eadem Ecclesia. pag.
467.

Pelagii Cardinalis sanctæ Cæcilie epistola ad
Guillelmum Episcopum Albiensem. pag. 468.

Ex codice 2666. bibliotheca Colbertina.

Generatio Guillelmi Bastardi & quorundam alio-
rum magnorum. pag. 469.

Ex codice 2670. ejusdem bibliothecæ.

Epistolæ septem S. Anselmi Archiepiscopi Can-

- tuatensis? pag. 471.
- Avesgoti monachi Cenomanensis epistola ad sanctum Anselmum. pag. 477.
- Epistola Iohannis ad Anselmum. pag. 478.
- Ex codice 4195. ejusdem bibliotheca.*
- Hugonis de Cleeriis commentarius de majoratu & senescalcia Franciæ. pag. 479.
- Ex veteri codice MS. S. Albini Andegavensis.*
- Epistola Henrici II. Regis Angliæ de custodia abbatæ S. Iuliani Turonensis. pag. 486.
- Ex codice 2669. bibliotheca Colbertina.*
- Notitia de electione Abbatis Vossensis. pag. 486.
- Ex codice 3575. ejusdem bibliotheca.*
- Testimonia de indulgentia concessa Ecclesiæ sanctæ Mariæ de Portiuncula. pag. 490.
- Ex codice 5131. ejusdem bibliotheca.*
- Litteræ Ludovici IX. de fundatione Ecclesiæ Damiatæ. pag. 491.
- Ex codicibus 2669. 2670. ejusdem bibliotheca.*
- Ejusdem Ludovici litteræ de pensione concessa Episcopo Damiatano. pag. 495.
- Quoddam scriptum de vacatione Ecclesiæ Suesionensis, & de collatione præbendarum tempore regaliū. pag. 495.
- Ex codice 2670. ejusdem bibliotheca.*
- Litteræ Decani & Capituli Cenomanensis de petenda licentia eligendi. pag. 498.
- Ex codice 2669. ejusdem bibliotheca.*
- Epistola Capituli Valentini ad Archiepiscopos Narbonensem & Arelatensem. pag. 499.
- Ex authentico ejusdem bibliotheca.*
- Testamentum Raymundi de Cornilio Episcopi Cadurcensis. pag. 502.
- Ex archivo Ecclesiæ S. Marcelli juxta Montem-Albanum.*
- Litteræ Clementis VI. de episcopatu Ostiensis

collato Stephano Cardinali sanctorum Iohannis
& Pauli. pag. 508.

Ex codice 1562. bibliotheca Colbertina.

Epistola Lucii Colucii Salutati ad Nicolaum de
Auximo. pag. 510.

Ejusdem epistola ad Franciscum Bruni. pag. 511.

Ex codice 5121. ejusdem bibliotheca.

Ejusdem ad Karolum vi. Regem Francorum, no-
mine civitatis Florentiæ. pag. 516.

Ex codice 5122. ejusdem bibliotheca.

Philippi Archiepiscopi Arelatensis epistola ad
Capitulum ejusdem Ecclesiæ.

Ex codice 1921. ejusdem bibliotheca.

Sigismundi Pandulfi Malatestæ Principis Arimi-
nensis epistola ad Mahometum 11. Turcarum Im-
peratorem. pag. 524.

Ex codice 2665. ejusdem bibliotheca.

Epistola Sixti IV. ad Karolum Ducem Burgundiæ,
de Cardinalibus noviter factis, & de legatione
Bellarionis in Franciam pag. 527.

Ex authentico ejusdem bibliotheca.

Articuli Nominalium oblati Ludovico xi. Regi
anno 1473. pag. 531.

Ex codice 3849. ejusdem bibliotheca.

Opiniones sive signaturæ Doctorum Parisiensium
quarum fit mentio in superioribus articulis. p. 538.

Ex codicibus 624. & 2671. ejusdem bibliotheca.

Alcuini CARMINA ponenda in quodam codice
sacræ scripturæ. pag. 550.

Ex codice 4167. ejusdem bibliotheca

Vvalafridi Strabi de basilica condita à Bugge filia
Regis Angliæ. pag. 551.

Ex vteri codice MS. S. Albini Andegavensis.

Rhabani Mauri ad Heistulfum Archiepiscopum:
pag. 553.

Ex codice 416. bibliotheca Colbertina.

ΕΠΙΤΑΦΙΑ:

Flodoardi Presbyteri Remensis. pag. 557.

Ex codice veteri in quo poemata Flodoardi.

Theodori I. Episcopi Metensis. pag. 554.

Ex schedis V. C. Andrea Duchesnii.

Adalberonis II. Episcopi Metensis. pag. 554.

Ex codice 1682. bibliotheca Colbertina.

Gauzlini Archiepiscopi Bituricensis & Abbatis
Floriacensis. pag. 555.

Ex codice 697. ejusdem bibliotheca.

Vitalis Abbatis Savigniacensis. pag. 556.

Ex codice 4321. ejusdem bibliotheca.

Cononis Episcopi incertæ ætatis. pag. 556.

Ex codice 1577. ejusdem bibliotheca.

Carmen in laudem S. Anselmi Archiepiscopi
Cantuariensis. pag. 557.

Epicedion in obitum ejusdem. pag. 560.

Ex codice 4195. ejusdem bibliotheca.





STEPHANI BALVZII
MISCELLANEORV M
LIBER QVARTVS.

INCIPIT BEATI THEODORITI
de Trinitate.



ALV S autem est scientia existentis,
existentis verò scientia est Deus;
Deus autem est trinitas, cujus noti-
tiam verbum secundum similitudi-
nem nostram præter peccatum fac-
tum dedit dicens discipulis: *Euntes*

*docete omnes gentes baptizantes eos in nomine patris &
filij & spiritus sancti.* Tres subsistentias live personas
ostendit dicens in patrem & in filium & sanctum
spiritum. Propterea enim pater est & non filius ne-
que spiritus, & filius est & neque pater neque spi-
ritus, & spiritus sanctus est & neque pater neque
filius. Manifestavit autem se sancta trinitas in Ior-
dane patre testante, filio baptizato, sancto spiritu
in columbæ specie descendente. Et pater non erat
qui baptizabatur, sed filius. Qui verò desursum te-
stabatur, non erat filius, sed pater. Et qui in specie

columbæ descendit, non erat filius qui baptizabatur, neque pater qui de excelsis clamabat, sed spiritus sanctus. Pater enim ab excelsis clamabat, *Hic est filius meus dilectus in quo bene complacui*, latens verbum propter incarnationem ostendens. Filius autem est incarnatum verbum, & à Iohanne baptizatus. Et spiritus sanctus propriam habens substantiam, descendens ostendebatur in specie columbæ, & permanens super eum.

Contra Sabellium, ejusdem beati Theodoriti.

ARguitur itaque insensatus Sabellius, qui sensu Iudaïco asserit monarchiam intelligendo & sapiendo patrem non verè patrem, & filium non verè filium, & spiritum sanctum non verè spiritum sanctum, sed nomina solummodo sine subsistentijs, tria in una persona conjiciens. Ut autem clarè intelligatur, exemplo quodam tene istius patefaciamus sensum. Ait enim trinitatem non verè trinitatem personarum subsistentium esse nomen Petrus, in baptismo verò Andreas, & in militia Thomas, sed non verè trini hujusmodi trinitas est, nomen verè solummodo trinitas & non rerum est. Res autem verè subsistens est pater, ex quo omnia, & res verè subsistens filius, per quem omnia, & res verè subsistens spiritus sanctus, in quo omnia. Propter tres subsistentias tres res, & propter unam eandemque naturam una eademque res. Omnia ergo quæcunque facta sunt, à sancta trinitate habent essentiam, & in ea consistunt. Verbo enim domini, hoc est patris, cæli firmati sunt, & spiritu oris ejus omnis virtus eorum. Dominus autem pater, Dominus autem & filius, & Dominus verò & spiritus sanctus. Commune namque trium perso-

narum est Dominus & Deus. Deus enim Deus tuus dominus unus est. Adtende quod dicitur. Vnus Deus substantia atque natura, tres verò personæ. Non alterius naturæ pater, & alterius filius, & alterius spiritus sanctus, sed una natura atque substantia. Nam & animalia rationalia sex alas habentia dicendo *sanctus sanctus sanctus Dominus*, in trinitate personarum prædicant unitatem. Vnitas enim in trinitate cognoscitur; in unitate trinitas una, deitas una, & virtus una, & regnum unum. Quod vult pater, vult & filius, vult & spiritus sanctus. Trinitas autem, quia pater filij subsistentis pater est, & filius subsistentis patris est filius, & spiritus sanctus subsistens est ex patre procedens & per filium datus. Adversus Atrium impium. Sed necessarium quidem est ut tres subsistentias confitendo, malam sectam Arrii fugiamus. Contraria enim Sabellio Iudaizanti pergens viam, & fugiens monarchiam, in multorum deorum paganicam inruit opinionem, subsistentias sanctæ trinitatis in unam deitatis substantiam non intendens, sed naturas & substantias extraneas subiectas alterutris Deum magnum definiens & parum & minimum. Fuge insensibilitatem. Fugiens enim rem incongruam, incongruentius advenit. Introduxit enim sine fœdere prælium sanctæ Ecclesiæ, Dei filium minorando. Respice itaque quomodo Sabellius quidem fugiens Arrium Iudæus est factus, quomodo autem Arrius Sabellium fugiens paganus effectus est. Ille siquidem uniprincipium, hic verò multiprincipium alligavit. Est autem media & verè regalis via, & ab hoc & ab illo abstinere. Ait enim: *Non declinabis ad dexteram aut sinistram. Via regali perge.* Regalis autem via est, ut neque Sabellij continuatio velut confusio suscipiatur, neque Arrii divisio, sed credantur tres quidem substantiæ si-

ve personæ, non autem una trinitatis subsistentia secundum Sabellium, & una substantia seu natura consiteantur, & non tres naturæ secundum Arrium. Quia verò incerta sunt ignorantibus quæ dicuntur, quod est natura & substantia seu persona vel subsistentia, necessarium est de his breviter explanare. Ineruditè namque multi se habentes delinquant circa sanctam trinitatem & circa incarnatam dispensationem unius de trinitate Dei verbi, nescientes quid est natura & substantia, & quid est subsistentia atque persona. Natura & substantia in nullo significativorum differunt nisi nomine. Natura enim substantia est. Substantia & natura in nullo significativorum differunt nisi nomine. Substantia enim persona est. Sed natura quidem & substantia hoc quod est communè significant. Persona verò & ^a substantia quod proprium significant. Velut una & communis omnium hominum natura est atque substantia, subsistentia verò & persona uniuscujusvis hominis proprium. Et non quoniam innumerabiles personæ & subsistentiæ sunt hominum, propterea innumerabiles & naturæ sive substantiæ. Una namque & eadem substantia atque natura apud homines, & non altera est. Et rursus non quoniam una & eadem natura atque substantia omnium hominum est, propterea una est sola persona seu subsistentia omnium hominum. Scimus enim diversas personas hominum, & non unam. Petrus enim & Iacobus & Iohannes unum quidem natura & substantia, secundum quod homines sunt, non autem unum subsistentia vel persona. Proprium enim sunt singuli. Petrus enim non est Iacobus aut Iohannes. Similiter autem & horum singuli non sunt quod alius.

^a SUBSISTENTIA.] Ita codex Corbeiensis Bellovacensis & heic & in omnibus ferme locis sequentibus habet *substantia*.

Propria enim est uniuscujusvis persona seu substantia. Idem autem immutabilitate naturæ sive substantiæ. Quod enim est Petrus natura, hoc & Iacobus & Iohannes. Quod autem est Petrus substantia, neque Iacobus neque Iohannes est. Alter enim est Petrus, & alter Iacobus, alterque Iohannes. Probatum est igitur quoniam non idem est natura & substantia, neque idem substantia atque persona. Idem autem natura & substantia quod commune non proprium significat, & idem persona & substantia quod proprium & non commune declarat. Educati siquidem & sicuti dicunt exemplum secundum hominem sumentes ascendamus ad ratiocinationem divinam sanctæ trinitatis universa transilientis. Nihil enim naturarum æquabitur creatori, licet aliquod eorum quæ sunt facta sumatur exemplum propter brevitatem nostram in terra jacentium & erudientium velut per quasdam imagines. Ait enim cantiloquus : *Etiam in ima inambulet homo, non ut consistat usque in hoc, sed jactulatur mente à sensibilibus ad intelligibilia.* Sanctæ igitur trinitatis una quidem est natura atque substantia. Commune est enim trium substantia, non autem una substantia seu personarum patris & filij & spiritus sancti tres substantiæ. Oportet igitur desiderantem spirituales divitias & volentem Christianorum dogmata vindicare, rerum non ignorare propriè esse, ne fortè aliud pro alio intelligens circa dogmata peccet. Qui enim naturam & personam idem esse intelligit, aut in Arrij divisionem incidit, aut in confusionem Sabellij. Arrius enim tres substantias dicens, tres etiam dicit naturas. Sabellius autem unam naturam dicens, unam dicit & substantiam. Idem ergo duæ hæreses sunt perpessi, quoniam naturam & substantiam idem esse putaverunt, licet contrariæ alterutris dogmatibus esse

videantur. Sancta verò Ecclesia optimè dogmata à principio servans, certissimè novit causas discernere, unam dicens sanctæ trinitatis esse naturam, non unam substantiam, sicut Sabellius, sed tres quidem dicens substantias, non tres naturas, sicut Arius. Et unam naturam novit, quod commune est, substantiam verò non unam, quod proprium. Dicendo enim unam naturam, indivisibilitatem prædicat trinitatis. Dicendo autem tres substantias, inconfusibilitatem trinitatis agnoscit. Multi autem Ecclesiæ filiorum propter reverentiam seu formidinem discere declinantes, ex ignorantia peccant circa trinitatem & circa incarnatam dispensationem. Christianissimus autem verè est scientia inenarrabilis sanctæ trinitatis per hanc sanctam scientiam ab ignorantia liberatur. Homo gratia filius Dei vocatur, detergens maculas peccatorum per opera bona, ex quibus præcipuè purgata mens fit susceptibilis sanctæ trinitatis & unitatis. Trinitatem namque personarum substantiarum hujusmodi mens id est & in patre & filio & spiritu sancto suscepit: *Venimus enim*, inquit trinitas, *& mansurem faciemus apud eum*. Vbi enim filius, ibi & pater & sanctus spiritus. Sit autem nobis in exemplo homo ad imaginem Dei & similitudinem factus. Servat enim in semetipsum tamquam imago ejus cujus est imago similitudinem. Sed inferior est tamquam factura & creatura. Non alienus autem à Dei cognitione est, licet non existentibus donante creatore. Intellectus autem & iste secundum interiori hominem non extra rationem gentibus. Namque est intellectus rationis. Sed neque extra spiritum. Est enim intellectus intelligens & ratiocinatrix & spiritus palam faciens & contemplatur & substantia tria proprietatibus. Mens enim seu intellectus pater verbi habet enim verbum proprium in

abscondito unà cum spiritu proprio. Movetur enim & ratiocinatur mens in spiritu. Mens autem aliud est præter rationem, Et iterum ratio non est mens, secundùm quod ratio est. Sed singula singulatim cognoscuntur. Inseparabilia verò sunt horum singula naturaliter. Vna enim substantia. Sed non, quoniam una substantia, una quoque proprietas. Non enim, quoniam tres proprietates, tres quoque substantiæ. Non enim erant tria unum, si tres essent substantiæ; neque unum tria, si una proprietates. Ascende jam sumens scabellum nostrum exemplum ad illam mentem quæ ultra omnia est, qui vere pater est & verbum. Ibi enim verè est unitas trinitatis, & trinitas præ est unitatis. Propterea enim pater existens subsistentia, inseparabiliter habet filium & spiritum. Et filius filius existens subsistentia, inseparabiliter habet patrem & spiritum. Et spiritus sanctus spiritus existens subsistentia, inseparabiliter habet patrem & filium, Et separatur unumquodque, & non separatur. Secundùm quod separatur subsistentijs, verè trinitas. Secundùm quod non separatur substantia, verè unitas est. Qui autem hujus favi suavissimi gustum non habent, divinæ ratiocinationis inexpertes existentes, inlusi humano spiritu, tamquam animales, non suscipiunt quæ spiritus Dei sunt. Stultitia enim eis est, & scire non possunt. Aiunt enim. Si tria, quomodo unum, & si nuum, quomodo tria, incongrua ratione unum percipientes & tria. Si unum enim, inquit, ^a una subsistentia, & non tres; si verò tria, tres omnimodis substantiæ, & non una. Non enim possibile est, inquit, unum esse tria, neque rursum tria unum. non contemplantes subtilissimis sensibus ^b scelestissimam scientiæ profun-


^a VNA] Codex Bellovac. *dua*.

^b SCELESTISSIMAM] Legendum, *excellentissimam*.

ditatem. Secundum quid unum tria & quid tria unum, secundum quod immutabiliter habet ad semetipsam trinitas una natura existens, propter hoc unum trinitas. Porro secundum quod non una persona sed tres trinitas, verè est unitas, trinitas personis non substantia, & unitas substantia non personis. Secundum aliud verò trinitas, trinitas, & secundum aliud unitas, unitas est. Alius enim & alius & alius. Tres enim subsistentiæ. Non autem aliud & aliud & aliud. Vna enim natura atque substantia est. Clarè verò ostendit semetipsam veritas credentibus. Invenitur enim ab eis qui non tentant eam, & apparet non discredentibus sibi.

Explicit beati Theodori de trinitate.





HVGONIS FLORIANENSIS

TRACTATVS

DE REGIA POTESTATE

ET

SACERDOTALI DIGNITATE.

*INCIPIT PROLOGVS HVGONIS**de sancta Maria monachi sancti Benedicti Florianensis monasterij in libro de regia potestate & sacerdotali dignitate.*

HENRICO Anglorum Regi gloriosissimo frater Hugo monachorum omnium extremus, sanctissimi Benedicti Florianensis monachus, pacis perpetuæ munus. Considerans, Domine Rex, discrimen discordiæ in quo sancta versatur Ecclesia de potestate regia & sacerdotali dignitate, quas quidam ab invicem secernunt & dividunt, libellulum istum pia cura & fraterno compunctus amore condere statui, quò contentio hæc aliquatenus sopiatur, & error qui longè latèque diffunditur, pariter mitigetur, error inquam illorum qui sacerdotalem dignitatem à regia dignitate temerè secernentes, ordinem à Deo dispositum evertunt, dum opinantur se scire quod nesciunt. Putant enim quòd terreni regni dispositio non à Deo sed ab hominibus sit ordinata sive disposita. Et ideo sacerdotalem dignitatem

majestati regię præferunt, cùm ei subesse ordine, non dignitate, debeat, sicut præsens libellulus declarabit. Erroris igitur hujus depulsa tenebrosa caligine, forsitan divinis dogmatibus & verbis rationabilibus adquiescent. Error quippe non tantùm in majoribus, sed etiam in rebus minoribus est vitandus. Error autem nihil aliud est quàm putare falsum quod verum est, & verum quod falsum est, vel pro incerto verum habere, seu à rationis tramite deviare. Illi verò qui suo furori tantummodo satisfacere cupientes, rerum ordinem, quem Deus disposuit, student pervertere, sacrilegij crimen incurrunt, & Pharisei meritò nuncupantur. Nam ideo noster conditor & salvator Dominus Iesus Christus Rex simul & Sacerdos sacro-sancto ministerio vocari dignatus est ut nobis ostenderet quanto fœdere vel affinitate Rex & Sacerdos sibi invicem debeant convenire. Indissociabile enim est quod in unitate conjungitur. His nempe potestatibus invicem dissidentibus & confligentibus, pax dissolvitur, & Ecclesia, quam ipse Christus suo sanguine redimere dignatus est, infelicitèr perturbatur. Proinde, Domine Rex, idcirco vobis opus hoc assignare vel dedicare decrevi, ut auctoritatis vestræ privilegio confirmetur & corroboretur, & per loca plurima dispergatur, vel si fuerit inutile, distrumpatur. In hac etiam re sequor antiquorum virorum vestigia, qui sua studia olim Regibus imbutis litterarum studijs præsentabant. Precor denique excellentiam celsitudinis vestræ ut illud & seorsum & cum viris sapientibus, qui vobiscum sunt, retractetis & diligenter examinetis, & ut quæcunque in eo confutanda videritis, detegere satagatis. Scio enim quia ab his qui rerum ordinem sua temeritate conantur evertere, non solùm damnabitur, sed etiam conspuetur, vel eò quòd ab eorum senten-

tia deviare videtur, vel ideo quòd rem propositam explanare rusticano sermone videtur. Nani cœcis corde plerunque sua, prohi dolor, cœcitas atque temeritas placet. Veruntamen precor eos per eorum magnificentiam ne eis sordescat meum rusticorum eloquium, sed malint veros quàm disertos audire sermones. Ceterùm scio quia tutius veritas auditur quàm prædicatur. Vnde nunc deprecor omnes venerabiles Præsules & reliquos sanctæ Ecclesiæ Prælatos & Clericos simul sensatos. qui hæc lecturi sunt, ne me præsumptorem judicent aut temerarium, quasi ego eos in cathedris sedentes & divinæ philosophiæ arcana scientes superbè coner instruere. Non quæso ita existiment, sed hæc piè & æquanimiter legant atque suscipiant. Opto enim ut & ipsi omnes venerabiles patres & domini mei cotidie proficiant in Christo Iesu Domino nostro, & ut Ecclesiæ sanctæ corpus eorum temporibus ordine congruo dispositum corroboretur, & firmo pacis fœdere jugiter perfruatur. Vos autem, Domine Rex, Deus omnipotens sua gratia per longa temporum curricula nobis sanum & incolumen conservare dignetur. Amen, *Explicit prologus.*





INCIPIT LIBER.

CAPVT PRIMVM.

Quòd non sit potestas nisi à Deo.

SCio quosdam nostris temporibus qui Reges autumant non à Deo sed ab his habuisse principium qui Deum ignorantes, surperbia, rapinis, perfidia, homicidijs, & postremò uniuersis penè sceleribus in mundi principio diabolo agitante supra pares homines dominari cœca cupiditate & inenarrabili affectauerunt præsumptione vel temeritate. Quorum sententia quàm sit frivola liquet apostolico documento, qui ait: *Non est potestas nisi à Deo. Quæ enim sunt, à Deo ordinate sunt.* Constat igitur hac sententia quia non ab hominibus, sed à Deo, potestas regia in terris est ordinata siue disposita. Ipse quippe primum hominem in mundi statim primordio dote sapientiæ præmunitum omnibus mundi præposuit creaturis. In qua re ei subtiliter intumavit unum esse totius creaturæ cœli & terræ Regem ac Dominum, cui illa jure cœlestis curia, quæ supra nos est, certis distincta gradibus & potestatibus militat & obaudit. Et ut hoc etiam pariter in nostri forma corporis agnoscamus, videmus omnia nostri corporis membra capiti subjacere. Omnia inquam humani corporis membra capiti esse subiecta atque subposita positione simul & ordine patet. Vnde nobis liquidò claret Deum omnipotentem non solum humanum corpus varijs

membrorum distinxisse lineamentis, sed & totum mundum certis gradibus ac potestatibus, sicut illa cælestis curia cognoscitur esse distincta, in qua ipse solus Deus pater omnipotens regiam obtinet dignitatem, & in qua post ipsum angeli, archangeli, throni, & dominationes, & quæque ceteræ potestates sibi invicem præesse mirabili & modesta potestatum varietate noscuntur. Alia tamen est persona patris, & alia filij, & alia spiritus sancti. Sed pater & filius & spiritus sanctus unus est Deus. Veruntamen pater solus de alio non est, filius verò de patre natus est. Patris tamen & filij, sicut jam dictum est, est una divinitas & una majestas. Vnus inquam est Deus pater, à quo omnia, & à quo filius, per quem omnia; ut ejus principij auctoritas in omnibus conservetur, & in tribus personis una deitas adoretur.

CAPVT. II.

Quòd sicut caput in corpore, ita Rex in regno suo principatum debeat obtinere.

IN mundo quoque Deus unum formavit hominem, à quo postmodum omne genus humanum traxit originem. Proinde sicut de Deo patre natus est Deus Dei filius, ut per ipsum omnis fieret creatura, ita & de viro formata est mulier, per quam fieret omnis humani generis genitura. Non est inquam mulier de viro nata, sed facta; quia non poterat de simplici corpore nasci. De patre verò Deo natus est Deus Dei filius ineffabiliter & incomprehensibiliter, utpote spiritus de spiritu, Deus de Deo, ut per ipsum omnis fieret creatura. Mulier

verò facta est de viro, ut per eam nativitas oriretur. Vnius tamen substantiæ vir & mulier est; sed gradu major est vir, quia ex viro mulier, sicut testatur Apostolus dicens: *Caput mulieris est vir*. Vnius etiam substantiæ pater & filius est; sed ordine, non natura, pater major esse cognoscitur, Paulo teste, qui ait: *Caput Christi Deus*. Nam, sicut jam præmissum est, pater à nullo est, filius verò de patre est, ut summæ trinitatis essentia in unitate deitatis adoretur & veneretur. Principales etiam potestates, quibus hic mundus regitur, duæ sunt, regia & sacerdotalis: Quas duas potestates in sua sola persona ipse Dominus Iesus Christus sacrosancto mysterio gestare decrevit, qui Rex simul est & Sacerdos. Rex, quia nos regit. Sacerdos verò, quia nos sui corporis immolatione à peccatorum nostrorum sordibus emundavit & patri suo reconciliavit.

CAPVT III.

*Quòd Rex Dei patris imaginem obtineat,
& Episcopus Christi.*

Veruntamen Rex in regni sui corpore patris omnipotentis obtinere videtur imaginem, & Episcopus Christi. Vnde ritè Regis subiacere videntur omnes regni ipsius Episcopi, sicut patri filius deprehenditur esse subiectus, non natura, sed ordine, ut universitas regni ad unum redigatur principium. Cujus mysterij sacramentum in Exodo Dominus evidenter aperit, ubi ad Moysen dicit: *Eecce constitui te deum Pharaonis, & Aaron erit Propheta tuus*. Porro Moyses in Hebraico populo Regis

Imaginem, & Aaron Sacerdotis obtinuisse visus est. salva alia sancta sacramenti significatione. Vnde ipse Moyſes ſacroſancto myſterio tabernaculum ædificat atque ſanctificat, & Aaron conſecrat, & populo legis diuinæ decreta proponit, & Aaron in virga quam ei tradiderat Moyſes operatur ſigna & prodigia coram Pharaone & optimatibus ejus.

CAPVT IV.

De officio legitimi Regis.

Regis igitur miniſterium eſt populum ſibi ſubjectum ab ore corrigere & ad æquitatis atque juſtitie ſemitam revocare. Vnde etiam in libro Iudicium reperies quia antequam Regem haberent filij Iſraël, Ionathas filius filij Moyſi, cum inter Leviras deputatus eſſet, præſumpſit ſibi ſacerdotium: *Quia unusquisque*, inquit, *ſibi placita faciebat, eò quòd non eſſet Rex in Iſraël.* Ex quibus verbis liquidò patet quia ubi Rex non eſt qui populum regat & à temeritate revocet & abducatur, totum regni corpus vacillat. Vnde ille Rex merito vocitatur qui mores ſuos competentèr regere & ſibi ſubjectos bene novit modificare. Ideo inquam Deus omnipotens ceteris hominibus Regem, cui cum eis una naſcendi moriendique conditio eſt, protuliſſe cognoscitur ut & ſuo terrore ſibi ſubjectum populum à malo coërceat, & ut ad rectè vivendum legibus ſubdat. Vnde per terrenum regnum sæpe cæleſte proficit, dum quod ſacerdos non prævalet efficere per doctrinæ ſermonem, regia poteſtas hoc agit vel imperat per diſciplinæ terrorem. Populus enim Regis metu facile corrigetur.

Rex verò nisi solo Dei timore & metu gehennæ ab injusto ramite minimè deterretur. Debet tamen semper animo recolere illud viri sapientissimi dictum : *In majori fortuna minor licentia est.* Ipse etiam sibi subiecto populo debet semper magis proficere quàm nocere. Verumtamen secundùm meritum subditorum tribuuntur plerumque personæ regentium ; & ita nonnunquam sibi invicem connectuntur merita subditorum atque rectorum ut ex culpa rectoris fiat deterior vita subditorum , & ex meritis subditorum mûterûr vita rectorum. Sed sic Deus omnipotens & Dominus universæ creaturæ suam ordinavit creaturam ut & de bonis & de malis bene faceret. De bonis inquam & de malis bene facit Deus , qui omnia justè facit atque disponit. Et sic fit ut & malus angelus & malus homo divinæ militent providentiæ , licèt nesciant quid boni de illis operetur divina providentia vel voluntas. Porro ipsius voluntas , etiam cùm mala interrogat , iusta esse dinoscitur. Et quia iusta est , mala non est. Et quod bene fit , justè fit. Ita inquam non tantùm omnes homines , sed etiam omnis creatura in genere suo & in ordine suo divinæ providentiæ legibus subditæ sunt , ne aliquid injustum possit accidere creaturæ. Quod ostendit evangelista , ubi ait : *Nonne duo passeres a se veniunt , unus eorum non cadit in terra sine voluntate patris vestri.* Igitur liquet hoc documento illud etiam quod homines in terra vilissimum putant , Dei omnipotentia gubernari. Sed quia mundas & rationabiles animas ipse per se Deus specialiter curat atque gubernat , sive per optimos angelos , qui administratorij spiritus sunt , propter eos qui hereditatem sunt percepturi , sive per homines tota sibi voluntate servientes , cetera verò per pravos disponit atque gubernat , verissimè illud ab Apostolo dici potuit quod scriptum est :

est *Numquid de bobus cura est Deo?* Itaque Rex bonus hominibus datur Deo propitio, & prauus Deo irato, sicut ipse per Prophetam testatur Israëlítico populo dicens: *Dabo, inquit, tibi Regem in furore meo.* Et in alio loco. *Regnare permittit*, inquit, *Deus hypocritam propter peccata populi.* Quapropter tolerandi sunt à subditis quique Reges ac Principes, nec est eis à quoquam temerè resistendum, ne dum eorum iniustitia reprehenditur, ipsa magistræ rectitudinis humilitas amittatur. Ita, inquam, à subditis circa Reges & Principes est tenenda via rectitudinis & humilitatis ut ita reprehensibilia suorum rectorum facta despiciant quatenus eorum mens à prælatorum reverentia non recedat. Quod bene boni filij Noë tunc fecisse leguntur cum veneranda ipsius avertis vultibus velare studuerunt. Quos imitantur subditi quique quibus sic præpositorum suorum mala displicent ut tamen hæc ab alijs occultent. Qui etiam tunc averse operimentum deferunt quando judicantes factum, & venerantes magistrum, nolunt videri quod regunt. Hanc etiam formam humilitatis & mansuetudinis Dominus noster Iesus Christus in terris positus nobis evidenter ostendit, cum Herodem Regem truculentissimum humiliter evitavit. Nam illum volebat sua illa nimirum potestate perimere qua ad se adorandum Magos à longinquis regionibus dignatus est evocare. Ipse etiam postmodum sævientes in se principes sacerdotum sæpe sua mansuetudine declinavit, & leprosis iussit ut juxta legis decreta se eis ostenderent, quamquam sciret eos indignos dignitate sacerdotali, ne eis præjudicium facere videretur. Honorandi etiam sunt omnes qui in potestate positi sunt ab his quibus præsunt, etsi non propter se, vel propter ordinem & gradum quem à Deo acceperant. Sic enim jubet Apostolus dicens:

Omnibus, inquit, potestatibus sublimioribus subditi estote. Non est enim potestas nisi à Deo. Quæ enim sunt, à Deo ordinatæ sunt. Ipse nempe, sicut jam superius ostensum est, per pravas malorum hominum voluntates expleere nonnunquam consuevit suam æquam ac justissimam voluntatem, sicut per Iudæos malevolos, bona voluntate patris, Christus pro nobis occisus est. Quod scientes atque credentes, & præceptum Apostoli pariter observantes, etiam gentiles in potestate positos honoramus, & mala quæ nobis ingerunt æquanimiter toleramus, ne Deo injuriam facere videamur, qui illos ordinis titulo super homines extulit atque sublimavit, licet illi indigni sint ordine quo fruuntur. Nam & Reges reprobos divinis revelationibus cernimus honoratos. Pharaoni nempe futuræ famis somnium divinitus est revelatum. Et Nobuchodonosor, multis astantibus, filium Dei in camino ignis solus inter tres pueros legitur agnovisse. Caïphas quoque sceleratissimus Pontifex prophetasse cognoscitur evangelico documento, non utique merito suo, sed ordinis sacerdotalis gratia, qua Dei justo certoque fruebatur iudicio. David etiam Saulem Regem, quem à Deo sciebat esse reprobatum atque depositum, honorificavit, ita ut in illum extendere manum nequaquam præsumeret, cum eum Deus suis manibus tradidisset. Multis enim annorum curriculum ipse Rex Saul, patientia Dei supportante, qua peccatoribus examinis sui dignam censuram inferre plerumque detrectat, regalis officij obtinuit dignitatem; postquam a Deo propter suam superbiam & inobedientiam meruit reprobari. Et cum jam illum Deus, sicut legitur, reprobasset, Samuel Propheta sanctissimus oraculo divino profectus est in Bethleem ad domum Iesse, non manifestè, sed occultè, ut videretur Regem metuere,

quando David in Regem inunxit. Quid de Helia Propheta sanctissimo dixerim, qui Aab Regem & uxorem ejus Iezabe lcontra se furentes fugiendo maluit declinare quàm eis aliquam molestiam inferre? Non enim eum pœna latebat quæ legis divinæ transgressoribus imminebat. Sed malum, quod eis eventurum quandoque sciebat, patienter expectate quàm eos aliquo pœnarum detrimento lædere gestiebat. Declinavit igitur sapienter vir sanctissimus Regis sævi tyrannidem & uxoris ejus stultani & ineptam proterviam. In manu quippe Dei est & superbos de sublimi sede deponere & humiles quosque ad culmen dignitatis erigere. Oportet denique, sicut præcipit Apostolus, ut omnis anima sublimioribus potestatibus subdita sit, & ut reddantur omnibus omnia quæ salvo Domini nostri Dei cultu Principibus redduntur. *Obscero*; inquit; idem Apostolus, *primum fieri deprecationes & orationes pro Regibus & omnibus qui in sublimitate positi sunt, ut securam & tranquillam vitam agamus, cum omni pietate & caritate.* Præcipit etiam ut quicumque sunt sub jugo servitutis, dominos suos omni honore dignos arbitrentur, & ut qui infideles habent dominos, eos non contemnunt, sed magis eis serviant; quia fideles sunt, propter eum qui eos illis subjecit, scientes quia, sicut aliàs idem Apostolus dicit, omnis prævaricatio & inobedientia accipit dignam mercedis retributionem. Cujus subjectionis & humilitatis exemplum ipse per se Dominus Iesus Christus nobis tradere visus est, cùm pro capite suo Cæsari tributum solvere non dedignatus est. De hac etiam mansuetissima servitute quidam sapiens perhibet dicens quia justus liberaliter, injustus verò compeditus servit. Pro illis denique orare, non eis contumeliose resistere, præcipimur; sicut Samuel orasse legitur pro Saule, qui

tamen exauditus non est. Iam enim Dei iusto iudicio Rex ille superbus & impœnitens reprobatus erat. Quapropter orare pro Regibus divinæ legis transgressionibus sancta consuevit Ecclesia, quia patet sancta lectione librorum plurimos sanctos viros oratione pura tyrannos vicisse, & plures hostes sæpe almis precibus quàm armis fuisse. Nam Moyses orabat, non dimicabat, quando divisum est mare, & per medium ejus populus transmeavit, Pharaon verò cum curribus & equitibus suis demersus est in fluctibus ipsius. Nihil enim ipse Moyses contra Pharaonem nisi solam virgam levavit. Amalech denique victus est cùm Moyses manus ad Deum levaret. Secrarum etiam tubarum sonitu muri Hierico cecidere. Sed & Rex Ezechias non armis se sed cilicio induit, & pro galea cinere caput textit, quando Sannacherib Rex Assyriorum adversus eum multis vallatus satellitibus venit. Verùm Ezechia Regis mitissimi oratio ad Deum ascendit, & in castris Sennacherib superbissimi angelus descendit, qui de ejus exercitu octoginta quinque millia virorum interfecit. Quis hæc & ejusmodi prodigia considerans non admiretur & non intelligat pravis Regibus spiritalibus potiùs orationibus quàm armis carnalibus resistendum! Proinde sanctus Ambrosius Mediolanensis Episcopus, cùm ei Iustina Imperatrix Arrianorum faulrix multas pro defensione fidei catholicæ inferret injurias, non illi studuit armis violenter resistere, sed ejus ferocitatem continuis id est diurnis & nocturnalibus orationibus refrænare. Nam armis Præsulem quemlibet contra Regem vel Imperatorem contendere, & sacra loca ac Deo dicata humano sanguine polluere, nefarium & temerarium est. Quod Dominus Iesus Christus salvator & conditor noster tunc manifestissimè docuit cùm Petrus Apostolus gladium suum extrahens, Ponti-

ficis servum apprehendit, & ejus auriculam amputavit. Ait enim illi : *Converte gladium tuum in vaginam Omnes enim qui acceperint gladium, gladii peribunt.* Ac deinde : *An putas quia non possum rogare patrem meum, & ex h'bebit mihi modo plusquam duodecim legiones angelorum?* Vnde illi qui nan zelo Dei, sed sua temeritate vel arrogantia potestati resistunt, Deo rebellare videntur, qui dixit : *Per me Reges regnant & Principes dominantur.* cujus judicia, etsi manent occulta, nunquam tamen sunt injusta. Illis, inquam, armis temerè resistere aut eis aliqua fraude interitum machinare nullatenus sancta consuevit Ecclesia, revolvens illud præceptum dominicum quo suis fidelibus ait : *Mihi vindictam, & ego retribuam.* Non enim qui bonus permanet polluitur si malo societur; sed qui malus est, in bonum vertitur; si boni exempla sectetur. Patienter etiam nos Dominus quotidie peccantes expectat, dans nobis spatium pœnitendi, ut nostram patientiam exerceat & informet suo exemplo, quo noverimus quantum nos oporteat tolerare malos, cum ignoremus quales futuri sunt, quando illis parciit & finit eos vivere quem nihil futurorum latet. Vnde si contigerit rebelles pro hac contumacia mori, nequaquam de martyrij nomine gloriatur, qui furum more merito supplicio condemnantur. Verùm ad malum perpetrandum nullus potestatibus debet adhibere consensum : quia si illis debetur à Christi cultoribus terrena militia, Deo debetur innocentia. Vnde si fortè coactus fuerit aliquis Christianus ut aut eis obediendo justitiæ vel innocentiae regulam infringat aut quamlibet pœnam aut mortem pro contemptu hujusmodi solvat, eligat Deo fidelis anima magis fugitivam vitam amittere quam reatum peragere, recolens illud quod in evangelio scriptum est : *Notite timere*

eos qui occidunt corpus, animam autem non possunt occidere; sed potius eum timete qui potest & animam & corpus perdere in gehennam. Adulatores vero Regum ac Principum, eos videlicet qui pro terreno commodo eorum pravitates suis laudibus efferunt, detestatur sancta scriptura, quæ ait: *Vae qui dicunt bonum malum & malum bonum.* Et alibi: *Nemo potest Deo servire & mammonæ.* & cetera quæ sequuntur in eodem capitulo. Quomodo autem à fidelibus Regibus & potestatibus serviatur, Dominus ostendit, ubi dicit: *Reddite quæ sunt Cæsaris Cæsari, & quæ sunt Dei Deo,* id est. Regi vel Principi terrenam jubet reddi militiam & honorificentiam, & Deo servare mentis & corporis inviolabilem puritatem.

CAPUT V.

De electione Episcopi.

Igitur Rex instinctu spiritus sancti potest, sicut existimo, præsulatus honorem religioso Clerico tribuere. Animarum verò curam Archiepiscopus debet ei committere. Quæ discreta consuetudine usi sunt quondam quique Christianissimi Reges & Principes in promovendis viris ecclesiasticis atque sanctissimis usque ad hæc tempora nostra. Clericus verò ille religiosus videtur existere quem amor pecuniæ minimè vexat, nec reprobi mores aut conversatio reprehensibilem reddit vel contemptibilem. Vbi verò eligitur Episcopus à clero vel populo secundum morem ecclesiasticum, nullam vim ac perturbationem eligentibus ratio prohibet. Rex per tyrannidem debet inferre, sed nominationi legitimæ suam adhibere consen-

sum. At si reprehensibilis ille qui eligitur fuerit inventus, non solum Rex, sed nec plebs provinciae debet electioni ipsius suum assensum favoremque tribuere, sed etiam crimina, quibus ille detestabili maculatur infamia, voce publica denudare, ut vel hac contumelia eligentium temeritas comprimatur. Post electionem autem, non annulum aut baculum à manu regia, sed investituram rerum secularium electus antistes debet suscipere, & in suis ordinibus per annulum aut baculum animarum curam ab Archiepiscopo suo, ut negotium huiusmodi sine disceptatione peragatur, & terrenis & spiritualibus potestatibus suae auctoritatis privilegium conservetur. Quod si regulariter fuerit conservatum, implebitur illud quod salvator noster in evangelio praecipiens dixit: *Reddite quae sunt Caesaris Caesari, & quae sunt Dei Deo.* nec fluctuabit res firmiter & ordinabiliter stabilita, & procul aberit ab Ecclesia sancta magnus tribulationum acervus. Rex enim, sicut jamdudum praemissum est; De patris obtinere videtur imaginem, & Episcopus Christi. Quamvis ipse Dominus Iesus Christus in evangelio suis discipulis eorumque sequacibus dicere videatur: *Non vos me elegistis, sed ego elegi vos, & posui vos ut eatis & fructum afferatis & fructus vester maneat; & ego dispono vobis sicut disposuit mihi pater meus regnum.* regnum videlicet sanctarum animarum, non regnum seculi huius, sicut ipse passionis suae tempore Pilato testatus est dicens: *Regnum meum non est de hoc mundo.* Nam, sicut scribit ad Timotheum Apostolus Paulus, *nemo militans Deo implicat se negotiis secularibus.*



CAPVT. VI.

Item de officio legitimi Regis.

PORIò legitimi Regis officium est populum in iustitia & æquitate gubernare & Ecclesiam sanctam totis viribus defendere. Oportet etiam eum esse pupillorum tutorem, & viduarum protectorem, & pauperum auxiliatorem, ut cum beato Iob Domino dicere possit: *Oculus fui cæco & pes claudò, & rem quam nesciebam diligenter investigabam.* Debet proinde Deum omnipotentem, qui multis hominum millibus eum præposuit, toto mentis affectu diligere, & populum sibi à Deo commissum tamquam seipsum. Egregij etiam Regis & Principis est Ecclesias regni sui ædificijs venustissimis decorare, & eas suis laboribus ampliare, & in eis religionis cultum propensius conservare, sicut Constantinus pius Imperator & alij quique Reges ac Principes priscis temporibus fecisse noscuntur. Debet etiam quatuor principalibus maximè pollere virtutibus, sobrietate videlicet, iustitia, prudentia, ac temperantia. Nam sobrietate ab omni desidia vel torpore mentis defenditur, iustitia vero Deo simul & hominibus sensatis acceptabilis invenitur. Per prudentiam autem iustum ab injusto separat & discernit, & temperantia omnem himietatem evitat. Præter hæc etiam virtutum insignia decet illum esse litteris eruditum, ut acuatur cotidie ejus ingenium lectione divinorum librorum, & informetur & corroboretur tam antiquorum quàm modernorum exemplis virorum. Vana enim esse depurari potest scientia quæ litterarum notitia non fulcitur. Nam semper fluctuare cognos-

citur. Initium tamen sapientiæ timor Domini est.
 Teste quippè Salomone, qui sine timore Domini
 est, non poterit justificari. Nam animositas & ira-
 cundia ejus, ipsius subversio est. Qui autem dili-
 git sapientiam, dirigetur à Domino. Quod idem
 Salomon non ignorans, humiliter Dominum ro-
 gitabat dicens, *Deus patrum nostrorum: qui fecisti*
omnia verbo tuo, & sapientia tua condidisti homi-
nem, ut dominaretur creatura tua, que à te facta
est, & ut disponat orbem terrarum in equitate, &
ut in justitia & in directione cordis iudicium judicet,
da mihi sedium tuarum assistricem sapientiam, & no-
li me reprobare à pueris ejus; quoniam servus tuus
sum ego & filius ancilla tue, homo infirmus & exi-
gui temporis, & minor ad intellectum judicii & le-
gum. Tu autem elegisti me, Domine, presidere popu-
lo tuo, & iudicem filiorum ac filiarum tuarum. Reve-
la ergo mihi quod placitum est in oculis tuis & quod
directum est in preceptis tuis; quoniam ipse sapientia
dux es & sapientum emendator, & nos & sermones
nostri in manu tua sunt, & omnis sapientia & ope-
rum scientia & disciplina. Miste inquam, Domine,
sapientiam in precordijs meis de calis sanctis tuis &
à sede magnitudinis tue, ut mecum sit, & mecum
laboret, & sciam quid acceptum sit apud te. Scit enim
omni & intelligit, & de luce me in operibus meis
sobriè, & custodiet me in potentia sua; & erunt ac-
cepta opera mea, & disponam populum meum justè.
Quis hominum, Domine, poterit scire consilium tuum,
aut quis poterit cognoscere quod voles, nisi spiritus
sciencie tue de altissimis tuis repleverit illum? Cor-
pus enim quod corrumpitur, agravat animam, &
deprimit terrena inhabitatio sensum multa cogitantem.
Scilicet per sapientiam sanati sunt quicunque tibi ple-
ceant. Misereberis enim omnium, quia omnia po-
tes, & dissimulas peccata hominum propter pœnitentiam

Oratio Salo-
 monis.

tiam. Diligis enim omnia, & nihil odisti eorum quæ fecisti. Nec enim odians aliquid constituisti. Quomodo ergo posset aliquid permanere nisi tu voluisses conservare? Parcis verò omnibus, quia creatura tua sunt. O quàm bonus es, Domine, & suavis in omnibus; qui cui vis misereris, & quem vis induras. Et hos quid in iustificas, alios autem vindicta iustitie tue in perpetuum exerces. Alios verò per quæ peccant per hæc etiam in præsentem torques. Omnibus tamen flagellis & miserationibus tuis multis consulis & alloqueris ut relictæ malitia ad te revertantur. Et homo quidem propter malitiam perdit animam suam. Nam manum tuam nequaquam effugere potest. Væ autem omnibus qui non cognoverunt te Domine. Tu verò Deus noster in te confidentibus omnibus suavis & verus, patiens & misericors es, & misericorditer disponis omnia. Et enim si peccaverimus, tui sumus, scientes magnitudinem tuam. Et si non peccaverimus, scimus quoniam apud te sumus computati. Noss. autem te, Domine, consummata iustitia est; & scire iustitiam tuam, radix est immortalitatis. Negantes autem te impij, fortitudine brachij tui conterentur. Non enim timens aliquem, veniam dabis peccatis ipsius. Nam quis dicet tibi: Quid fecisti sic? Aut quis stabit contra iudicium tuum? Aut quis in conspectum tuum veniet iudex iniquorum hominum? Aut quis imputabit tibi, si perierint, quæ tu fecisti? Non enim est alius Deus quàm tu, cui est cura de omnibus, & omnia iusto disponis iudicio. Et neque Rex neque Tyrannus in conspectu tuo inquirent de his quos perdidisti. Tu autem, Domine Deus virtutum, cum tranquillitate iudicæ, & cum magna reverentia disponis nos. Insensatis autem iudicium in derisum dedisti & qui ludibrijs non sunt correpti, dignum iudicium sunt experti. Respicio, Domine, nationes hominum, & video quia nullus speravit in te, & confusus est, & per-

mansit in mandatis tuis, & derelictus est. Et quis invocavit & despexisti eum? Quoniam pius & misericors es, & remittis peccata in tempore tribulationis omnibus exquirentibus te in veritate. Va duplici corde & labijs scelestis & manibus malefacientibus. Va hypocrita in conspectu hominum. Va dissolutis corde, qui non credunt tibi. Ideo non protegentur à te. Qui verò credunt in te, non erunt incredibiles; sed patientiam habebunt usque ad conspectionem tuam, dicentes: Si patientiam non habuerimus, incidemus in manus tuas. Horrendum est, Domine, incidere in manus tuas. Car quoque quod est durum, malè habebit in novissimo; & qui amat periculum, peribit in illo. Scio, Domine, quia non abscondar in populo magno, nec latebo in immensa creatura: quia tu cælorum contines thronum, & abyssos intueris, & respicis interiora filiorum hominum. Parce mihi, Domine, quia loquor ad te, cum sim pulvis & cinis & diversorum peccatorum plenus putredine; sed scio quia secundum magnitudinem tuam, sit misericordia tua apud te est. Domine pater & Deus vite mee, ne derelinquas me in cogitatu maligno, & delicta mea non appareant in conspectu tuo, nec gaudeat de me inimicus meus. Exiollentiam oculorum meorum ne dederis mihi. & omne desiderium prauum auerte à me. Averte à me ventris & concubitus concupiscentiam, & animam irreverenti & infrunita ne tradas me: sed viui meo tribue necessaria.

Hæc est Salomonis oratio; quam à libris ejus sparsim colligendo in hunc librum ad erudiendum Regem includimus, & ut sciret quæ à Deo petere deberet.



CAPVT VII.

Item de officio legitimi Regis.

Sed his interim sepositis, rursus eum monemus ut mores subditorum exhortando, terrendo, blandiendo, corrigendo, & boni operis exempla monstrando, diatim emendare procuret. Studeat quoque sapientes homines honorare & omnes pariter Ecclesiæ servitores, Monita etiam sanctorum virorum ac si Dei oracula suscipiat, & Episcopis sanctis rationabiliter adquiescat. Nam sic Christi servis & sapientibus viris quasi quibusdam basibus firmissimis regni sustentatur & corroboratur sublimitas. Multò enim utiliùs Pharaonem sanctus iuvit Ioseph consilij patientia, quàm si ei contulisset grandem pecuniam. Nam pecunia facilè consumitur, consilia verò virorum sapientium nequeunt exauriri. Vnde apparet quia melior est sapientia negotiatione argenti & auri, primi & purissimi fructus ejus. Sit proinde largus atque munificus, affabilis & tranquillus. Habeat etiam animum jucundum, linguam eruditam, sensum expeditum, verbum verax, fidem puram, devotionem præcipuam, risumque modestum. Sit ei motus impiger, & habitus & incessus honestus, & victus abundans, non tamen talis qui superfluus sit. Invidiam autem, luxuriam, & vinolentiam tamquam sordes pessimas abjiciat ab animo suo, & pessimam cupiditatem, quia radix omnium malorum est cupiditas. Sint ministri illius modesti, & consiliatores sensati; & præpositi fideles atque prudentes. Fideles quoque suos honoret & diligat, & sibi servientes sublimet & protegat. Porro Regibus transgressoribus modi curationum tales sunt adhibendi

ut & majestas regia in eis honoretur, & reatus puniatur censura justitiæ. Sub religionis enim disciplina regia potestas posita est. Nam quamvis sit Rex potestatis culmine præditus, nodo tamen christiænæ fidei tenetur adstrictus. Corrīgendus tamen est, non cum tumore superbiæ, sed caritatis affectu sapienterque. De iracundo quippe vel insipiente doctore Salomon dicit: *In ore stultis virga superbiæ*. Stulti proinde & superbi doctores disciplinæ rigorem in rabiem furoris & ad immanitatem convertunt crudelitatis. Veruntamen Reges legitimi propter reprobos spernendi non sunt: quia cælestis curiæ sacer principatus ideo non est à Deo reprobatus vel spretus quòd diabolus eorum princeps contra eum superbiens tyrannidem arripuit & sibi subiecta agmina secum nefanda suasionem peccare pellexit; sed ipse Dominus Iesus Christus postmodum ad eundem diabolum comprimendum, qui dignitatem nominis ipsius & sedem sibi præsumpserat, de cælo descendit. Post Deum enim patrem diabolus dici velint Deus, & ad dexteram Dei patris sedere temerè concupivit, cùm hoc illi non contingeret, sed esset filij Dei, qui post patrem Deum, secundum quod jam dictum est, secundus est, non natura, sed ordine. Venit ergo Dominus Iesus Christus in mundum, sicut decebat, & manifestavit se, non omnibus hominibus, sed tantum suis sequacibus, ut reprobata persona diaboli hunc esse cognoscerent cujus principatum & potestatem ipse satanas sibi temeritate propria præsumpserat. Diabolus autem & principes mundi hujus Christi divinitatem in carne latentem penitus cognoscere nequiverunt: quia, sicut Apostolus testatur, si cognovissent, nunquam dominum gloriæ crucifixissent. Vnde contigit ut qui arte, non violentia, primum hominem per consensum peccati sibi subege-

rat, Dei circumventus arte illum amitteret, dum illi mortem per suos satellites intulit quem immunem ab omni peccato necare præsumpsit. Itaque tali commercio Christus & angelorum numerum restauravit, & humanum genus suo sanguine à jugo diaboli liberavit. Contigit denique ut diabolus, qui per unum hominem peccantem totum genus humanum sibi subposuerat, per unum non peccantem hominem amitteret quod habebat. Sed hæc de diabolo & de ejus tyrannide dixisse sufficiat. Hoc tamen exemplo lucidè patet quia principatus quem aut seditio extorquet, aut ambitus occupat, solet esse perniciosus. Difficile quippe bono exitu terminantur quæ malo sunt inchoata principio. Propterea hujusmodi Principes, non Reges, sed tyranni meritò vocitantur; & Episcopi qui eos ordinare præsumunt, aut perversæ ordinationi eorum præbent consensum, anathematis jaculo sunt puniendi. Sed & Regem hæreticum auctoritate divina pro defensione fidei catholicæ condemnare & anathematis sententia præfocare sancta consuevit Ecclesia, ne illius contubernio sanctorum catholicorum collegium maculetur. Non ab eo Apostolus Paulus nos separat & dividit dicens: *Hæreticum hominem post primam & secundam correptionem devota, sciens quia subversus est qui hujusmodi est, & delinquit proprio judicio condemnatus.* Salomon etiam gentilem hominem hæretico meliorem esse pronuntiat, ubi ait, *Melior est canis vivus leone mortuo*, canem vivum appellans gentilem, & leonem mortuum hæreticum. Sed plerique Principum terrenorum in sanctis & justis hominibus veritatem persequuntur, quia nolunt ab eis facta sua daminari. Veruntamen qui veritatem odit, Deum profecto non amare cognoscitur, qui veritas est. Quod providens Dominus, Episcopum qui non sua teme-

ritate, sed zelo Dei, terrenis principibus videtur esse contrarius, exhortans ad mundi odia perferenda, de se ipso exemplum proponit & dicit: *Non est servus major domino suo. Si me persecuti sunt, & vos persequentur. Si sermonem meum servaverunt, & vestrum servabunt.* Et item: *Si mundus vos odit, scitote quia me priorem vobis odio habuit.* in hoc loco mundum illos appellans à quibus hujus mundi scelera diliguntur. Porro ille qui ex Deo est, verba Dei odit. Vnde Rex admonitionibus episcopalibus debet aurem suam libenter accommodare & sacerdoti salubria suggerenti fideliter obaudire, quoniam de his videtur Dominus suo ore dixisse: *Qui vos audit, me audit. Et qui vos spernit, me spernit.* At si Rex aurem suam à sana & salubri doctrina cœperit avertere proprio fastu vel tumiditate, non Episcopo sed Deo contumax & rebellis videtur existere, cujus iram incurrere nimis periculosum est ac formidabile. Scriptum est enim: *Deus superbis resistit; humilibus autem dat gratiam.* Mortem autem aut scandalum illis inferre nullatenus Rex præsumere debet. Nam pro hoc facinore comperimus multos Reges & Imperatores miserabiliter & inopinabiliter ex hac vita migrasse. De his nempe, id est, de Præsulibus & sanctis hominibus Dominus dicit: *Qui vos tangit, quasi qui tangit pupillam oculi mei.* At si contigerit ut hæc viro catholico conditio proponatur ut aut hæretico fauveat aut pro defensione fidei catholicæ subeat mortem, eligat magis mori quam vivere violata sanctæ fidei sinceritate, revolvens illud in corde suo quod scriptum est in evangelij libro: *Quid prodest homini si universum mundum lucretur, anima verò sua detrimentum patiatur. Aut quam dabit homo commutationem pro anima sua?* Et illud item quod Dominus suis repromittit fidelibus dicens: *Qui me*

confessus fuerit coram hominibus, confitebor & ego eum coram patre meo qui in cœlis est.

CAPVT VIII.

De reprobis Regibus atque Principibus.

PORRò ipsi Reges & Principes atque Tyranni, dum Deo subesse & ejus præcepta custodire renuunt, dominationis suæ vim & potestatem plerunque solent amittere, sicut primus homo dominationis suæ vigorem & dignitatis prærogativam post suam transgressionem cognoscitur amisisse. Postquam nempe divino noluit esse subjectus imperio, ipsa etiam corporis sui membra sibi rebel- lare & ignitos aculeos carnalis concupiscentiæ sta- tim contra suam voluntatem in sua carne sævire persensit. Pisces quoque maris & volucres cæli & bestię agri, quæ illi ante commissum facinus quasi privata animalia subjacebant, jugum dominationis ejus à se cœperunt abigere, & jam ei amplius so- lito servire volebant. Quæ tamen omnia vi rationis suæ cœpit demum paulatim sibi subigere & ad suos usus exquisitis artibus extorquere. Itaque pari mō- do Regi Deo contrario populus sibi subjectus mul- toties incipit adversus eum insurgere, & varijs ac multiplicibus insidijs illum appetere & multis ad- versitatibus fatigare. Ad quam rem pertinere vide- tur quòd Deus Regem Babylonium non bestijs fero- cibus, sed muscis & serpentibus punire decrevit. Ut intelligat humana superbia quòd per humiles & infimos homines soleat sæpe tumidos & superbos quosque comprimere & a sublimitate deponere. Solent etiam homines hujusmodi ignominiosa mor- te vitam terminare, aut in turpi paupertate defice- re, sicut Herodes & Pilatus; quorum Herodes
vermibus

vermibus scaturiens miserabiliter expiravit, & Pilatus exilio condemnatus, pauper & inops defunctus est. Illi quoque qui recta pervertunt iudicia amore, odio; metu, misericordia, incuria, temeritate, aut gratia quæstus, circa finem vitæ horribilibus infirmitatibus molestantur solent, vel vilitate vel inopia rerum, aut membrorum languore suorum.

CAPVT IX.

De dignitate Sacerdotum.

Verùm quia jam satis de his, sicut reor, secundum ingenij mei facultatem visus sum perorasse, restat nunc ut de his quæ ad Episcopum pertinent pauca subiciam. Igitur Episcopo à Deo & Domino Iesu Christo privilegium est concessum aperire & claudere cælum hominibus. Huic enim Reges & omnes terrenæ potestates pro Christi amore capita subdunt: quia licet Rex vel Imperator culmine regni sit præditus, nodo tamen fidei tenetur adstrictus, Hic quoque propter condimentum doctrinæ, quo mentes fidelium debet condire, sal terræ vocatur, & Rex propter ducatum quem præbere populo debet, & angelus, quia bona nuntiat, & pastor, quia divini verbi dapibus homines explet. Quibus etiam moribus debeat pollere, & quibus virtutibus effulgere, Apostolus Paulus declarat in epistola sua dicens, *Oportet, inquit, Episcopum incomprehensibilem esse, sobrium, pudicum, hospitalem, prudentem, non neophytum, non vinolentum, non percussorem, non litigiosum, sed modestum. Oportet etiam illum habere bonum testimonium ab his qui foris sunt.* Nam, sicut alio continetur

in loco, ipse debet exemplum bonorum operum non solum sibi subiecto populo, sed etiam discipulis hominibus, id est, gentilibus, vitæ melioris ostendere, ut fiat in eo quod in evangelio Dominus suis Apostolis præcipiens dixit: *Sic luceat lux vestra coram hominibus ut videant opera vestra bona & glorificent patrem vestrum qui in cælis est.* Hic quoque debet divitibus præcipere non sublime sapere nec sperare in incerto divitiarum, sed in Deo vivo & vero, qui præstat omnibus omnia ad fruendum, bene agere, divites fieri in operibus bonis, facile tribuere, thesaurizare sibi fundamentum bonum in futurum, ut possint apprehendere vitam æternam. Ceterum contra Regem catholicum armis dimicare nullatenus debet, licet ministerij dignitate multum illi præmineat, tantum scilicet quantum officia divina sua sanctitate noscuntur negotijs secularibus eminere. Nam & regalem dignitatem habere sanctæ scripturæ testimonio videtur Episcopus. Ait enim Dominus Iesus Christus suis Apostolis eorumque sequacibus: *Ego dispono vobis sicut disposuit mihi pater meus regnum.* Et Apostolus: *Vos estis genus electum, regale sacerdotium.* Vnde si contigerit ut Episcopus reprehensibilis inveniat, (Non est enim homo qui non peccet) non in curia seculari, sed in synodo generali, res huiusmodi terminetur. Ipse proinde Episcopus inter Regem & oves sibi creditas officium optimi pastoris debet peragere & pro grege sibi commissio discrimini se pronus obicere. Ipse, inquam, toto nisu Regis ac Principis iram à populo debet avertere & pro Regis & populi salute pariter pijs precibus ante Deum nocte dieque persistere. Vices enim Christi filij Dei summi in terra videtur obtinere, qui se pro nobis peccatoribus obtulit immolandum. Vnde inter nos & Deum me-

diator debet existere. Iple est sanctus sanctorum ; Clericorum scilicet ac Presbyterorum , quibus omnibus eminet ac præcellit. Hic est Ecclesiæ sponsus , hic Christi Vicarius , ut compatiatur infirmitatibus nostris ; de quo Paulus Apostolus dicit : *Omnis Pontifex ex omnibus assumptus, pro hominibus constituitur in his quæ sunt ad Deum , ut offerat dona & sacrificia pro peccatis eorum.* Honorandi igitur sunt omnes Episcopi , sicut regni cælestis clavicularij & iudices culparum humanarum. Ad eorum enim jus pertinet viros seculares pro illis criminibus quæ in locis Deo consecratis committunt iudiciali severitate distringere & pro alijs criminibus iusta consideratione pœnitentias dare. Ipsi quoque debent omnes Presbyteros & Clericos sententia iudiciali distringere , ut & terrenis & spiritualibus iudiciis suæ auctoritatis privilegium conserveetur. Ipsi denique sunt qui bonum quod per gratiam sancti spiritus intelligendo didicerunt , subjectorum mentibus profuturum , secundum Apostoli Pauli præceptum , arguendo , obsecrando , & increpando inferere nituntur , corda fidelium divinis dogmatibus quasi imbribus irrigantes cælestibus , ut proferre immarcescibilem bonorum operum possint fructum.

CAPVT X.

De his quos Episcopus excommunicat.

Quapropter summo opere caveat Rex ne his quos ipsi ab Ecclesia pro suis criminibus anathematis sententia pepulerunt aliquo pacto communique. Nam teste scriptura , facientes & consen-

tientes par pœna constringit. Consentit autem criminoso, & reatum ejus sustinet qui postquam ab Ecclesia crimine suo exigente projectus est, illi communicat. Verùm plerique ideo divinum minus formidare judicium videntur quòd eorum contemptum non statim pœna prosequitur. Unde quòd Regi cuidam olim ex hac re contigerit, breviter intimare curabo. Legitur enim in historia gentis Anglorum quòd quidam Episcopus duos fratres palatinos viros pro repudio uxorum excommunicaverit. Contigit autem ut Rex ipsius gentis juxta domum ipsorum transiret. Qui multis blandimentis delinitus ut apud eos ad prandendum diverteret, tandem consensit. Expleto autem convivio, cùm jam rediret, obviavit Episcopus qui fratres illos excommunicaverat. Quem cùm vidisset, intremuit, & exiliens de equo, in media, ut erat, via prostravit se coram ipso. Episcopus verò ferula quam manu ferebat tetigit eum dicens: O Rex, non est meum ignoscere tibi, quia Deum contempsisti, quando te excommunicatis scienter sociasti. Idcirco data est sententia in te, & hoc anno in ipsa domo morieris in qua excommunicatis te sociasti. Quod & factum est; & evoluto anno Rex ibidem mortuus est. Ecce Rex non potuit hunc reatum nisi morte piare, nec Episcopus illi prostrato valuit ignoscere. Ex qua re colligitur quia nec Episcopus, cujus excommunicatio contempnitur, sine gravi pœnitentia facinus hujusmodi ignoscere potest. Ergo, sicut præcipit beatus Papa Gregorius, sub magno moderamine pastores Ecclesiæ solvere studeant aut ligare. Sed utrum justè an injustè obliget pastor, pastoris tamen sententia gregi timenda, ne is qui subest, & cùm injustè forsitan ligatur, ipsam obligationis suæ sententiam ex alia culpa mereatur.

CAPVT XI.

De pravis Præsulibus.

V Erùm reperiuntur quidam in numero sacerdotum qui per pecuniam sacerdotes appellari contendunt ; & cùm non sint ulla scientia præditi , aut aliqua religione suffulti , legis divinæ volunt videri magistri. Sed hi nimirum meritò contempnuntur , & non Episcopi , sed simoniaci a Simone mago vocitari merentur. Non enim eis est pars in sermone sacerdotij , sed à gratia spiritus sancti extorres habentur ; quæ & gratis datur , & gratis accipitur. Nam , teste evangelio , qui non intrat per ostium in ovile ovium , ille fur est & latro. Qui autem intrat per ostium , pastor est ovium , & huic ostiarius aperit , & oves vocem ejus audiunt. Et post pauca : *Alienum autem non sequuntur , quia non audiunt vocem alienorum.* Quidam etiam Episcoporum se contra morem ecclesiasticum extollere cupientes , in solvendis & ligandis subditis suæ voluntatis motus , non causarum merita , exercent. Vnde populus jam legis onus , per devia currens , plus solito spernit , jaculumque anathematis ingens , dumque furit , nullas rationis sentit habenas. Nam religioni Christianæ opprobrium nascitur , & sacerdotalis dignitas inde valde contempnitur , quòd sacerdotalis insula ambitione potius quàm meritorum existimatione defertur & imperitis quibusque confertur. Nam quidam illorum illos qui juramento dominis suis cor stricti tenentur à sacramento fidelitatis absolvant. Quod quam sit absurdum , Dominus indicat

ubi dicit : *Non perjurabis in nomine meo , nec pollues nomen Domini Dei tui.* Et ad Sedechiam Regem Iudæ , qui iuramentum quod Babylonio Regi præbuerat violaverat, ore prophetico dicit : *Vivo ego quoniam iuramentum quod sprevis , & fœdus quod prævaricatus est , ponam in capite ejus.*

CAPVT. XII.

De illo qui contra Christianum frangit sacramentum.

INtelligat ergo quilibet Christianus , qui contra dominum suum aut alterum Christianum frangit sacramentum , quid mereatur , cùm propter hoc scelus Sedechias vir Iudæus avulsis oculis à gentili Rege in Babyloniam captivus ductus esse cognoscitur. Non enim illi considerandum est cui jurat , sed per quem jurat. Alioquin & illum despicit per quem jurat ; & hostis fidelior invenitur , qui sacramento decipitur. Multùm enim desipit qui illum decipit cui iuramento divini nominis fuerat fœderatus. Ceterùm sacramentum incautè prolatum non est conservandum , veluti si quispiam adulteræ perpetuam cum ea permanendi fidem polliceatur. Tolerabilius enim est non implere sacramentum quàm permanere in stupri flagitium. Veruntamen de fatuis doctoribus in evangelio Dominus dicit : *Cæcus si ceco duatum præbeat , ambo in foveam cadunt.* Superbi etiam & iracundi doctores nonnunquam disciplinæ rigorem in rabiem furoris & ad immanitatem convertunt crudelitatis. Sed , sicut item dicit beatus Papa Gregorius , iudicare dignè de subditis nequeunt qui

in subjeetorum causis sua vel odia vel gratiam sequuntur. De qua re Propheta etiam dicere videtur : *Mortificabant animas quæ non moriuntur , & vivificabant animas quæ non vivunt.* Non morientem quippe mortificat qui iustum damnat, & non victurum vivificare nititur, qui reum de supplicio absolvere conatur. Causæ ergo pensandæ sunt, & tunc ligandi atque solvendi potestas est exercenda. Considerandum est denique atque cavendum Episcopo ne ipsius vitio doctrina divina vilescat. Nam qui sicut decet non vivit, ipsam quam prædicat veritatem contemptibilem reddit. Cavendum etiam est illi, qui pontificatus officium assecutus est ut se talem exhibeat, ne fortè alijs prædicans, ipse reprobis inveniatur. Subditis quoque considerandum est quia licèt talis iudicandi locum teneat, cuius vita loco mininè concordat, locum tamen Apostolorum in ligandi & solvendi officio retinet. Quapropter excommunicatio & prædicatio illius non ex ejus persona debet contemni, sed ex auctoritate summi iudicis observari. Nam pastor animarum nostrarum Christus esse cognoscitur, qui in Præsulibus auditur atque contemnitur. De quibus Dominus in evangelio dicit: *Super cathedram Moysi sederunt Scribæ & Pharisei. Quæ dicunt vobis, facite. Quæ autem faciunt, nolite facere.* Et non solum Episcopi, sed & omnes Presbyteri & Clerici ab universis Dei fidelibus sunt honorandi sicut Dei domestici, cui servire nocte dieque videntur. Porro Præsules atque Presbyteri bases & columnæ videntur esse sanctæ Ecclesiæ, & Clerici & monachi ejus videntur esse ministri. Horum enim manibus ministrorum sacro baptismo quisque fidelis abluitur, & horum iterum manibus sacratissimum mysterium corporis & sanguinis Christi conficitur; per quæ mysteria Deo regeneramur atque conjun-

gimur. Omnis inquam qui de Christi corpore est, eis meritò subdi debet & eorum salutaribus monitis obedire & paternam eis reverentiam exhibere, Ipsi inquam sunt qui nostrorum munera precum offerre & Deo pro nobis incessanter supplicare nollunt, Ipsi inquam pro nostris criminibus Deum exorantibus sit nobis ipse Deus propitius, & avertit iram suam à nobis. Ipsi pro vivis ac defunctis ante Deum semper indefessis precibus instant, & ipsi nobis frugum ubertatem obtinent, & ipsi tempestates & quæque discrimina à Christi grege repellunt. Ipsi etiam mater nostra, sancta videlicet Ecclesia, quasi nobilibus satellitibus, decoratur, illustratur, atque servatur. Etsi reprehensibiles quidam illorum fore reperiuntur, ideo ceteri contempnendi non sunt, quia & in angelis pravitas reperta est. Consideranda quippe est hominibus illa beati Iob sententia dicentis: *Quis potest mundum statuere de immundo conceptum semine, nisi tu qui solus es; subaudit, mundus.* Unusquisque proinde, sive laicus, sive Clericus, Dei munere est quod est, si tamen aliquid est. Vnde dicitur in evangelio: *Nolite iudicare, & non iudicabimini; & nolite contemnere, & non condemnabimini.* Verùm quamvis de filiis Dei scriptum sit, *Quotquot spiritu Dei aguntur, hi filii sunt Dei,* tamen omnes mortales, quando in hac corruptibili carne tenentur, peccant. Sed ne facinora ad immensum cumulum peccatorum prorumpant, aliqua poena in hoc seculo plecti debent. Vnde pro illis qui sceleratissimè vivere decreverunt, nec volunt vitam suam moresque corrigere, id est, propter fornicatores & adulteros sive propter fures atque sacrilegos & alios flagitiosos comprimendos & corrigendos, Regem Deus hominibus præesse voluit, ne æterni poena supplicij eis reservetur in posterum. Nam illa crimina quæ in hoc seculo

puniuntur, profectò in futuro seculo non nocebunt. Fit igitur in his quod ab Apostolo dictum est : *Sì nosmetipsos dijudicemus, non utique judicemur. Cum judicamur autem, à Domino corripimur, ut non cum hoc mundo damnemur.* Multa enim bona invitis præstantur, quando eorum consulitur utilitati, non voluntati, qua sibi inveniuntur esse inimici. Scriptum quippe est, quia qui diligit iniquitatem, odit animam suam. Igitur amici malignantium hominum sunt illi qui eorum iniquitates corripiunt, & pro commissis criminibus eorum corpora aliqua pœna emendatoria puniunt. Peccata enim quæ feriri gehennæ ignibus possunt, disciplinæ sunt verberare corrigenda; ut qui Dei mandata contempnunt, temporali supplicio terreantur. Quod Psalmista dicere videtur cum ait : *In chamo & freno maxillas eorum constringe, qui non approxi- mant ad te.* Verùm sicut sub igne aurum tutilat & palea fumat, & quemadmodum sub eadem tritura frumenta purgantur & paleæ conteruntur, ita communis pœnæ bonos purificat, malos exterminat. Nam boni quique igne tribulationum excoquuntur, & mali murmurant & puniuntur. In quibusdam autem gravis inest stultitia; & sic eos iniquitas obligat ut à culpa nec pœna compescat. Alij verò mala perpeti inmerito videntur. Sed hæc divinitas fieri sinit ut cruciatibus & flagellis erudiantur. Flagellat enim Deus omnem filium quem recipit. Sed licet non sint omnes filij qui flagellantur, tamen nullus est filius qui non flagelletur. Porro quidam sine verberare relinquuntur. Vnde ad æterna tormenta, malè agendo, liberius festinant. De quibus in beati Iob libro scriptum est : *Vidi stultum firma radice.* Stultus inquam firma radice stare conspicitur quando in hac vita continua prosperitate latatur. Veruntamen in futurum districtus

judex tanta aduersitate feriet quos reprobos quanta nunc seueritate corripit quos amat. Sed ne facinora ad immensum cumulum peccatorum prorumpant, aliqua poena, sicut praemissum est, plecti debent. Nam inordinata pietas cum temporaliter parcit, & ad aeterna supplicia pertrahit & vitia pullulare permittit. Discretionis tamen modus in omnibus est à iudicibus observandus; & ut sit ordinata pietas, ad scientiam est transeundum, ut sciat judex quid iuste puniat & quid ex misericordia dimittat. Sic denique debet prudentia iudicum corda in bonum semper acuere ne aut ipsa prudentia rectitudinis modum excedat, aut simplicitas in ignorantiae fallacia corruat. Porro ipsi Reges, Imperatores, ac iudices, cum iustae rationis imperio sceleratos morte puniunt, aut aequitate distante bella gerunt, nequaquam contra praecceptum legis facere putandi sunt quo dictum est: *Non occides*. Nam ideo criminosi lege perimuntur ne mortifero peccato perniciose securitas detur. Et idcirco non iniuste bella geruntur ut pax acquiratur. Moyses namque, vir mitis atque sanctissimus, legis divinae mandato multos legitur homines occidisse & multas etiam gentes, Deo sibi ducatum praebente, armis victricibus extinxisse. Hoc etiam multi alij Principes novi ac veteris testamenti divino furore succensi fecisse leguntur. Timor enim Dei & timor supplicij retrahit hominem à peccato. Verum illa Principum vel Praelatorum omnium cautela utilis est atque laudabilis in qua totum agit ratio, & furor nihil sibi vindicat. Pro poenitentibus vero Deus Episcopum in Ecclesia statuit, quamvis ipse cor contritum & humiliatum non despiciat. Debet enim Episcopus quosdam eorum; id est, poenitentem, secundum modum culpae in actione poenitentiae a corpore Christi & sanguine separare, &


quibusdam certum pœnitentiæ pondus imponere ; qua peracta , reconcilientur , & fidelibus fratribus rursus adgregentur , & in gremium sanctæ recipiantur Ecclesiæ , à cujus societate aberraverant peccando. Extra quam Ecclesiam non remittuntur peccata ; nec quisquam , nisi per eam , vitam potest assequi sempiternam. Ipse denique pro suo officio alios corrigit , & alios erudit , & alios censura iustitiæ dicente excommunicat. Ipse quoque quosdam nonnunquam objurgare detrectat , quia vel aptius tempus expectat , vel metuit ne increpati deteriores fiant. Non est enim omnibus hominibus una adhibenda doctrina ; sed pro qualitate morum diversa debet esse exhortatio doctorum. Nam quosdam increpatione dura , quosdam verò exhortatio corrigit blanda. Non omnia denique tempora congruunt doctrinæ ; sed secundùm Salomonis sententiam tempus tacendi , & tempus loquendi. Vnde etiam sæpèfusus Papa Gregorium in vicesimo moralium libro dixit : *Sancti* , inquit , *virī cū vident quosdam sua verba despiciere , intelligunt eos divinitus deseri , & ideo gementes conticescunt.* Veruntamen non dicimus ut conticescat Episcopus odio malorum hominum territus , sed consilio caritatis ; cui jubet Apostolus dicens : *Iusta opportunè importunè ob eera , increpa , in omni patientia & doctrina.* Hæc nos de duabus sufficiat dixisse potestatibus quibus in præsentī vita sancta regitur & gubernatur Ecclesia , quibus etiam post Deum sic illustrari cognoscitur sicut duobus magnis luminaribus , sole videlicet & luna , tota mundi fabrica , aut sicut duobus oculis totum humanum corpus decoratur & illuminatur. Quas nimirum potestates sanctas fore nemo debet ambigere. Ipsas enim Deus & Dominus in sua persona sacrauit , univit , & sanctificavit. Quibus etiam liber sapientiæ præcipit dicens ;

Diligite justitiam qui judicatis terram. Sentite de Domino in bonitate, & in simplicitate cordis querite illum: quoniam invenitur ab his qui non tentant illum, apparet autem eis qui fidem habent in illum. His inquam potestatibus ac principatibus terrenum regnum est distinctum atque dispositum. Vnde illi qui hanc positionem ab omnipotente Deo congruo ordine distinctam atque dispositam conantur pervertere, de illorum numero videntur existere qui ignorantes Dei justitiam, & suam volentes constituere, justitiæ ejus non sunt subiecti. Nonne ipse Deus omnia in numero & mensura & pondere fecit? Nonne elementa hujus mundi, quamvis unum ab altero valde diversum sit, sibi invicem concordantoscuntur? Nonne Dominus in evangelio dicit: *Omne regnum in se ipsum divisum desolabitur, & domus super domum cadet?* Denique quidam sapiens dicit: *Concordia res minima crescunt, & discordia res maxima dilabuntur.* Verum nunc operæ pretium est illud audire vel considerare quod olim Gregorius Papa sanctissimus Sabino Constantinopolitano Diacono scripsit. Ait enim: *Vnum est quod breviter suggerat serenissimo Domino nostro Imperatori, quia ego servus ejus, si in ejus mortem vel in Languobardorum consilij me voluissim inferre, hodie Languobardorum gens nec Regem nec Duces nec Comites haberet, sed in summa confusione essent omnia. Sed quia Deum timeo, in mortem cujlibet hominis me miscere formido.* Proinde ego non astruo ut liceat cuiquam Regi vel Imperatori quicquam contra Dei præcepta aut sanctorum canonum constituta facere vel instituere. Sed dico quod sicut bonus Christianus Regum legibus contra Deum constitutis obedire non debet, sic & qui rationally constitutis non obedit, malè facit. Nam sicut beatus testatur Augustinus, pax omnium rerum

est tranquillitas ordinis. Ordo verò est parium & disparium rerum sua cuique rei dispositio. Sed quia jam noster sermo forsitan minus in longum protrahitur, restat ut amodo terminetur, ne prolixitate sua generet legenti fastidium. Claudendus, inquam, est liber iste, quem ego Dei opitulante clementia, non timore superbix, sed fraterno compunctus affectu composui, desiderans ut non tantum hæ duæ, de quibus hætenus tractavimus, potestates, sed etiam omnes Christi cultores, concordet & sibi invicem sint coherentes. Quod etiam præcipit sanctus & sapiens Apostolus dicens: *Pacem*, inquit, *seclâmini cum omnibus & sanctimoniam, sine qua nemo videbit Deum.* Hoc quoque mandatum pium & saluberrimum Christus Dominus suis tradidit discipulis dicens: *Mandatum novum do vobis, ut diligatis invicem.* Et passioni jam proximus iterum dixit eis: *Pacem relinquo vobis, pacem meam do vobis.* Porro ego præsentem libellum exemplis sanctæ scripturæ diligenter corroborare curavi, ne fortè inveniatur vacuus & inutilis labor meus. Opto proinde ut omnes qui eum pio & benigno animo suscepturi sunt, valeant semper in Christo Iesu Domino nostro. Amen.

Explicit Liber primus.





INCIPIT LIBER SECUNDUS.

Finito præcedenti libello, tacere deliberaveram, id est, à præsentī negotio quiescere; & alias animum applicate, cūm ecce venit mihi in mentem illud quod scriptum est, quia in ore duorum vel trium testium stabit omne verbum. Et mox recaluit animus meus, & opportunum esse judicavi ut de hac eademque re, de qua jam unum librum edideram, facerem & secundum, quatinus duobus libris res una validius firmetur & corroboretur. Porro libro superiori omnem potestatem à Deo esse dispositam satis, sicut reor, ostendimus. Nunc autem legentibus evidenter notificare decrevimus quòd ipse Deus duas specialiter potestates in Ecclesia sua sancta collocavit atque constituit, regiam videlicet & sacerdotalem, non absque magno, ac saluberrimo sacramento. Quas duas potestates ipsa Dei sapientia, carnem, in qua videri posset, assumens, in unitate suæ personæ suscepit, & eas in ea ideo quidam germanitate sibi mutuò sociavit atque conjunxit ut & unum sit in eis vinculum caritatis semper, quod nunquam disjungatur, & ut ambæ sibi invicem fideliter adhærentes mutuò socientur & compaginentur. Vicaria enim sui ope vel opitulatione semper indigent; & nisi sibi invicem conveniant, fluctuat omne corpus Ecclesiæ, & per incerta populus evagatur. Proinde quia in duobus præceptis totam legem & Prophetas pendere ipse Dominus dicit in evangelio, & quia caritas gemina esse dinoscitur, (duo quippe sunt ipsius caritatis præcepta, sicut jam diximus) duas convenienter potestates Deus & Dominus omnium in Ecclesia statuit, quibus dispensationem omnium

quæ intra ipsam geruntur committere procuravit. His, inquam, duabus potestatibus quasi alis duabus fulcitur & sustentatur; & his prædita, libero volatu penetrat cælum. Harum etiam industria potestatum olim tam in Iudæa quàm inter gentiles meruit exaltari & nobiliter sublimari, & harum potestatum pia cura ac vigilantia solertia, extendit palmites suos à mari usque ad mare. Quod quomodo contigerit, id est, qualiter per has duas potestates Dei gratia comitante creverit & adoleverit, pro modulo nostræ scientiæ nostris nunc auditoribus referemus. Summatim tamen quædam perstringam, quia cuncta ad hæc pertinentia generatim completi non valeo. A Regibus tamen & Prophetis Iudaicæ gentis exordium sumam. Moyses igitur dux pariter & Propheta Israëliticæ gentis, ut modò melius Davidico utamur eloquio, percussit Ægyptum cum primogenitis eorum, & eduxit Israël de medio ejus in manu potenti in brachio excelso, & divisit mare rubrum in divisiones, & eduxit Israël per medium ejus, & excussit Pharaonem & virtutem ejus in mari rubro, & transduxit populum suum per desertum, & percussit gentes multas, & occidit Reges fortes, Schon Regem Amorreorum, & Og Regem Basan, & dedit terram eorum hereditatem populo suo, illum significans Regem ac pastorem mirissimum qui transfert in se credentes per spem & fidem de mortalitate ad immortalitatem. Vnde, sicut in libro superiori jam diximus, sacrosancto mystetio in cremo Dei tabernaculum ædificavit, & Aaron consecravimus, ac populo divinæ legis præcepta proposuit. Aaron vero in virga, quam ei ipse tradiderat, operabatur signa & prodigia coram Pharaone & optimatibus ejus. Post Moysen verò surrexit Iesus filius Nave, cujus imperio impeditus est sol ab itinere suo, donec.

expugnaret hostes populi Dei. Hic quoque fuit vic-
magnus & fortis, secundum nomen suum inter Re-
ges atque Prophetas gerens figuram salvatoris no-
stri, qui est Rex pariter & sacerdos; qui & in figu-
ra & mysterio Iordanis alveum transiens, divisit
populo terram repromissionis in funiculo distri-
butionis. Post hunc autem Samuel Propheta reno-
vavit regnum, ungens Saulem in Regem; qui &
hostes populi Dei superavit, & fines regni sui fi-
deliter ampliavit. Veruntamen postea fortunæ suæ
prosperitatibus eversus, superbiens, Deo displicuit.
Vnde pro eo modo dictus Propheta frequen-
ter Dominum oravit; sed tamen exauditus non est.
Iam enim iusto iudicio Dei condemnatus est. Post
Saulem autem regnavit David qui interpretatur
Rex fortis, qui vicit Goliath hostem inmanissi-
mum, significans Regem illum fortissimum qui
devicit diabolus totius humani generis inimicum.
Porro David in toto corde suo dilexit eum qui
exaltavit illum, & primus intulit arcam Dei in
Ierusalem cum laudibus & gloria magna; ediditque
volumen egregium quod appellatur psalterium.
Quapropter transtulit Deus peccatum illius, &
confirmavit regnum ejus in multas generationes.
Cum enim in occulto, non in aperto, Vriæ mili-
tis suæ uxorem adulterij contagio maculasset, &
postmodum ipsum Vriam, ut facinus admissum
regi posset, hostium manibus mala fraude necari
fecisset, Nathan illum Propheta de suo facinore
invectione publica redarguens increpavit, & con-
fessione correptum consequenter absolvit. Post
David autem regnavit Salomon filius ejus. Hic con-
didit templum Domino Deo suo ex lignis impu-
trabilibus & pretiosis lapidibus, in quo sancta fi-
gurabatur Ecclesia; & constituit in eo sacerdo-
rum officia in ministerijs suis, & Levitas in ordine
suo,

fuos, ut ministrarent Domino juxta ritum uniuersujusque diei, sicut præceperat ei David pater ejus. Sed & hic repletus sapientia composuit syasim, in quo per epithalamium carmen canit mystice conjunctionem Christi & Ecclesiæ. In proverbijis quoque & in interpretationibus factus est admirabilis; & divulgatum est nomen ejus longè latèque. Sed cum polleteret magnis opibus & gloria magna nimis, intumescens corde, effrænatus est in libidinem, & exarsit in concupiscentia feminarum alienigenarum, & insuper adoravit deos earum, Quamobrem indignatus est Dominus, & concitavit adversus eum Ieroboam filium Nabat servum ipsius. Scidit quoque regnum de manu filij ejus. Nam in Ierusalem regnavit Roboam filius Nabat. Sed ne in singulis inmorer, dum regnaret postmodum in Ierusalem Rex Ezechias, & fecisset quod erat placitum coram Domino Deo, juxta omnia quæ fecerat David pater ejus, surrexit contra eum Sennacherib Rex Assyriorum multo vallatus exercitu. Tunc surgens Rex Ezechias & Isaïas Propheta oraverunt ad Dominum; quos Dominus exaudivit. Et in castris Sennacherib angelus descendit, qui de ejus exercitu centum octoginta quinque millia interfecit. Igitur Reges gloriosi à Deo inspirati pro viribus suis sanctam extulerunt Ecclesiam; & eorum pia cura ac vigilantia sollicitia adolevit primùm in Iudæa, & demum in gentibus suos palmites dilatavit. Nihilominus etiam sancti Prophetæ illam suarum virtutum decore pariter ornaverunt, & auro sapientiæ suæ nobilitaverunt. Constat ergo Reges atque Prophetas sanctissimos vicaria sui ope semper indignisse, Ecclesiam autem synagogam appello; quoniam illa quæ in ea fiebant, præsentis Ecclesiæ figuram gerebant; & in illo sacrificio Christi figurabatur occiso, cujus

MISCELLANEOBUM

sumus sanguine redempti atque reparati. Sed & per sabbatum figurabatur requies beatorum. Ipsa etiam lex novum testamentum in figura præcessit. Vnde superveniente evangelica luce, umbra consequenter abcessit. Nunc autem sanctorum Prophetarum vicem in Ecclesia Christi retinent Sacerdotes. Sic enim Dominus ad ipsam loquitur per Isaiam Prophetam: *Ecce, inquit, constituam principes tuos sicut antea, & consiliarios tuos sicut ab initio.* Et Psalmista: *Pro patribus tuis nati sunt tibi filii; constituens eos principes super omnem terram.* Igitur regiam & sacerdotalem dignitatem Deus in terris ordinavit sive disposuit non absque magno ac saluberrimo sacramento. Vnde congruit & valde conveniens est ut hæc duæ potestates sibi invicem fraterna caritate semper adhæreant, & ut se mutua sollicitudine tueantur. Nam nisi invicem conveniant, fluctuat omne corpus Ecclesiæ, & per devia populus agitur. His enim duabus potestatibus quasi duabus columnis fortibus atque firmis fulcitur atque sustentatur. His etiam duabus potestatibus quasi alis duabus ab adversitatibus mundi hujus fœtus ejus ambiuntur & protegentur. Illi verò qui his alis ambii refugiant, rebellare Deo noscuntur. Hæc & de Regibus & Prophetis Judaicæ gentis dixisse sufficiat, ut paulatim & seriatim quod proposuimus explanemus. Igitur postquam Deus ac Dominus noster Iesus Christus hominem quem fecerat morte sua à morte redemit æterna, & captivitate nostræ carnis resuscitavit à mortuis & innoxit in cœlum, vetus evacuatum est testamentum, sicut evacuari solet puerilis ætas fortiori ætate superveniente. Vnus enim Deus per sanctos Prophetas & famulos suos secundum ordinatissimam distributionem temporum dedit minora præcepta populo, quem timore adhuc alligari

portebat, & per filium suum majora populo, quem caritate jam liberari consueverat. Quorum præceptorum geruli Christi fuere discipuli, qui cognominantur Apostoli. Ipsi quippe & eorum sequaces probati in fide, longanimes in spe, potentes in opere & sermone, patientes in tribulatione, & eruditi in omnibus quæ fecit ipse Dominus Iesus Christus, abierunt per orbem universum vomere verba Dei mentes hominum proscindentes, & in eis novorum præceptorum semina jacentes, & Ecclesiæ fundamenta locantes super lapidem angularem Christum Iesum, unde ambo parietes è diverso venientes, de Iudæis videlicet & gentibus, geminæ caritate copularentur. Beatus verò Petrus descendit Antiochiam, & ibi fundavit Ecclesiam, in qua primum nomine Christi cognominati sunt Christiani. Inde quoque Romam venit; & ibi verbum Domini prædicans, per annos viginti & quinque tenuit ipsius urbis papatum. Ad cujus pastoris solatium divinitus est missus Paulus Apostolus gentium, ut alter alteri solatio esset. Sed hos ambos Apostolos Nero sevissimus Imperator mortis damnavit sententia. Porro post Petrum Apostolum Clemens, vir sapientissimus, ab ipso Petro consecratus, Romanam regendam suscepit Ecclesiam; qui & ipse non multo post maris gurgitibus immersus pro nomine Christi complevit martyrium. Et cum adhuc ferè per orbem universum tyrannorum imperio simulacra colerentur, Marcellus urbis modò dictæ Papa sanctissimus in domo Lucinæ matronæ, quam Deo dicaverat, ad animalia publica custodienda deputatus, vitam finivit. Et quæ major nominis Christiani injuria quam summi Pontificem, id est, sanctæ Romanæ Præsidem Ecclesiæ, jumentorum stabularium esse? Omitto, inquam, multa alia crudelia & exquisita tormenta

quibus plures Domini sacerdotes tam Romæ quàm alias, ut de alijs Christicolis taceamus, per annos ferme trecentos & decem ab incarnatione Domini per martyrij coronam ad æternam pervenere felicitatem. Quo in tempore quisque qui Christiano gregi præerat jure sacerdoti, ad martyrij tormenta prius rapiebatur, & supplicia graviora patiebatur. Sed postquam populo sedenti in umbra mortis, id est, in tenebris infidelitatis, lumen ostensum est veritatis, Constantinus Romanorum clementissimus Imperator edicto proprio constituit per totum Romanum imperium templa gentilium claudi, & ædificavit in eadem urbe plures Ecclesias; inter quas construxit Ecclesiam beati Iohannis Baptistæ, & beatorum Apostolorum Petri & Pauli, quas etiam magnis possessionibus ditavit, auroque & argento locupletavit, atque eorundem Apostolorum sacras reliquias auro purissimo ac gemmis pretiosissimis inclusit. Dedit etiam beato Papæ Silvestro & successoribus ejus vigorem & honorificentiam imperialem, privilegio suo decernens ut principatum obtineant tam super quatuor principales sedes, Antiochenam videlicet, Alexandrinam, Constantinopolitanam, & Ierosolymitanam, quàm etiam super universas per totum orbem Ecclesias, & ut Pontifex sanctæ Romanæ Ecclesiæ celsior existat cunctis sacerdotibus mundi hujus. Congruum quoque duxit imperii & regni Romani potestatem in orientali regione transferre ut ibi lex sancta caput teneat principatu ubi Apostolorum princeps Petrus crucis patibulum sustinens occubuit, & ibi gentes colla fluctant ubi etiam doctor Paulus extenso collo pro Christo martyrio coronatus, & ibi Domini nostri famulantur officio ubi quondam terreni Regis serviebant imperio. Ad summum proinde tradidit Romano

Pontifici palatium suum Lateranense & coronam capitis sui chlamydem purpuream & cetera omnia ornamenta imperialia & omnem gloriam suæ potestatis & processionem imperialem & dignitatem imperialium equitum palatio præficeretur. Decrevit etiam Clericos sanctæ Romanæ Ecclesiæ servientes habere potentiam & præcellentiam, id est, Consules atque Patritios effici necnon & ceteris dignitatibus imperialibus decorari; ut sicut ornabatur imperialis militia, ita & ipse clerus ornatur, & sancta Romana decoretur Ecclesia, ut amplissimo honore apex pontificalis effulgeat. Quod privilegium obtulit super corpora sanctorum Apostolorum Petri & Pauli, eligens sibi ipsum principem Apostolorum ejusque vicarios firmos apud Deum intercessores atque patronos. Et hoc quidem honore dignissimo Constantinus Romanorum clementissimus Imperator sanctam Ecclesiam extulit ac honoravit. Verùm episcopalis dignitas longè gloriosius a Deo meruit exaltari. Dedit enim eis, id est, Episcopis, Deus ac Dominus noster Iesus Christus potestatem aperire & claudere cælum hominibus. Quo eos pollere privilegio intelligens memoratus Imperator Constantinus, in Nicæa synodo post omnes Episcopos ultimus residens, nullam judicij sententiam super eos dare voluit; sed illos omnes deos vocans, non suo eos subesse debere judicio, sed se ad eorum pendere judicavit arbitrium. Nam eorundem Præfulum officium est ab injusto tramite revocare regiam potestatem, & si ei non adqueverit, eos excommunicare. Quod in veteri lege sancti Prophetæ fecisse comperuntur. Nathan quippe Propheta, sicut jam prænotatum est, peccatum quod Rex David fraudulenter & occultè commiserat, ei publicè denudavit, & confessione correptum consequenter absolvit. Et in

novo testamento beatus Ambrosius Mediolanensis Episcopus majorem Theodosium Imperatorem pro suo facinore ab ecclesiastica communione publicè palamque suspendit, & ad pœnitentiam redegit regiam potestatem. Sanctus etiam Germanus Parisiorum Episcopus Aribertum Regem Francorum, quia uxore sua legitima derelicta; duas sibi subintroduserat uxores, excommunicavit. Et quia correptus non est, Dei judicio percussus, in eadem excommunicatione mortuus est. Necesse est enim ut temeritas malorum Principum sanctorum auctoritate Præsulum refrenetur & dignis coërtitionibus comprimatur: quæ si non fuerit digna castigatione restricta, præbebit populo facilem peccandi facultatem. Fornicatores autem & adulteros Apostolus Paulus a contubernio ceterorum separat Christianorum, ubi cum ejusmodi nec cibum dicit esse sumendum. Vnde meritò ab Ecclesia segregantur, & à sacramentis altaris arcentur. Ecclesiastica verò disciplinæ jugum nemo catholicus à service sua debet abigere, sed sacerdoti salubria sibi suggerenti parere: quia, sicut Samuel Propheta testatur, melior est obedientia quàm victimæ, & auscultare magis quàm offerre adipem arietum. Obedientia ergo victimis jure præponitur: quia per victimas aliena caro, per obedientiam verò voluntas propria macratur. Tanto inquam quisque Deum citius placat quanto ante ejus oculos arbitrij sui repressa superbia gladio timoris Dei voluptates suas à se præcendendo debilitat. Obedientia nempe est virtus quæ principaliter fidei meritum possidet: qua quisquis caruerit, infidelis esse convincitur, etiam si fidelis esse probetur: quam qui sacerdotibus non exhibet, Deo repugnare videtur. Ab eis enim, id est, à sanctis Præsulibus, sicut suprà retulimus, per universum orbem quondam fides catholica diffusa est.

Apostoli quippe, quorum ipsi sunt heredes, siue discipuli, adhærentes Christo summo Pontifici, inventi sunt præcipuè persecutionis tempore fide firmi ac religione præcipui & metu mortis interriti. Vnde nunc omnis Christianus rectè eorum expetit suffragio à peccatorum suorum nexibus enodari, & eos honorat & excolit velut patres atque magistros. Verùm quia de his pro tempore satis jam diximus, decet ut iterum de Regum antiquorum magnificentia vel liberalitate, qua sanctam extulerunt Ecclesiam, pauca nescientibus retegamus. Pipinus Rex Francorum Adriani Papæ precibus invitatus Romam venit, & eundem Romanum antistitem ab infestatione Hastulti Regis Italiæ magnificè liberavit, & præda ei erepta restituit. Adriano verò Papæ Leo successit; quem Romani multis injurijs affecerunt, & à sua sede pariter expulerunt. Sed & hunc Karolus Rex Francorum magnificus Romam veniens loco suo restituit, & inimicos ejus morte multavit, multaque in auro & argento Ecclesiæ beati Petri largitus est munera. Imperatoris quoque Henrici secundi temporibus iterum Romani Clementem Papam multis contumelijs affectum à sua cathedra pepulerunt. Quod præfatus audiens Imperator, Romam venit, & eum in propria sede reposuit. Post decessum verò Papæ Clementis, rursus Romani quondam inutilem puerum Papam ordinaverunt. Sed & hunc Henricus tertius, Henrici supradicti successor & filius, à sede deposuit, & Gregorium sextum illi substituit. Quidam denique Regum & Imperatorum pro Dei amore & delictorum suorum expiatione, alios benignitatis fructus indigentibus exhibuere. Alij verò pro sibi subdita gente multas pertulerunt anxietates, & quidam pacem regni sui prætulere periculis. Sed & quidam illorum fures, adulteros, & omnes æquè

sacrilogos exquisitis interimentes supplicijs, magna populo suo beneficia contulerunt. Alij quoque leges discretione præcipuas & honestas populis tradiderunt. Alij verò fuerunt benignitate præcipui, & alij sensati, & facundia præditi, & alij pacifici, & alij universa morum probitate conspicui. Alij ipsorum etiam diversis ædificijs Ecclesias ornaverunt, & alij victoricibus armis gentem perfidam a regni sui finibus expulerunt : quibus omnibus indiget Ecclesia. Quidam etiam in suis fundis ædificaverunt Ecclesias, in quibus viros posuere religiosos & eis sua prædia contulerunt, ut ex eorum redditibus viverent, & ibi dein sine sollicitudine nocte dieque Domino ministrarent, homines sanctos & honestos eis præponentes, quos appellamus Abbates, qui eos diligenter divinis mandatis imbuerent, & eis pariter necessaria providerent. Ex eo quoque tempore cœperunt etiam præsulatus honorem quibusque viris religiosis & divinis dogmatibus diligenter excutis regali munificentia tribuere & Ecclesiæ Dei pastores dignissimos prævidere. Quæ discreta consuetudine usi sunt multi Reges & Principes usque ad tempora nostra in promovendis viris doctissimis atque sanctissimis, sicut in superiori jam diximus libro. Vnde etiam ille magnus Papa Gregorius, cujus hodie sacri flores eloquij redolent in sancta Ecclesia, Mauricio Imperatore jubente consecrari non renuit. Quod & ante eum beatus fecisse legitur Ambrosius Mediolanensis Archiepiscopus, vir sanctissimus; qui Valentiniانو Imperatore jubente, præsulatum prædictæ suscepit Ecclesiæ. Hoc etiam fecere multi viri catholici; quos & decorabat morum elegantia atque sanctissima vita. De quorum numero fuisse noscuntur sanctus Andoënus Rothomagensis Archiepiscopus & sanctus Eligius Noviomensis antistes, viri Deo gratissi-

mi ; sicut eorum indicant actus , qui Regis Dagoberti munere pontificari meruere. Veruntamen propter eos qui violenter in Ecclesia se ingerunt , & præfulatus honorem ab inreligiosis Principibus pecunia comparant, amantes superbiam & temporalem dominationem cum vana pompa & arrogantia mundi hujus , statuit sancta Nycæna synodus ne quis præter voluntatem & consensum Metropolitani sui, ullatenus fiat Episcopus. Quod & postmodum venerabiles Romani corroboravere Pontifices, videlicet Gelasius, Cælestinus, & Leo sanctissimus, decernentes ut nulla ratione fiat Episcopus qui nec à Clericis est electus, nec à plebibus expetitus , nec à provincialibus Episcopis Metropolitani judicio consecratus. Vnde salutiferum & opportunum esse speramus ut si Rex aut quislibet pius Princeps præfulatus honorem viro sancto ordinabiliter tribuere vult , ne hoc suo solo faciat arbitrio , sed consilio & consensu Metropolitani Episcopi. Nam pro eis qui se contra censuram religiosam provehunt, & culmen regiminis populi sibi rapiunt quàm assequuntur , solet sæpe dissensio pullulare, & oritur nonnunquam in populo gravis perniciēs. Vnde nobis cautum fore videtur ut si res hujusmodi, pravorum studiis obstantibus , competenter minime perfici potuerit , ut tandem differatur donec in generali synodo rationabiliter atque legitime terminetur. Proinde Regis officium est etiam dissidentes Episcopos reconciliare , sicut multis documentis possumus adprobare. Imperatoris quippe Valentiniani junioris temporibus Sixtus Romanus Pontifex incriminatus est a quodam Basso. Quod audiens modò dictus Augustus , pia cura iussit Concilium celebrari ; in quo purgatus est Papa Sixtus a crimine , & Bassus condemnatus est. Theodorici etiam Regis Italiæ temporibus Syn-

machus sedem obtinuit apostolicam, & eodem die Laurentius provectus est ad eundem gradum per seditionem. Quod Senatus Romanus Regi Theodorico intimavit, & ut eis mitteret qui ordinaretur Apostolicus suggestit. At ille misit eis Petrum Altinæ civitatis Episcopum. Sed Symmachus convocavit Concilium centum & viginti quinque Episcoporum, in quo se purgavit ab his quæ ei obiciebantur; & ita demum usque ad diem suæ dormitionis permansit Apostolicus, & Laurentius privatus est sede sua. Anno quoque incarnationis dominicæ nongentesimo sexagesimo secundo Octavianus Papa, cū n de inreligiositate culparetur, Othone Romano Imperatore jubente à suâ sede expulsus est, & Iohannes septimus ei est substitutus. Verū cū modò dictus Imperator à Roma discessisset, Romani Octavianum receperunt, & Iohannem ab urbe expulerunt, & Benedictum Papam ordinaverunt, Quod Imperator Otho comperiens Romam redijt, & præfatum Papam Benedictum iudicio synodali deposuit, & Iohannem loco suo restituit. Itaque, sicut evidenter sermo noster aperuit, Regi rite subjacere videntur omnes regni ipsius Episcopi, sicut patri filius deprehenditur esse subiectus, non natura, sed ordine, ut universitas regni ad unum redigatur principium. Ad eum denique pertinet illas quæ ad querelas veniunt causas in toto regno suo prudenter audire & auctoritatis suæ privilegio corrigere vel pacificare. Vnde reprehendi à quibusdam solet quod Gregorius septimus consecrari vitavit consensu & licentia Imperatoris. Pro qua re dissensio ista processit, & fiunt cotidie cædes Christianorum, & loca Deo sacrata Romano sanguine polluantur & contaminantur, Ecclesiæ solo tenus evertuntur, & Christicolæ à suis domibus excluduntur, & castella & vici & villæ flammis ardentibus

consumuntur ; & nullus , proh dolor , invenitur qui causam istam cautè discutiat , prudenter examinet , ac justè determinet. Clerus & populus in ambiguo positus est , & magniloqui sive magnates nolunt brachia sua , id est , vires suas , extendere contra impetum tribulationis ; sed facti sunt quique potentes velut arietes invicem se debellantes, Reprehenditur etiam illud decretum ipsius , in quo continetur ut nullus Episcoporum investituram episcopatus vel abbatiae de manu Regis vel Imperatoris suscipiat , propter viros sanctos qui dudum Regum vel Imperatorum munere , sicut suprà retulimus , pontificatus honorem recipere non recusaverunt , quod nunquam fecissent , si in hac re culpam latere novissent. Nec , ut speramus , Deus illos tantis miraculis corruscare faceret , nisi eorum vita coram ipso laudabilis extitisset. Supervacua igitur esse videtur. Porro pompa mundi hujus quibusque Principibus superbiae & elationis tumorem ingerere solet , & dum illicita committunt , reprehensoribus suis dicere solent , Nos à nemine debemus judicari , & sub nullius sumus positi potestate , indomabiles se praeberentes medicis spiritualibus , id est , sanctis doctoribus , qui eorum delicta paterna scienter possentque pietate curare. Itaque in languore suo permanere donec deficiant . non attendentes illud sapientissimum dictum : *Omnia , inquit , mihi licent , sed non omnia expediunt.* Qui si Deum timerent , & ignem illum qui paratus est diabolo & satellitibus ejus , nimirum illud animo saepe revolverent quod in beati libro Iob scriptum est : *Nunquid justificari potest homo comparatus Deo , aut apparere mundus natus de muliere ? Ecce & luna non splendet , & stellae non sunt munda in conspectu ejus . Quanto magis homo putredo , & filius hominis vermis . Corpus enim quod corrumpitur ad-*

gravat animam, & terrena inhabitatio sensum multa cogitantem. Verùm nunc vereor ne quis me redarguens dicat. Non est tuum, frater, honorabiles ac sublimes increpare personas, quorum peccata Deus judicanda suo reservat iudicio. Sed meminerit quisquis ille est quia beatissimus Petrus Apostolus, qui ceteris omnibus Apostolis præminebat, & cui Deus ac Dominus noster Iesus Christus ore proprio locutus fuerat dicens, *Tu es Petrus, & super hanc petram edificabo Ecclesiam meam, & porta inferi non prevalebunt adversus eam, & tibi dabo claves regni celorum, & quodcumque ligaveris super terram, erit ligatum & in celis, & quodcumque solveris super terram, erit solutum & in celis*, quòd hunc Paulus nuper ad fidem conversus ausus est reprehendere, ac divino zelo succensus coram omnibus increpare. Sic etenim idem Apostolus Paulus scribens ad Galatas dicit: *Cùm venisset Cephas Antiochiam, in faciem ei resisti, quia reprehensibilis erat. Prius enim quàm venirent quidam ab Iacob, cum gentibus edebat. Cùm autem venissent, subtraherat & segregabat se timens eos qui ex circumcissione erant. Et simulationi ejus conserferunt ceteri Iudæi, ita ut & Barnabas duceretur ab eis in illam simulationem. Sed cum vidißem quòd non rectè ambularent ad veritatem evangelij, dixi Cepha coram omnibus: Si tu, Iudæus cùm sis, gentiliter vivis, & non Iudaicè, quomodo gentes cogis Iudaizare. Nos natura Iudæi, & non ex gentibus peccatores. Scientes autem quòd non justificatur homo ex operibus nisi per fidem Iesu Christi, & nos in Christo Iesu credimus, ut justifiedmur ex fide Christi, & non ex operibus legis. Ergo si tantus Apostolus, carnis infirmitate præpeditus, reprehensibilis inventus est, quanto magis ille reprehensibilis est cujus cor tument, & quasi magna cogitans, attonitos habet oculos? Veruntamen ille*

qui ceteris Apostolis eminebat, & quem Dominus Iesus Christus magister optimus ore suo docuerat & spiritus sanctus illuminaverat, Paulum super ad fidem conuersum salubria sibi suggerentem humiliter audire non renuit, sed illi penitus adqueieuit. Homo verò fastu potentiae seculi hujus praeditus, sicut in libro Iob legitur, in superbiam erigitur, & tamquam pullum onagri se liberum natum putat, ideoque reatum suum cognoscere, & sanctis hominibus assensum praebere detrectat. Veruntamen Deus sapientes homines saepe per simplices quosque solet instruere. Vnde & Balaam Propheta, qui mercedem amavit iniquitatis, correctorem habuit suae vesaniae animal mutum cui insidere solebat. Excelsus quippe Dominus & humilia respicit & excelsa à longè cognoscit. Humilia inquam respicit ut attollat, & excelsa, id est, superba, ut dejiciat. Quapropter oportet ut quicumque culmen honoris obtinet, se diligenter attendat, & nulla se ipsum adulatione seducat, sed intelligat cum quanto periculo mortis aeternae & cum quanta penuria perfectae iustitiae peregrinemur à Domino. Nam licet sint speciosi pedes evangelizantium pacem, evangelizantium bona, tamen de terra sicca pulverem contrahere solent. Et si hoc dispersatores verbi Dei & ministri sacramentorum ejus, quanto magis quaedam provincia magni Regis? Vnde Psalmista Domino dicit: *Beatus quem tu erudieris, Domine, & de lege tua docueris eum.* Sed de his modò sepositis, operae pretium est beati Papae * Leonis decretum nostris auditoribus propalare, & quid de ordinando Papa sanxerit, nescientibus intimare. Qui cum anno incarnationis dominicae MLVIII. Papae Leoni successisset, anno ordinationis suae secundo Concilium habuit in basilica Lateranensi mense Aprili,

* Nicolai.

Indictione duodecima; in qua residens, omnibus sibi circumfidentibus dixit.

» Novit modestia vestra, fratres carissimi & coë-
 » piscopi, inferiora quoque membra non latuit, de-
 » functo piæ memoriæ domno Stephano decessore
 » nostro, hæc apostolica sedes, cui Deo actore deser-
 » vio, quot adversa pertulerit, quot denique per si-
 » moniacæ hæresis trapezetas malleis & crebris tun-
 » sionibus subjacuerit, adeo ut columna Dei viventis
 » jamjam penè videretur nutare, & sagena summi
 » piscatoris, procellis intumescens, in naufragi-
 » j profunda submergi. Unde, si placet fraternitati
 » vestræ, debemus auxiliante Deo futuris casibus pru-
 » denter occurrere & ecclesiastico statui, ne redivi-
 » va, quod absit, mala prævaleant in posterum præ-
 » videre. Quapropter instructi prædecessorum nostro-
 » rum aliorumque sanctorum patrum auctoritate de-
 » certimus atque constitimus ut obeunte hujus Ro-
 » manæ universalis Ecclesiæ Pontifice, in primis Car-
 » dinales Episcopi diligentissima simul consideratio-
 » ne tractantes, mox sibi Clericos Cardinales adhi-
 » beant, sicque reliquus clerus & populus ad con-
 » sensum novæ electionis accedant. Et ne venalitatis
 » morbus qualibet occasione subripiat, religiosi viri
 » præduces sint in promovendi Pontificis electione,
 » reliqui autem sequaces. Et certè rectus atque legi-
 » timus hic electionis ordo perpenditur, si perspec-
 » tis diversorum patrum regulis seu gestis, etiam il-
 » la beati Leonis sententia recolatur: *Nulla, inquit,*
 » *ratio finit ut inter Episcopos habeantur qui nec à Cle-
 » cis sunt electi, nec à plebibus expetiti, nec à compro-*
 » *vincialibus Episcopis Metropolitanis iudicio consecra-*
 » *ti.* Quia verò sedes apostolica cunctis in orbe ter-
 » rarum præfertur Ecclesijs, atque ideo super se Me-
 » tropolitanum habere non potest, Cardinales Epif-
 » copi procul dubio Metropolitanis vice fungantur,

qui electum antistitem ad apostolici culminis apicem provehant. Eligant autem de ipsius Ecclesiæ gremio, si repertus fuerit idoneus; vel si de ipsa non inveniatur, ex alia assumatur. Salvo debito honore & reverentia dilecti filij nostri Henrici, qui in præsentiarum Rex habetur, & futurus Imperator Deo concedente speratur, sicut jam sibi concessimus & successoribus illius qui ab hac apostolica sede personaliter hoc jus impetraverint. Quod si pravorum atque iniquorum hominum ita perversitas invaluerit ut pura, sincera, atque gratuita electio fieri in urbe non possit, Cardinales Episcopi cum religiosis Clericis catholicisque laicis, licet paucis, jus potestatis obtineant eligere apostolicæ sedis antistitem ubi congruentius judicaverint. Placuit postquam electio fuerit facta, si bellica tempestas vel qualiscunque hominum conatus malignitatis studio restiterit ut is qui electus est in apostolica sede juxta consuetudinem inthronizari non valeat, electus tamen sicut Papa auctoritatem obtineat regendi sanctam Romanam Ecclesiam & disponendi omnes facultates illius: quod beatum Gregorium ante electionem suam fecisse cognoscimus. quod si quis contra hoc decretum nostrum synodali sententia promulgatum per seditionem vel præsumptionem aut quodlibet ingenium electus aut etiam ordinatus seu inthronizatus fuerit, auctoritate divina & sanctorum Apostolorum Petri & Pauli perpetuo anathemate cum suis auctoribus, factoribus, sequacibus, à liminibus sanctæ Dei Ecclesiæ separatus, subiciatur sicut Antichristus & invasor atque destructor totius Christianitatis, nec aliqua super hoc audientia aliquando ei reservetur, sed ab omni ecclesiastico gradu, in quocunque prius fuerat, sine retractatione deponatur: cui quisquis adhæserit, vel qualemcumque tamquam Pontifici

„ reverentiam exhibuerit , aut in aliquo eum defen-
 „ dere præsumpserit , pari sententia sit mancipatus.
 „ Quisquis autem hujus nostri decreti vel sententiæ
 „ violator extiterit , & Romanam Ecclesiam sua præ-
 „ sumptione confundere & perturbare contra hoc
 „ statutum tentaverit , perpetuo anathemate atque
 „ excommunicatione damnetur , & cum impijs ,
 „ quando resurgent in iudicio , reputerur. Omnipoten-
 „ tis scilicet Dei patris & filij & spiritus sancti
 „ contra se iram sentiat , & sanctorum Apostolorum
 „ Petri & Pauli , quorum præsumit confundere Ec-
 „ clesiam , in hac vita & in futura furorem reperiar.
 „ Fiat habitatio ejus deserta , & in tabernaculis ejus
 „ non sit qui inhabitet. Fiant filij ejus orphani , &
 „ uxor ejus vidua. Commotus commoveatur ipse &
 „ filij ejus , & mendicent , & ejiciantur de habitationi-
 „ bus suis. Scrutetur fœnerator omnem substan-
 „ tiam ejus , & diripient alieni labores ejus. Orbis
 „ terrarum pugnet contra illum , & cetera elemen-
 „ ta sint ei contraria ; & omnium sanctorum quies-
 „ centia merita illum confundant , & in hac vita
 „ super eum apertam vindictam ostendant. Observa-
 „ tores autem hujus nostri decreti Dei omnipotentis
 „ gratia protegat , & auctoritate beatorum Petri &
 „ Pauli ab omnibus vinculis absolvat peccatorum.

Ecce iste Papa sanctissimus sano ac saluberrimo
 consilio & discretionem præcipua in ordinatione
 Domini Papæ debitum honorem & reverentiam
 Imperatori reservans , illud Apostoli Petri manda-
 tum observat quod scripsit idem Apostolus in epi-
 stola sua dicens : *Sub e Ti estote omni humane crea-*
ture propter Deum, sive Regi quasi præcellenti, sive
Ducibus quasi ab eo missis ad vitandam malefesto-
rum, laudem vero bonorum, quia sic est voluntas Dei
ut beneficientes obmutescere faciatis imprudentium
hominum ignorantiam, quasi liberi, non quasi velamen
habentes

habentes malitia libertatem, sed sicut servi Dei. Per terrenum quippe regnum cœleste tunc proficit dum quod sacerdos non prævalet efficere per doctrinæ sermonem, regia potestas hoc agit vel imperat per disciplinæ terrorem. Decet igitur ut unicuique potestati suæ auctoritatis privilegium sibi semper saluum & incolume perseveret. Denique, sicut Paulus Apostolus docet, nemo sacerdotium sibi præripere debet, sed qui vocatur à Deo tamquam Aaron. Nam & Christus non semetipsum clarificavit ut Pontifex fieret, sed qui locutus est ad eum, *Filius meus es tu, ego hodie genui te.* Et in alio loco: *Tu es sacerdos in æternum secundum ordinem Melchisedech: qui in diebus carnis suæ preces supplicationesque ad eum qui posuit eum à morte salvum facere cum clamore valido & lacrymis offerens, exaudiuit est pro sua reverentia.* Et quidem cum esset filius, didicit ex his quæ passus est obedientiam, & consummatus factus est in omnibus obtemperantibus sibi causa salutis æternæ, appellatus à Deo Pontifex juxta ordinem Melchisedech. Ergo decet ut Episcopi quique sequantur formam quæ præcessit in capite, ut & ipsi inveniantur digni offerre spirituales hostias acceptabiles Deo per eundem Christum Dominum nostrum, cujus umbra noscuntur existere. Denique regia potestas spernenda non est, quia Regis officium est totum sibi subiectum populum ab errore corrigere & ad æquitatis atque justitiæ semitam revocare. Vnde in libro Iudicum reperies quia antequam Regem haberent filii Israël, Ionathas filius filii Moyli, cum inter Levitas deputatus esset, præsumpsit sibi sacerdotium; quia unusquisque, inquit, sibi placita faciebat, eò quod non esset Rex in Israël. Ipsius etiam officium est molas iniqui conterere & de faucibus ejus prædam eripere, ut rectè pater pauperum & oculus cæcorum & pes claudorum nominari possit & esse. Ipse quoque de-

bet esse sanctæ defensor Ecclesiæ. Vnde honorandus est tam ab omnibus sui regni Præsulibus quàm à ceteris omnibus quibus præest, etsi non propter se, vel propter honorem & gradum quem à Deo accepit. Nec nos movere debet quia multi pravi & pauci boni Reges inveniuntur. Frumentum enim in comparatione palearum valde exiguum esse videtur. Sed novit agricola quid faciat de ingenti acervo palearum, & novit Deus qui sunt ejus. Sustinet tamen pravy, ut suorum electorum fidem atque prudentiam per illorum perversitatem exercendo confirmet, & quia de numero eorum multi convertuntur & corriguntur. Sustineamus ergo & nos eos quos esse videmus injustos, & amemus eos quos justos esse videmus. Non tamen dico ut toleremus malos carnali timore, sed Dei amore. Nec dico ut amemus eos expectantes ab eis pro nostro amore carnalem retributionem, aut ut serviamus eis propter commoda temporalia aut propter gloriam temporalem, nec ut ponamus in eis spem nostram; quoniam maledictus est homo qui spem suam ponit in homine. Nec dico ut exhibeamus eis nosmetipsos ministros ad malè faciendum, ut eis placere possimus: quoniam dissipabit Deus ossa eorum qui hominibus placent, sicut psalmista testatur. Sed ut amemus justos quia justis sunt, & toleremus malos caritate illius qui eos nobis æquo judicio prætulit atque præposuit. Legem quippe non implet nisi caritas. Et si nos diabolus per eos occultus impugnât, clamemus illud psalmistæ. *Deus meus, eripe me de manu legem prætereuntis & iniqui, quoniam tu es patientia mea à juventute mea.* Et precemur illum ut misericordiæ suæ dulcedinem instillet in nobis. Etenim, sicut testatur psalmista, custodit Dominus omnes diligentes se, & omnes peccatores disperdet. Et liber sapientiæ dicit: *Multi potentes oppressi sunt valinè, & glo-*

*riofit traditi sunt in manus exterorum. Et Job: Adprehendes impium quasi aqua inopia, nocte opprimit eum tempestas, & tollet illum ventus urens. Denique si per eos, id est, si per pravos Prælatos diabolus nos intelligat verbo aut urget tormento ut malum peragamus, mox illis respondeamus, quia obedire Deo oportet magis quam hominibus. Nec quibuscumque tormentis exuperemur, quia non sunt condignæ passionibus hujus temporis ad futuram gloriam quæ revelabitur in nobis. Proinde movet plerisque quod justi in hac vita multa patiantur adversa, mali vero magnis prosperitatibus gaudent. Sed de suis tribulationibus exultat Paulus Apostolus dicens: *Gloriamur in tribulationibus, scientes quoniam tribulatio patientiam operatur, patientia vero probationem, & probatio spem. Spes autem non confundit, quia caritas Dei diffusa est in cordibus nostris per spiritum sanctum qui datus est nobis.* Quo spiritu referti vel inebriati quique viri perfecti omnes adversitates mundi hujus propter eum tolerant qui pro eis mori non dedignatus est. Pro eo inquam quod ardenti amore diligitur omnia tolerantur. Ac impatiens, dum mala quæ ei justè a Deo inferuntur pati renuit, non efficit ut à malis eruat, sed ut mala graviora patiatur. Nemo enim leges omnipotentis evadit; sed omnis creatura, velit nolit, militat Deo & illius subiacet potestati. Sed boni libera voluntate, sicut boni filii, Deo servire noscuntur, & faciunt quod bonum est. Mali quoque Deo serviunt, sed necessitate; & fit de illis quod justum est. Itaque & de bonis & de malis Deus bene facere consuevit. Vèruntamen quicquid ab eo fit, justè fit. Igitur æquius est ut nos ejus sequamur quam ille nostram sequatur voluntatem; ut eo ipso quo nos ejus sequimur voluntatem, ordinati esse incipiamus. Vnde congruum est ut si quis uspiam est qui duas has de quibus loquimur po-*

testates ab invicem per discordiam sejunxit ac separavit, ne negligat agere pœnitentiam, & nequam letali & mortiferæ plagæ per pudorem addat tumorem. Nihil enim est infelicius, nihil scelestius, quàm de vulnere quod latere non potest non erubescere & de ligatura ejus erubescere. Satagat inquam qui hoc scelus admisit Deo satisfacere per pœnitentiæ dolorem & per humilitatis gemitum & per contriti cordis sacrificium, cooperantibus elemosynis. Non enim præcipitur nobis ut tantummodo cessemus à peccatis; sed & de præteritis, inquit, deprecare Dominum. Omnibus denique peccatoribus pœnitentia necessaria est: quam qui contemnit agere, aut Dei flagello pleiunque percutitur, aut morte conteritur. Vnde peccatorem admonet liber sapientiæ dicens: *Fili, ne tardes converti ad Dominum, & ne differas de die in diem. Subiò nempe veniet ira illius, & in tempore vindictæ disperdet te.* Et de pœnitente in libro Iob hoc invenies scriptum: *Si reversus fueris ad omnipotentem, ædificaberis & longè facies iniquitatem à tabernaculo tuo. Dabit tibi pro terra silicem, & pro silice torrentes aureos: & argentum coacervabitur tibi, & afflues delitiis; & rogabis eum, & exaudiet te. Erit omnipotens contra hostes tuos, & decernens rem, & veniet tibi.* Et paulò pòst: *Qui inclinaverit oculos, ipse salvabitur.* Plura parabam adhuc dicere. Sed ne legentibus tædium ingeram, non placet amplius producere librum ac p̄telare sermonem; maxime cùm super hæc omnia multa in altero libro dixisse me recolo, quæ semel audisse sapienti sufficere debent. *Explicit liber secundus.*





VITA BEATI STEPHANI

ABBATIS MONASTERII OBAZINENSIS

IN LEMOVICIBUS,

Scripta ab auctore coætaneo, ejusdem
monasterii monacho, & beati
Stephani discipulo.

*Incipit præfatio in vitam Domni
Stephani Abbatis.*

Licet sanctorum gesta scribendi modò consuetudo non sit, vel potius esse desierit, non tamen hoc aliqua alia ratione fieri manifestum est nisi aut inopia relatorum, aut ipsorum raritate sanctorum, qui in tantum jam defecerunt ut vel qui scribant, vel de quibus scribant, pauci vix aut ferè nulli inveniantur. Vnde est exclamatio illa Prophetæ dicentis: *Salvum me, fac, Domine, quoniam defecit sanctus & quoniam diminutæ sunt veritates à filiis hominum.* Sunt enim adhuc sive fuerunt aliqui sancti occulti, non tantummodò ante Dei oculos vita & actibus refulgentes, & qui in Ecclesia sancti habentur. Sed eorum vita in aliorum exemplum scribi non potuit, vel quia ipsi publicari timentes, maluerunt latere sub modio quàm super candelabrum poni, vel quia non adeo miraculis claruerunt. Quod maxime nunc exigitur ab his qui sanctorum vitas describere volunt. Isti similes videntur lunæ obscuræ seu vetustæ; ex qua nihi apparet in ortu, sed tunc plena coruscat in cælis. Nam qui in terris gloriosi

apparent, & de cœlestibus cogitant, lunæ plenæ magis assimilantur, quæ totam sui luminis claritatem exhibet mundo, obscuritatis nigredinem cœlo. Fuerunt tamen nostra ætate viri sancti utriusque lunæ imaginem præferentes, qui & apud Deum occultè merito sanctitatis gloriosi fuerunt, & apud homines signis & prodigijs mirabiliter effulserunt. Horum vita dignè scribi promeruit, id est, sancti Bernardi Abbatis & sancti Malachiæ Episcopi; prima tribus edita libris; sequens ab ipso sancto Bernardo, tanta elegantia sensuum atque dictorum ut nullius priorum vel illustrium dictatorum operibus inferior habeatur. Ego autem ut vitam Domini Stephani Obazinensium patris qualicunque stilo describerem, non à me ipso permotus sum, ut putatur, sed dominorum & patrum meorum iussionibus invitatus, immo compulsus; quibus etsi in tanta re periculosum fuit parere, periculosius foret non obedire. Egi autem hoc, non ut ipse per hæc innotescar, sed ut sancti viri vita vel conversatio non lateret; quatinus præsentēs & secuturi sciant quis vel qualis hic fuerit, qualiter vixerit, qualiterque mundum reliquerit, quantum denique non sibi soli sed aliis multis profuerit, quàm miranda & præclara opera suo tempore perfecit vel perficienda reliquerit, & ad postremum quàm glorioso ac mirifico obitu de hac vita exierit. Quòd si hoc studium nostrum à multis fortè despiciatur vel etiam respuatur, mirandum non erit, præsertim propter operis novitatem & scribentis indignitatem. Habet hoc humanus animus ut opus ex auctore consideret, & vetustati magis assentiat, nec facilè recipiendam putet scripturam quandiu vel qui scribunt vel de quibus scribunt vixerint super terram. Vnde Iohannes Chrysostomus ait: *Sicut viventium animalium carnes non comeduntur nisi fac-*

rint prius occisa. sic scripta majorum in auctoritatem recepta non sunt nisi post mortem eorum. Inde est quod Dominus invitatis ad cœnam dici præcipiebat: *Tauri mei & altilia occisa sunt, venite ad nuptias.* id est, jam mortui vel occisi sunt per quos vobis scriptura confecta est, ut divini verbi epulas non quasi humanas, sed ut verè divinas, legendo percipiat. Nec ista dicimus ut quia modò non possumus, saltem post mortem recipiendi simus; sed quia quosdam super his mussitasse comperimus, dicentes non debuisse à nobis ista describi, vel quia indigni vel imperiti sumus, vel quia is de quo loquimur nondum est inter sanctos canonizatus; cùm legamus plures sanctorum, quorum vitæ magna ex parte descriptæ fuerunt antequam ipsi obirent. His & aliis simili modo quærentibus nihil aliud respondemus, nisi hoc tantum, quia si Deus voluerit, hoc opus manebit, & si noluerit, non manebit. Credimus autem & indubitanter speramus quia manens manebit & proficiet, dominante Deo, tam ad ejus de quo loquimur laudem quàm ad multorum ædificationem. *Explicit præfatio.*

INCIPIT VITA EIUSDEM.

I. Igitur Stephanus Aquitanica regione, territorio Lemovico, oriundus fuit, parentibus inter suos honestis & longa prosapia Christianis; cujus pater æquè Stephanus, mater Gauberta dicta est. Qui quidem parentes nec nimium locupletes, nec admodum pauperes, sufficientia vitæ satis habebant, & per cetera quoque bona probabiles, hunc Deo dilectum non tam sibi quàm Ecclesiæ Dei necessarium genuerunt. Fertur ejus genitrici visio per noctem ostensa, cùm eum prægnans utero tumefcente gestaret, quòd quasi agnum in loco filii

LIB. I. peperisset, cui adulto magnus ovium grex tradebatur. Quod dum quidam viro Dei sancto narraret, audivit ab eo quòd talem ipsa filium generaret cui multus à Christo animarum populus crederetur cœlesti magisterio informandus. Dicunt tamen alii a prædicta femina, non regnum, sed catulum album visum fuisse, sicut legitur de sancto Bernardo. Vtrumque tamen in significatione verum apparuit; quia & agnus fuit innocentiae puritate, catulus, immo canis non mutus, in custodia gregum, id est, animarum jugi sollicitudine. Nam quantos pro Domino & grege sibi commisso latratus dederit non est nostrum evoluere, quia ad alia festinamus. Utraque natus & adultus, præceptoribus traditur, ut in schola Ecclesiæ literis sacris imbueretur; quibus non mediocriter institutus, in brevi horum plenè scientiam attigit, earum scilicet scripturarum quæ vel ad divinum cultum vel ad ædificationem pertinent animarum. Cùm enim ad majorem pervenisset ætatem, patre jam defuncto, totius domus curam suscepit, matremque & fratres atque sorores seu omnem familiam strenuè gubernabat & cum disciplina regebat; sed plus studiosè agebat curam pauperum quam parentum, quia melior illum causa urgebat. Nam ad illud humanitate, ad istud misericordia trahebatur & spe retributionis æternæ. Erat pater orphanorum, nutritor pauperum, susceptor peregrinorum, & pius consolator viduarum. Manus ejus plus ad dandum quàm ad suscipiendum erant porrectæ, ut impleret illud Psalmistæ: *Dispersit, dedit pauperibus: justitia ejus manet in seculum seculi.* Castum, sobrium, ac benignum, omnibusque affabilem & munificum se exhibebat; ita ut cuncti circumquaque positi illius industriam ac nimiam prudentiam mirarentur. Atta-

en adhuc venationibus & quibusdam secularibus
agis inferviebat; eratque cultus vestibis, cum
amen cultior moribus haberetur. Quod quidem
rius pro cavenda inani gloria, ad occultandum
cordis propositum ostentabat, & ne alii de illo
plus quàm ipse de se existimarent.

I I. Postquam autem largiente Deo sacerdotalis
ordinis gratia sublimatus est, secularem vitam fun-
ditus deseruit, & quam priùs mente despexerat,
opere moribusque ei renunciavit. Iam risus & illæ
quondam nugæ convertuntur in luctum, & gau-
dium in mœrorem; venationes ferarum in captu-
ram transeunt animarum; jam pretiosarum vestium
cultus deponitur, & dulcium escarum despicitur
apparatus. Nam pro molli indumento cilicium in-
trinsecus ad carnem gestabat, & pro suavi cibo
panem suum cum lachrymis & potum cum fletu
percipiebat. Denique tanta corpus suum austeri-
tate tractabat ut iam frigore quàm inedia penè il-
lud necaret. Siquidem media hyeme, quando
gelu & frigore cuncta constringebantur, securi
glaciem effringebat, ibique usque ad cervicem de-
mersus tamdiu perdurabat donec interiora ejus vis
algoris altius penetraret, dicens quodam modo
cum Psalmista: *Quia factus sum sicut uter in pru-
na, justificationes tuas non sum oblitus.* Erat in jeju-
niis præcipuus, in vigiliis assiduus, in orationi-
bus promptus; quas non compositio verborum;
sed lachrymarum devotio divinis auribus offere-
bat. Sermo ejus sale conditus & caritate erat ig-
nitus, auditoribus divini amoris incendium & sa-
pientiæ condimentum infundens. Tanta docendi
gratia ei à Domino data fuerat ut audiendi verbum
ex ore ejus nulla unquam satietas sequeretur. Quòd
si illo absente aliquis in Ecclesia loqueretur, velut
rusticanus à populo spetnebatur propter illius ad-

LIB. I.

mirabilem & spiritu ferventem doctrinam. Nec immeritò. Nam quod ore docebat, operibus commendabat, & sermones rectissimos vita non inferior illustrabat. Divinis officiis multùm pervigil & indefessus astabat, nullis curis, nullis occupationibus proprium intermittens cursum, nisi gravi infirmitate aut inevitabili causa detineretur. In his verò rebus quæ ad altaris propriè ministerium pertinent, hoc est, vasis sacris vel vestibus seu quibuscumque ornamentis, in Ecclesiis in quibus ministrabat tantam diligentiam impendebat ut ex hoc in ceteris admirabilis & ubique irreprehensibilis appareret. Sicut in militia aut in aliqua arte ita nonnulli instructi ac periti habentur ut inde magistri meritò censeantur, sic iste in cultu altaris & totius honestatis ac munditiæ magister & prævius habebatur. Etat assiduus in lectione divinarum scripturarum, maximè his qui evangelicas paginas exposuerunt; unde tam sibi legendo quàm aliis prædicando æternam provideret salutem. Cùmque ibi multa de contemptu mundi & gloria futuri seculi reperiret, valde accendebatur mens ejus ad despectum præsentium & desiderium futurorum, dicens quodammodo cum Propheta: *Quando veniam & apparebo ante faciem Dei?* vel iterum: *Defecerunt oculi mei in eloquium tuum, dicentes: Quando consolaberis me?* Talibus desideriis inflammatus, quotidie abrenuntiare seculo disponebat; ut terrenis curis abjectis, pauperem Christum pauper ipse ac nudus expedito gressu continuò sequeretur. Sed ne hoc temerè & absque consilio facere videretur, quendam adiit religiosum virum atque sanctissimum, Stephanum cognomento de Mercurio, qui fuerat discipulus sancti Roberti, utpote ab ipso nutritus, cujus fama sanctitatis in tota illa regione celebris habebatur. Ad hunc cùm venisset, ei-

que suæ mentis propositum indicasset, non de voto diffidens, sed consilium quærens, ita venerabilis senior illi respondit. Oportet, carissime, ut desiderium tibi divinitus inspiratum diu non protrahas, neque differas de die in diem, sciens quia semper nocuit differre paratis; quin potius ut mente conceperas, abjectis mundi curis, Christi vestigia felici cursu insequare, ut tuo exemplo multi convertantur ad Deum. Hoc responso tamquam divino frētus oraculo, lætus ad propria remeavit. Habebat autem in hoc proposito socium & sodalem quendam Petrum nomine, mitæ simplicitatis virum, qui & ipse Presbyter nuper fuerat ordinatus. Huic soli sui cordis secreta commiserat, tali conditione, ut pariter seculo renuntiantes, religionis sanctæ habitum incunctanter arriperent, & in eo usque ad finem vitæ perseverarent. Exinde festinabant viri sancti quod Deo voverant adimplere; quò mundi hujus nexibus absoluti, libero & absoluto gressu viam salutis incederent, ut ad Christum pariter pervenirent.

III. Igitur paucis interpositis diebus, hebdomada prima quadragesimæ, quando cineres dari solent, feria quinta, convocatis affinium turbis ultimum vale facturi, sollemne eis convivium præbuerunt, & quicquid de substantia superfuit pauperibus diviserunt. Sequentem verò noctem vigiliis & orationibus pervigilem ducunt, obsecrantes Dei clementiam ut vota sua, quæ præveniando eorum cordibus aspirarat, etiam adjuvando prosequeretur. Deinde religiosa veste se induentes, mox antequam illucesceret, nativo solo relicto, nudis pedibus quasi ad exilium ire cœperunt. Erat quidam illis in partibus eremita Bertrannus nomine, instituendis animabus curam gerens, habens & ipse paucos discipulos illius magisterio ad-

LIB. I.

hærentes. Quem cùm expetissent, decem tantùm menses cum eo fecerunt, non tædium passi, sed magis probati, quò non retro irent, sed fortiora appetèrent & viciniora saluti. Siquidem tali ad eum conditione venerant, ut si cum eo tantillo hoc spatio non convenirent, liberi & absque querela ad alia demigrarent. Egressi inde lustrabant circumquaque religiosa loca, sic ubi perfectiori instituto, tantò perfectiùs quantò & fortiùs Deo pro voto famularentur. Necdum enim in his regionibus adeo religionis hujus ordo florebat. Sed Deus omnipotens noluit eos tunc alicujus magisterio subdi, ut quod de beato viro prædestinaverat adimpleret.

IV. Procedens ergo vir Dei unà cum venerabili socio, lustrata undique regione, tandem saltum Obazinensem experiit, dictum, ut credo, ab opacitate silvarum & veprium densitate quibus ex omni parte vestiebatur. Qui locus, præter densitatem silvarum, præruptis hinc inde scopulis cingebatur, quodam fluvio Correzia nuncupato inferiùs decurrente, qui non parvam loco præstare videtur amœnitatem. Ad hunc locum pervenientes beati viri die parasceve quod est ante Pascha, nudis, ut erant, pedibus ejus interiora inpavidi penetrarunt. Erat haut procul modica planities inter convalles depressa, sed dumorum ac veprium vastitate condensa, parvo rivulo per medium defluente; in quam post multos viarum anfractus & devexos circuitus, per concava vallium & montium prærupta ingressi, ipso & sequenti die absque cibo aut alicujus solatio ibi manserunt. Tertia die, quæ est dominicæ resurrectionis, ad vicinam Ecclesiam petrexerunt; & acceptis mutuo calciamentis, unus eorum. Missam cantavit & socium communicavit. Quo peracto, redditis calciamentis, cùm nullus

eos ad prandium invitaret, non absque mœstitia ad L I B. L
metatum redire cœperunt. Cùmque montis juga paulatim conscenderent, & in summitate ejus labore inediaque vexati paulatim requiescerent, matrona quædam ex vicino rure qui Pauliacus dicitur ad eos accessit, deferens eis dimidiam tortam panis & vas lactis; quæ ipsi cum tanto gaudio susceperunt ut testaretur postmodum vir sanctus nihil se in vita sua, quantum ad cibum, desiderabilius percepisse. Ad metatum ergo reversi, & cibo illo refecti, cùm à nullo adhuc vel qui essent vel ubi essent agnosceretur, multos ibi dies absque humano cibo fecerunt, exceptis herbarum radicibus vel quicquid in eremo reperiri posset. Sed cùm misericors Deus & eorum æumnas solari vellet & exemplo illorum alios circumpositos informare, tali eos modo in notitiam hominum voluit devenire. Dum quadam die paterfamilias qui in vicino degebat ad Ecclesiam pergeret, venit ei in mentem inspirante Deo, ut pauperibus ibi degentibus alimenta deferret. Cùmque ibi se pergere existimaret, repente via perditâ quasi errando ad eundem pervenit locum; nec tamen errore viam perdiderat, qui illo ductore agebatur qui quondam Presbyterum ad beatum Benedictum in paschali transmisit solemnitate. Videns itaque prædictus vir ignotas in religioso habitu personas sedere, primò quidem miratus est, ac deinde miseratus, alimonias quas ferebat eis potrexit, quibus ipta & sequenti die sustentati sunt. Nec multò post a pastoribus reperti, dùm ab eis per vicina loca divulgarentur, multi ad visitandum eos venire cœperunt; qui cùm eis alimenta defetrent corporis, ab eorum ore alimenta referebant vitæ, quamvis timerent ex præcedentibus ne ibi diù perseverarent.

V. Quidam namque pseudochorita olim illuc advenerat; qui ibi manere velle se simulans, casu-

LIB. I. lam ad modum oratorij ædificavit. Cùmque ei multa populus offerret, libenter accipiebat, & quæ abluere non poterat, in pecunias redigebat. Deinde venientibus ad se diem indixit, quo quasi ad Missarum nova sollemnia unanimiter convenirent. Nocte verò quæ prædictam diem præcedebat, nescio quid opinatus, assumptis omnibus quæ habebat, subito nusquam comparuit. Ex cujus repentino discessu & qui convenerant & qui audierant irrisi pariter & offensi, duriores ad istos esse cœperunt, æstimantes eos simili modo facturos. Vnde ab eis neglecti, tantam famis injuriam sustinebant ut etiam arborum teneritudines & quæque virentia avidè carperent & pro suavi cibo sibi apponerent. Potus aqua erat permodica; quam fragmine testæ haurientes, naturæ satisfaciebant. Etenim ipsam testam multis diebus in usum habuerunt. Stratum dura humus excipiebat, in quam exhausta jejuniis membra collidenda potius quam quietura jactabant. Ac ne pulvilli quoque deessent, duros lapides capiti supponebant, qui & somnum arcerent & molitiam summovent. Vestimenta carni tamdiu adhærebant quandiu sordium aut pediculorum nimietas eas mutare compelleret. Tunc exuentes ea, super ignem excutiebant, aut in aquam mittebant. Quibus lotis & parumper expressis, ita eis denuo vestiebantur ut corpore madefacto & gelido vestimento, tam pondere quàm frigore penè consumerentur. Quod maximè hyemis tempore faciebant, quando nulla erat lavandi necessitas, sed sola cruciandi voluntas. Sed cùm hæc non sufficerent, lorica sibi pater Stephanus coaptavit; quam multis annis occultè ad carnem gestavit, donec vetustate consumpta, paulatim scissa est. Taliter se bonus athleta in carne pro Christo damnaverat, ut ejus spiritus in die Domini salvaretur.

Construxit autem juxta prædictam arborem parvum ex lignis tugurium vili tegmine coopertum, in quo die ac nocte unâ cum venerabili socio continuis orationibus & psalmorum decantationibus insistebat; ubi cum post modicam quietem, qua fessos paululum recreabant artps, ad divinas laudes consurgerent, mox ut se viderunt somno gravari, arreptis virgarum manipulis, nudatisque lateribus, vapulabant & vicissim se verberabant. Sic caro exhausta jejuniis & vigiliarum ac laborum pondere fatigata diutino quoque verberare sulcabatur; ut per hoc in servitutem redacta, non carnales sed spirituales fructus proferret. Vnde & Apostolus de semetipso dicebat: *Castigo corpus meum & in servitutem redigo, ne cum aliis prædicaverim, ipse reprobus efficiar.* Quod qualiter iste fecerit manifestum dabatur indicium cum sancta illius facies exarata rugis & juniorum pallore confecta rarissimos ac tenues germinaret pilos. Sed & capilli capitis ejus in suo statu manentes, nec in senectute mutati sunt, ut aut calviciem contraherent aut candorem; ita ut juvenis putaretur, nisi rugæ ipsius, ut scriptum est, testimonium illi darent.

VII. Post hæc, superius memoratus socius ejus communi assensu Lemovicam perrexit ad urbem, adjuncto sibi Clerico Bernardo nomine, qui nuper ad eos convenerat, quique postmodum relictis omnibus in eodem loco conversus est, in quo usque ad finem vitæ religiosè conversatus est, & felici obitu consummatus; cujus relatione de beati viri actibus multa addidici; quia & in seculo familiaris illi fuit, & in religione usque ad illius obitum inseparabiliter ei adhæsit. Pervenientes ad urbem, Episcopo tunc Eustorgio colloquuti sunt, diligenter ei causam suam & propositum beati viri aperientes. Qui benedicens eis, crucem quam ei

LIB. I.

detulerant consecravit, eisque cum aqua à se benedicta tradidit, dans potestatem Missam celebrandi & monasterium construendi; ita duntaxat ut morem à patribus traditum per omnia sequerentur. His auditis sive acceptis, ad patrem suum cum gaudio sunt reversi. Qui mox acceptis quæ detulerant, habitationem suam in ulteriorem rivuli ipsius partem promovit. Vnde noxia & inutilia quæque succidens, ad instar monasterii domos ædificavit, hoc est, oratorium, dormitorium, refectorium, coquinam, & in medio eorum claustrum, omnibus his vix unius haut magnæ domus spatium occupantibus. Iam enim aliquanti ad Deum conversi illius discipulatu in hærebant, & disciplinæ jugo subiecti arduam nimis ac rigidam cum eo conversationem ducebant; ideoque pauci erant qui eos imitarentur, nisi hostes propriæ carnis effecti de præsentī vita non cogitarent. Sanè quod Dei erat recipientes, & quod mundanum repudiantes, canonicam regulam in officiis, & in proposito eremiticam vitam ducebant. Canonici etsi regulariter Deo canunt, est eis ex accuratis cibis lauta & copiosa refectio, ac diuturna quies, labor manuum aut nullus aut minimus. Quod vir sanctus multum abhorrens, ita statuerat, ut totius diei spatium in operibus manuum expenderetur, excepto quod aut lectio aut laus sibi vendicabat divina. Sicque ad vesperam modico cibo refecti, incumbente jam nocte paululum quiescebant usquequo surgerent ad matutinarum officia persolvenda; quibus vigiliis beatæ Mariæ & omnium sanctorum adjucentes, necnon etiam ordinem defunctorum cum familiaribus psalmis, non minimum noctis spatium insumebant. Sed & illud quod post vigiliis intervallum restabat non quieti aut somno deputabatur, sed peculiaribus orationibus aut operibus manuum inserviebat. Nam quæcumque

quæcumque domui necessaria erant, & sedendo cum lumine fieri poterant, non in die sed in nocte fiebant; quia tunc majoribus laboribus occupati erant. Post primam dictis septem psalmis, cum ietania prostratis, statim sequebatur Missa, nisi, quod sæpe eveniebat, calciamenta deessent. Qua cantata, mox egrediebantur ad opera manuum, viro Dei nonnunquam intra monasterium residente. In quo spatio quis æstimare sufficiat quibus lachrymis quibusve gemitibus ac suspiriis ferventi desiderio satisfaciebat, cum solus existens nec testem nec arbitrum formidaret. Et quis eum æstimet tunc somno aut quieti vacasse, quæ ipsius modicæ quietis impatiens nocturna tempora orando & psallendo præveniebat? Sed hæc ideo ad plenum exponere recusamus; ne quia in occulto gesta sunt, opinata magis quam cognita scripsisse inveniamur. Unde his omis-
sis, ad ea quæ nota sunt potius veniamus.

VIII. Cum absentibus fratribus domi remaneret, non solum his quæ diximus studiosè vacabat, sed & coquinæ officium non segniter peragens, quæ ad refectionem necessaria videbantur diligentius procurabat. Ipse pulmenta colligebat & præparabat, ipse ligna defererebat & incidebat, & aquam propriis humeris bajulabat. Tunc demum accenso igne, olera sive legumina diligenter coquebat & fratribus apponebat, ac circa refectionem eorum ut Martha sollicitè satagebat. Refectione peracta, collectis ac mundatis vasis, si quid ex pulmentis supererat, pauperibus, si adessent distribuebat, aut si fortè deessent, pulmentis iterum inferendum diligentius recondebat. quod sequaces ejus multo tempore tenuerunt, ut quòties pauperes deesse contingeret, quicquid de pulmentis vel panibus superesset fratribus denuo apponeretur, non avaritiæ causa, sed humilitatis, ac ne quid de his utpote sanctificatis, per negligentiam deperiret.

LIB. I.

IX Indisciplinationes & transgressiones suorum, maxime juvenum ac puerorum, tam distinctè coercēbat vel arguebat ut videntibus terror incuteretur. Tanta erat disciplinæ censura ut vel paululum oculos erexisse, vel modicum subrillire, vel quippiam sine præcepto egisse, districta plecteretur animadversione. Statuti termini erant, quos præteriri illicitum erat, nisi aut jussio aut indictus labor urgeret. Silentium ingens erat apud eos die ac nocte, non tantum in claustris, sed ubicunque aliquid studii ac laboris exerceretur. Quod prioribus annis tam rigidè observabant ut nec salutati resalutarent, nec interrogati aliquid responderent, sed tamquam muti & officio linguæ privati nullam cum iter agentibus & se interrogantibus confabulationem haberent. Denique cum multi ad eos visitationis gratia convenirent, & redeuntes, a suis interrogarentur de his qui vel quales existerent, aut quod institutum vitæ eorum, vel quis magister illorum, respondebant: Hominum illorum non facile sciri conversatio potest, cum tanto silentio obtegantur ut non solum verbo sed nec voce aliquatenus audiantur; sed tamen oribus silentibus, opera non tacent, quæ auctore Deo ipsorum religiositati evidens testimonium reddunt. Est autem unus inter eos qui ceteris præest, cujus magisterio edocti & informati exemplo ita resurgent. Sermo ejus quasi ignis ardens ita audientium mentes accendit & tanto amore inebriat ut manente personarum proprietate, alii quodammodo ex aliis efficiantur & vitæ eorum morumque qualitas immutetur. Sed & habitus ejus & incessus vel cuncta quæ agit quasi quidam sermo sunt, nihilque aliud indicant quam vitæ ordinem morumque & actuum disciplinam. Vnde mirum non est tales esse discipulos qui talem habent magistrum, qui eos & absque verbo sufficientes potest docere. Talia de

talibus non quidem omnes dicere poterant, sed quos sapientia & bonitas inflammabat; quia bona nec de bonis quidem mali dicere possunt, quia aut nolunt aut nequeunt. Hujusmodi fama præcuriente, ad Christi militiam plurimi convertebantur, & depositis seculi pompis, arduam conversationem ac durum propositum subire non metuebant. No-
verant angustam esse viam quæ ducit ad vitam & paucos qui vadunt per eam; & rursum latam & spatiosam quæ ducit ad perditionem: & multos incedentes per eam; ideoque satius ducebant salvari cum paucis quam cum pereuntium multitudine repro-
bati.

X. Cùm autem locus ille & advenientium & ibi commanentium multitudine repleretur, cogitare cœpit pater Stephanus quò in loco eos aptè constituere posset. Mordebatur tamen & vehementius angebatur mens ejus solitudinis cupiditate, curarum impatiens, quas se ex multorum gubernatione perpeti metuebat. Neque enim ad hoc prædictum locum expetierat ut multas hominum turbas inibi congregaret, sed ut solitariè degens, quò secretius, co-
libertius Deo vacaret & licentius carnem excrucia-
rèt, cùm nullus timeret laudem vel prohibitionem. Multas enim carnis afflictiones, quas sibi ipsi propriè ingerebat, accedente tempore, aliorum monitis vel precibus intermittere est compulsus; qui cùm aliter hoc obrinere non possent, mox quæ ab illo terebantur & ipsi agebant; sicque illis non sibi parcendo, instituta gravia paulatim remittebat. Propter quod frequenter socium alloquens suadere nitebatur ut ad Sarracenos pergerent, si fortè aliquos ex eis prædicando convertere aut ipsi ab eis non credentibus pro Christo occidi possent. Quod venerabilis ejus locius quantis poterat monitis & suadebat, dicens melius esse eos qui jam crediderant

LIB. I.

à pravis suis actibus verbo & exemplo convertere quàm in his qui nondum crediderant, & fortè ad vitam prædestinati non erant, infructuosè laborare. Deus enim omnipotens, cujus providentia in sui dispositione non fallitur, prædestinato & suo tempore præsentato pastori incognitum præparaverat gregem, ut & ipse diceret cum Propheta: *Populus quem non cogovi servivit mihi, in auditu auris obediuit mihi.* Et iterum: *Ecte ego & pueri mei, quos mihi de lit Deus.* Sed & civitatem suam Christus non in imo sed in alto ædificare volens, (sicut ipse dicit: *Non potest civitas abscondi supra montem posita*) eum de inferioribus ad superiora scandere fecit, ut ascendens de virtute in virtutem, videret Deum deorum in Sion.

XI Denique ipsius nemoris spatia perlustrans, cum ad superiora montis qui ad orientem prominebat oculis pervenisset, reperit promontorium quoddam ita positum ut ascendentibus ac descendentibus per ipsum montem pervium esset; in quo loco vocatis fratribus, ad instar priorum habitacula ædificavit & numero & spatio modicùm ampliora. Cumque & ipsa rursus habitantium multitudine repleantur, interiores partes exterius ponebantur, & exteriores interioris remanebant; & sic ampliata habitacula copiosorem fratrum numerum capiebant. Hoc bis vel ter factum fuisse dinoscitur, donec tandem ad hunc qui nunc cernitur statum perducta sunt, in quibus tamen ædificiis motus diabolus multis ea machinationibus destruere nitebatur.

XII. Quadam die artificem quendam lignarium, quem ipse olim pauperem vidi, qui tectum oratorii quod ædificabat tabulis ligneis intrinsecus vestiebat, in similitudine nigrorum hominum est adgressus. Idem tunc vir vespertina hora ferramenta sua recolligens domum redire volebat, quem is qui ceteris

eminentior & truculentior erat ita affatur : Quis tu , inquit , es ? & quid hoc in loco agis ? Respondit ille , religiosorum iussione , qui in hac silva manent , prædictum opus se exercere cùm esset lignorum artifex & mercede conductus . Cui diabolus , Non ut tu ais ita est ; sed sunt irreligiosi atque perversi , simulators & callidi , qui idcirco huc venerunt ut hominum captantes laudem , multis possessionibus ac divitiis accumularentur ; quin potiùs acquiesce consiliis nostris , & cuncta quæ hic constructa sunt igne succende , ne amplius humanam quærentes laudem simplices quotque decipiant . Ad hæc vir ille respondit : Nunc cognovi vos malignos & omni malitia plenos ac filios diaboli , qui vias sanctorum rectas tanta malignitate subvertere nitimini , propter quod non adquiescam diabolico vestro consilio , sed sanctorum iussis meliùs quàm cæpi parebo , & in eorum obsequiis devotior permanebo . Hæc dicens , ascensa scala tectum subire volebat , ferramenta sua ibi repositurus . Tunc maligni spiritus nimio furore succensi de scala eum præcipitaverunt , & tantis verberibus affecerunt ut totus lividus ac turgens jaceret , capite graviter colliso . Demum tandem paululùm recuperato flatu surrexit , & incumbente jam nocte ad hospitium cum multo labore pervenit clamans & dicens : Heu me , heu me miserum & infelicem ! Cujus vocibus permoti fratres citiùs cum viro Dei accurrerunt ; & invementes eum à dæmonibus tam crudeli cæde mactatum & quasi amentem effectum , in stratum eum reponunt ; ubi aqua benedicta aspersus , & dominica cruce signatus , orationibus quoque servorum Dei corroboratus , imposita sibi manu viri Dei , paucis diebus integram membrorum omnium adeptus est sospitatem . Quod ideo hic commemorandum existimavi ut agnoscat quantæ laudis istæ vir fuerit , quem

L I B. I. daemones, dum vituperare nituntur, ampliùs prædicabant.

XIII. Nam cùm in hac eremo primùm habitare cœpisset, tanta eum instantia diabolus persequebatur ut nec per noctem quiescere ei līteret. Vnde & ejus clamoribus exciti fratres, stratis exiliabant, & orationibus ac vigilis totam ferè noctem insomnem ducebant. Cùmque iterum maligni spiritus imperum adesse sentiret, arreptis spiritualibus armis, oculis etiam ac manibus in cœlum porrectis, expugnantes se fortiter debellabat, cum fiducia clamans & dicens: *Iulica, Domine, nocentes me, expugna impugnantes me; apprehende arma & scutum & exurge in adiutorium mihi.* & cetera. Metuebat diabolus, quod postea evenit, ne ejus exemplo ipsa deserta monachorum stiparentur choris, & ipse, amissis quos ceperat, in solitudine remaneret, impleto quod per Isaiam olim prædictum est: *I etabitur iherusa & inuia, & exultabit solitudo, & florabit quasi lilium; & germinans germinabit, & exultabit leabunda & ludans; gloria Libani data est ei decor Carmeli & Saron: ipsi videbunt gloriam Domini & deorem Dei nostri.*

XIV. Reædificatis igitur monasterii officinis, continuo vir Dei illuc cum fratribus ex priori loco migravit, & locum ipsum Obazinam vocari decrevit. Tunc orta est contentio inter dominum Stephanum & venerabilem ejus socium, quis eorum fratres susciperet ad regendum; nec tamen, ut multi modò faciunt, sibimet arrogando, sed honore invicem præveniando, & se ipsos alterutrum supponendo; humilitatis causa certabant. Nam cùm illuc usque patet Stephano omnes obtemperarent, tamen ipse reminiscens illius qui non suam, sed ejus à quo missus est, venit facere voluntatem, nolebat tantæ humilitatis sublimitate fraudari, malens ipse alterius

facere voluntatem quam suam aliis imperare. Ergo dum alter alterum sibi præferri vellet, & neuter alio se præponi æquanimiter ferret, orta inter eos dissensio sedari non potuit donec in præsentiam Legati Carnotensis Episcopi, qui illis in partibus tunc morabatur, uterque adductus est. Sed & ibi in unam non valebant venire sententiam, dum hic illum litteris doctiorem, ille hunc in omnibus sapientiorem, vita & moribus splendidiorem, regendis quoque aliis aptiorem pronuntiaret. Tunc venerabilis Legatus, utriusque qualitatibus diligentius perscrutatis, altercationi finem imposuit, & domno Stephano prioratus officium & subditarum curam animarum præcipiendo commisit.

XV. Exinde Prior effectus, eadem qua prius vitæ morumque qualitate & ipse vixit & alios vivere docuit. Eadem vigiliarum & orationum observantia, idem psalmorum diurnorum ac nocturnorum cursus, idem silentium ubique & in omnibus servabatur, jejuniorum consuetudo & refectionis mensura eadem permanebat, nisi quod tunc majori quam prius harum rerum ubertate pollebant. Videntes namque vicini illorum veram probatamque religionem & firmam stabilitatem, tanta deferebant ut cuncta expendere non valentes, prope jam esset ut dicerent quia plus offert populus quam necessarium est; & tamen servi Dei, prioris paupertatis non immemores, nequaquam vetera novis supervenientibus proiciebant, sed muscida ac vetustiora præteritis sumebant, & hoc usque ad competentem mensuram quod faciebant, non avaritiæ consulentes, sed humilitati, gulæ etiam in hoc appetituræ frænantes, ut palatus in his amaricatus ab immolerato escarum desiderio arceretur. Cuncta quæ dabuntur statera ponderabantur, aut tanta æqualitate inter se partiebantur ut nemo amplius aut mi-

LIB. I. nns se habere gloriaretur vel etiam murmuraret. Nullus nisi in die dominico jejunium solvere tam æstate quàm hyeme præsumebat, nisi aut juvenili ætate aut gravi infirmitate detineretur. Is autem qui hoc statuerat, his non contentus diebus, etiam dominicis jejunabat, donec tandem majorum consilio tam ipsos quàm quinquaginta dies post Pascha ad prandia revocavit. Nam de dominicis quidem diebus facillè adqueiebat; de quinquagintavinci non potuit, donec monachus esset effectus. Tantus cum abstinentiæ fervor accenderat & tanta austeritate se ipsum aliosque tractabatur conversationis ejus asperitas vix posset ab aliquo tolerari, nisi Christi Domini adjutorio fulciretur. Sed in hoc crudelis nequaquam existens, quod subtrahebat carni, animæ conferebat, & corporeum detrimentum spiritali commodo recompensabat. Labor manuum tam illi quam fratribus assiduus erat & solito gravior, quibus nec totius diei spatium ad hoc sufficiebat; propter quod ipsam plerunque refectiorem usque in vesperam differrebant, ne ejus intuitu ex diurnis operibus aliquid minueretur. Finito completorio hyemæ tempore, quando longiores erant noctes, omnes in unum congregati tamdiu statuto operi intendebant quousque psalterij medietatem persolverent; ut tunc facta oratione, finem præfato operi imponentes, dormitum pergebant. Providebatur omnino ne aut lectio refectiioni aut labori manuum psalmi desissent. Diurno tempore rurale opus non segnitè exercebant, terram ligonibus exercentes, infructuarum arborum & spinarum ac veprium densitatem penitus succidentes ad locorum seu hortorum spatia dilatanda; sed & habitacula ipsi sibi met constuebant, lapides ex monte præcisos malleis confingentes, & ad ædificationis locum propriis humeris deportantes. Eratque mirum videre lapides præ-

grandes, qui à multis hominibus ferri nequibant, à quatuor fratribus deportari, & tam agilitè incedere ut nullum onus ferre se existimarent. His & huiusmodi laboribus quamvis omnes pro posse insisterent, illi maxime qui alacritate & viribus corporis præminabant. Nam imbecilliores corpore, & qui ejus artis erant, scribendis potiùs libris aut minoribus operibus occupati erant. Et cùm talibus ac tantis laboribus incessanter quidem fatigarentur, nec jejuniorum aliquid minuebatur, nec ciborum quippiam augebatur; sed sic caro exercebatur laboribus ut nec meliori nec largiori cibo aliquatenus foveretur. Sicut Pharaò filios Israël affligere noverat, & adjuvare non noverat, sic horum magister eodem modo, sed non eadem intentione, agebat, & modico cibo suos contentos esse volebat, & magnum imperabat laborem, ut carnem affligeret & animam roboraret. Nam Pharaò carnem è diverso in feminis nutrebat, & in masculis spiritum enecabat.

XVI. Erat hic vir strenuus in disciplina, & in corrigendis delinquentium culpis multùm severus. Ut enim superiùs diximus, si quis in Ecclesia paululùm oculos erexisset, vel modicùm subtrisset, vel leviter dormitaret, vel librum tenens negligenter cadere sineret, aut sonum aliquem per negligentiam faceret, vel progressiùs aut inconcinnùs psalleret, aut inordinatum motum aliquem exhiberet, continuo aut virgam accipiebat in capite aut palmam in facie, ita ut sonus percussionis omnium auribus resuaret, quod maximè pueris minori ætate impendebatur, ut & ipsi corigerentur & ceteri terrentur. Quidam ex honoratis novitius dum in Ecclesia librum teneret, & socium juxta se positum advocans, quædam ei in ipso libro digito demonstraret, aspiciens hoc vir sanctus in personam noluit vindicare; sed arrepto libro de

LIB. I.

manu ejus, in conspectu omnium ad formam confregit, & ita rediit in locum suum. Vnde tantus ceteris metus incussus est ut vix pro necessitate librum in choro aliquis aperire auderet. Hæc autem disciplina tunc maximè viguit quando velut læto principio florescebat, cùm essent & numero pauciores & vita perfectiores. Cùmque nulla alicujus ordinis lex posita haberetur, instituta magistri pro lege erant; quæ nihil aliud quàm humilitatem, obedientiam, paupertatem, ac disciplinam, & super hæc, caritatem continuam edocebant. Hæc erat tunc beati viri vera sanaque doctrina, quæ privatim & publicè sibi adhærentibus ingerebat. Hæc lex tunc promulgabatur, & pharisaicæ traditiones non curabantur. At nos licantes culicem & glutientes camelum, dum mentam, rutam, & omne olus decimare satagimus, justitiam fidemque contemnimus: quia dum minima quæque prætendimus, majora negligimus; sed & diuturna temporis longinquitate lassati, & cohabitantium multitudine prægravati, à pristino vigore defecimus, & remissius nos negligentiusque tractamus; dumque infirmis condescendere volumus, eorum potius negligentiam sectari quàm eos ad perfectionem trahere festinamus. Quæ necessitas eo tempore non extabat, cùm & hi qui tunc erant perfectiores essent, & qui eos perturbaret aut rarus aut nullus existeret.

XVII. Ad capitulum fratres quotidie post primam vel Missam conveniebant; in quo residente Priore, finita lectione, vel quæcunque ex more ibi dicuntur, mox de institutis, de disciplina, de ordine tractabatur; & quicquid erat sinistrum, oportune corrigebatur. Tunc si quis in aliquo culpabilem se nosset, aut ipse per se satisfaciebat, aut demeratus ab alio, ad judicium veniebat.

quasi divino examini astans, pro modo culpæ penitentiam accipiebat, ut quantò amplius vel minus peccasset, tanto majus vel minus iudicium sustineret. Is autem qui culpam suam defendendo exaggerasset, acrius castigabatur, et minus fortè peccasset. Nam qui devotè, nec invitus, sed sponte satisfaciebat, minus corripiebatur, quamquam gravius deliquisset. Si quis verberandus esset, mox exuto eo, quinquagesimus incipiebatur psalmus, ut ad singulos versus singulos ictus acciperet; quòd si major esset culpa, ampliores psalmi apponebantur, ut ampliori verbere sulcaretur. In die verò cœnæ dominicæ, quæ misericordia plena est, generali supplicatione ab universis venia petebatur; ut quicquid per totius anni circulum deliquissent, hac sacra & sollempni indulgentia deleteretur. Tunc venerabilis senior totus lachrymis perfusus, & peccata sua ante oculos sibi reducens, confisus de Dei misericordia, & sibi & aliis indulgentiam tribuebat, & peccatorum vincula in Dei verbo laxabat, O quanta ibi lachrymarum flumina profundeabantur & quanti gemitus, quantaque suspiria cordis emittebantur, cum nullus ibi tam ferreum pectus haberet qui non ad fletus compungeretur! Quis ibi tunc deesse crederet spiritum sanctum, in quo fit remissio peccatorum? Sanè cum aliquem, exigentibus culpis, gravius solito verberasset, mox se ad perferenda similia præparabat, & ab uno vel ab omnibus se flagellari præcipiebat. quod faciebat, ne qui alios iudicaret, ipse ab eorum afflictione exors maneret, ac si quid immoderatæ correctionis censura forsitan deliquisset, vindicta proprii corporis expiaret. Præter hoc, vix aliquis prætermittebatur dies maximè in quadragesima, quo non clam ab aliquo privatam acciperet disciplinam; sicque privatim & publicè virgis cæsus, stigmata pas-

LIB. I.

sionem Christi in suo corpore circumferebat, ut cum Apostolo dicere posset: *Castigo corpus meum & in servitutem redigo, ne cum aliis predicaverim, ipse reprobus efficiar.*

XVIII. Post completorium fratribus ad dormiendum solito collocatis, vir Dei in oratorio sæpius remanebat, & tota nocte vigiliis & orationibus cum lachrymis sedulè insistebat. Erat ei lachrymarum gratia a cælo concessa, ita ut mox se ad orationem prosterneret, statim lachrymarum flumina sancti ejus oculi emanarent. Memini me aliquando in una Ecclesiarum ejus, eo ignorante, ingressum fuisse, non ad orationem quidem, sed ad opus quoddam privatim agendum. Ipse verò foris in atrio cum secularibus de quibusdam negotiis loquebatur. Tum subito, relictis eis, Ecclesiam ingressus, nullumque ibi tunc esse sciens, sub formula quadam ad orationem prosternitur, tanta simplicitate & modestia ut à nullo porsùs audiri posset, etiamsi præsens adesset. Mox ubi caput humi defixit, tanta lachrymarum inundantia ex ejus oculis cœpit defluere ut non guttatim, sed, ut sic dicam, rivatim, ut ipse verè aspexi, per summitatem naris ad terram deflueret, cum nulla tussis, nulla excreatio, nullum suspirium penitus audiretur. Ego verò, tamquam fur, alligatus in parte stabam timens & tremens, non tamen ab illo visus, donec ipse sufficienter illachrymatus, eadem simplicitate qua venerat rediit, nullo penitus sentiente, ac si ad naturæ necessaria perrexisset. Quod ideo diximus, ut agnoscatursi quali effectu orationi semper astabat, simulque perpendatur quanta gratia potiebatur absolutus, qui tantam habebat ligatus etiam sub momento ut nec tantis curarum nexibus à spirituâli studio arceretur.

XIX. Iam verò in Ecclesia nocturno tempore

solus degens non faciliè exprimi potest quibus lacrymis atque suspiriis divinas aures pulsaverit, & quadam importunitate vicerit, ita ut surgere compelleretur ipse paterfamilias & dare ei quicquid necessarium postulasset. Verè pater Stephanus à bonis Dei nunquam indignus fuit, sive temporalibus, sive æternis, sicut scriptum est: *Timentibus Deum nihil deest, nec his qui eum diligunt in veritate.* Er iterum: *Inquirentes Dominum non minuentur omni bono.* Petebat primùm regnum Dei & iustitiam ejus, æterna scilicet veraque bona, & cuncta de cetero commoda se à bono patre adepturum non dubitabat. Nunc autem dum pro terrenis & caducis rebus plusquam decet solliciti sumus, & de cœlestibus non cogitamus, sit ut nec istis nec illis aliquatenus abundemus; quoniam cœlestia bona primùm, id est, potissimùm, petere iussi, ceterorum quæ restant sollicitudinem divinæ providentiæ committere debuissimus. Vnde beatus Petrus admonet ut omnem sollicitudinem nostram in Deum proiciamus, quoniam ipsi cura est de nobis. Cùm ergo diutius orans, nimio frigore urgeretur, ilico surgens tamdiu genua flectere non cessabat quousque totum corpus ejus sudore perfunderetur; ubi tunc cappa exutus, eadem iterum repetebat, donec tandem labore confectus & vigiliarum pondere fatigatus deficeret vel etiam obdormiret, unde plerunque à fratribus ad vigiliis venientibus reperiebatur ita ut ad orationem se composuerat obdormisse.

XX. Præterea noctis tempore, si res forsitan exegisset, & occultè hoc facere posset, etiam domus necessaria, quod alius ne attentare quidem auderet, diligenter & opportunè mundabat; ubi adhibito cophino, sordida quæque & ipso visu horrenda inibi congerebat, & propriis humeris impo-

LIB. I. nens, longius asportabat. Cumque eum talia gerentem aliquis reperisset, & cum nimio stupore requireret cur tantus vir tantæ se injuriæ subjecisset, ilico respondebat: Non est mirum, frater, a terra-terram & stercus a stercore bajulari, cùm in his sordibus & multò sordidioribus reversuri simus. Verè tamen in hoc illum imitabatur qui peccatorum nostrorum sordes non abhorrens, suis sacris humeris ferre non recusavit.

XXI. Diurnis horis sepe solus, sepe cum fratribus laborabat, ita tamen ut vix duo attentarent quod ipse solus agebat. Quam fortitudinem non largiori aut meliori cibo consequabatur, sed interno animi vigore, qui tantus erat ut exteriora quoque membra non minimùm roboraret; & cùm plus ceteris vigiliis ac jejuniis macerata fuissent, majore præ illis vigore constabant & majorem ferebant laborem, ita ut ipse cum Apostolo dicere posset: *Amolius omnibus laboravi, non autem ego, sed gratia Dei mecum.* Insuper & coquinæ officium frequenter adimplens, reficientibus fratribus sollicitè ministrabat, eisque resectis, non aliunde quàm ex eorum reliquis cibum sibi met præparabat. In quo non solum abstinentiæ, sed humilitatis ac vilitatis exemplum dare volebat, sicut in sexto humilitatis gradu præcipitur ut omni vilitate vel extremitate monachus sit contentus. Nam quantum ad humanos visus, quid vilius quidve abjectius esse potest quàm subjectorum ex cibis reliquias manducare & necessaria quæque mundare? Nimirum hoc est quod Apostolus de se suisque similibus ait: *Tamquam purgamenta hujus mundi facti sumus, omnium peripsema usque adhuc.*

XXII. Diebus dominicis tam ipse quàm fratres lectionibus & Missarum celebrationibus insistebant, agentes processionem per claustrum, & sin-

gulas officinas singulis benedictionibus perlustrantes. Sabbato quoque sollempnizabant ob honorem beatæ Mariæ Dominæ nostræ cum novem lectionibus ac duabus Missis, quibusdam eas festivis decantationibus illustrantes ob honorem & reverentiam illius almæ Dei genitricis. Non tamen ipso die ab opere quiescebant, ne cum Iudæis agere viderentur. Sed & ceteris festis diebus tanta modulatione divinis laudibus insistebant ut magnorum monasteriorum morem imitari viderentur. Erat autem ipsum monasterium magnum, non quantitate, sed merito, nec spatiis, sed sanctitate diffusum, & virtutibus, non prædiis copiosum. Rector ipsius corpore modicus, sed spiritu magnus erat: statura pusillus, sed animo grandis; specie despectus, sed morum honestate præclarus; habitu vilis, sed operum prærogativa insignis; progeme humilis, sed virtutum generositate sublimis; & quamquam beatæ paupertatis merito & divinæ sapientiæ magisterio omnibus imitabilis, immo expetibilis haberetur, tamen velut dives opum & inops gratiarum diversa religiosorum loca cum xenis visitabat, ut & illis subsidia ministraret & orationum eorum patrociniū sibi adquireret.

XXIII. Ad monasterium Dalonenſe, quod novem ferè millibus aberat, frequenter ibat, & ex his quæ sibi offerebantur eulogias fratribus illis, prout poterat, exhibebat. Accidit aliquando, dum illuc pergeret, ut juxta fluvium Viseræ navigium apertens resideret, habens in comitatu puerum cum alino panibus onerato & ecce dum psalleret Deo suo intempestæ noctis silentio, (noctibus enim tunc temporis pergere soliti erant, quod postea immutatum est) conspicatur eminus turmam latronum capta præda cum grandi strepitu illò accelerare. Denique circumdantes eum, dum ab eo quis vel unde esset,

L I B. I.

vel quid ibi ageret, petulanter inquirerent, vir sanctus nocturni silentii gravitate detentus, & divinis excubiis occupatus, nullum eis responsum dedit. Unde illi magis exacerbat; & truculentiori ira permoti, evaginati gladiis, mortem ei, nisi citius loqueretur, minari cœperunt. Sed cùm eum aut loqui aut mori necessitas perurgeret, ipse vero protensa cervice mortem magis eligeret, repente quædam vis divina tantum latronibus nectum incussit ut fugam ilico, ac si ab hostibus insequerentur, omnes acciperent, cùm nullus qui eos persequeretur inventus fuisset. Nec tantùm eum lædere, sed nec panes quos ferebat attingere potuerunt, quos non manus humana, sed virtus servavit divina. Impletum est in eo quod dicit Psalmista: *Immitte angelum Dominus in circuitu timentium eum, & eripiet eos.* Et item scriptura: *Iustus quasi conficiens abque terrore erit.* Quod cùm mane Abbati, ad quem pergebat, simpliciter indicasset mulùm ipse miratus, monuit tamen ne in tali necessitate, præsertim interrogatus, tacendum putaret, ne stultos homines magis exasperaret. Quod idcirco retulimus ut cognoscant posteri ejus quanto studio indictum silentium in tuto servare debeant, cùm eorum magister, ne illud frangeret, mori potius elegisset. Erat ei consuetudo diversa circumquaque monasteria perlustrare, & quæque ibi honestatis vel disciplinæ exempla conspiceret, fratribus suis servanda proponere; & in hoc prudentissimæ apis operam imitabatur, diversos flores legens, & suavissima inde mella conficiens.

XXIV. Audiens autem famam Cartusienſium monachorum, quos tunc præ ceteris religionis fama nobilitabat, ad videndum eos gratam quidem sed laboriosam sibi peregrinationem assumpsit; in quo itinere multas famis ac frigoris injurias est perpeſſus, eò quòd loca per quæ transíturus erat, cùm
semper

semper frigida sint natura, tum maximè hyemis tempore nivibus erant repleta; ipse verò pedestri itinere & interdum nudis pedibus incedens, nihil ad victum pertinens secum ferebat. Erant itineris ejus comites duo Clerici fratres, cum quibus psalmos jugiter decantabat, habentes unum ex famulis qui eis in necessariis ministrabat. Gestabat etiam tunc lorica superiùs memoratam, quæ ei gravamen non minimum inferebat: quæ, dum quadam die solus & ultimus pergeret, repentiè per medium est abrupta, ac si ab aliquo esset in rotundum præcisa, inferiori parte ad terram protinus decidente. Vnde mæstus effectus, quendam è sociis sibi conscium clam vocavit, ejusque auxilio quibusdam ligaminibus lorica ut potuit univit, & sibi denuo coaptavit. Cùmque paululùm processissent, iterum dirupta cecidit. Itaque eo quo priùs modo, sed fortiùs, est resarcita ac reinduta. Sed cùm jam tertio rumpere-tur, intellexit vir sanctus, admonente etiam fratre, non esse voluntatis Dei ut eam ulteriùs ferrer. Quapropter in proximum vicum diffracta est & in necessarios usus redacta. Ita hoc onere, quamquam invitus, tamen nutu Dei relevatus est. Nam antequam hanc lorica haberet, circulos ferreos ad carnem gestasse perhibetur: qui cùm brevi tempore jam tertio essent confRACTI, hanc sibi lorica aptavit; quæ tamen præter pondus ita aspera erat ut carnem non solum oneraret, sed plurimum laceraret.

XXV. Cùm jam Lugdunum itineris eos necessitas perduxisset, ingressi quoddam monasterium ex Canonicis regularibus, mansionem petebant; à quibus non solum suscepti non sunt, sed non absque injuriatione repulsi. Dumque per plateas civitatis incederent, quidam ex honoratis Clericis Ecclesiæ Lugdunensis eos hospitio recepit & benignè exhi-

LIB. I.

buit. Cùmque de nocte surgentes matutinarum officia decantarent, repenti tumultus in civitate exortus est. Porro dominus domus ad fenestram sese excutens, prætereuntes interrogat quid hoc esset, Dictum est ei à quodam quòd prædictum monasterium undique ignis vastaret, nullusque ei subvenire posset. Quod audiens supradictus viri Dei famulus exultare cœpit & quædam contra eos maledica verba jactare, memor injuriæ quæ eis hesterno die illata fuisset. unde postmodum graviter in illo est animadversum, quòd tam tristi illorum casu exultare præsumpserit vel potius insultare. Merito tamen eis ita evenit; ut qui in servis suis Christum expulerant, & ipsi ab igne propriis mansionibus pellerentur.

XXVI. Pervenientes ad Cartusiam, satis humanè à fratribus illis excepti sunt. Erat enim festivitas dedicationis Ecclesiæ ipsorum, quæ eos in unum omnes convexerat. Nam ceteris diebus privatis singuli in suis cellulis singulariter manent. Diebus verò festis sive dominicis in unum omnes conveniunt tam in Ecclesia quàm in refectorio vel ceteris conventibus qui fiunt ex more. Peracta verò solemnitate, ad proprias cellulas revertuntur. Habitatio eorum montaneis hyemalibus cingitur; cellulæ ipsorum quinque cubitis a se invicem determinantur. Contigerat illis ferè diebus ut immensæ nivium congeries resolutæ coacervatim ad inferiora laberentur, occupatisque cellulis fratrum, plures ex eis longius asportarent, habitatoribus extinctis. Cùmque post decem dies hoc audientes vicini ad eruendum eos undique convenissent, inter ceteros qui oppressi fuerant, unum adhuc spirantem invenerunt; de quo præter spem læti effecti, quòd ceteris in tanto discrimine superesset, ad focum eum mox detulerunt, ubi paululum recuperato flatu, mox ut loqui potuit, Priorem ad se venire fecit, confessionem de-

dit, pœnitentiam accepit, & ita sumpto viatico lætus animam exhalavit. Quis dubitet alios æterna requie esse susceptos, & istum ad pœnitentiam reservatum, sicque defunctum? Vir itaque Dei cum Priore loci familiariter collocutus, (erat enim discretus & religione fundatus) consilium quærebat quam sibi viam religionis decerneret eligendam. Erat enim in hoc tam ipse quam fratres ejus ut alicujus ordinis instituta susciperent; quia & ob hoc ibi convenerat ut illorum ordinem ad consilium & voluntatem eorum suscipere debuisset. Ad quod ille respondens dixit Cistercienses nuper exortos regiam vitam tenere, eorum statuta ad omnem perfectionem posse sufficere. Nobis enim, ait, & in personis est numerus & in possessionibus terminus est præfixus. Tu vero, qui plures ad Dei servitium congregasti, & adhuc ampliores suscipere decevesti, cœnobialem magis expectere debes professionem, quæ & multis æquè patet ut paucis; quia non numero, sed religione, pensatur, & virtutibus, non possessionibus, æstimatur. Hæc ille audiens, gratanter accepit, & consilium Prioris illius ac si divinitus datum sumens, ad propria remeavit.

XVVII. Reversus à Cartusia vir Dei, ampliat fratribus, habitacula quoque monasterii, quæ parva erant, ampliare disposuit. Ac primum à sanctuario incipiens, Ecclesiam in honore sanctæ Dei genitricis Mariæ ad instar Cartusienfis Ecclesiæ construere cœpit. Quam dum fratres ædificarent, unus ex principibus terræ illius, timens ne hæc constructio & inimicis ejus esset in refugium & sibi in exitium, venit cum magna vi prohibere eos; cujus minis perterriti fratres per biduum ferè opus ipsum infirmius quàm cœperant & absque legitimo cæmento peregerunt. Erat enim absens vir Dei. Qui reversus, cum videret parietes non cæmento sed

LIB. I.

luto compaginati, nec solùm deturpari, sed infirmati, increpatis fratribus, mox ad pristinum statum ædificationis materiam modumque correxit. Cùmque potens ille, hoc audito, iterum ut eis adversaretur rediret, ita cum vir sanctus aggreditur. O, inique & omni malignitate replete, quid persequeris servos Dei? Quid opus sanctum dissipare conatis? An quia non poterat diabolus alium invenire per quem nobis impedimenta inferret? Non enim hîc diabolo ædificatur, sed Deo, nec contra inimicos carnales, sed contra nequitias spirituales. Propter quod recede à servis Dei, & ultrâ eis non audeas malignari. Nullam enim tibi injuriam faciunt, sed, si volueris, magnum apud Deum patrocinium conferunt. Nam si persistas, videbis quid possit contra te Deus, & orationes servorum ejus erunt tibi in perniciem, quæ fuerant ad salutem. His increpationibus potens ille primùm motus, deinde victus, ad ultimum devotus & supplex veniam deprecatur; qua impetrata, & cœptam malignitatem deposuit, & deinceps auxilia ministravit. Cùmque structura ipsa altius consurgeret, & fratres per machinas incedentes, lapidem prægrandem in gestatorio deferrent, cœperunt machinæ pondere cedere crepitantes, ac sese inclinantes ad terram deici. Quod vir sanctus a longe prospiciens, citiùs accurrit, & signo crucis præmisso, ac se oneri supponens, tantam repenti virtutem contulit ut & machinæ dicto citiùs firmarentur, & fratres corroboreti velut absque onere graderentur. Ita vir virtutum pro pondere levamen adhibuit, & inde exonerari sunt unde onerari amplius debuerunt.

XXVIII. Aliam quoque è latere construxit Ecclesiam in honore sancti Petri Apostoli propter hospites & quosque advenientes, ut & Missarum celebrationibus deserviret, & Ecclesiam fratrum

ab extraneorum importunitate defenderet. *Ædificavit etiam claustrum & regulares in circuitu mansiones ; inter quas & piscinam aquæ eleganti opere fabricatus est , ad quam immensi ponderis lapidem , quem triginta paria bonum movere vix possent , cum maxima tabula altaris ab uno & amplius miliario per devia quæque & ardua loca non minùs miro quàm magno labore convexit , habens tamen in supplementum & boum & rusticorum non minimam quantitatem . Sed ut ostenderet Deus humanas vires absque ipsius auxilio nihil valere , prædictos lapides per plana quidem , ubi facile videbatur , difficillimè & cum maximo trahebant labore ; ubi verò montium ardua scandere itineris necessitate cœpissent , tanta facilitate pergebant ut nisi montes aspiceres , magis deorsum quàm sursum eos trahere existimaret . Tunc enim vir sanctus accurrens , præmissò crucis signaculo , ut superiùs diximus , cum invocatione nominis Christi statim se è latere supponebat , & ex Dei adiutorio vires maximas ministrabat . Delati igitur tandem prædicti lapides , & convenienter dolati seu cavati , propriis locis convenienter aptati , multamque loco usque hodie amœnitatem præstant & utilitatem .*

XXIX. Tunc cœperunt ad monasterium de seculo nobiles & ignobiles , viri pariter ac mulieres , undecunque concurrere & suavi jugo Christi mitia decunque concurrere & suavi jugo Christi mitia colla submittere . In quibus præterire silentio non ignobilem virum ad Dei servitium cum omni domo sua conversum : qui cum adhuc seculo militaret , tanta morum honestate pollebat ut multis in religioso habitu imitabilis haberetur , iustitia insignis , nullius in iudicio personam accipiens , cum in forensibus causis sæpius cognitor , nonnunquam iudex eligeretur . unde à suis frequenter arguebatur

LIB. L

cò quòd amicis in negotio nihil deferret, sed totum iustitiæ condonaret. Hospitalitatem cunctis quidem peregrinis largiter exhibebat, præcipuè tamen religionis & pauperibus clericis, quos etiam apud se discendi studio detinebat, & quæque necessaria ministrabat. Et ne prætereuntes vel ad portam clamantes vacui pertransirent aut diù clamerent, ita statutum erat, ut quicumque primus de domo ejus pauperem clamantem audiret, statim paratam semper eleemosynam absque alicujus iussione illi deferret. In divinis officiis sic studiosus erat atque devotus ut non ei sufficeret parrochianales Missas audisse in Ecclesiis clericorum nisi inde ad monasterium, quod duobus milibus aberat, mox perrexisset, & audita majore Missa dominicis & festis diebus jejunus semper ad propria remearet. His & talibus bonis cum esset intentus, accidit, ut venerabilis pater Stephanus illis in partibus iter arriperet; cumque eum hospitio gratantissimè suscepisset, in tantum conversatione & sermonibus ejus delectatus est ut ommissa intentione qua ad aliud monasterium ire decreverat, statim se ei cum suis omnibus daret. Itaque statuto die, fratribus ad se missis, parvulos vehiculis impositos cum uxore & familia utriusque sexus omnique suppellectili, cum animalibus & jumentis sive pecudibus, vel quicquid ad victum pertinebat, ad monasterium præmisit. Fratres verò qui convenerant, illo præsentem munitiones & quæque editiora deponentes, ex seculari habitatione religiosa & servis Dei opportuna habitacula construxerunt, quæ permanent usque in præsentem diem. Quicquid telorum seu armorum fuit, quibus locus ipse instructissimus habebatur, aut minutatim concisum est aut igne crematum, exceptis his quæ in meliores usus redigi potuerunt. Ita vir prædictus cum mul-

tis aliis, exceptis jam dictis, monasterium est ingressus, & religioso habitu mox indutus; tantumque doctrina moribusque profecit ut cum jam in senectutem vergeret, per singulos gradus usque ad presbyteratus ordinem perveniret, in quo gradu per multos annos feliciter militavit, sicque optimo fine conclusus ad Dominum emigravit; cujus hic vitam breviter attingendam putavi propter novum & nostris diebus inauditum conversionis exemplum, & ut posterius discant ut qui perfecte converti desiderat, quantum in ipso est, nullum post se affectum relinquat qui ejus animum ad seculares curas reducat. Sed jam ad propositum redeamus.

X X X. Feminarum de seculo ad conversionem venientium numerus non parvus excreverat; in quibus admirabilem dexteræ excelsi mutationem nemo dignè poterit enarrare. Plures enim ex his illustrissimæ erant & multorum nobilium dominæ; quæ cum longè aliter vixissent, sponte se ad hanc paupertatem humilitatemque converterant, & quæ prius sericis auroque textis vestibus ornabantur, nunc sparto aut vili panno vestitæ vilissimarum speciem vel habitum præferebant; quæque olim facies colorare atque in speculis jugiter se inspicere & in thalamis assidue commorari solitæ erant, nunc coquinalibus officiis ardentius insistebant; ut quæ nigror &, ut ita dixerim, cacabator esset, hæc se pulcriorem existimaret. Pro musco aliisque odoramentis fumeos odores delectabiliter hauriebant, proque sumptuosis & exquisitis dapibus viles cibos & plerumque residuos cum mensura percipiebant. Cumque fratres fortioribus occuparentur laboribus, istæ vilia & quæque indigna opera ad se pertinere credabant; ut est olea atque legumina præparare, & coquinæ utensilia mundare,

LIB. I. & vestes abluerè, domos scopare, & ceteras trunditias sollicitè exercere. Hæc omnia apud se exercebant. Nam in habitaculis fratrum nunquam intrabant, nec ad eas aliquis absque Prioris præsentia vel licentia accedebat; & hoc tantùm ædificationis gratia, vel ad opera injungenda. Habebant autem non longè à fratribus, mansionibus separata, sed religione conjuncta. Considerans autem vir totius religionis diu eas inter viros honestè habitare non posse, cogitare cœpit quoniam eas aptè locare posset. Cùmque in hoc valde sollicitus esset, egressus die quadam à monasterio duobus aut tribus stadiis, reperit in remotiori parte ipsius silvæ locum saxosum, præruptis scopulis oblitum, altissimis montibus hinc inde circumdatum, ut ibi degentes præter cælum & circa positos montes nihil possint videre. Ambitur autem fluvio, parvo quidem, sed strepitu grandi, à cujus vocabulo locus ipse nomen accepit. Hunc ergo locum idem vir sanctus eò credidit sancto proposito aptiorem quò ab hominibus remotiorem esse perspexit. Siquidem præter solitudinis opportuna, materiis quoque lignorum lapidumque multipliciter affluebat, ut nihil præter calcem ædificationis causa deferri aliunde opus esset. Vocati igitur fratres, statim locum mundare, rupes excidere, spacia exoccupare cœperunt, secundùm quod eis spiritualis magister & sapiens architectus spiritu sancto dictante monstrabat. Aquæductus ad necessarios usus plures fecerunt quibus aqua sponte manans per omnes monasterii officinas sufficienter administratur. Sed quid ampliùs immoramur? Tanto studio laboratum est tantaque instantia decertatum ut infra duos nec multo plus annos totius monasterii cum omnibus pertinentiis suis fabrica sit consummata. Sed jam monasterio utroque perfectò

etiam ab hujus narrationis ordine aliquantulum est quiescendum, ut deinceps quæ sequuntur, alio incipiantur exordio. Simul & legentibus contulendum videtur, ut tam scribendi quam legendi studiis per silentium recreatis, ipsius interpolatio operis levamen quodammodo sit laboris. *Expistis liber primus.*

Incipit præfatio in libro secundo.

Vitam sancti ac beatissimi viri & verè patroni nostri domni Stephani Obazinensis aliqua dudum ex parte descripsimus, quorundam religionum fratrum precibus, & præcipuè domni Geraldii successoris ipsius iussionibus, invitati, immo compulsi. Quo migrante, veluti magno patrocinio destituti, tam felicitis materis opus per quatuordecim ferè annos omisimus. Verebatur enim detrahentium linguas, qui novis operibus semper insidiantur, ne aut tamquam falsa aut malè descripta seu verborum atque gestorum superfluitate respersa calumniarentur, qui & ipsum modicum quod exinde feceramus & tunc livido ore carpebant & adhuc lacerare non desinunt. Quod si ex vitæ meæ pravitate hoc faciunt, non culpo, nec reprehendo, sed me inde magis accuso. Dignum est enim ut qui vitam justî describere parat, etiam ipse injustus esse desistat, aut si hoc facere non potuerit, erubescat. Si autem hoc opus de imperitia reprehendunt, audiant quendam prudentem cuidam in talibus dubitanti ita dixisse. *Tu verò, inquit, aut vulgariter aut rusticè, aut si mavis Gallicè loquere, tantum ut Martinum loquaris.* Sulp. Se-
ver. dialog.
c. 20.
Et ego similiter Martinum hunc nostrum quamquam imperito sermone loqui non dubito; quia & ipse, quandiu vixit, nihil sapientiæ secularis in suis sermonibus demonstravit, sed in spiritu Dei

L. B. I. vivi loquens, omnem mundanæ sapientiæ fastum prorsus elusit. Martinum cum dixi, virtute, non nomine, spiritu, non corpore, ea utique ratione qua & Iohannes, cum in persona non esset, Helias erat in spiritu. Verè, in quantum ego addiscere potui, nemo ita Martinum visus est imitasse vita, moribus, conversatione, fideique virtute, & quod his præcipuum est, beatæ defunctionis admirabili fine. Quòd si mortuos ille suscitavit in corpore, certum est hunc multos utriusque sexus in profundum perditionis demersos ad vitam revocasse perpetuam; quorum erant tam scelerati actus & tam perditæ vita ut, sicut de ægris desperatis dici solet, nullum in eis salutis indicium, appareret. Quid enim de publicis meretricibus loquar, cum ex matronis nobilibus quædam publicè sint professæ quòd tot viros exceperint quot vix quisquam potens in hostem ducere homines possit. Penset unusquisque, si potest, quoties istæ peccaverant quando peccantium cum eis numerus explicari non possit. Qui ergo de talibus pœnitentiæ remedio & prævenientis gratiæ dono castas atque mundissimas Christo sponas exhibuit, non dubito majoris hoc fuisse virtutis quàm si eas corpore mortuas suscitasset. Restat jam tertia de falsitate calumnia; quam si quis objecerit, sciat me nihil hic posuisse nisi quod aut ipse propriis oculis vidi, aut probabilibus ac veracibus referentibus viris audiui. Quòd si in verbis quicquam vel mutatur vel minuitur vel augetur, licentia scribentis est, non falsitas narrationis; cum egregii translatoris sit, non verbum è verbo, sed sensum ex sensu transferre. Nam & qui evangelia scripserunt, non eisdem vel totidem verbis usi sunt, dum unus his, alius alijs, & iste quidem paucis, ille verò plurioribus sermonibus suam propositionem explevit. Sed hæc referendi pulchra varietas nullam sacro sanctis evangelis in-

ducere potuit falsitatem, quorum venerabilis textus totius veritatis est fundamentum; quia quod in verbis dissimile est, in sensu ac rei gestæ veritate concordissimum invenitur. Cur autem hoc opus, tamdiu intermissum, modò repetimus, hæc causa est. Venerabilis Robertus quondam Abbas, & qui ei successit domus Geraldus, cùm almificum patrem nostrum semper magnificare studuerint, inter cetera hoc iusserunt, ut quod olim de vita ejus cœperamus ad finem usque scribendo perduceremus, præsertim cùm hoc ipsum piæ memoriæ Alexander quondam Cisterciensium pater instantè olim fieri præcepisset, Iunguntur & fratrum preces id ipsum modis omnibus flagitantium, asserendo quod nisi hoc modò fecerimus dum adhuc vivunt qui eum in corpore præsentem viderunt, post mortem eorum nullus erit qui huic narrationi astipulari possit. Sed jam ipsius narrationis ordinem prosequamur. *Explicit præfatio.*

Incipit liber secundus.

I. Superiori libro ea continentur de beato viro quæ antequam Abbatis nomen vel ordinem sumeret gessisse dinoscitur, donec crescente fratrum & sororum numero, duo sunt eis monasteria constituta tantum inter se distantia ut signo pulsato in uno monasterio, sonus ejus, quamquam tenuiter, & hoc non semper, ex alio monasterio audiat. Interea fratres Obazinæ nullis adhuc scriptis legibus tenebantur, sed instituta magistri venerabilis pro lege habebant; quæ tam distincta & ardua erant ut cujuslibet regulæ asperitas eis in disciplinæ rigore addere nihil posset. Quia verò breves dies hominis sunt, & tamdiu humana magisteria vigent quandiu præceptor vixerit aut præsens fuerit, placuit ut ali-

L I B. I. **I.** cujus ordinis eorum qui in Ecclesia auctorizati sunt professionem assumerent; ut deficientibus magistris, scriptæ legis auctoritas eis indeficiens permaneret. Cumque diù de his hæsitatum fuisset, dum quidam monachorum, quidam Canonicoꝝ regulam magis amplecterentur, tandem inspirante Deo, & sapientum interveniente consilio, præcipuè domni Aimerici Arvernorum Episcopi, qui alijs familiarissimus erat, omnes in monachorum regulam assensum dederunt. Nullum regulare monasterium in illa religione tunc habebatur præter Dalonem superius memoratum. Missum est igitur illuc, atque inde magistri ad docendum ordinem assumpti sunt; & exinde sperabatur dies quo & ipsi monachorum habitum sumerent, & sanctimoniales feminas in præparatum monasterium collocarent.

II. Igitur anno ab incarnatione Domini **MCXLII.** Dominica ante Pascha quam palmas vocamus, præfente domno Geraldo Lemovicensi Episcopo, multisque religiosis viris, venerabilis pater Stephanus à quodam Abbate, qui cum Episcopo venerat, monachus est affectus; statimque in Abbatem promotus, & ab Episcopo consecratus, omnes quos habebat Clericos fratres in monachos benedixit, ceteros in pristino habitu manere constituit. His ita peractis, præcedente Episcopo cum Clericis, Abbate novo cum monachis novis & fratribus laicis, subsequente sanctimoniàlium religiosa caterva, comitantibus etiam multis populorum agminibus, qui ad tam gloriosum spectaculum eo die convenerant, processionem palmarum à monasterio virorum usque ad monasterium feminarum cum magno psallentio peregerunt. O quantæ exultationis ac venerationis fuit dies illa, in qua præter generalem Ecclesiæ celebritatem, duo tam perfecta tamque Deo dilecta tabernacula sunt collocata! Denique his ita

gestis, & cunctis ad propria remeantibus, commu- LIB. I.
nis pater Stephanus cum quibusdam senioribus ibi
remansit, & cum ancillis Dei in refectorio ipsa die
comedit, eisque qualiter conservarentur omni deinceps
tempore & verbo docuit & exemplo monstra-
vit, ac vitæ vocis sententia promulgavit. Inde
egressus ante solis occasum, perpetua eas clausura
munivit, firmissimo sanciens mox edicto ut nul-
la earum cunctis diebus vitæ suæ, quacunque occa-
sione vel necessitate seu quolibet modo, monasterii
claustrum egrediatur. Sed quia multis incredibile
videtur quomodo tot feminæ potuerint uno in lo-
co simul includi, (post non multum enim tempus
usque centum quinquaginta numerum pervenerunt)
breviter de statu vitæ earum & positione loci aliqua
referenda sunt.

III. Est Ecclesia earum in longum satis porre-
cta; cujus orientalem partem à cetero corpore mu-
rus à summo usque deorsum positus ita determinat
ut duas intrinsecus integras & perfectas domos ex-
hibeat, cum nonnisi una foris appareat. In supe-
riori Ecclesia, quæ & minor habetur, & est ad
orientem porrecta, ostium est ab aquilone, per
quod fratres & qui ad hoc deputati sunt ad vigilias
nocturnas & Missarum sollempnia celebranda sem-
per ingrediuntur. In ipso autem muro, qui utram-
que Ecclesiam dividit, fenestra habetur deorsum
quadrata, & ferro undique texta, & velo interiùs
à parte feminarum obducta. Ab inferiori verò par-
te tantum vacuitatis relictum est ut manus sacerdo-
tis cum sacra eucharistia perinde porrigi possit.
Quando enim communicandæ sunt, vel generaliter
omnes, vel specialiter infirmantes, peracta commu-
nione ad altare, corpus dominicum à sacerdote cum
honore ibi deferitur, & ita remoto velo, omnes ad
manum sacerdotis accedentes communicant cum

divina eis quotidie officia decantare, & sacrificia ministrare, confessiones accipere, & pœnitentiam dare, capitulum quoque diebus certis præmissis sermone tenere. Porro hic frater quem procuratorem vel portarium diximus, utpote laicus, exteriorum curam habet commissam, cuncta necessaria à monasterio deferens, nihil à secularibus petens nisi quod ipsi sponte dederint sive transmiserint. Cùmque diversas rerum species inter utrumque ostium collocaverit, hoc est, panem, vinum, olera, ligna, legumina, ceteraque talia tam sanis quàm infirmantibus opportuna, mox ostium exterius exhibita clave munit, bacilloque illud reperiens, jantricem interiorem sonitu commonet quatinus & ipsa suum ostium aperiatur, & quæ ibi posita sunt intus deferat. Nullus horum suum unquam ostium aperire audet, nisi aliud agnoverit esse firmatum.

IV. Quis tantam & tam carissimam providentiam femineo sexui impendere potuit nisi Christo donante? Quis tantæ multitudini feminarum uno loco semper manentium simul & spiritalia & corporalia sine clausuræ irruptione, sine tædio ac murmure fratrum, sine periculo animarum, & penè absque dispendio rerum, ministrare potuit nisi spiritu sancto monstrante? Quis quatuor aut quinque feminas ita claudere potuit sicut hic ferè centum quinquaginta habentur inclusæ? Quis garrula ora mulierum ita claudere potuit, cùm una vix parietibus contineatur & seris, sicut hic tot & tam diversæ feminae non solum claustris arcentur, sed perpetuo silentio constinguntur? Quis eis non concederet saltem in hortum exire, olera colligere, aquam sive ligna deferre, præsertim in tam remotissimo ab hominibus loco ut nisi devotionis causa à nullo penitus frequentetur. Sed nimirum pastor bonus, nec mercenarius, sed verè custos,

LIB. I.

non eis concessit exire ad temporalia commoda, ne spiritualia incurrerent detrimenta; maluitque eis cuncta ipse subministrare quàm animarum dispendium in aliquo sustinere. Noverat satis quid vagantibus feminis, præcipuèque virginibus sacris, evenire contingat; sicut Dinæ filiæ Jacob, cùm ad mulieres vitandas egreditur, noscitur contigisse. Quid utinam mille exemplis probati non posset quam multæ feminæ Deo dicatæ & ab ipsis cunabulis in monasteriis nutritæ, dum aut propria lascivia aut magistratum incuria ad quælibet emolumenta à parentibus vel extraneis consequenda foras egrediuntur, virginitatem perdiderunt, & dum corporalia lucra mercantur, simul & animarum & corporum nunquam reparabilia damna pertulerunt. Cujus periculi malum vir sanctus a longè prospiciens, sibi creditis feminis ita prospexit ut non solum inexibiles sed etiam inadibiles exhiberet; quantius ex illis peccandi & aliis detrahendi occasionem omnem auferret. Nullus, quamvis iniquus & domui nostræ inimicissimus, sanctitatem earum, etsi voluit, unquam valuit diffamare. Quomodo enim peccandi locus relinquitur ubi & ipse visus arceretur! Nam cùm ad eas locuturus accesseris, audire quidem eas poteris, non autem videre; ut noveris illis concessum verbo prodesse, non visu nocere. Sed & ipsæ non minùs cavent ne homines ipsos aspiciant quàm ne hominibus videantur. Cùmque in claustro sedentes aliquos fortè in cacumine montis, ubi tantùm videre possunt, ambulantes aspexerint, ilico vultum in terram deprimunt, aut in partem aliam transeunt, ita manentes donec illi pertranscant.

V. Quid autem referam jocundam simplicitatem earum, dum quædam earum ita simplices sint ut urbes & municipia, quæ vel legendo vel audiendo didicerunt,

didicerunt, circa montes suos æstiment collocata. LIB. II.

Nimirum, ut filiabus Loth, visioni & agnitioni earum totus mundus deperit. Plures enim ibi ab infantia vel ab ipsis cunabulis educatæ, penitus quod in seculo agatur ignorant. Nam quicquid in clauastro suo videre non solent, nec esse suspicantur. Ex quo fit ut quia peccata seculi penitus nesciunt, quanto ab eis longè sunt, tanto se peccatrices altius ingemiscunt, & ita plangunt peccata minima sicut stulti homines plangere nesciunt peccata gravissima. Quod tamen de his sentiendum est quæ totam ferè vitam suam ibi exercuerunt. Ceterùm sunt in eis multæ quæ cunctum ferè seculum noverant, & omnes gurgites peccatorum transierant, nec quicquam scelerum eas latebat. Sed ubi abundavit peccatum, superabundavit gratia; quantoque illis plura dimissa sunt, tanto & ampliùs amaverunt.

V I. Quis autem sine invidioso gemitu gloriosum exitum earum referre valeat, cùm morientes altantium se orationibus commendent, & psalmodum orationumque eleemosynas postulent, moxque velut in extasi raptæ, oculis ac manibus in cælum erectis orantes, in ipso orationis fervore spiritum reddant? Quædam etiam post mortem ad viventes redeunt, & quid sibi, quid aliis contigerit, quidque eis adhuc opus sit interrogatæ studiøsè pandunt, carissimas quoque sorores visitando salutant, & quid specialiter impendi sibi ab eis velint insinuant. Referunt etiam quarundam sodalium gloriam felicitatemque majorem, & quibus hæc meritis specialiter promeruerunt, ad incitamentum aliarum non tacent. Nonnullas etiam, quibus apparent, de quibusdam excessibus commovent, & per eas quasdam alias corrigunt, occulta cordis earum in medium proferentes, ita ut pleræ-

L I B. II. que hac declaratione convictæ inveterata & olim in corde sepulta peccata, quæ quondam in seculo contraxerant & oblivioni tradiderant, per oris confessionem foras eiciant & mortuorum ministerio peccati mortem evadant. Dicunt etiam de quibusdam quæ hic negligentes vixerunt, quòd sancti patris Stephani præsentiam illic positi præ confusione vitæ suæ sustinere non possint, eò quòd ipse, ut vivens consueverat, negligentibus terribilis quidem appareat, eos autem qui in bono profectu ex hac vita exierint amplectatur & diligat, & quasi patres in filiis complacet sibi. Denique hæc omnia, Deus scit, non dixissem nisi ab earum ore quæ hæc in visione viderunt, vel ab his quæ viderant audierunt, certissimè didicissem. Sed quia diù immorati sumus cum feminis non feminis, (nam sexu quidem feminæ sunt, sed virtutibus virorum vires transcendunt) deinceps ad cetera veniamus.

V II. Interea fratres Obazinæ monachi ex eremitis effecti, novis legibus novisque institutionibus quotidie informabantur; & quamquam essent in cœlesti militia veterani, monasticis tamen studiis adhuc videbantur indocti; erantque rudes monachi qui jam fuerant in religione perfecti. Instituebantur autem ad arbitrium Dalonensium magistrorum, qui eos vitam & conversationem monachorum docebant & regularibus præceptis erudiebant; & quia erant moribus asperi minùsque discreti, simplicitatem fratrum repentinis novitatibus ac duris reprehensionibus fatigabant, eorumque animos ad amaritudinem perducebant. Non enim didicerant eos dulciter attrahere atque à solitis ad insolita paulatim deducere; sed tamquam in his semper fuissent nutriti, omnem monasticæ disciplinæ observantiam ab eis indiscretè exigebant, eosque tam in Ecclesiâ quàm in cæteris locis

repentè turbabant, mutabant, reprehendebant. LIB. II.

Ipsi autem non ita consueverant sub piissimo atque doctissimo constituti magistro. Vnde ad eum tamquam ad consuetum portum confugientes, de magistrorum duritia coram eo sæpius murmurabant. Porro vir sanctus, ut pius pater & sapiens medicus, turbatos fratres & consolabatur & arguebat, dicens non debuisse eos graviter ferre eruditionem disciplinæ, quæ magistra & pædago est sanctitatis, & magistrorum duritiam disciplinæ censuram nominans religionisque vigorem, quem sicut remissus tepor exstinguit, sic fervor intensius accendit. Et si, inquit, hætenus multas asperitates & duros corporis labores pro Deo sustinuistis, non est magnum si pro ordine noviter suscepto quasi libet reprehensionum molestias perferatis, præsertim cum salubria instituta ab amaritudine incipiant, sed in dulcedine finiantur. Nulla quippe ars vel absque difficultate apprehenditur, vel absque labore retinetur. Et vos igitur salutaribus studiis innutriti, quicquid pro his asperum occurrerit, forti animo tolerate, ut possitis de amaro semine dulces aliquando fructus referre. Hæc dicens, vacillantes roborabat simul & instruebat, ipsosque magistros ut cæptis persisterent & nullum timerent amplius commonebat.

VIII. Tunc duo monasteria ædificare cæpit, unum in Lemovicensi, aliud in Arvernensi territorio constitutum; quibus decenter instructis, statim illuc monachorum agmina dirigit, optimis eis patribus institutis; quorum unus, præter elegantiam personæ, scientia litterarum, eloquentia, urbanitate, ac facundia præminebat, omnique religione pollebat; ut si illum videres, doctrina Episcopum crederes, affectu patrem, religione, ut verè erat, monachum deputares. Alter cum esset in se-

L I B. II. culo nobilissimus & equestris militiæ dignitate conspicuus, conversus ad religionem, ex milite quidem monachus, atque ex monacho Abbas est vitæ merito constitutus. Cujus monasterium cùm situs asperitate rerumque inopia premeretur, suggestu ac præcepto domni Geraldi Lemovicensis Episcopi, in ipsius diocesis finibus à domno Stephano post aliquot annos fuit translatum; qui omnibus à se fundatis monasteriis, quamdiù vixit, ac si de proprio, curam sollicitus adhibebat.

IX. Quotiens aliquem locum ædificaturus esset, assumpta cruce & aqua benedicta, cum paucis fratribus ibi pergebat; per mensaque tellure, juxta quod futuri ædificii qualitas vel quantitas exegisset, ubi altare fundandum esset, ibi crucem figebat, arreptaque securi vel quolibet instrumento, tugurium sicut mos est pastoribus extruebat; multisque diebus in magna egestate & penuria ibi degebat, laborans & ædificans, donec ampliatis ædificiis, aliquem ibi strenuum fratrem præficeret. Cùmque locus ipse & domorum supplemento & possessionum adminiculo sufficienter esset instructus, statim illum abbatiæ titulo decorabat; aut si nimis esset vicinus, grangiæ ministerio deputabat; ut & fratrum usibus deserviret, & religionis ei opportunitas non deesset.

X. Adhuc autem in carne degebat Petrus ille venerabilis socius ejus, qui illum de seculo exeuntem & primus & solus fuerat comitatus. Erat autem Prior monasterii Obazinensis eo tempore constitutus quo locus ipse in abbatiam surrexit. Qui cùm esset religiosus & sanctus, in tantum simplex dicitur extitisse ut ei persuaderetur a quibusdam praviæ mentis quòd eum vellet dominus Abbas in quodam ex his qui ædificabantur loco Abbatem constituere; unde oporteret ex his quæ sibi credita

erant necessaria præparare. Quod ille timendo credens, non cupiendo, aliquot ex sibi commissa pecunia solidos occultavit, loco illi ad quem se mittendum existimabat aliquantulum profuturos. Hoc cum Abbati compertum esset, in tantum commotus est ut eum ab officio suo deponeret, & in quadam cella remotiore habitare præciperet; ubi per aliquot annos in multa afflictione degens, tandem vacante Domino à terrenis ad cœlestia, à labore ad requiem, à peregrinatione ad patriam feliciter emigravit. Quod totum vir sanctus contra eum, non malivolentiæ studio, cum sciret eum simplicem & innocentem, sed veræ religionis zelo stimulatus egit; ut posteris daretur exemplum quo ab hujusmodi factis caverent, scientes quod si tanto viro tamque sibi caro vir sanctus non pepercerit, multò magis nec sibi parcendum existimarent. Ad hujus tamen sepulcrum multæ sanitates fiunt; ut agnoscat ipse, quicquid per negligentiam sanctitatis amiserat, totum per pœnitentiam cumulatius recepisse.

XI. Per idem tempus in Romana urbe defuncto summo Pontifice, reverendus vir & cunctis virtutibus adornatus Eugenius in sede apostolica subrogatur. Fuerat autem monachus Clarævallis, & à sancto Bernardo in Romanæ partibus Abbas directus; unde postmodum assumptus, Papa urbis effectus est. Hic secundo anno pontificatus sui in Galliam venit, & Concilium Remis celebravit. Tunc memorabilis pater Stephanus, sicut olim desideraverat, Cistercium cum quibusdam fratribus venit, ibique prædictum Apostolicum reperit. Erat enim ex multo tempore cupiens sancti illius ordinis societatem acquirere, & cuncta quæ ad se pertinebant ejus submittere ditioni. Eo tempore Cisterciensibus præerat Abbas nomine Rainardus, vir, in quan-

LIB. II. tum ego intelligere potui & multis aliis claruit, nullis facillè comparandus. Siquidem elegantia personæ, generis nobilitate, humilitatis decore, religionis fervore cunctis quibus præerat Abbatibus præminebat, qui trecenti & eo ampliùs erant. Porro divini amoris & sanctæ religionis vigore ita flagrabat ut ignis superaret ardorem. & exteriùs tanta dulcedine præminebat ut mellis vinceret suavitatem. Ab hoc ego hujus sanctæ religionis habitum, quamvis indignus, accepi. Nam cùm puer in quodam monasterio Casæ Dei traditus essem, post aliquot annos quorundam factionibus inde avulsus, atque ad seculum sum devolutus; cùmque ibi multis calamitatibus detinerer, à benignissimo patre Stephano susceptus sum pro amore Dei & parentum meorum gratia, quos omnes penè ipse habebat sicut longè superiùs memoratum est. Inde me ad Cistercium ire præcepit; ubi sumpto habitu monachi, post duos annos à prædicto domno Stephano Obazinæ sum revocatus, atque ab ipso regulariter in monachum benedictus; & ex tunc usque in hodiernum diem cum ipso vel ejus successoribus conversatus quicquid memoratu dignum de eo vidi vel ab aliis audiui hic inferere non neglexi, ut studiosus lector quod voluerit eligat, & quod noluerit aliis legendum relinquat. Malui siquidem videri prolixior propter devotos quàm nimis succinctus propter fastidiosos vel, ut sic dicam, indigniosos; præsertim cùm facilius sit ex multis pauca eligere quàm ex paucis multa retinere. Nimis quippe brevior, præter dispendium lectionis, nonnunquam superbæ supercilio denotatur, dum vult cavere plus justo rusticitatem & affectat nimis urbanitatem, in omnibus quærens suam, non aliorum, utilitatem.

XII. Igitur, ut dicere cœperamus, cùm ad

Cistercium beatus iste venisset, memoratum Papam humiliter adiit, & quid animo gereret, apostolicis auribus intimavit, subnixè deposcens ut suum desiderium ipsius auctoritate ad effectum perduceretur. Tunc ille domnum Rainardum ad se venire mandavit, eique sanctum virum ut patri filium ipse pater omnium commendavit, atque ut eum in conventu Abbatem duceret & sancto ordini sociaret præcepit. Quem ille gratanter de manu Papæ suscipiens, in capitulum introduxit, & jocundo ore coram cunctis Abbatibus dixit: En cernitis, Domini fratres, Abbatem hunc corpore modicum, statura brevem, habitu despicabilem, vultu deformem; sed quicquid in eo videtis, totum spiritu sancto & fide plenum sciat. Nec mirum si spiritu sancto repletus eum quem in se gestabat in viro Dei recognoscere & aliis potuit demonstrare. Talis enim erat vir iste beatus ut quisquis illum vel simpliciter aspiceret, ex solo habitu vel aspectu verè Dei servum indubitanter ascereret. Nec mora, prolatis Domini Papæ mandatis, ejusque petitionibus declaratis, ipso etiam in præsentem humiliter postulante, ab universis concorditer Abbatibus in societatem ordinis est receptus, & domui Cisterciensi specialiter assignatus, cum uique non minùs in hoc deferrent ejus religioni quam apostolicæ jussioni; ubi, quamquam essent aliqua in domo ejus unde talis susceptio impediri posset, quæ non religioni quidem sed eorum consuetudini viderentur ad versa, illud certè majorem invidiam seu molestiam ingerebat quòd vir sanctus ut viros ita & feminas à Domino gubernandas acceperat. quod eorum ordo omnino vetabat. Attamen pro ejus amore cuncta admissa sunt, spondente comno Rainardo, qui eum ut suam animam diligebat, quòd cuncta ordini adversantia paulatim abolerentur, ne repentinam mutationem novella adhuc

LIB. II. domus ferre non posset, ita duntaxat ut sanctæ illæ feminæ semper in ordine permanerent.

XIII. Talibus auspiciis sumpto ordine, negotior noster lætus ad propria remeavit, ducens secum magistros egregios quos illi pater Cisterciensis ad docendum ordinem speciale munus concessit: quorum duo monachi erant atque Presbyteri, viri sancti, duo verò laici non minùs religiosi & in sua quique arte decenter instructi; quintus, qui aliis transacto magisterii sui tempore ad propria redeuntibus usque ad obitum hic permansit, præter alia bona, in nutriendis animalibus solers ac peritissimus fuit, cujus labore & industria domus nostra in temporalibus multùm excrevit. Isti quidem magistri, non ut priores, inculti & asperi erant, sed blandi, suaves, atque domestici, & ad docendum ordinem idonei atque discreti. Vbi enim per eorum magisterium plura, quæ etiam monachi consueverant, nutari præciperentur, illud certè molestissimum vicebatur, quòd libros, quos secundùm ordinem monachorum nuper multo labore confecerant, deponere cogebantur & ad formam Cisterciensium revocare. Itaque alios ex ipsis à fundamentis incipiebant, alios radebant & denuo rescribebant, alios ex integro dimittebant, alios paucis immutabilis sibi iterum retinebant. Sed cùm & ipsi primitus per Dalonenses à Cistercio fuissent delati, mirum videtur quòd tam discordes inter se tamque dissimiles esse potuerint. Sed sciendum quòd libri quibus primò Cistercienses in divinis officiis usi sunt, vade corrupti ac vitiosi fuerunt, & usque ad tempora sancti Bernardi sic permanserunt. Tunc enim Abbatum communi decreto ab eodem sancto Abbate ejusque cantoribus sunt correcti & emendati, & sicut modò habentur dispositi. Vnde constat eos ane hanc emendationem à Dalonensibus expetitos; qui

etſi de ordine tunc non erant, ſecundùm ordinem L I B. II.
tamen vivere geſtiebant, & conſuetudines ordinis
ſcriptas ſibimet deferabant.

XI V. Inter ceteras mutationes etiam uſus car-
nium infirmis ſecundùm regulam eſt allatus, qui
hactenus manſerat fratribus noſtris incognitus.
quod graviffimè vir ſanctus ferebat, in tantum ut
diceret ipſe commotus quòd carnificinam introdu-
xiſſent in domum Dei, cùm videret propter infir-
mos aliquod ex animalibus jugulari. Cùmque ei ca-
pitulum regulæ pro infirmis opponeretur, ille tace-
bat; quia nec iſtud ei placere, nec regulæ auctori-
tas poterat diſplicere. Nam cùm Eccleſia noſtra
ædificaretur antequam monachi exiſtiſſent, retulit
mihi qui hæc audivit & præſens vidit quòd artifi-
ces conducti tam diuturnam carnis abſtinentiam
non ferentes, porcum ſibi emerunt, & carnes ejus
paratas in ſilva comederunt, & reſidua ad hoſpi-
tium deferentes abſconderunt, ut futuro mane clam
ea comederent. Quod cùm Abbati nuntiatum eſſet,
valde nimis commotus eſt; & aſſumptis quibuſ-
dam ex fratribus, officinas circuire cœpit; venienſ-
que ad hoſpitiū, carnes, ſicut dictum fuerat, in-
ter duo vaſcula abſconditas repetit; quas accipiens,
& ad ſocios reſpiciens, interrogat quid de his fieri
oporteret. Cùmque alii pauperibus tribuendas, alii
artificibus reddendas edicerent, ne conſtituti diſ-
cederent, ille reſpondit: Nequaquam, fratres,
ita fiet, ſed prævenire eas faciamus viam quam
paulò poſt venturæ erant. Et hæc dicens, in la-
trinam eas proici juffit, viaque qua venerat re-
diit. Quod cùm artifices jam in opere poſiti compe-
riſſent, nimio furore commoti instrumenta proi-
ciunt, & diſmiſſo opere bacchantes contra virum
Dei murmurare & furioſa verba jactare cœperunt.
Ipſe verò ad mitigandos eos accedens, cùm eorum

LIB. II. iracundiam lenibus verbis mulcere cœpisset, conviciis eum & contumeliis aggrediuntur, minantes insuper quòd nec ipsi nec alii deinceps in ejus opere laborarent, qui tantam eis injuriam intulisset. Porro ipse minas eorum parvipendens, cœpit eis exprobrare infirmitatem eorum prandiaque furtiva, dicens quòd si illi propter gulæ illecebram opus Dei relinquerent, non deessent domui ejus necessarii structores, qui absque carnali commercio meliùs quàm ipsi eam ædificarent. Quòd si reperiri nequeant, satius est ut domus Dei non ædificetur quàm ut habitacula servorum ejus immundis obsoniis polluantur. His dictis, conversus abire cœpit. Illi autem mox compuncti, secuti sunt eum; prostratique ad pedes ejus, veniam pro stultiloquio postulabant. Qua impetrata, statim ad opera sua reversi sunt & salubriter correcti & utiliter emendati.

XV. Post hæc duo alia monasteria in locis antè ædificatis facere disposuit, unum in Caturcensi diocesi, aliud in territorio Sanctonensi. Quibus decenter instructis, idoneos satis ministros, id est, pastores cum supplemento fratrum ibi direxit, qui loca sibi credita abbatiæ titulo gubernarent. Quorum prior fuit Gerardus nomine, vir virtutum & totius religionis exemplar, qui vita & verbo clarus Obazinensem domum post eum feliciter rexit, cum quo multa loca ædificaverat, & nunc cumeo tamquam individuus comes feliciter pausat. Sequens verò & ipse vita & actibus honorandus Rotbertus nomine, qui & nunc superest nostrum monasterium post illum regens, sicut de utroque postmodum suo loco dicemus. Hic sortitus est abbatiæ quæ in Sanctonensi diocesi sita erat, quàm etiam priùs absque Abbatis titulo multo tempore procuraverat. Erat autem ei possessionis ager fœcundus, olim domino Stephano legitimè traditus, & à fratribus

illius longo tempore jam possessus. Interea surrexit quidam potens in illa religione, qui diceret agrum illum ad suum jus pertinere, olimque à suis progenitoribus possessum fuisse. Vnde cœca cupiditate pellectus, eundem agrum in suam jam redegerat ditio- nem. Quod cùm viro Dei nuntiatum esset, cui specialiter fuerat delegatus, statim ad locum perrexir, & prædictum virum aggressus rogare cœpit ut ab hac tam injusta pervasione desisteret, & quod servis Dei donatum à fidelibus fuerat, ad suam ipsius perniciem non auferret. Ille verbis ejus nequaquam acquiescens, possessionem reddere noluit, dicens se nunquam eam penitus dimissurum nisi, publico judicio causa ventilata, suam esse vir sanctus donatione legitima demonstraret. Quapropter amicis utrinque suggerentibus, dies ad definiendum constituta est, & sic ab utrisque in sua discessum. Non negligens vir ille, multos sapientes, legistas, & causidicos mercede conduxit, insuper & quosdam ad defensionem suæ partis Episcopos invitavit. Porro vir Dei, tamquam negotii nihil habens, & causam suam Deo soli committens, orationibus servorum & pauperum Dei se muniebat, & tamquam plures habens propugnatores. ad placitum securus pergebat. Cùmque dies constituta venisset, essentque in unum congregati Episcopi, principes, magnates, & populi, ut sic dicam, adversus Dominum & adversus Christum ejus, ecce vir Dei è diverso venit, quasi alter David pugnaturus adversus Goliath, non gladio, non hasta, sed fide, cum duobus solummodo sociis, & his non satis peritis. Quo viso, cùm omnes stupor & admiratio detineret, alii quidem ridebant, alii verò dicebant: Estne hic adversus quem tot procures & potentes totque populi sunt congregati? Ad quod unus satis congruè & eleganter nec minus veraciter dixisse

LIB. II. fertur : Ille quem videtis pauper & modicis , ac penè solus , hos omnes hodie superabit. Nam actor noster vix centum solidis placitores atque fautores suos hodie convivabit , exceptis muneribus donisque promissis. Porro hic simplex & vilis tribus ferè denariis advocatos suos absque donationis alicujus dispendio procurabit , & quod his majus est , solus ex hoc placito victoriam reportabit. Nec tamen , quamvis in incertum vaticinans , dictis suis ex toto frustratus est. Interea causæ ex adversa parte profertur quibus injusta pervasio tamquam justa possessio à tergiversatoribus quasi ex legum auctoritate decernitur , & quòd ille quidem legitimè possideret , hic injustè repeteret , nec haberet justam querelam , sed injustam calumniam. Porro vir sanctus , ne sibi de Deo nimis applaudere aut humana consilia videretur sprevisse , Sanctonensem Episcopum humiliter postulavit quatenus ad agendam causam suam idoneum aliquem à latere suo præstaret executorem. Quod ille justum perpendens , quamvis ejus esset adversario obligatus , Archidiaconum suum , virum industrium , & in talibus copiosè instructum , direxit ; qui sciens versutiam adversariorum , & quomodo simplicem virum illaqueare disponent , dedit ei consilium quatenus non de fundo terræ quam expetebat in præsenti ageret , sed de possessione. Ad hoc enim eum ipse velut in præparatam foveam ducere nitebantur ut cùm eis simpliciter illud concederet , nescio quibus argumentis repente simul totum amitteret. Quod cùm ipse palam proclamaret , dicens , Nos non agimus de fundo terræ , sed de possessione , mox omnes caufidici furore accensi violenter agere cœperunt , & calumniosis litibus innitentes , virum Dei non rectè proposuisse clamabant , eique vehementer instabant. Resistebat tamen ei prædictus Archidiaconus , & causam quam tuen-

dam susceperat non ignobiliter defensabat. Episcopi verò in parte consistentes, quamquam beatum virum justam habere causam non dubitarent, nullum ei iuvamen ferebant, quia ab illo tyranno pervasore inducti erant. Quod cum ille perpenderet, seque in illo examine gravari conspiceret, surgit in medium, & coram omnibus dixit: Ego quidem, Domini fratres, propter causam pauperum recuperandam huc veni, in Dei misericordia fiduciam habens & in præsentium Episcoporum defensione atque iustitia. Sperabam enim quòd non permetterent dominari virgam peccatorum super sortem justorum, nec possessionem ovium Christi lupis ingerendam exponerent. Sed quia non sunt pastores, sed mercenarii, qui vident lupum venientem & fugiunt, & ovibus vim patientibus, ipsi se sub silentio abscondunt, & nullam eis defensionem opponunt, necessitate constrictus Romanam curiam appello, ut ibi quod justum fuerit vel accipiam vel persolvam. Ad hanc vocem tumultus levatus est omnium ferè vociferantium, quorundam indignantium & dicentium: Quis est hic qui in hac tanta curia contra tot potentes & nobiles appellavit, insuper & Episcopos non pastores sed mercenarios nominavit? Alii quidam dicebant: Ille, etsi appellavit, appellationem suam non segniter consummabit, plusque proficiet uno nuntio quatuor pitaciis pedibus insignito quàm dominus noster egregiis nuntiis multis pecuniis oneratis. Cumque in hunc modum contenderent, Episcopus Sanctonensis facto silentio ita omnes allocutus est: Scitis, fratres, quòd ego hanc litem in manu mea terminandam susceperam, & quia pro pace & concordia utriusque partis quantum poteram laborabam. Sed quoniam Abbas iste gravari metuens, majus iudicium appellavit, jam non est meum de his ulterius judicare, sed nec vestrum appellationem.

L I B. II. nem ejus temerè reprehendere. Vnde commonitos esse volumus utrosque, & eum scilicet qui appellavit, & illum contra quem appellavit, quatenus die debita vel per se vel per idoneos executores apostolico se conspectu repræsentent. Hic dictis, curia solvitur, & cunctis in sua remeantibus, vir Dei cum suis illis paucis comitibus ad propriam regreditur mansionem. Evenit tamen satis juxta quod jocundus ille vates prædixerat, ut cum ejus adversarius in suis fautoribus multa nimis expenderit, ipse penè nihil mitteret & victoriam obtineret. Nam cum ad capitulum quod tunc imminebat ex more venisset, & quosdam ibi Abbates & Episcopos reperisset Romam ire paratos, monachum suum strenuum & in talibus eruditum illis specialiter assignavit, quorum stipendiis in eundo & redeundo suffultus, & auxiliis atque consiliis in Romana curia plurimum est roboratus; qui prosperè rediens talem detulit auctoritatem quòd prædictus invasor omnes fruges quas ex agro illo assumpserat per manus servorum suorum judicio Archiepiscopi Bituricensis, in cujus curia præcepto Papæ causa ipsa de novo ventilata est, in cellariis fratrum coactus intulit, eisque terram ipsam liberam & absolutam in pace reliquit. Nam si illam fratres tunc amisissent, certum est quòd abbatia ibi nunquam fuisset, sicut permanet usque in præsentem diem. Hoc autem retulimus, non ad miraculum, sed ad exemplum probitatis ejus ac fidei, qui possessionem suam immo & Dei contra tot nobiles & potentes de manu tyranni penè ipse solus obtinuit, & in hominibus spem suam non posuit, sed causam suam soli Deo commisit.

X V I. Alio quoque tempore miles quidam paupertate constrictus, & cupiditate distentus, ex quadam grangia nostra oves & quædam alia pecora ra-

puir, occasione sumpta quòd terra quam fratres LIB. II.
tunc incolebant ad proavos ejus aliquando perti-
nuisset. Ex ipsa autem præda quædam statim cum
suis comedit, reliqua petentibus fratribus eo pacto
concessit, quatenus ad diem determinatam Abbas
ipse veniret, & sibi de hac terra plenius responde-
ret; qui nequaquam negligens, ad diem constitu-
tam cum multis aliis venit. Porro vir ille, ut majo-
rem illis metum incuteret, in placitum venire no-
luit nisi manifestius sciret quid ex eodem placito
reportaret. Sperabat enim se multas pecunias ac-
cepturum, si hanc eis calumniam in pace dimitte-
ret. Attamen ab amicis coactus vix tandem venire
adquievit, sed non ut sperabat, terrorem detulit,
sed accepit. Videns autem eum vir Dei à longè ve-
nientem, ut erat semper urbanus atque jocundus,
cùm res poposcisset, dixit sociis ut se detinerent &
velut ab impetu revocarent dum ipse contra eum in-
surgeret. Cùmque jam propè & in auditu vocis
positus esset, ita eum impetu facto, cùm tamen à
sociis detineretur, vir sanctus aggreditur: Estne hic
qui oves nostras luporum more rapuit ac devoravit?
Estne hic qui possessionem dominicam sibimet usur-
pavit? O inique & tyranne, quid tibi cum servis
Dei? Quid eorum substantiam iniquo jure pervadi-
dis? Certè, nisi me isti prohiberent, ita te excom-
municarem & diabolo manciparem ut esses in exem-
plum omnibus habitantibus in hac terra. His inve-
ctionibus vir ille concussus dirigit; vultumque viri
Dei ferre non sustinens, ultra accedere ausus non
fuit. Reprehendebat tamen, primùm quidem se
quia venisset; de hinc culpabat amicos, qui eum ad
talia perduxissent. Tandem instinctu divino com-
monitus, & cunctis qui aderant pro eo interceden-
tibus ad pedes viri Dei procumbit, & se peccasse,
se impiè gessisse proclamans, veniam deprecatur.

L I B. II. Qua impetrata , omnem iniquæ exactionis querelam deposuit ; & qui inimicus & reus venerat , amicus & sanatus abscessit. Aliquotiens cum ad placitum veniret , videretque omnes suæ parti favere , adversarium verò undique & ab omnibus destitutum , pietate ductus aliquos è suis placitoribus clam dirigebat qui ejus partes defenderent & pro eo contra se dimicarent ; gaudebatque se vinci ab eis tamquam si ipse vicisset. Si quis pauper ac rusticus , & totius artis exceptis communibus expers , illum oraret ut susciperetur , mox illum ad cellerarium dirigebat , dicens , Vade , & deprecare eum ut me roget pro te. Quòd si te cum indignatione repulerit , dic ei illam & illam artem te optimè scire ; & tunc videbis quid tibi respondeat. Quod cum pauper faceret , & primò quidem repulsus , postea pro scientia artis libentissimè audiretur , mox ad Abbatem cellerarius ipse accedens , rogabat ut eum valde necessarium suscipere non recusaret , & pietatis arte seductus rogabat quod priùs prohibuisset & unde postmodum pœniteret.

X VII. Inter hæc fratres Obazinæ cum augerentur de die in diem , nec possent eos capere pristinæ habitationis modicæ mansiones , consilium fuit quatenus non ut priùs habitacula ampliarentur , sed alibi ex integro mutarentur. Nec jam in ambiguo erat utrum ædificarent , sed de loco adhuc consiliaolvebantur. Erant ad radices montis amœna satis loca , ubi quorundam animi erant defixi , quatenus ibi ædificarent. Alii saniori consilio non longè à priori loco ædificari volebant ; ut pristina habitacula novis ædificiis deservirent , & veteres fratrum sepulturæ novis adjungi possent. Accedebat autem his & salubritas aëris , utilitas nemoris , hortus , vinearum & diversi generis arborum fœcunda satis & longo tempore exculta possessio ;
quæ

quæ nec relinqui sine dispendio, nec sine molestia poterant à longè positis exerceri. In illis autem operatis locis plurimi rusticorum cum suis familiis morabantur; qui si relinquerentur, magnum generarent animarum periculum; si autem repellerentur, nihilominus grande peccatum. Ille & multa alia vir sanctus altiori mente pertractans, quamquam aut nemus aut locum ubi primitus venerat relinquere noller, tamen hoc magis aliorum consilio quam suo arbitrio facere præoptabat. Ita enim illa sententia animo ejus infederat quæ dicit, *Omnia fac cum consilio, & post factum non pœnitabis*, ut nihil quamvis parum, sine alterius consilio facere unquam voluerit. Quòd si res in promptu esset, nec dilationem admitteret, ipse verò non haberet in præsentia nisi aliquem ex simplicibus fratribus aut unum fortè ex familia, non tamen vel ab illo consilium quærere dubitabat. Cùmque ille tremens diceret, Tu me interrogas pater, mox ei capitulum regulæ opponebat dicens: Sæpe minori revelat Dominus quod melius est. Attendant hoc & confundantur qui magnas & arduas res sine consilio agere non verentur, unde non proficiunt, sed magis cadunt; qui si alterius præveniantur bono consilio, etsi eis antè placuerat, jam id facere dedignantur quia non ab ipsis initiatum videtur. Inde senatus Romanus Christum suscipere recusavit, non ob aliam causam, nisi quia primitus ab ipso initiatus non fuit. Pudet aliquos hic referre, qui sibi magni videntur, qui consilium dant, non ad utilitatem, sed ad contrarietatem; qui cùm audierint alios aliter laudavisse, illi contra faciunt, & omni studio decertant quatenus non quod melius est fiat, sed quod illos victos, se autem victores ostendat, qui sententiam suam ultimam proferunt in consilio, sed primam volunt esse in facto, ad

Euseb. lib.
2. hist. ec-
cles. cap. 2.

L I B. II. hoc postremi loquentes ut priorum consilia destruant, ad hoc prius tacentes ut posterius vincant. Sed his omissis, quæ amaritudinem ingerunt, ad propositum redeamus.

XVIII. Igitur post multas deliberationes in superiora manasterii nostri ædificare disponunt, ita ut prioris habitationis extremæ domus novi monasterii extremis ædificiis jungerentur; jamque lapidum & calcis atque arenæ copiosa adunata congerie, feria sexta ante Passionem, basilicæ fundamenta aperire cœperunt, prius ab Episcopo, domno Geraldo in circuitu loci cimiterio consecrato. Erat annus incarnationis Christi millesimus centesimus quinquagesimus sextus. Deinde sequente feria sexta quæ est ante Palmas, omnes a monasterio usque ad locum ædificationis cum cruce & aqua benedicta devotè procedunt; dictisque letaniis & psalmis ad hoc pertinentibus, mox ab Episcopo & Abbate atque electo operis magistro cum invocatione trinitatis primus lapis in fundamentum deponitur, nec immeritò cum tanta veneratione locatur qui illum præcipuè figurabat de quo Apostolus ait: *Fundamentum aliud nemo potest ponere præter id quod positum est, quod est Christus Iesus.* Aderat hujus tantæ ædificationis initiis inæstimabilis hominum multitudo diversi generis atque ætatis cum multo cœtū nobilitum, quorum alii potentiores auxilium & protectionem, divites pecunias offerebant, pauperes quod rebus non poterant votis supplebant, protensis in cælum manibus supplicantes ut Deus omnipotens tam sanctum opus, quod eis videntibus cœperat, perduceret ad effectum. Tamen petendi & impetrandi ad tanti operis supplementum, sicut ferè cunctis ædificantibus mos est, per Ecclesias populos communionem ipsa die apud nos & initium & finis fuit, Vbi quamvis hoc Episcopus frequenter moneret,

immo potius & juberet, datis litteris indulgentiarum largitate refertis, tamen ei vir sanctus nunquam acquiescere voluit dicens: Nos talem consuetudinem introducere nolumus ut populis scandalum & nobis ignominiam adquiramus circumeundo Ecclesias, ostendendo beneficia, indulgentias largiendo, quas dare non poterit nisi solus Deus. Audivi tamen referri ab his qui interfuerunt quòd cùm in quodam episcopatu domum novam ædificaret, persuasus sit à quibusdam, immo compulsus, comminatorias litteras ab Episcopo postulare ut domui illi, quandiu ædificaretur, beneficia populus impetiret. Episcopus petitioni ejus, quam quidem invitus nec per semetipsum fecerat, libentissimè annuit, statimque litteras ipsas scribi præcepit. Cùmque ventum esset ad indulgentiarum locum, mandat Abbati quantum indulgentiæ his qui in hac fraternitate se mitterent vellet ascribi. Cui ille ita remandavit. Nos, inquit, Domine, nostra adhuc premunt peccata, nec possumus levare aliena. Quod audiens Episcopus, lætus erubuit, & virum Dei, ut verè erat, Dei servum & tali timore plenum non dubitavit.

XIX. Iam verò cœpto monasterii ædificio, quis dignè referet qua austeritate corpus illud modicum fregerit multis antè afflictionibus maceratum? Totà die in opere erat, non virgam ferens, ut plerisque mos est, qui in altiori loco sedentes alios ad laborem provocant, verbo, non facto, digito, non opere, virga, non manu. Stabat autem laborans incurius ad solem & imbres, sic tamen ut omnes laborantes sive non laborantes aspiceret, & quid singuli facere deberent plus operibus quam verbis ostenderet. Cùmque videret aliquos incongruè stantes, aut fortè sedentes & otiosa loquentes, non eos statim corripiebat; sed transiens co-

L I B. II. ram eis, timendi & erubescendi primò copiam tribuebat; quòd si se non corrigerent, asperis eos sermonibus increpabat, ut cuncti audientes timerent. Si quos videret laboribus fatigatos, ad requiem invitabat, & mœstos eorum animos blandis sermonibus recreabat; duos & laborare nolentes duriter increpabat; verecundos & laborare volentes, sed non valentes, consolabatur atque mulcebat, & ita cum eis agebat ac si maiorem operis partem ipsi fecissent. Quosdam etiam adhuc carnales carnalibus promissionibus invitabat, dicens eos in refectorio non parum remunerandos qui sic strenuè laborassent. Nonnullos quoque laudis æmulos, & ob hoc laborare plus solitos, quamquam eos in hac parte plurimùm reprehenderet, multum tamen illis præferebat qui nullam aut Dei timoris aut humanæ verecundiæ curam habentes totos se desidii ac negligentiae tradidissent. Hæc & his similia vir discretissimus ad relevandum laborem exterius faciebat, & ita omnibus se conformabat ut infirmis infirmum fortibus fortem, lætis quoque lætum & mœstis mœstum se exhiberet, sed & carnalibus carnalis quodammodo videretur, & gloriam captantibus tamquam & ipse eandem omni studio sequeretur, implens illud quod Apostolus de se ipso dicebat: *Omni- bus omnia factus sum ut omnes facerem salvos.* Cùm autem domi ventum esset, cuncta hæc tamquam vestimenta secularia deponebat, & quam gestabat intrinsecus religionis formam verbo & opere demonstrabat. Intus timendum, foris se jocundum præstabat, ut attraheret lenitate quos corrigeret in caritate. Nunc enim animabus perfectius consulebat. Porro tunc, id est, foris, corporibus immo laboribus dispensativè prospiciebat; qui ut liberiùs fierent, ex disciplinæ rigore aliquantulum remittebat. Adest testis virtutis ejus & laboris fratrum ba-

filica ipsa omni ex parte perfecta, cui in multis provinciis nulla facile similis reperitur pulcritudine, elegantia, venustate, & quod his majus est, operis firmitate ac firmissima sanitate, sicut hi quoque testimonium perhibent qui ultra citraque mare inultas provincias peragrati sunt.

XX. Per idem tempus tanta fames tantaque frugum penuria inerat quòd sicut modò frumenta veneunt ampliùs quàm in duplo cariùs venderentur, vix quisquam reperiebatur qui annonas haberet, & qui habebant ita celabant ac si omnino nihil haberent. Expectabant enim tempus majoris venditionis, sicut ait Propheta, ut auferrent siclum & imminuerent mensuram & exhaurirent marsupia pauperum & sacculos suos implerent de subsidiis egenorum. Porro vir sanctus parvipendens famis invasionem, tot operarios rusticos qui onera ferrent undecunq̃ue conduxerat ut si illos videres, parochiam advenisse existimares. Habebat eos pro solo pane. Et ideo tam multos collegerat ut & ipsos pasceret & opus ædificationis magis accelerarer. Ad portam monasterii tot undique pauperes confluebant ut dinumerari non possent; nec tamen frustra se venisse dolebant, nullus aliquando recedebat impastus. Si quidem ab hora diei nona omnes fratres, quicunque adesse poterant, in distribuendis alimoniis occupati erant, & vix tandem id sero complebant. Quæ scilicet alimonix, præter ciborum reliquias, ex cellario & furno jugiter præbebantur, ita ut penè quotidie totius clibani coctura integra expenderetur, cum bis vel ter in die coquendis panibus pararetur. Hæc autem consuetudo in pauperes semper omni tempore servabatur, maximè verò tempore famis; quòd si panis decisset, carnes expendebantur, pulmenta verò cum panibus semper dabantur, ubique à fratribus ad hoc depu-

L I B. II. tatis discurrebatur, cunctorum cellaria & occulta repostoria scrutabantur, & veteres annonæ è fossis abditi:que terræ cuniculis proferebantur, nec aliud empturis injungebatur nisi ut quocunque modo vel pretio sic emerent ut nec forum publicum augerent, nec ipsi vacui remearent; quòd si pretium non haberent, non tamen undecunque mutuò accipere dubitarent, fiduciam habentes in illo qui eos & ab iniquis usuris semper eripuit & turpiter egere nunquam permisit. Si autem copia nummorum superuenisset, non eam vir sanctus in thesauris condebat, sed vocatis emptoribus & dispensatoribus suis, absque pensa & numero eis tradebat. Nunquam panes ad numerum vel à forno referebantur vel per necessaria loca distribuebantur. Nullus computare sumptus diurnos vel expensas, maximè in præsentia viri Dei, audebat; sed horum omnium pondus, numerus, atque mensura Deo largitori reservabatur. Hac indulta libertate, cautiores & sollicitiores ministri fiebant, atque in rebus commissis non minùs fraudem facere quàm incurrere metuebant. Nunc autem, dum nulli credimus & omnia numeramus, fit ut nec etiam ipsi credamus, ita ut ministros ex fidelibus infideles efficiamus, Deumque largitorem bonorum offendamus potius quàm placeamus, cujus bona tamquam à nobis sint computamus.

XXI. Cùm autem vir Dei monachorum fratrum atque sororum, hospitum quoque, & familiæ, ac diverso modo laborantium sollicitudine urgeretur, quibus quotidiana stipendia cum ingenti studio parabantur, maxima tamen illi cura de pauperibus erat, sciens procul dubio, quandiu haberet quod eis impenderet, nihil ceteris defuturum. Vnde non solum in abbazia, sed in omnibus grangiis, præcipuè famis tempore, largiter dari præcipiebat, ut & ipsæ benedictionem in pauperibus consequeren-

tur. Aliquando venit ad eum frater illarum grangiarum quæ ultra Dordoniam sunt procurator, dicens non habere se vel quod fratribus apponeret vel quod pauperibus erogaret. Cui vir sanctus de fratribus quidem nihil respondit, de pauperibus verò præcepit ei dicens: Vade, & si panes non habes, animalia occide & pauperibus tribue; exceptis bubus arantibus, quos ad ultimum, si aliud non habueris, incunctanter expende. Abiit ille facturus sicut ei fuerat imperatum. Sed quia modicum tritici habebat, quod vix ad tres dies sufficere poterat, statim illud impendi decrevit, ut postmodum alimenta fratribus emeret, & pauperibus carnes, sicut iussum fuerat, exhiberet; & ecce dum speratur quotidie vel magis timeretur tritici illius defectio, in tantum Deo tribuente & fide sancti viri cooperante excrevit ut usque ad tempus messionis, quod longè aberat, tam fratres quam pauperes panes inde, prout ratio temporis permittebat, sufficienter haberent.

X XII. Eo tempore fame ingravescente, cùm audisset vir Dei apud vicum Martellum dictum duos viros, quorum unus sacerdos, alter laicus erat, promiscuæ annonæ quadraginta modios communiter habere, quorum singuli quatuor vel quinque animalia onerare solent, festinanter perrexerit, & prædictas annonas, cùm nihil haberet, pretio vel conditione qua valuit sibi retinuit & monasterio destinavit. Quæ quamvis malè congestæ, fide tamen boni emptoris multiplicatæ totum monasterium in summa necessitate multo tempore refecerunt & sufficienter paverunt. Sed cùm reddendi tempus adesset, ipse verò quod redderet nihil haberet, diu dubitans quid ageret, tandem ad vicum perrexerit, ut saltim suam præsentiam exhiberet quibus præsentare aliud non valebat. Cùmque ibi ve-

L I B. II. misset, exactorum faciem permescens, maximè unius qui erat cupidus & avarus, durus, crudus & inhumanus, ad Ecclesiam perrexit, &, ut dicitur, Missam tunc celebravit. Qua peracta, egressus foras, cùm ei omnes penè habitatores vici illius occurrerent, inter ceteros ille creditor venit quem præcipuè formidabat. Videns autem virum Dei humiliter stare &, ut sibi videbatur, pro debiti solutione sollicitum esse, dixit ei coram omnibus: Quid est, Domine Abbas? Attulisti pecuniam quam mihi & Presbytero te debere cognoscis? Scias enim quòd ex hac hora nihil à te nisi cum usuris recipiemus. Dixit ad eum vir Dei: Verè dico tibi quia nihil habeo quod vobis ad præsens reddere possim. Vnde rogo ut in nobis adhuc patientiam habeatis quousque Dominus largiri dignetur unde vos placare possimus. Tunc ille velut exasperatus, cùm magis esset à Deo mollitus, respondit ei coram omnibus dicens: Ad illudendum nos, quantum odio, Domine, huc venisti. Frumentum nostrum tulisti & pretium non retulisti. Ego tamen placari non potero nisi sub hac conditione, quatenus monachi omnes qui fruges meas consumpserunt obsolescentes mihi tradantur ut ipsos interim pascam quousque debitum meum recipiam. Ad hoc dictum cùm in risum omnes solverentur, vocato Presbytero venditionis socio, dixit ei, Placetne tibi, Marce, (sic enim vocabatur) pactum quod cum Abbate composui. Quale, inquit? Cui ille: Tale ut fratres suos nobis obsolescentes reddat, quatenus eos tamdiu nos pascamus quousque debitum nostrum recipiamus. Presbyter verò respondit: Hoc pactum tu tene, qui proposuisti. Nam ego nunquam illud tenebo. Tum ille non jam exactor, sed patronus effectus, ait ad virum Dei: Perge securus jam quò volueris, Domine Abbas; ego tibi pro me & Presbytero satis-

facio, ut nihil nobis ex debito illo nisi quod volueris & potueris facias. Tunc omnes qui aderant videntes in illo viro nimis avaro tantam dexteræ excelsi mutationem, glorificaverunt Deum. Emenso modico tempore, vir ille moriens medietatem pretii quod ad se pertinebat, id est, quingentos solidos, monasterio dereliquit, reliquos quingentos filio suo reddendos instituit. Hic cum esset patre iocundior & ad dandum profusior, etiam illos quingentos qui sibi reddendi erant ex integro solvit, & plura alia de suis rebus multotiens dedit. Nam cum esset ad beati viri funera præsens, de suis rebus tanta donavit ut omni vitæ suæ tempore lumen ad beati viri tumulum non deesset. Presbyter vero cum haberet Clericum ad se pertinentem, monasterio illum tradens, mille solidos qui sibi ex prædicta debebantur venditione cum eo dimisit, addens insuper mixturæ modios plures in rationem victus illius. Sic impletum est in viro Dei quod ait Apostolus: *Diligentibus Deum omnia cooperantur in bonum.*

XXIII. Alio quodam tempore cum idem vir sanctus in infirmitorio resideret, venit ad eum cellerarius, & mæsto vultu, ore etiam taciturno, ei astabat. Dixit ad eum vir Dei: Quid habes, frater, quod hic tam tristis assistis & nihil loqueris? Cui ille respondit. Mæstus sum, inquit, Domine, quia nihil fratres hodie manducabunt; siquidem hora refectionis urget, & panes non habemus quos reficiendis fratribus apponamus. Tunc ille, ut ei solitum erat, oculis ac manibus in cælum porrectis altius suspiravit, tandemque conversus dubitantem fratrem increpando monuit dicens: Ego, frater, tibi soli revelatum est quia fratres hodie non manducabunt? Numquid invalida est manus Domini? aut quia tu panes non habes, idcirco ille quod tribuat non habebit? Perge ergo nil dubitans, &

L. 1. II. mensas ut solitum est præparare festina. Spero & confido in Deo quod sibi seruiantes absque cibo manere non patietur. Credidit ille & paruit, refectorium ocius præparat, & mensas mantilibus ornat. Vbi ecce dum fratres horam quæ est ante refectiorem in Ecclesia canerent, subito adsunt animalia panibus onusta, quæ fideles quidam viri à Deo, ut creditur, inspirati ad supplementum victus eis transmiserant; qui de Ecclesia egressi, cum se manducatu-
 turos tunc non sperarent, reperiunt mensas insolito pane refertas. Vnde satis abundèque resecti, largitori Deo gratias reddiderunt, & deinceps de abundantia dubitare nec in egestate potuerunt.

XXIV. Tale quid in monasterio de Grosso boscho, quod nostro juri ex multo tempore traditum est, olim accidisse ab his qui interfuerunt audivimus. Nam quadam die ad Abbatem loci illius, qui ex discipulis fuerat domini Stephani, cellerarius venit dicens in toto monasterio panes, exceptis tribus, omnimodis non haberi. Vnde quærebat ab eo utrum signum ad refectiorem, cum panes deessent, pulsari deberet, vel quid de illis tribus qui reperti fuerant fieri debuisset. Abbas autem altiori præventus consilio, tres libras in præbendis defunctorum, ut solitum erat, reponi, signum quoque ad lavandum post horam pulsari præcepit, & pulmentum loco panis per mensas disponi. Cumque horam quæ tunc vergebatur in Ecclesia canerent, princeps terræ & fundator loci illius ex insperato venit, claustrumque solito more ingressus, ceteras quoque officinas, ut consueverat, perlustrabat. nullus enim prohibere audebat. Ingressus refectorium, cum pulmenta sola absque pane vidisset apposita, festinanter egreditur, & tam suos quam sociorum equos in proximum vicum dirigit, cunctumque panem venalem dato pretio rapi & ad monasterium

facit deferri. Fratres post horam refectorium ingressi, cùm se ad manducandum præparant, subito inter manducandum insperatus panis plenis scortis ingreditur, qui eos ipsa & sequenti die sufficienter pavit.

XXV. Item in monasterio Bonæ-aquæ, ubi dudum vir sanctus de hoc mundo migravit, cùm in die cœnæ dominicæ innumera pauperum multitudo plus solito confluxisset, expensis panibus quantumcunque poterant reperiri, cùm adhuc pauperes superessent, necessitate constricti fratres cunctum panem qui reficiendis eis appositus erat distribuerunt. Vbi cùm jam non haberent quod manducarent. Abbas prolatis solidis panes ad usum fratrum emi præceperat, cùm ecce arca monasterii, in qua panes reponi solebant, plena reperta est usque ad summum, unde ipsa & sequenti die refecti sunt. Ita satis non fuit viro Dei in suo monasterio fidei suæ signa monstrare, nisi & in aliis monasteriis ad se pertinentibus hæc eadem signa post transitum suum per discipulos exhiberet.

XXVI. In nostro quoque monasterio tempore famis, præcipuè à Pascha usque ad tempus messionis, tanta quotidie pauperum multitudo conveniebat ut trium milium numerum plerumque excederet. Propter quod emptores, ut superius diximus, ubique cum animalibus discurrebant, & quantumcunque frugum reperire possent, dato vel condito pretio ad monasterium pertrahebant. Inde panis tam fratribus quàm hospitibus quàmque pauperibus parabatur, ita quòd satis inde vivere possent, etiamsi aliud nihil haberent. Cùmque finito tempore debita inde contracta computari cœpissent, & plusquam tria milia solidos superadditos æstimerent, ne unum quidem solidum superexcrevisse lætati sunt. Ille enim solvebat cui impendebantur.

LIB. II. XXVII. Sed & tempore barbaricæ persecutio-
nis, cùm iidem barbari totam hanc regionem lon-
gè latèque vastabant, rustici cum uxoribus & filiis
atque pecoribus nostrum monasteriùm expetebant
barbaros fugientes, ita cuncta interioris exteriorisque
complentes ut vix egredi vel intrare possemus. Vn-
de necessitate constricti, & ducti pietate, non so-
lùm eos non prohibebamus, sed etiam fovebamus,
& quicquid alimentorum reperiri poterat, absque
ulla parcitate eis impendebamus. Denique quodam
sabbato, cùm tot panes expendissemus ut penè ni-
hil in crastinum superesset, consilium fuit ut die
dominico contra morem solitum coqueremus. Ma-
ne autem factò tanta panum copia in repostoriis est
reperita ut aut nobis, id est, toto conventui, aut
exulibus & pauperibus consueta mensura suffice-
rent, si tamen totum acciperent. Sed cùm jam
inter nos & illos dividi proponerentur, altiori
consilio visum fuit ut illi totum panem, quia tan-
tumdem erat, acciperent, nos autem duobus pul-
mentis qui tunc parati erant, contenti essemus. Ita
omnes panes ex integro ad portam delati sunt, ut
non relinqueretur ex eis nec unus. Post tertiam ite-
rum pistrinum ingressi, tantam panum copiam in-
venerunt ut totus conventus, qui tunc centum vi-
ginti & amplius erant, libram panis & dimidiam
more solito singuli habuissent. Erant enim propter
sacram communionem plurimi congregati, utpote
octava die Pentecostes. Hoc etiam aliquotiens ac-
cidisse propriis ipsi oculis vidimus, ut cùm facta
caritate vix aliquid superesset, factò mane ex hoc
ipso omnes sufficienter haberent & plurimum su-
peresset. Sed & pistorum mihi sæpius retulerunt
quod tempore supradictæ famis annonæ ad unam
vix hebdomadam æstimatæ per duos menses nos
prætraxerunt & sufficienter paverunt, ita quod ne-

que ipse externis augerentur nec comedentes minuerentur. In cellario quoque apud Martellum, in quo frumenta ex grangiis ultra positis condebantur, ac tempore ædificationis simul & famis inde ad monasterium cum animalibus deferabantur, post multos dies vel hebdomadas, cum jam nihil ex his superesse crederetur, immo omnes mirarentur quod tamdiu perdurassent, interrogatus frater qui hæc deferrebat, dixit quod nullam ex quò hæc deferre cœpit diminutionem in his potuit invenire. Vnde postmodum præceptus est idem frater eadem frumenta iterum mensurare. Quod cum factum fuisset, offenso largitore munera defecerunt & citò consumpta sunt. Hæc autem diximus, non quod per nos qui nunc sumus, vel propter nos facta sint, sed illius merito ac virtute qui non solum apud nos, sed in multis aliis locis mirabiliter operatur.

XXVIII. Nuper à fratribus referri audiui quod in quibusdam grangiis supradictæ vastationi vicinis, cum fratres panem, quem sibi paraverant, pauperibus captivis atque exulibus ad se confugientibus largiter ministrarent, coctura panis, quæ ad quatuor vel quinque dies sufficere solita erat, tantumdem etiam tunc sufficiebat, cum in tot partes præter solitum divideretur. Sed hanc largitionem pius ille retributor, non solum in futuro, sed in præsentī quoque remunerabat, cum nec census multipliciter expensus nec expendentes minuerentur, ipsique barbari, qui Ecclesias diripiebant, altaria nudabant, calices confractos in marsupiiis abscondebant, & sanctuaria quæque velut porci indignis & pollutis manibus contrectabant, ipsosque sacerdotes substantiis ac vestibus spoliatos ligantes trahebant & amarissimis pœnis ad redemptionem cogeant, ipsi inquam barbari qui talia faciebant, cum per nostras domos transirent & cur-

LIB. II. res plenas hominibus & iumentis sive pecoribus à facie eorum fugientibus cernerent, non solum quæ nostra sunt non tollebant, sed nec ipsorum quicquam contingere prorsus audebant, non nostra terrore sanctitate, sed divino potius numine, & sancti illius merito ac virtute. Sed quia hæc post ejus transitum nobis vel nostris regionibus acciderunt, ad illa quæ ipso præsentem & operante gesta sunt revertamur.

XXIX. Tempore illo portarius vir fidelis & religiosus abbatiam muro cingebat. In loco autem illo ingentis saxi moles excreverat, quæ undique terræ affixa alicujus montis speciem præferebat; & quia murus perinde transiturus erat, ita ut ab ipso loco deviari non posset, multis diebus ut lapidem frangerent idem portarius & socii ejus casto labore defecerant. Non solum enim frangi non poterat, sed multos malleos sæpe confregerat. Contigit autem ut vir Dei ad placitum pergens, per hunc locum transiret. Portarius fide plenus mox equi illius frenum apprehendit atque ut ad terram descenderet imperavit potius quam rogavit. Tunc ille paululum subidens, concitus de equo ad terram descendit. Mirabatur tamen audaciam fidei ejus, interrogans, ac si captus, quid de se facere vellet. Ille sumpto malleo, manibus ejus tradidit, eumque saxi illius verticem scandere ipsumque lapidem malleo cedere jussit. Quod cum fecisset, & tribus ictibus lapidem percussisset, mox ille recepto malleo, dixit ei: Sufficit. Pergite jam nunc feliciter in viam vestram. Qui valedicens ei atque benedicens, iter quod cæperat explicavit. Post cujus discessum venerabilis ille portarius, convocatis operariis suis, eundem lapidem non jam cedere sed penitus excidere sunt aggressi; quem tanta facilitate utque ad ipsas, ut ita dixerim, radices comminuerunt ut ni-

hil ex eo frangendum ad vesperam remaneret, & qui prius adamante durior erat, nunc ac si panis ordeacius ad frangendum facilis fuit; ex cujus fragmentis acervum grandem fecerunt, & magnam exinde muri partem ædificaverunt. quod sancti virtute & portarii fide factum non dubitatur.

XXX. Est quædam grangia secus Dordaniam fluvium posita, olim quidem ad abbatiam ædificata, sed post docendis pueris instituta. Hæc cum ædificaretur à latere dextro Ecclesiæ, rupes, ut de alia diximus, ad instar montis excreverat, & magnam partem loci illius occupatam tenebat, & quia claustrum perinde fieri oportebat, fratres in quantum poterant decertabant saxum illud malleis conterendo in planitiem deducere & solo tenus adæquare. quod frustra nisi sunt. tanta erat vastitas ejus atque duritia. Itaque jam constructa Ecclesia, Prior loci ad Abbatem pergit sciscitans quid de ipsa rupe facerent, vel utrum claustrum ex altera parte, hoc est, sinistra ædificare deberent. Ille, quia hoc inconueniens erat, præcepit fieri foveam profundissimam è latere saxi, sicque illud cunctis impingentibus inihi sepeliri. Prior accepto mandato, quamvis ei impossibile videretur, quia tamen contradicere non audebat, reversus ad locum secundum præceptum Abbatis juxta lapidem foveam profundissimam fecit. Deinde congregatis omnibus, non solum de illo loco, sed ex villis quoque vicinis, cum rupem illam humeris & vectibus tota virtute impingerent, ita eis visum est ac si montem magnum impellerent, multis ridentibus & dicentibus quod delirarent qui non tam difficilia quam impossibilia tentavissent. Ita, relicto opere, omnes ad propria sunt reversi. Foveam tamen in testimonium reliquerunt, quò sanctus veniens eos de inobedientia culpare non posset. Qui cum post aliquot dies venisset, vidit-

LIB. II. set.que foveam sic manere, post factam orationem, vocato Priore cum fratribus, interrogat eos commotus cur lapidem illum sic reliquissent & non cum terra, sicut eis præceperat, obruissent. At illi retulerunt ei omnia quæ facta sunt, & quomodo tot viris undique congregatis & impingentibus, moveri non potuit. Tunc ipse increpans eos, Vocate mihi, ait, homines tantum nostros & fratres hic commanentes, & videbitis quia non propter impossibilitatem, ut dicitis, sed propter incredulitatem vestram & fiduciam in hominibus, non in Deo, lapis moveri non potuit. Quod cum factum fuisset, vir Dei facto signo crucis & solito clamore usus, hoc est, *In nomine Domini*, ipso cum ceteris impingente, tanta celeritate rupes illa mota est ut sub momento & absque difficultate in profundum deiceretur. Quo facto tam claustrum quam ceteræ mansiones pro voto viri Dei constructa sunt.

XXXI. Apud vicum Martellum superius memoratum domusextra muros habetur Obazinensium fratrum usibus deputata, ad coemendas vel distrahendās res necessarias utiliter procurata. Ad hanc dominus Stephanus aliquando venerat, aliquid ibi ordinaturus. Tum frater qui ipsam domum regebat coram eo conqueri cœpit quod multa in pane & lignis vel etiam aqua expenderet, unde ad procurandas communes monasterii necessitates minus valeret. Porro vir sanctus, cum ei aliqua rationaliter suggerebantur, non hæc, ut quidam faciunt, surda aure transibat, sed tacitus cogitabat qualiter cunctorum necessitatibus congruè subveniret; & de pane quidem & lignis in præsentī satisfecit, unam ex propinquieribus grangiis fratri designans ut hæc inde opportunè deferret; de aqua vero cum adhuc sollicitus esset, egressus pro foribus, è latere domus locum reperit habilem unde aqua
• convenienter

convenienter ministrari posset. In illa quidem regione audiri fons poterat, non videri. Ita facta oratione circumstantes ibi fodere præcepit, cum hoc ipse primitus inchoasset; cumque fodiendo altius penetrassent, reppererunt aquam vivam. Vnde non mediocriter læti, puteum ibi fabricati sunt, qui permanet usque in præsentem diem. L. 13. II.

XXXII. Quodam iterum tempore memorabilis pater ad unam grangiarum suarum venit quæ sita est juxta calstrum sancti Michaëlis; & dum ibi cum fratribus loqueretur, prospiciens vidit procul à quibusdam viris non sine grandi labore aquam deferri. Mox conversus ad fratres, quærebat ab eis cur aquam de longinquo deferrent, cum in promptu fontem haberent. Illi autem dixerunt ei: Aqua hujus fontis, Domine, ad omnes quidem usus habilis est, pulmenta vero aut aliud quid omnino coquere non potest, nec potuit, quantum audivimus, unquam. Tunc ille super hoc satis miratus, & velut aquæ illi indignans, perrexit ad fontem, & facta ibi oratione, aquam suppositis manibus benedixit; deinde vocatis fratribus, statim aquam inde hautiri & cacabis jussit infundi, præcipiens ut aqua ipsa deinceps ad coquendi usum inefficax nunquam esset. Quod cum factum fuisset, ex tunc & deinceps aqua illa ita sancti præceptum servat ut in illa terra usque in præsentem diem tam ad coquendum quam etiam ad sorbendum nulla commodior habeatur.

XXXIII. In territorio Caturcensi, non longè à Tarno flumine, ad faciendam abbatiam cella ædificabatur, in qua pauci monachi cum aliquantulis fratribus laicis commanebant; & quia locus ipse aridus & inaquosus existit, puteum ad necessarios usus fratres competentem loco foderunt. Sed cum fodiendo ad profundum venissent, jamque quadra-

LIB. II. draginta & eò ampliùs pedes fecissent, quantò profundius penetrabant, tantò aridiorem & sicciorem terram eiciebant. unde victi tædio, laborem ipsum penitus dimiserunt, ipsosque operarios ad alios labores miserunt. Interea communis pater Stephanus locum ipsum visitare disponens confecto trium dierum itinere, quarta die, Dominica, hora quarta, ibi pervenit. Fratres, audito ejus adventu, certatim obviam pergunt, eumque cum gaudio ad cellam deducunt. Ille, facta oratione in oratorio quod ædificatum erat, & egressus pro foribus, cùm fratres breviter allocutus fuisset, præcepit ut sibi ad celebrandam Missam necessaria præpararent. Interim dum manus lavat, aspiciens vidit non procul acervos terræ quam de puteo illo ejecerant circa marginem ejus per gyrum dispositos. Interrogabat ergo quid sibi hæc vellent. Tunc illi puteum ostendentes quem foderant, narrabant ei quomodo per tanti temporis spatium in ipso casto labore sudassent. At ille increpans eos cur tam necessarium opus tam citò absque effectu dimiserint, statim operarios vocari & in puteum mitti præcepit, præcipiens ut tamdiu foderent quousque aquam reperirent. Quid plura? Accedens enim ad Missam, antequam eam consummasset, aquam ei de puteo verè tunc novam ad abluendas manus & calicem detulerunt. Deinde post horam refectorium ingressus, cunctis pro benedictione de ipsa aqua dari præcepit. Permanet puteus ille dulcibus & perennibus aquis repletus usque i. hodiernum diem.

XXXIV. Cùm ad Lemovcam pergeret aliquando civitatem, devenit ad quoddam municipium in ipso itinere constitutum, ubi quædam nobilis matrona magnis febribus urebatur, habens filiam in civitate simili morbo detentam. Hæc invisere cupiens, cùm ibi pergere vel propte. ægri-

itudinem vel propter incurfantes barbaros non au- L I B. II.
deret, audiens virum Dei illuc properare, statim
relieto grabato, fello corpore & anhelo fpiritu, ejus
fe itineri copulavit. Et quia fratres comitatum fe-
minæ ferre non poterant, à longè poft ipfos cum
fociis equitabat, fic tamen ut eos videret. Emenfo
verò aliquanto itineris fpatio, non ferens pondus
infirmittatis, de equo ad terram descendit, ac fe fe
super militis gremium aliquandiu reclinavit. Porro
vir fanctus, cùm eam respiciens non videret, pœ-
nitere cœpit quòd eam à fuo confortio removiffet,
timens ne ei in via aliquod infortunium accidiffet.
Ipsa autem unum ex pueris currere poft illum præ-
cepit, orans ut aut fe expectaret aut fibi aliquid ex
his quæ circum fe erant pro benedictione trans-
mitteret. Fratres verò videntes currentem puerum,
aliquandiu fubftiterunt, æftimantes feminam aut
mortuam aut morti vicinam. Sed cùm rem manife-
ftiùs cognoviffent, præcipienti viro Dei opportuno
in loco divertunt, ibique laxatis equis, mulierem
expectant. Quæ cùm brevi adeffet, ftatim fe ad
terram dedit; tantufque eam defectus arripuit, ut
putaretur continuò moritura. Cūque eam vir
fanctus vifitans de fuo ftatu requireret, ipsa autem
respondere non poffet, hoc folùm preffis labiis orat,
ut fibi morituræ fubveniat, aut fi abire difponit,
aliquid super fe ex adhærentibus fibi rebus proiciat.
Tunc ille impositis capiti ejus manibus, cingulum
laneum quo utebatur ei tradidit, ac fe fe pro ea cum
fratribus in orationem dedit. Qua completa, cùm
horam quæ tunc vergebatur more folito decanta-
rent, vix eam confummant cùm mulier illa ita eft
incolumis reddita ut ultro equum afcenderet, &
gratias agens pro fanitate, iter fuum læta perficeret,
& quæ priùs vix fequebatur, nunc longè præcede-
ret, cingulum viri Dei pignus pro adepta fanitate fe-
cum reportans.

LIB. II.

Ebolus de
Turenna
Abbas Tu-
telenfis.

XXXV. Alio quoque tempore, ut sermo fertur, cū in eadem urbe synodus fieret, & ipse præsens esset, Tutelenfis Abbas, qui tunc erat Ebolus nomine, litem contra eum injustè satis commovit, & coram cunctis qui aderant ei graviter imminere cœpit. Cū vir sanctus mitia ei verba responderet, & iniquas objectiones prudenter & opportunè refelleret, tunc ille fastu secularis potentiae tumefactus, & iræ furore succensus, tanta ei ac talia se facturum minatus est quod rumor facti in cunctis Lemovicinii partibus resultaret. Porro vir Dei nequaquam minis ejus perterritus, sed majori fiducia tunc armatus, sic ei respondisse fertur. O Domine potens, nolite tanta in posterum comminari, cū ignoretis quid superventura pariat dies. Taliter altercantes, amicis intervenientibus, utcunque sedati sunt, atque ab invicem discesserunt. Sequenti nocte clamor in civitate cum ululatu exortus est, in quo prædictus Abbas repente mortuus signis undique concrepantibus ferebatur; & quamquam veneni haustu propria morte videretur extinctus, omnes tamen qui prædictæ contentioni interfuerant mirabantur quod sermo viri Dei, quamvis illo multum dolente, tam velociter fuisset impletus, ipseque de illata injuria celeriter vindicatus.

Archam-
baldus Vi-
cecomes
Combor-
nensis.

XXXVI. In confabulationibus quoque secularium tam efficax erat atque urbanus quod si quis ei injustè calumniaretur aut violenter insisteret, mox eum tali sermone retunderet quo & ipse confusus erubesceret, & ceteri stupentes hoc ipsum verbum velut in proverbium retinerent. Denique Archambaldus Vicecomes, ad cujus dominium pertinet locus in quo sedemus, dum pro quibusdam causis durius cum eo contenderet & aspera contra eum & penè contumeliosa verba jactaret, ita illum confudit dicens non se debuisse ab eo ita tractari

qui cunctis ejus colonis potior esset, tamque probum in tota terra sua rusticum non haberet. Ita vir sanctus unde quasi extolli videbatur, inde se verius humiliabat, conferendo se rusticis atque villanis, cui vix quisquam potentum atque magnorum pro incomparabilibus ejus meritis comparari auderet. Vnde prædictus Vicecomes cum pro sua veneratione incomparabiliter eum diligeret atque timeret, ex hoc tamen non parum confusus magis magisque dilexit.

XXXVII. Similiter cum in quodam placito pro suis negotiis resideret, quidam ex adverso consistens in ipso placito judex vel cognitor fuerat ordinatus potens in verbis & divitiarum jactantia tumidus, oculis tamen privatus. Cumque injustum contra virum Dei judicium protulisset, ille nihil moratus vulgare ei proverbium subintulit dicens: Amice, sic percutit qui non videt. Quo sermone confutatus & satis irrisus in tantum confusus est ut de cetero nihil in eodem placito loqui præsumeret, cui ipsa cæcitas impropetata est cum injusti judicii falsitate; qui tamen postmodum, sive isto sermone permotus, seu potius Dei timore compunctus, in nostro monasterio conversus fuit, in quo usque in finem vitæ non sine admiratione multorum laudabiliter perseveravit. Solet enim divina pietas quosdam malè agentes conviciis aliquando vel improperiis ad se reducere; ut qui sponte nolunt, saltem contumeliis provocati ad justitiæ tramitem revertantur.

XXXVIII. Nam recolo me vidisse quendam ex equestri militia juvenem in nostro monasterio olim conversum, atque inde postmodum suadente diabolo ad pristinos actus seculi devolutum; qui dum quadam die equitaturus in multa militum frequentia equum suum cum armis non absque fastu

L. I B. II. superbiæ sibi exhiberi præciperet, mox puer suus coram cunctis qui aderant profundè inclinans, Benedicite illi respondit, ex obliquo ei rememorans quid olim fuerit & quòd nunc talia tractare nequaquam debuerit. Ad quod ille responsum ultra quam credi potest confusus atque turbatus, immo potiùs salubriter monitus, statim ab hominum conspectu sese removit, & de nocte consurgens ad pristinum locum unde superbus abscesserat, humilis & castigatus ilico remeavit.

X X X I X. Ceterùm vir iste sanctus quanta cura & sollicitudine pro pace, non tantùm domestica, sed & totius provinciæ, invigilaverit, hoc exemplo luce clariùs apparebit. Denique orta est aliquando lis inter Raimundum Vicecomitem Turenensem & alium quendam Vvillelmum nomine virum illustrem. Causa autem commotionis hæc fuit, quòd emissum accipitrem Vicecomitis idem Vvillelmus occupaverat, eique superbus reddere denegabat. Nihil enim diabolus impedit utrum per viles an per magnas res magnas quoque calamitates accendat. Ergo prædictus Vicecomes ablatum accipitrem non tam pro damno quàm pro illata injuria graviter ferens, bellum indicit, ac nisi citiùs sibi reddatur, cuncta se depopulaturum quæ ad raptoris jus pertinent minando prædicat. Neque enim parva rura, sed tota perè provincia hoc exterminio devastanda erat, non tam pro his qui inter se confligebant quam pro eis qui ad auxiliandum undecunque conveniebant. Ipse autem Vvillelmus inde magis accipitrem detinebat, quia belli cupidus erat, ut hac occasione per terras Vicecomitis uberes se immergeret & cuncta repente vastaret. Timens verò ne sibi aliquo modo subripi posset, & sic cupiti belli materiam perderet, cuidam potenti viro longiùs manenti eum studuit com-

mendare, qui non minùs bello flagrabat, & ad prædam ardentius inhiabat. Cernens autem vir sanctus quia multiplicata sunt mala, nam armatis militibus deprædationes agentibus omnia replebantur & de die in diem multiplicabantur, tot calamitatibus ire obuius non despexit; & primò quidem ipsum Vicecomitem adiit, increpans eum cur propter unam aviculam tantum populum vexaret ac perderet Christianum. Orat deinde ut facti venia tribuatur; aut si non, ipsa injuria à raptore solummodo, & non ab innocenti populo, exigatur. Sed cùm in hoc nihil proficeret, alia via, quæ sola patebat, eum vir venerandus aggreditur. Spondet se accipitrem redditurum, tantùm ut congregati exercitus dimittantur & ad propria relaxentur. Quod cùm Vicecomes annuisset, statim fide armatus, quasi leo confidens, tam sua quàm Vicecomitis auctoritate armatas acies invadit, confertas dividit, omnesque ad propria redire compellit. Deinde ad præfatum Vvillelmum tendens, cùm didicisset pro certo apud eum accipitrem tunc non esse, confestim ad eum qui hunc commendatum habebat iter direxit, quamquam hyemis asperitas & itineris longinquitas prohiberent. Nihil enim sibi causa pacis durum aut difficile videbatur, cùm paratus esset etiam mori ut patria non periret. Cùmque ad castrum in quo morabatur jam tandem venisset aspiciens eum vir ille, statim quid vellet, vel pro qua causa venisset, citius intellexit. Vnde nimis iratus, non solùm pro eo nihil fecit, verùm non absque injuria foribus arceri jussit. Quod ille patienter ferens, non longè ab ipso oppido ad cuiusdam pauperis tugurium, incumbente jam nocte, cum fratribus qui secum erant jejunos divertit. Habebat pauper ille uxorem & liberos adhuc teneros ita nudos ut nihil penè in membris rectum

L I B. II. haberent; quorum miseriæ compassus, cùm jam mane profecturus esset, tunicam sibi latenter subduxit, ibique eam, nescientibus aliis, quasi oblitus reliquit. Sed cùm viderent eum fratres frigore affici & humeris commoveri, interrogant eum si omnes tunicas suas haberet. Ipse verò rem prodere nolens & mentiri cavens, Ego, inquit, & cum omnibus tunicis quas habeo frigus hoc tam validum vitare non possum. Cùmque se jam domum reversuros sperarent, ipse ad præfatum oppidum iter convertit, causantibus sociis quid facturi essent, præsertim apud eum qui illos tam injuriosè à se repulisset. Quibus ipse prophetico ore respondit: Eamus modò in nomine Domini, quia non erit hodie sicut heri. Pervenientes iterum ad castrum, cuncta quæ sibi pridem clausa fuerant, patentia invenerunt. Sentiens autem vir ille qui eos expulerat servum Dei iterum ad se venire, statim lecto proiliens, nudis ut erat pedibus, & penè toto corpore ei in platea nivibus plana occurrit; prostratusque pedibus ejus pro illata injuria veniam deprecatur. Qua impetrata, mox allatum accipitrem manibus servi Dei tradidit, & aliquantum profectus, latus abire dimisit. Ita vir sanctus receptum accipitrem cuidam fratri ferendum commisit, sicque latus remeare cœpit. Eratque mirum videre in una ave pendere totius pacem provinciæ. Delatus igitur accipiter ad Turenna castrum, mox ut emissus in aula Vicecomitis evolavit, pacem quam ablatum abstulerat, redditus reformavit. Ita jam dudum pax inchoata perfecta est, omnisque terra illa exterminio & vastatione plenius absoluta.

X L. Quidam frater Aimiricus nomine valde religiosus & cum sancto pergere solitus pro quodam negotio in itinere est ab ipso directus; qui cùm ali-

quantam diei partem equitando fecisset, jumento parcere volens, ut ei consuetudo erat, ad terram se dedit, aliquandiu pedibus iter facturum. Porro jumentum quo vehebatur, cum se liberum cerneret, ut est consuetudo mulorum, repente aufugit & per plana perque invia currere cœpit. Puer verò ex transverso occurrere satagens; sed & frater quantum poterat per viam currens, cum uterque nihil proficeret, ipso longius abeunte, ille quidem puerum revocavit, timens ne cursu ejus concitatus mulus amplius fugeret & jam capi non posset. Desperans itaque de eo, præsertim cum nullus appareret, & ille cursum non dimitteret, conversus ad illum, Adjuro te, inquit, per obedientiæ virtutem & merita patris nostri ne longius eas, meque fatigatum valde expectes. Ad hanc vocem mulus, quamquam longissimè positus, substitit, & capite verso ad fratrem tamdiu permansit immobilis, caput non deflectens. quousque idem frater pervenit eumque per frænum tenuit. Tunc conversus ad puerum, Quam bona est, inquit, obedientiæ virtus, quam muta quoque animalia reverentur.

XLI. Alius frater, ut de quodam in vita sancti Columbanī scriptum est, cum vinum trahere vellet, referato dolio & vase illi appposito, mox in ipso vinum fluere sinxit. Quod dum fieret, subito venit alius frater vocans eum ex parte Abbatis. Ille obedientia fervens, relicto vino, concitus ad patrem perrexit, ducillum quo vinum retinebatur manu gestans; qui cum ei quæ placuerant injunxisset, recordatus operis quod dimiserat, concitus ad dolium rediit, æstimans totum vinum inde fluxisse. Reversus tamen invenit vasculum ultra solitum plenum, immo accumulatum, cum adhuc in ipso vinum deflueret, ita quod ne una quidem gutta cecidisset in terram. Quod sancti virtute & fratris obedientia factum

LIB. II. nemo poterit dubitare. Erat enim vini præpositus Gerardus vocatus, fidelis & prudens, cujus veraci narratione hoc ita gestum agnovimus.

XLII. Apud vicum de Pleus, ubi quondam vir sanctus sacerdotis officio ministrarat, duæ feminæ una domo pariter morabantur: quarum una leprosa, altera paralytica erat, per multos annos de lecto surgere aut se movere non valens. Has enim idem beatus, ut legitur de Martha & Maria, plurimum diligebat, ita quod nunquam ad vicum illum accederet nisi eas prius quam inde recederet visiteret. Nec immerito, Vna, ac si Maria, cum aliud agere non valeret, ad Iesu pedes assidue discumbebat; altera, tamquam Martha, ubique discurrens, quicquid eleemosynæ consequi poterat, tam sibi quam sociæ, immo in ipsa Christo sedulè ministrabat. Contigit autem ut ad eundem vicum vir sanctus itineris necessitate veniret. Cumque ad celebrandam Missam se præpararet, nuntius venit ad sacerdotes dicens quod illa paralytica, quam dudum febris invaserat, viaticum peteret, posita jam in extremis. Hoc ille audiens dixit sacerdotibus eandem se feminam libenter post expletam Missam communicaturum. Quod cum devotè rogatu sacerdotum compleisset, mox à vico illo egressus, cum aliquantulum procellisset, præfata mulier non solum febre, sed etiam paralytici morbo, ita repentè sanata est ut ipsa die de lecto surgens ad Ecclesiam pergeret, atque in hac vita per multos annos incolumis permaneret. Credò quod ejus sanitatem vir sanctus differri voluerit quousque à vico discederet, ut laudantium plausus evaderet.

XLIII. Cum ad Cisterciense capitulum idem sanctus aliquando pergeret, oblatis sunt ei duo pueri vario morbo obfessi; quorum unus dum in agro aperto ore dormiret, serpens ei in ventrem

ingressus est, qui illum magnis & continuis doloribus cruciabat. Alter verò sic patiebatur quòd nunquam præsentem aliquò manducaret. Nam ut manducare posset, neque enim quærere sciebat, parentes ejus in abditis locis eum mittebant, ut ubi solus tamquam aliqua fera cibum non expectum sed necessarium sumeret. Sed & aspectu, habitu, sermone, incessu lunaticus apparebat; ut quisquis illum vel simpliciter aspiceret, ipso visu insanum non dubitaret. Isti duo, quamvis diverso tempore, viro Dei in una grangia sunt præsentati. Et illum quidem qui serpentem habebat cum diù suscipere recusaret, tandem compulsus à fratribus in partem stare præcepit. Deinde facta pro eo oratione, aquam exorcizatam & sale aspersam benedixit, eique bibere dedit; cujus haustu serpens interemptus in secessum emissus est, omnem secum dolorem ex corpore patientis exportans. Lunaticus verò, cum à parentibus esset oblatus, sola oratione & manus impositione ita sanatus est ut & tunc & deinceps præsentibus & videntibus aliis manducaret, nihilque insanum ulterius in cunctis suis actibus demonstraret.

XLIV. Vna ex sacris virginibus, in puellari adhuc ætate posita, nimia vi infirmitatis oculorum lumen amiserat, ita quòd ubi opus esset alienis manibus duceretur. Novissimè verò ipsi oculi, qui cæcati fuerant, ita repentè intumuerunt & foras prominere cæperunt ut a suis foraminibus viderentur avulsi. Tanto autem ex hoc dolore cruciabatur ut ceteræ sorores tam ætatis quàm passionis ejus respectu ad lacrymas moverentur. Contigit autem ut vir Dei ad visitandas sorores ex more ad fenestram veniret: quæ agnito ejus adventu, præfatam puellam ad ejus præsentiam detulerunt & juxta fenestram applicuerunt. Cùmque eas interrogaret quid

L I B. II. sibi vellent de ipsa infante, illæ ei omnem ipsius infirmitatis causam diligenter aperiunt. Rogant etiam ut super ejus oculos manus imponat, credentes, si hoc fecerit, quòd ei sanitas à Domino conferatur. Tunc vir Dei puellam interrogat utrum credat quod per ejus manus impositionem visum recipiat. Quæ cùm tertio interroganti, tertio responderet *Credo*, statim manum per fenestram mittens, facta oratione, puellæ oculos totumque caput signavit, tetigit, ac benedixit, sanamque abire præcepit. Mox illa per semetipsam surgens, quæ aliarum fuerat manibus deportata, cùm ad ostium claustrì pervenisset, aperti sunt oculi ejus, omnisque dolor cum ipso tumore extemplo fugatus est. Sed & sorores videntes eam clarè cernere, nullaque in ea præteriti morbi vestigia remansisse, magis tunc præ gaudio flebant, Deumque non minus pro sancti virtute

X L V.

Deest hic una circiter pagina.

indoluit, ita ut usque ad lacrymas perveniret. Dìu tamen multùmque pro eis Dominum deprecatus, tandem eos ad se in secreto adduci fecit, atque uniuscujusque collum, gulam, vel cetera infirmitatis loca orationum medicamine præcurrente palpabat, signabat, oculis in cælum porrectis cum invocatione nominis Christi & sanctæ crucis salutari impressione. Quid amplius immoremur? Ita cunctos perfectæ reddidit sanitati ut usque ad tertium diem nulla in eis præteriti morbi vestigia remansissent.

X L V I. Alter ex pueris in probatione jam positus ita circa collum quibusdam strumis & furunculis erat obsessus cum inflatione gutturis & faucium tumore ut non jacere, non dormire, non denique caput huc illucque convertere aut cibum

capere posset, dolore quoque vehementi exagitatus, quid ageret ignorabat, cum nec ipse quiescere posset, nec alios quietem habere permetteret. Sed cum eum vel ejus socios sanctus pater solito visitaret, videns ejus dolorem & passionem acerbam, in partem eum tulit; & erectis in cælum oculis more solito orans, cuncta infirmitatis loca salubri tactu modificat, ut statim ipsa die cibum sumeret & sequenti nocte vel deinceps sufficienter dormiret.

XLVII. Et quia de infantibus sermo est, non absurdum videri debet si aliqua simplicitatis eorum exempla ponamus, ut ex hoc agnoscat quàm purè fuerint ipsi nutriti & ab omni mundanæ peritiæ calliditate extranei. In monasterio feminarum quidam puer à matre sua nutriebatur; cumque jam quinque annorum metas excederet, (ultra enim illam ætatem nullus ibi manere permittebatur) ejectus inde, ad stationem puerorum in supradictam cellam directus est. Sed cum adhuc in itinere esset, à fratre interrogatus, qui eum ducebat, quomodo se haberent feminae inter quas fuerat educatus, ille respondit feminas se nunquam vidisse. Nam illas de quibus interrogabatur non feminas arbitrabatur, sed sorores. Sic enim eas semper vocari sciebat. Frater autem probare volens utrum hoc simpliciter an figuratè responderit, rursus eum interrogat: Vis ergo feminas certè videre! Quo respondente *Volo*, prospiciens eminus vidit capras pascens, & dixit ei: Ecce istæ feminæ sunt. Quod ille audiens non aliter credidit quam audivit; & ad coevos perveniens, inter cetera jactabat se feminas in agro vidisse pascens, simplicioribus quidem mirantibus, aliis iridentibus, qui feminas quidem certiùs, sed non feliciùs, agnovissent.

LIB. II. XLVIII. Ex alia quoque cella puer ad deferendum ex prato viride fœnum à Priore suo missus est. Cùmque ministri asinum ejus oneravissent, & in revertendo asinus per quoddam fossatum in longum transiret, hinc inde ab adjacentibus ripis onere sublevato, asinus subterfugit, domumque nesciente puero reversus est. Stabat tamen puer juxta fœnum, crebrò illud percutiens & quasi minans; nec motus est loco donec fratres ad requirendum eum profecti, vix ei persuadere potuerunt quòd asinus jam recessisset, & fœnum absque vectore ambulare non posset.

XLIX. Hæc erat tunc puerorum illoꝝ sancta simplicitas, hæc puritas innocentiae, quibus & divinæ cognitioni & angelicæ puritati eò verius propinquabant, quò ex impura hujus mundi calliditate nihil habebant. Nostri verò temporis pueri, mox ut loqui cœperint, nihil est per e de seculo quod ignorent; ut si eos loquentes audias, forenses intelligas. Nec tamen credendum est eos ita divinarum rerum capaces existere qui primordia vitæ mundialibus studiis dedicant, sicut nec illi de quibus diximus ita erant hebetes in divinis sicut apparebant fatui in humanis. Talibus enim dicebat Apostolus: *Malitio parvuli estote, ut sensibus perfecti sitis.* & iterum: *Volo vos simplices esse in malo prudentes autem in bono.* Nam quidam eorum prudens atque sanctissimus puer cùm moriturus jaceret, & staret, ei communis pater Stephanus cum venerabili Priore & quibusdam aliis sanctis fratribus, illo nondum adhuc penitus expirante, cùmque de spiritualibus studiis inter se colloquerentur orta disputatione de virtute psalmorum, cùm eam laudibus & præconiis multis attollerent, unus inter ceteros hoc protulit, quòd nulla in psalmis maledictio contineretur, sed omnes divi-

nis benedictionibus redundarent ; tum venerabilis puer recuperato flatu , cū penè exanimis putaretur , Non ita est , inquit , non ita est , Domini mei , sed maledictio in psalmis non minus continetur. Tunc omnibus simul stupore defixis , dixit ei pater sanctus unā cū Priore : Et ubi est ista maledictio , fili ? Quibus ille respondit : *Maledicti qui declinant à mandatis tuis.* Et hoc itaque tam purum , tam congruum , tam certum , tamque paratum responsum stupentes admirabantur , victiſque se gratulabundo pudore erubescabant , præsertim à puero innocente & penè exanimi , & quem ultra nihil advertere , nedum aliquid loqui existimarent. Sed in his omnibus ille agnoscendus , ille est post Deum glorificandus qui tales in Christo filios genuit & sapientiæ studiis erudit in quibus imago virtutis ejus velut in quodam speculo refulgeret , ita ut cum Propheta dicere posset : *Ecce ego & pueri mei quos mihi dedit Deus.*

L. Fateor , nunquam vidi in alicujus facie tantam gratiam coruscare , cū esset ipsa vilis , modica , rugis etiam exarata , rareſcentibus pilis præabſtinentia , quemadmodum arida tellus exigua germinum fata producit ; & cū illi deessent omnia quibus humani vultus dignitas solet ornari , sic tamen ab interiori lumine resplendebat ut videnti faciem ejus nulla unquam satietas fieret. Propter quod eum multi curiosius observabant , universos gestus corporis ejus & quid vel quomodo loqueretur diligentius attendentes , cū non solum loquendo , sed & aliud quid vel transitoriè agendo , videntes edificaret. Nam & quidam seculares nobiles & prudentes pertinaciter asseruebant nunquam se vidisse hominem , præter illa quæ ad religiositatem pertinent , tam urbanum , providum , prudentem , honestum , atque ad omnia præparatum , ut

L I B. II. nihil illi deesset quibus vel humanæ habitudinis cultus ornatur, vel internæ conversationis decus augetur. Cùmque, ut se res præberet vel occasio permisisset, suppressis labiis modicùm subrideret, mox ad instar columbarum sancti ejus humeri movebantur ut nihil unquam simplicius te vidisse existimares, nihil terribilius crederes, ita ut non minùs tunc illum timeres quàm si iratum videres. Quòd si illa hora oculorum in te radios emisisset, totum te penetrari putares, ut ipsa cordis secreta ei patere aliquatenus viderentur, nihilque esse quod ejus lateret obtutus. unde illi conridere vix ullus audebat, nec minùs timebat eum ridentem quàm irascentem. Inde est quod beatus Iob de se ipso dicebat: *Si quando ridebam ad eos, id est, domesticos, non credebant mihi. & lux vultus mei non cadebat in terram.* Verè vultus istius lux in terram non cecidit, quia nunquam absque digna & rationabili causa lætitiæ sibi fræna laxavit. Nec istud arrogantia erat, sed prudens simplicitas, quam Dominus in evangelio commendabat dicens: *Estote prudentes sicut serpentes, & simplices sicut columbae.* Nempe ut prudens cuncta sapienter prospiciebat, & ut simplex omnia credebatur; nihil spernebat, cuncta aut sperabat aut amabat aut sustinebat.

L I. Porro ipse cùm à cunctis fratribus amabiliter timeretur & cum timore diligeretur, nequaquam se inde, ut multi faciunt, super eos insolentiùs efferebat, eisque non tam ex auctoritate quàm ex caritate imperabat, vel potiùs ministrabat, implens illud quod in evangelio, præcipiente Domino, scriptum est: *Qui major est vestrum, fiat sicut minor, & qui præcessor est, sicut ministrator.* Unde quidam sapiens præmonet dicens: *Principem te posuerunt. Noli extolli, sed esto in illis quasi unus ex illis.* Nam & si quid præter solitum pro amore

Dei

Dei tribuere vellet absentibus, hoc procuratoribus LIB. II.
quodammodo furabatur; non quod eos timebat, sed quia scandalizare nolebat, nec studebat ut hoc ipsi nescirent, sed ut non viderent; quia juxta vulgare proverbium, quod oculus non videt, cor non dolet. Sunt enim nonnulli qui æquanimiter videre non possunt quod de propriis rebus dari æquanimiter volunt. Inde sanctus iste & præsentibus & absentibus procuratoribus multa largiebatur, absentibus quidem modo supradicto, præsentibus rogando potius quàm jubendo. agebat hoc cauta & mirabili circumspectione ut nec illos contristaret, nec petentibus necessaria denegaret. Et quamquam ei nullus unquam in hoc contradicere ausus fuerit, immo persæpe reprehenderint cur sanctus quod suum erat alterius impetratu & non proprio magis arbitrio largiretur, respondebat nihil se ex rebus monasterii proprium vendicare, & idcirco de rebus communibus nihil præter communem assensum dari debere. Hanc autem reverentiam, non solum præpositis vel procuratoribus, sed & ceteris ministris servabat, cum culpa deesset, cum justitiæ sanctitas, vitæ integritas eis suppeditarent, cum denique ipsi in cunctis obedientes atque in nullo rebelles existerent. Quod si culpabiles aut quadam insolentia tumidos reperisset, non eis parcebat, sed mox, ut rigidus magister & iratus dominus, eorum dorsis terribiliter imminebat. Nec ista tantum à minoribus exigebat; sed à majoribus primò incipiebat, ut nequaquam essent castigationis immunes qui fuerant magisterii dignitate sublimes. Eratque mirum videre eum qui heri velut magnus Consul omnia disponebat, cujus cuncta moderamini subjacebant, hodie exigentibus culpis ad terram deici, verberibus affici, increpationibus subdi, culpis gravioribus mancipari. Cùmque eum,

L I B. II. ut ita dixerim, funditus subvertisset & usque ad terram humiliasset, post paululùm sedato dolore, in pristinam eum gratiam reducebat, cunctaque ut priùs ejus dispositioni & arbitrio committebat, ita ut eum more solito veneraretur & quasi timeret, nihilque absque ejus consilio ageret vel ordinaret. Et in hoc quidem erga subjectos sapientis medici studium imitabatur, primò quidem perniciosos tumores asperè secans, deinde ipsa vulnera dulciter fovens ac recreans; quatinus eos nec arridens prosperitas malè erigeret, nec imminens adversitas ultra modum affligeret, dum scirent sibi nec propter ingestos honores aliquatenus parci nec propter illatas afflictiones ex priori gratia aliquid mutilari. Sed & minoribus in hac parte non minimùm providebat, quibus utique verberum & tribulationum calicem non priùs quàm ipsis majoribus propinabat, ut nequaquam sibi intolerandum existimarent quod cunctis æqualiter imminere viderent.

L I I. Iam verò in itinere processurus, post generalem fratrum benedictionem, etiam infirmorum se orationibus commendabat; quos utique, si longius esset iturus, in luctu & lacrymis relinquebat. Nam sicut malis dominis abeuntibus lætitia est, redeuntibus mœstitudo, & è contrà boni domini, cùm abierint, luctum post se relinquunt, quod tandem reversi in gaudium vertunt, sic proficiscente isto omnia tristabantur, revertente verò cuncta interius & exterius lætabantur; ita ut, quemadmodum dici solet, ipsi parietes in adventu ejus gratulari quòdam modo atque hilarescere viderentur. Ducebat autem secum honestas ipsoque visu reverendas personas, ut & consilium in promptu haberet, & persona ejus exilis & modica in eorum comparatione vilior appareret. Sed cùm jam in itinere positi, pastores vel quoslibet pueros interrogarent

quis eorum Abbas existeret, ilico relictis ceteris LIB. II.
quos vultus dignitas commendabat, ad ipsum omnes certatim currebant, illum Abbatem, illum omnium patrem & magistrum prælagis, ut sic dixerim, vocibus proclamabant, atque ab ipso eleemosynam nec frustra sperabant, nec in vacuum postulabant.

LIII. Ergo cùm ad grangiam vel ad quemlibet locum sui juris venisset, quis referre valebit qualiter cuncta lustraret, omnia circuitet, nihil inuisitatum relinqueret, utpote cù de omnibus cura esset. Vix equo descenderat, cùm mox scapulari indutus cuncta circumquaque monasterii vel grangie loca seu domicilia impigriè peragrabat; ac si quid in eis incongruum reperisset, vocatis fratribus & increpatis, repertas negligentias statim emendari præcipiebat. Ipse etiam sumpto bidente vel quolibet instrumento, si quid tunc agendum esset, vel incipiebat, vel jam cœptum perficiebat, & ad operandum alios invitabat. Quòd si tunc frumenta excuterentur, statim ad aream convolabat, & cum sociis qui cum eo venerant diù ibi longèque excutiebat. Quid dicam de eo vel sociis ejus, cùm nec iumenta in quibus venerant feriari permetteret, ne vel ipsa pabulum otiosa & absque labore perciperent. Sed & fratres longiùs laborantes vel in pascuis commorantes visitare non pigritabat; & qualiter unusquisque in suo ordine vel opere se haberet sollicitè perquirens, in singulis eos, prout opus esset, vel adjuvabat vel instruebat. Nihil enim ruralis exercitii eum latebat, nulloque artis vel cujuslibet exercitii genus erat in quo ipse non docere aut emendare vel meliorare aliquid posset. Cùmque ipsi fratres diversæ valetudinis & qualitatis, diversis quoque laboribus intus & foris & tam longè quàm propè consisterent

LIB. II. rent, ipse tamen omnibus competenter occurrens, negligentes quidem durius increpabat, dubios confirmabat, pusillanimes confortabat, mœstos consolabatur, tristes mulcebat, fessos recreabat, & invitos ad requiem invitabat. Porro studiosos & ad laborem promptissimos nunc à nimio impetu revocabat, nunc ad laborem jocundis sermonibus ampliùs provocabat. Nam cùm sibi contraria sint vana gloria & negligentia, & utraq̃ue sint vitia, malebat, quantum ad compendium mali, ex vana gloria aliquid vendicare quàm se negligentia committendo, propheticam illam maledictionem incurere, id est: *Maledictus qui opus Dei facit negligenter*. Ita prorsùs omnem negligentiam atque desidiam præcipuè in juvenibus persequabatur quòd, exceptis criminalibus, nihil in vitiis ceteris graviùs vindicaret. Si verò per porticum ambulans, vel in quocunque loco olera sive legumina per incuriam elapsa terræque sparsa conspiceret, mox ea incurvus granatim, quantumcunque modica, colligebat; vocatisque quorum culpa deciderant, pro sua eos negligentia durius increpabat. Quòd si hospites secum duxisset, aut fortè eo præsentē supervenissent, ingressus coquinam, tam in grangiis quàm in abbazia quid vel quantum eis apponi deberet, quidve pauperibus superesse posset tanta sollicitudine procurabat ne aut rara aut nimia præpararent, & in utroque aut avari aut prodigi apparerent. Quòd si tanta illi cura de exterioribus ac minimis erat ne quid negligenter aut superflue desperiret, quantam illum putas diligentiam impendere potuisse his quæ ad nierum honestatem & animarum pertinerent salutem? Quis enim eo præsentē manum aut pedem indecenter attollere, oculos impudenter erigere, verba incondita proferre, aut nutus vanos exercere præsumeret, ne dicam tur-

pia verba profundere aut cachinnis ora laxare?

LIB. II.

LIV. Satis ergo cognoscibile est quanta severitate gravia quæque multaret, cum minora ac levia tam distictè judicaret; quamvis quosdam excessus nulla præcedente vel subsequente vindicta plerunque solo terrore corrigeret. quod hoc manifestè liquebit exemplo. Dum quadam sabbati die post completorium officinas circuiret ex more, invenit pistorum in pristino completo septimanali labore solito lætiores, & arreptis quibusdam lignis in hastarum modum velut inter se decertantes. Quod ipse per foramen aspiciens, cum eum penitus non viderent, facto sono gutturis, ne eos lateret, pertransiit, sed in tanto timore eos reliquit ut unus ex eis statim se ad fugam pararet, non ferens vim futuræ examinationis; sed à fratre socio vix & cum magna difficultate retentus est. Uterque tamen crastina die ad capitulum venit; uterque sponte, non expectato clamore, veniam petiit. Sed cum in iudicio muti astarent, & à sancto interrogati quam causam haberent, hoc tantum responderent, Vos scitis, velut indignans sessum eos abire præcepit. Quid enim fuit quod eos amplius non iudicavit, nisi quia sciebat quantum eis timorem præterita nocte incusserit. Nolebat eis addere dolorem super dolorem; ut multi faciunt, qui subjectis tantò gravius imminet quantò amplius pavent, non quia plus rei, sed quia minus timendi.

LV. Alius frater ex præminentibus graviter fuerat in capitulo verberatus. Cumque postmodum mæstus & amaritudine plenus foras solus sederet, aspiciens eum vir sanctus, & sanare cupiens, ex industria coram eo transire cœpit. Ille quamquam invitatus, assurgens & simul pergens, neque enim audebat illo coram se transeunte non subsequi, conversus ad eum sanctus dixit: Fortè me ideo se-

L I B. II. queris ut faciamus pacem? Quo respondente, Nequaquam, absit, non cogitavi, mox apprehensa ejus cervice, strictimque eum amplectens atque deosculans, in tantam dulcedinem cor ejus convertit ut statim ad terram caderet, & amplectens ejus vestigia cum lacrymis veniam peteret pro eo quod contra eum iratus fuisset.

L V I. Sed & quidam monachus cum de monasterio non absque licentia egredi vellet, & sancto Dei pro ipsa licentia quotidie molestus esset, nec ullatenus impetraret, quadam die pro hoc in capitulo veniam petiit. Sed cum vir Sanctus nec ei consentire vellet, nec pravam ejus intentionem frangere posset, tandem quasi tædio victus dixit ei. Si ergo verè exire vultis, prius reddite quod debetis. Qui cum diceret, Quid est hoc? Aptate vos, inquit, ad disciplinam. Quod cum fecisset, tam graviter eum verberari fecit ut nullus ibi esset qui non contremisceret. Cumque erectus esset, dixit ei: Iam nunc potestis abire, si placet. Ille verò cum putaretur magis tunc fuisse commotus & ad descendendum amplius incitatus, ita respondit: Nequaquam, Domine, hinc recedam, aut vos dimittam cunctis diebus vitæ meæ. Ita est enim omnis tentatio illa à me funditus extirpara ut nihil unquam minus quam exire velim. Quis dubitet illa hora diabolus ab eo fuisse exclusum & exturbatum, ac si in illo verberatus fuisset? Ita vir sanctus noverat percutere & sanare, deducere ad inferos & reducere, occidere quodammodo & vivificare, & alios quidem blandimentis, alios increpationibus, alios alacritate, alios severitate, alios beneficiis, alios etiam verberibus corripiebat & ad vitæ semitam reducebat.

L V I I. Sed ut ad propositum redeamus cunctorum quæ in ejus præsentia gerebantur ipse iudex

& testis erat, & aut in præfenti, si differendum non esset, aut in posterum opportunè dijudicabat. Propter quod antequam à loco ad quem venerat discessisset, capitulum congregatis fratribus regulari more tenebat; in quo sedens tam districte culpas examinabat ut nullus esset tam audax tamque de suis meritis vel ejus familiaritate præsumens qui non totus contremisceret cùm prædictum capitulum ingrederetur. Hanc autem administrationis diigentiam in omnibus à se fundatis locis æquali semper jure servabat ut dummodo aut præfens haberetur aut speraretur venturus, semper & ubique ab omnibus timeretur. Si quem verò per immoderatan correctionem aliquantò gravius contristasset, non quiescebat donec eum blandis sermonibus aut fortè beneficiis vel etiam familiaribus osculis ejus animam mitigaret, ita ut sibi ipse gratularetur bono suo se contristatum fuisse qui tantam propter hoc sancti patris gratiam meruisset. Non tamen hanc gratiam æquè omnibus impendebat, sed quibus expedire cognosceret; quia sunt nonnulli qui instar durissimi silicis, qui frangi quidem malleis potest, sculpi non potest, verberibus coeceri possunt, verbis sive blanditiis suaderi non possunt. Scriptum est enim: *Durum baculo percutit, quia fluitus non corrigitur verbis.*

VIII. Ita omnes fratres doctrina & exemplis intruxerat ut non solum ceteris hominibus seu quibilibet religiosis, sed & his quos idem ordo & habitus decorabat, insignis conversationis merito dissimiles viderentur. Nam etsi per publicum equitantiò aut quolibet alio modo incederent, mox unde essent evidentiùs apparebat, cùm eos tam habitus quàm incessus evidentiùs prodidissent. Nullus aliquando imparatus vel absque digna & rationabili causa iter arripiebat, nullus in extraneis lo-

L I B. II. cis prandere sive manere, nullus per vicos & plateas incedere solitus erat; sed aut per mediam villam vel civitatem operro capite cum disciplina transibant, aut extra per ducentem semitam ad destinatum locum pergebant. Non enim villas tunc temporis ingredi consueverant, nisi eos injuncta aut inevitabilis necessitas compulisset. Si cui casu aliquid loquerentur, tanta sermone suorum circumspeditione librabant quod nullus eos in verbo capere vel reprehendere posset. Nam quod tanti magistri discipuli ferebantur, hoc ipsum velut argumentum certissimum tenebatur in cunctis eos irreprehensibiles inveniri. Denique matrona quædam rotibilis, cum ad fenestram domus suæ cum matris aliis resideret, prospiciens vidit procul duos fratres in religioso habitu equitare. Cumque illi inter se hæsitando quærerent ex qua domo vel ordine essent qui eis apparuerant, prædicta matrona incunctanter asseruit eos Obazinenses non esse, quamvis adhuc facie non vidisset. quod in brevi probatum est. Nam protinus affuerunt, & veracem matronam suo testimonio firmaverunt. Videbat enim eos laxius equitare nec religiose more procedere, & ideo non putavit è tanti schola magistris tales discipulos potuisse prodire.

L I X. Quis enim cum aliquando loquentem, stantem, aut ambulantiem, sive aliud quid agentem videret qui non inde aliquid instructionis harirer? Ut enim de minimis aliqua memoramus, nullum saltem sperere indecenter aut in directum volebat, nullum nudatis dentibus loqui sive ridere, nullum cum strepitu incedere vel manducare, sed nec sedere quemquam nisi per obliquum reducta cuculla; ne aut pannus in loco sessionis citius rumperetur, aut si quid inconueniens subter sedentis dorsum occurreret, hoc ipsum non a tergo sed ab

alia parte minùs turpiter appareat. Nullus, eo præfente, vel in Ecclesia vel in quolibet loco, ubicunque conventus adesset, incongruè oscitare vel subridere aut loqui indisciplinatè aut aliquod negligentiae vel levitatis signum ostendere prorsùs audebat; nemo de penuria murmurare, vel magistris præcipientibus resistere vel contradicere præsumebat.

L X. Ministris quoque altaris ut honestè induerentur magnopere providebat, vestesque eorum per semetipsum diligentius componebat, ne incompositi atque deformes divinis rebus assisterent & scandalum videntibus, non ædificationem, præberent. Ipse verò sacris vestibus ita convenienter apparebat indutus quòd tanquam ei innata ipsa vestimenta aliquatenus viderentur, ut nullus deprehenderet, nisi sciret, cuculla eum intrinsecus esse vestitum. Cùmque jam ad sacra agenda ventum esset, mox corde, ore, oculis ad Deum conversis, manibus quoque, non ut quidam faciunt, tamquam volaturi, in sublime porrectis, sed circa se paululùm in modum crucis expansis, tamdiu fixus in Deo manebat quousque ad sacra signanda mysteria se aptaret. Iterumque in id ipsum reversus, non tussim, non suspiria, non gemitus emittebat, sed purum cor & ardentem, lacrymisque madentem spiritum, divinis conspectibus offerebat. Sicut enim sol ardens oceano se immergit ut inde clarior surgat, sic ejus spiritus fervens lacrymarum imbre perfusus ante Dei oculos purior emanabat. Deinde peracta Missa, mox sanctum altare lintheaminibus aptissimè componebat, ut nihil ejus intectum maneret, nihil foras ex lintheamine turpiter promineret, sed cuncta desuper plana deorsum æqualiter pendentia undique bene parata & pulvere mundata relinqueret, nihilque circum circa eo dis-

LIB. II. cedente indecens vel incongruum remaneret. Vestimenta quibus exuebatur quamquam ministri hinc inde parati assisterent, propriis manibus ipse pliebat; ut & minùs promptos hac sedulitate instrueret, & exemplum aliis daret ne quis, quantislibet occupationibus implicatus, hoc facere recusaret. Hæc & his similia vir iste beatus factis magis quàm verbis docebat, quæ & hic proferimus, non tantùm ad ejus laudem, quantum ad aliorum instructionem; ut qui hæc legerint, discant in minimis quid in maximis debeant imitari. Multa sunt & alia honestatis ac probitatis insignia exemplo conversationis ejus velut quodam speculo designata, quæ indocti minùsque devoti facilè spernunt, devoti & eruditi auro carius ambiunt, nec inter minima reputant quæ non minimum in rebus etiam maximis decorem & utilitatem præstant. Præbent enim legentibus & audientibus ad incitamentum virtutum majorem instructionem quàm si centum aut eo amplius cæcos illuminatos totidemque surdos aut mutos sanatos legerent vel audirent; non quòd isti sancto miracula defuerunt, sicut ex paucis quæ retulimus, plura quæ non memoravimus intelligi possunt. Quia verò de vita & actibus tanti patris multa jam dicta sunt, hic ponere finem placeat; ut deinceps quæ restant alio incipiantur exordio. Urget enim tempus, & ratio postulat ut tandem ad ejus obitum stilum vertamus; ut qui vitam ejus imitari aut noluerunt aut nequiverunt, exemplo gloriosæ mortis ejus provocentur ad meliora. *Explicit liber secundus.*



Incipit præfatio in tertio libro.

SAtis superque jam diximus de vita & actibus
Solim prædestinati & suo tempore præsentati
domni Stephani primi Obazinensium patris, duobus
præcedentibus libellis; non quòd omnia quæ
de illo dici vel scribi poterant hic censuerimus re-
ferenda, sed ut tanti viri conversatio non lateret
posteror ad ædificationem, quæ, quandiu vixit,
multis profuit ad salutem. Diximus superius, in
proëmio libri secundi, quibus ex causis vel quibus
præcipientibus hoc tantum opus aggressi fuerimus;
quia si hoc nostra auctoritate compegissemus, ir-
ridendum esset potius quàm scribendum, dig-
numque meritò cui aures publicæ non paterent.
Nulla est enim auctoritas monachi absque præci-
pientis imperio, quod sicut temeritas est prævenire,
sic præterire contemptus; ubi licet nos ab hoc
opere multis modis excusare possemus, tamen hu-
jus rei periculum in Dei ponentes iudicio & sancti
patris auxilio, ea fiducia qua duos jam libellos
utrunque peregrimus, etiam hunc tertium, qualis-
cunque futuris sit, non explicaturos speramus; nec
tam timemus ejus offensam pro temeritate quàm
in illius confidimus gratia pro devotione; ut sicut
quondam sanctus Martinus suo Severo adhuc vi-
venti apparens, libellum quem de ejus vita scrip-
serat, dextera præferebat; sic nobis post transi-
tum in angustia constitutis occurrat, & hujus scrip-
tionis laborem in statera appendens, deprimentia
pondera peccatorum sursum attollat, nosque per
Dei misericordiam æternis suppliciis erutos perpetuæ
vitæ restituat. Non immeritò tamen beatum
Martinum huic præfatiunculæ inferendum puta-
mus cujus gloriosum transitum in hujus honora-

LIB. III. bili exitu magna ex parte demonstraturi sumus. Ille enim non in sua sede, sed in Ecclesia procul posita sui juris, pace inter Clericos constituta, ex hoc mundo transivit; hic non in propria, sed in alia sui juris abbatia, Abbate ibi, quo diù caruerat, ordinato ad Dominum emigravit. Ille media nocte dominica, iste media nocte dominica. Illum monachi & discipuli, istum monachi & discipuli, utrumque innumerabiles populi clamoribus in cœlum sublatis communi lamentatione planxerunt, & per longissimos viæ circuitus deduxerunt, postque dignas exequias dignis, ut dignum erat, tumulis condiderunt. Vnde nulli, rogo, molestum sit si ipsum transitum latius & ut sic dicam minutius descripserimus: quia etsi fastidientibus erit fortassis indignum, devotis tamen & sanctum piè amanti-bus, quantumcunque prolixum sit, non erit, ut credo, ingratum. *Explicit præfatio.*

Incipit liber tertius.

I. Cùm igitur vir beatus de hoc mundo transi-turus esset, una ex abbatibus superius memoraris proprio pastore longo jam tempore fuerat desti-tuta; quam visitare cupiens, ut eam legitimè ordi-naret, quamquam finem dierum suorum, ut de Martino legitur, imminere non ignoraret, instan-tibus sollemnibus jejuniis, quando cineres dari so-lent, cum quibusdam Abbatibus illò profectus est. Cùmque jam de re propter quam venerant tracta-retur, & monachi inter se non convenirent ut ex his qui præsentibus erant Abbatem assumerent, mis-sum est retro ad monasterium ut inde Prior & alii quidam ad hoc idonei adducerentur. Interim dom-nus Stephanus ad visitandum Archipresbyterum re-gionis infirmum rogatus perrexerat; atque inde re-

gressus, corporalem molestiam statim incurrit. Exhausta enim jejuniis membra febris invaserat, quam & labor corporis & frigoris aliorum intimis medullis paulatim infuderat. Cumque in crastinum electio pararetur, jam enim advenerant pro quibus fuerat destinatum, porro ipse tota nocte gravi incommodo teneretur, non tamen tam necessarium opus censuit differendum, ne fortè eo moriente aut penitus frustraretur aut negligentius impleretur. Sed quia eorum capitulo interesse non poterat, Abbati cuidam, qui auctoritate ceteris præminebat, hanc ordinationem commisit ut quem ipse jam cum consilio fratrum elegerat, ab eodem Abbate pastor ibi statueretur. quod statim absque mora vel contradictione aliqua feliciter est impletum.

II. Exinde vir sanctus morbo invalescente gravius agere cœpit. Propter quod ex communi domo in liberiores cellas translatus est. Fama quoque ægritudinis ejus cum ubique nuntiis discurrentibus percrebuisse, postquam ad Obazinensium aures pervenit, vehementer omnes afflicti & ultrà quàm credi possit conturbati sunt. Quomodo enim quamvis tutissimus grex tanto moriente pastore non turbaretur, cum scriptum sit: *Percutiam pastorem, & dispergentur oves.* Multi enim jam non expetita licentia ad ipsum certatim pergebant vel potius confluebant, ultimam saltem benedictionem, & si aliud tunc non poterant, lucraturi. Quos ille, ut pius pater, tamquam devotos filios benignè suscipiebat, & singulos quosque benedicens, tactu blandissimo confovebat. Ceteri verò qui remanserant, planctibus & ulularibus perstrepebant, & tamquam finis mundi instaret, omnes penè sua opera reliquerant, & solis fletibus hinc inde vacabant. Et revera quasi finis mundi quodam modo videbatur adesse eis qui tanto privabantur parente; quia

LIB. II. cum quo familiariter ac dulciter vixerant, qualiter post ejus mortem viverent nesciebant. Videres omnes angulos gemitibus impleri, suspiria suspiriis jungi, & communi lamentatione totius loci desolationem ab omnibus deplorari. Velut enim in die parasceve, silentio cuncti vacabant, si quando à lacrymis temperarent. Nullus obviantium solitus erat occursum, nulla salutatio, nulla consolatio erat. Si quando seniores juniores fratres consolari voluissent, statim & ipsi lacrymis complebantur & cum eis pariter concidebant. Per omnes Missas pro ipsius vita generalis oratio percurrerebat, & tam publicè quàm privatim nihil aliud petebatur nisi ut grex tutorem non perderet & oves desolatæ pastorem, parvuli matrem, filii patrem, Abbatem monachi, discipuli doctorem, locus etiam protectorem, domusque rectorem, & navis jam penè confRACTA optimum gubernatorem. Hæc enim omnia illis semper extiterat, ut cum Apostolo dicere posset: *Omnibus omnia factus sum ut omnes facerem salvos.* Hoc autem eos duriùs affligebat, quòd cùm forte nuntium de eo acciperent qui diceret eum despetabiliter ægrotare, facto mane alius veniebat dicens eum meliùs jam habere; & cùm se quasi ad gaudium præpararent, iterum seiò desperationis nuntius veniebat, qui eis omnem spem quam de eo conceperant adimebat. Deus enim, qui omnia potest, qui scit omnia antequam fiant, & qui se diligentibus omnia cooperatur in bonum, sic procuravit ut & pastor optata quiete frueretur & oves non destituerentur nec locus desolaretur, sed potius merito boni pastoris ampliori quàm priùs rerum prosperitate & fratrum numerositate polleret. Nam & Dominus noster ante passionem suam discipulis suis dicebat: *Expedi vobis ut ego vadam. Si enim non abiero, paracletus non veniet ad vos. Si autem*

abiero, mittam cum ad vos. Et scimus quia post passionem ejus discipuli omnesque credentes magis multiplicati ac roborati sunt quàm fuerant toto tempore dominicæ prædicationis. Ipse enim in eis operabatur qui antè promiserat dicens: *Ecce ego vobiscum sum omnibus diebus usque ad consummationem seculi.* Sic iste sanctus pater præsentior & potentior futurus ei erat post depositionem quos quasi orphanos tunc relinquebat.

III. Cùm ergo idem beatus vi febrium acriùs urgeretur, gaudebat quidè quòd ad desiderata bona transiret, sed dolebat quòd suos desolatos & quasi orbatos relinqueret. Propter quod protensis in cælum oculis ac manibus Dominum deprecabatur ut locum sibi creditum semper illustraret atque protegeret, & ovibus quas per illum hætenus aggregaverat, ipse benignus pastor existeret, & sua eas providentia gubernaret. Astabant ei omnes fratres, præcipuè qui de ejus monasterio venerant, flentes inconfolabiliter ac dicentes: Cur nos pater deseris, aut cui nos desolatos relinquis? Sufficiebat nobis paupertas nostra, ut divitias computaremus quòd te videremus pastorem & gubernatorem animarum nostrarum. Et nunc post te quid faciemus, vel ad quem in tribulatione nostra confugiemus? Porro ipse in quantum poterat eos consolabatur & instituebat, præcipiens eis ut Deum semper timerent, & ipse eos liberaret ab omni malo. Nam & se-ipsùm eis dicebat præsentiorum futurum post mortem & cuncta necessaria diligentius provisorum, si tamen illi assiduis precibus obtinerent quatinus ipse æterna requie frueretur. Cùmque illum rogarent ut fratribus Obazinæ, quos orbatos utique relinquebat, ultima saltim mandata dirigeret, ipse nihil aliud eis præcipiebat nisi ut sancti ordinis quem susceperant statuta firmiter custodierent,

quia tempus rasuræ præterierat, ipse verò propter infirmitatem radi permissus non fuerat, incumbente jam morte radi se incunctanter præcepit, ut corpus ægrum magis excrucicaret, & ad Dominum continuo migraturus novus & coronatus intraret. Quod divino nutu factum non dubitamus, ut saltem ex ejus capillis reliquias haberemus. Cuncti enim diligenter collecti sunt & diligentius reservati, multisque postmodum infirmitatibus profuerunt. Cùmque jam morti evidentiùs propinquaret, ad ipsius petitionem oleo sancto perunctus est, & sacræ communionis perceptione munitus. Exinde post modicum pulsata tabula, omnes undique convenerunt, & letanias cum magno fletu agere coram eo cœperunt; quas ipse quidem frequentius repeti faciebat, & cum eis moriens prout poterat decantabat. Cùmque jam penitus defecisset, apprehensa quidam ejus dextera mōnasterium omnesque fratres signabat, ipso quantum poterat annitente & benedictionis verba frigescentibus labiis vix tenuiter profundente. Sicque inter benedicendum & orandum sancta illa anima carne soluta est.

V. Igitur venerabilis pater Stephanus migravit ad Dominum VIII. Idus Martii, lætantibus cœlis, tertis plorantibus, illis pro admissio concive, istis pro amisso pastore. Transiit autem circa mediam noctem, Dominica secunda quadragesimæ, anno ab incarnatione Domini millesimo centesimo quinquagesimo nono. Corpus ejus ex more compositum & sacerdotalibus indutum quantunt noctis supererat in Ecclesia est observatum, omnibus fratribus cum quibusdam Abbatibus qui convenerant devotè astantibus & vigilias cum cereorum apparatu solemniter coram eo agentibus. Manè autem facto, dictis ex more Missis, tractare cœperunt qualiter corpus ejus ad Obazinense mōnasterium deferretur,

sum spectaculum undique concurrebant & gradientium agmini se admiscebant. Per omnes Ecclesias ac monasteria per quæ transitori erant, signa illico omnia concrepabant tam repentino fragore ut putarentur non humana manu pulsari, sed divinitus commoveri. Sacerdotes cum stolis, Clerici cum vestibus albis, monachi decenter ornati cum crucibus & thuribus obviam sancto corpori longius procedebant, nec absolvendi aut quodlibet officium peragendi ulla erat facultas. Tantus erat crepitus signorum & concursus clamorque turbarum plangentium. Omnis siquidem terra lætibus personabat, aliis qui illum melius noverant desolationem patriæ deplorantibus, aliis pro ipso miraculo, cum viderent tam exigui corporis hominem ita glorificari ut præclarior esset universa terra, mundoque major & cælo ipso altior videretur. Nec solum homines plangebant eum, sed & jumenta. Nam audiui ab his qui viderunt quod jumentum quo sedere consueverat ante tres dies mortis ejus toridemque post mortem multas lacrymas fuderit, quodam modo indicans prius quid esset futurum, & post designans quod erat jam factum. Quid dicam de glorioso ejus corpore, quando pro vili suppellectili tam atrociter decertabant, propter quod ad ferendum eum facilis accessus non erat, cum defensores undique cum fustibus imminerent, propter importunè scilicet irruentes & de sancti reliquiis aliquid auferre tentantes. Erat tamen non modica consolatio, summis saltem digitis vel feretrum contigisse. Tunc manifestè clarebat quod Abbas ille vel ceteri dixerant, nunquam scilicet defuturos qui sancti corpus certatim deferrent. Verùm ut sciant quanto ardore ejus reliquias ambiebant, quidam ex magnatibus marcam argenti promisit si quis calciamenti ejus sibi corrigiam detulisset. Plures etiam

LIB. II. Sponte se & ex industria discalciabant, sicque per scopulos & acutissimas petras cum sancto pergentes non absque cruore & vulneribus remeabant. Nec miranda est hæc in viris fides, cum mulieres tanta devotione certaverint. Matronæ siquidem nobilissimæ, relictis thalamis, & deposita feminei sexus verecundia, properantes passim cum viris ad sancti funus ardentem currebant; & quæ prius præ reneritudine incedere non valebant, nunc per paludes & quæque difficilia loca incunctanter pergebant, non pretiosis vestibus deferentes, sed cunctum earum nitorem per lutum traicientes, dum tamquam pro reliquiis ducerent quicquid in sancti obsequiis scissum vel infectum monstrare potuissent; sed & sancti feretrum viriliter apprehendebant, & per multa viarum spatia viris fortius supportabant. Hoc fecit Vicecomitissa terræ illius domina; quæ cum magnis & incurabilibus morbis in locis secretioribus teneretur, tantam ex tunc & deinceps virtutem consecuta est ut usque in hodiernum diem sanissima perseveret. Hæc summis precibus ambiebat ut in una Ecclesiarum suarum cum sacro funere pernoctaret, quatinus omnem terram illam ad exequias invitaret, & in via expensas omnes præberet. Quod impetrare non potuit, eo quod fratres ad proximam grangiam, quæ in medio itineris posita erat, ad pernoctandum exissent, timentes ne fortè aliquam à muliere violentiam sustinerent. Illa tamen quod ei superat implere non distulit, panes scilicet vel quæque necessaria tam hominibus quam jumentis ad metatum transmittens. Pisces ad hoc sexaginta tantum allati sunt, è quibus ducentis nec minus viris singuli provenerunt. Porro vini nonnisi unum vasculum habebat ex his quos geminos portare asinus solet; quod in vase effusum in tantum sancti virtute prævaluit ut quingentos & amplius

Margareta
Vicecomi-
tissa Com-
bornensis,
sepulta
apud Obi-
zinam.

viros per totam noctem sufficienter potaret, & plurimum in crastinum superesset. Corpus verò non in fratrum habitaculis, sed in æmplissima domo quæ exterius habebatur positum est; ut & plures reciperentur, & devotis mulieribus aditus non vetaretur; quæ scilicet domus cum tota esset lignea & paleis cooperta, deorsum verò ob sancti honorem & adventantium requiem eisdem paleis usque ad genua strata, tantam cereorum ardentium multitudinem continebat ut de foris aspicientibus tamquam rogos ingens exterius appareret. quod cunctis mirabilibus mirabilius æstimo, ut inter tantam copiam palearum, inter tot viros dormientes ac semivigilantes, ignis nocere nihil potuerit. Nam & qui vigilabant, sacris excubiis circa sanctum corpus occupati erant, ceteri verò in circuitu eorum semivigilabant aut penitus dormiebant. Deinde cum jam nox initium daret, omnes Clerici albis, plures fericis cappis induti, primas vigiliis solemniter peregerunt; quibus finitis, ceteri qui remanserant, & qui tunc ex diversis locis convenerant, sicut per totam noctem confluere non cessabant, ad alias vigiliis se præparabant. Sic per totam noctem alternantibus vigiliis, sacræ excubiæ non cessabant, ut tam à vocibus Clericorum psallentium quàm ab splendore corruscantium lampadarum ipsa nox diei claritatem ac dignitatem assumeret, sicut scriptum est: *Quia tenebræ non obscurabuntur à te, & nox sicut dies illuminabitur.*

V I. Mane verò surgentes, assumpto sancti corpore ab Obazinense monasterium quantocius properabant. In Tutelensi autem cœnobio expectabatur, eò quòd Abbas ille & monachi obtinuerant ut in eorum Ecclesia aliquandiu poneretur. Cumque ibidem appropinquassent, mox signis sonantibus, omnes monachi solemniter induti cum crucibus &

LIB. III. thymiamateris & cum omni populo obviam sancto corpori longius processerunt. Condixerant tamen, ut postea claruit, ut illud violenter in Ecclesia detinerent, aut aliquid pro reliquiis ex eo auferrent. Quod fratres præsentes, statim illud post factam absolutionem humeris sustulerunt, & retro conversi, via qua venerant redierunt.

VII. Apud Obazinam nonnisi feria secunda illucescente transitus beati viro innotuit. Vnde statim dicta Missa, post primam omnes à minimo usque ad maximum præeunte cruce cum fletu & ejulatu obviam sancto patri usque ad duo miliaria processerunt, psalmos per totum iter prout in tali discrimine poterant decantantes. Statuerant enim non se nisi cum sancti funere reversuros; & quamquam eos aliqui fratrum à sancto venientium deturbarent & retro ire compellerent dicentes eum vix tandem serò venturum, nunquam potuerunt eos à cæpto itinere revocare. Cùmque jam fessi in cuiusdam promontori planitiem devenissent, repente levatis oculis vident cum grandi caterva sancti funeris apparatus à monasterio illo exire & ad se quantocius properare. Advenerat ibi & multitudo nobilium virorum cum aliis innumeris utriusque sexus atque ætatis; quorum plurimi cereos novos detulerant & adventum sancti cum monachis & cum omni populo accensis luminaribus expectabant. Et ecce dum apparet, dum præsto est, dum tangi potest, tantus repente clamor exortus est ut putaretur non solum terra sed & cælum aliquatenus commoveri. Fateor, nunquam audiui tam magnam tamque terribilem vociferationem, tam magnum luctum, tantum clamorem, tantam denique insimul lacrynarum effusionem. Quis enim tam ferreum pectus haberet qui videns tot filios circa patrem piissimum lamentantes & defuncti exuvias

vacuis spebus ac inanibus amplexantes temperare se à lachrymis posset ? Nam & qui in equis adven- rant, dimissis habenis ad terram cadebant, eamque lachrymis irrigantes, intolerabiles gemitus profun- debant. Iam inter fratres nullus ordo, nulla disci- plina, nulla moderatio erat, dum sanctum non jam manibus sed & dentibus quoque appetere, ip- sumque feretrum more freneticorum impatienter morderent. ac nisi defensores obsisterent non mi- nùs monachos quàm turbas percutientes ac re- pellentes, parum minus esset quin eum moribus totum dilaniassent. Et quia totus sacerdotalibus erat opertus, sola manus osculanda cunctis patebat ; quæ tamen ita adhuc tepida atque flexibilis erat ut in nullo à viventis alicujus manibus discreparet. Itaque avulsum potiùs quàm assumptum sancti cor- pus vix reddiderunt, ad Obazinense monasterium cum omni populo festinantes.

VIII. Ergo cùm ad monasterium unà cum eo pervenissemus, venerabilis domnus Geraldus Abbas longè superiùs memoratus, qui tunc advenerat, cum paucis qui remanserant & cum multis aliis qui convenerant foras ad novum monasterium indutus sacris vestibus expectabat. Videns autem feretrum adesse & sanctum in eo jacere, quem semper vi- dere consueverat in domo vel in opere Domini fir- miter stare, cùm eum absolvere parat, repentè concidit, & super feretrum velut exanimis corruit. Tunc renovatur luctus omnium, & quasi antè nihil fecissent, non minores quàm in illo monte voces clamoris & ejulatus emittebant. Habet hoc huma- nus animus ut quamvis fuerit luctu & lachrymis sa- tiatus, postquam alios plorare conspexerit, se à fletu temperare non possit, non cessantibus lachry- mis ubi lacrymarum causæ non cessant. Tandem Abbas in se reversus, vix quidem absolutionis ver-

LIB. IV. ha depromere valuit, & beatum virum ut facultas fuit absolvit. Verum quia novum monasterium extra terminos habebantur, idem corpus venerandum propter expectantes populos & precipue mulieres usque ad vesperam observabant. Deinde incumbente jam nocte ad Ecclesiam cum psallentio & magno honore deferitur, ibique tota nocte illa & sequenti die similiter cum nocte usque in quartam feriam incessabilibus excubiis adservatur; in qua Ecclesia, quandiu ibi fuit, solitus ordo teneri non potuit. Tantus erat concursus turbarum vota deferentium, manus & feretrum osculantium, & sub eo sæpius transeuntium, dum coram eo tamquam adhuc vivente querelas suas deponerent, ejusque suffragia implorarent. Sed & illis egredientibus, alii subintrabant, & post illos alii atque alii, ut inter intrantium & exeuntium frequentiam nulla requies esset. Quod si aliquis eos prohibere tentasset, credo quod cuncta obstacula violenter effringerent & graviores ruinas referrent. Multi sanè infirmi tam ex fratribus monasterii quàm ex conflua turba sanati sunt, alii à contractione, alii à tumore, alii à capitis dolore & diversarum febrium invasione, vel ab ipsa mentis alienatione. Horum nomina vel numerus personarum quæ tam ibi vel dormiendo vel sub feretrum transeundo, sive dum tenetur foris, vel per totum iter sanati sunt, colligi non potuerunt ut possent describi, vel propter multitudinem copiosam, vel quia non fuit qui de talibus curam haberet, præsertim cum non esset tunc qui vitam illius describere statueret vel cogitaret. Mansit ita biduo sub excubilis, non propter expectationem populi, sed propter apparatus sepulcri, & ut quidam Abbates longius commanentes saltim ad sepulturam occurrerent, sicut fecerunt. Omnes enim tunc præsentés fuerunt.

IX. Itaque feria quarta hebdomadæ secundæ quadragesimæ, dicta generali Missa, & à cunctis Abbatibus qui ex diversis partibus vel ordinibus venerant facta solemniter absolutione, (nam Episcopus tunc in illa regione non erat) beati viri corpus ie capitulum tumulandum defertur, & in sarcophago lapideo collocatur. Aderant cum fratrū cæteris & monachorum agminibus multa millia hominum : qui dum cuncta interiùs exteriùsque complerent, ita per claustrum & juxta capitulum conglobati erant ut omnem diurnæ lucis splendorem, excepto quod ex cereis fundebatur, obnubilarent & psallentium voces luctuosis clamoribus suffocarent. Eo igitur sic tumulto, stramenta funeris statim direpta sunt & minutatim concisa singulis prout quisque potuit partes sibi rapientibus, & pro his inter se pertinaciter dimicantibus. Nam & ipsum feretrum ferris defectum & ferramentis incisum in minutis partibus est ablatum, ut ipsas quoque minutias à ferræ dentibus decedentes in panniculis ligarent & secum auferrent. Tanta erat fides & devotio populi ut nihil quod sancti corpus attigerat à beneficiis vacuum deputaret.

X. His ita peractis, populus omnis abcessit, & monachi circa tumultum congregati psalmos per totam diem, ut mos est in pasceve, usque ad vesperam decantarunt. Sed & cerei ardentes tota die illa & nocte inibi permanserunt, ita ut usque in hodiernum diem omnibus noctibus aut olei aut ceræ aut insimul lumen ibi nunquam deficiat. Nihil horum ex monasterio impenditur, totum à foris ministratur, tam ab his qui ad tumultum devotè ac frequenter occurrunt quàm ab his qui multas ibi sanitates percipiunt. Sed & hi qui in domibus suis per invocationem ejus sanantur, candelas suas ibi transmittunt aut per se deferunt, tam ante sanita-

L. I. B. III. tem quàm postea, priùs poscendo, postea gratias redhibendo. Nec tantùm homines pro hominibus deprecantur, sed & pro jumentis sive pecoribus malè habentibus, pro quibus & candelas transmittunt; ut impleatur quod scriptum est: *Homines & jumenta salvabis, Domine.* Non tamen vel pro eis frustra supplicare noscuntur. Nam & infirma statim sanantur, & sana deinceps non incurrunt. Sed & tempore barbaricæ persecutionis, cùm hostilis immanitas cuncta circumquaque vastaret, quidam ad eum confugientes & ejus patrocinium referentes, nec rerum amissionem nec captivitatem experti sunt, cùm ceteri quique bona simul cuncta amitterent, multi rebus perditis, ipsi in captivitatem hostium devenirent, nonnullis etiam in vinculis & ergastulis positis, ita ut pedes eorum artissimo constringantur ligno, statim invocatus adest, præcipiens eis ut surgant & lignum quo capti tenentur ipsi trahant, quodque eos tamquam putridum sequitur statim dissolutum. Cùmque jam liberi causari cœperint dicentes: Quomodo hinc eximus, Domine, cùm cuncta obferata sint, & custodes hinc inde observent, mox ducit eos ad quoddam posticium, & quod vix securibus ac feramentis excidi poterat, nunc levi manus impulsione facilè dissolvitur, ita ut ipse ducat eos per medias turbas eorum qui se ceperant, nullusque eorum saltim quò pergat interroget, nedum tenere præsumat. Hoc uni ex fratribus nostris ita per omnia contigit, qui nuper defunctus est, propter quam præcipuè causam ad conversionem venit; & cùm solus hoc modo liberatus non sit, ut multorum testimonio comprobatur, nos tamen eorum quos similiter sancti virtus absolvit nec personas recolimus, nec rei gestæ veritatem ab ipsorum ore tam evidenter agnovimus. Tamen cùm ad hoc ventum

fuerit, quorundam liberationem evidentius profectus. LIB. III.
remus; ut ex his plures alii intelligantur quos similiter liberatos audivimus, nec tamen recolimus. Nunc de his quæ post transitum ejus de eo visa sunt; & quomodo quibusdam sæpe apparuit, & apparendo sanitatem præstitit, referendum est.

XI. Quidam frater cùm post obitum ejus nimia mœstitudine teneretur, ex ista mœstitia soporato astitit vir beatus in visu, dicens ad eum: Quid habes, frater, quòd tanto mœrore deprimeris? Cui ille respondit: Mœsti sumus, inquit, Domine, & vehementer afflicti, quia nos tam citò deserere voluisti, cùm posses nobis adhuc diù vivere & monasterium tuum prosperè & feliciter gubernare. Ad quem sanctus, Ergo, inquit, non videor tibi Abbas esse sicut me semper videre consuevisti? Cui frater: Verè si Abbas noster es, ut quid modò alium in sede tua videmus? Tum sanctus jocundo ore & quasi subridens ita illi respondit: Ego vos propter Abbatem istum non deserui nec desero, sed etiam quocunque ille perrexerit, ego semper vobiscum permaneo.

XII. Dominus Robertus Abbas tunc de Frainedia, qui tertia post ordinatione nostro monasterio præfuit, cùm peracta sepultura ejusdem sanctissimi patris in refectorio cum fratribus ad mensam sederet, ut in tali eventu accidere solet, tædio ac mœrore oppressus paululùm obdormivit. Cui repente apparuerunt duo fratres nostri qui ante aliquot annos obierant, unus Sacerdos, alter Diaconus, olim nobis familiariter noti, sancti atque religiosi: qui cùm causas mœstitiæ ejus hilari vultu requirerent, & ille decessum viri sancti & communem orbitatem lacrymabiliter prosequeretur, dicunt ei: Scias, Domine, quia quanta est apud

LIB. III. vos de ejus abscessu tristitia, tanta est de ipsius præsentia apud nos ubique lætitia.

XIII. Alius frater, laicus quidem, sed vir simplex & innocens, virum sanctum singulariter diligebat, atque ab ipso unice amabatur. Hic cum ad vigilias die quadam dominica ante alios surgeret, ac juxta claustrum monachorum, sicut mos est, transiret, auditit voces psallentium veluti processionem agentium monachorum; inter quas viri Dei vox, velut processionem ipsam regentis, clarius ac robustius personabat. Et quia idem claustrum, utpote nocturnis horis, obseratum erat, festinanter ad Ecclesiam perrexit, ut inde commodius psallentium voces audiret & virum Dei, si fieri posset, in sua sede stantem videret. Sed cum intrasset, voces illæ conticuerunt & ultra audiri non potuerunt. Unde manifestum est tam ex piorum visione quàm ex istius certo auditu virum Dei huic loco nunquam deesse & tam in Ecclesia quàm in claustro, nobis licet dormientibus, divinæ laudis officia decantare.

XIV. Quidam frater juvenis ac robustus carucis boum præerat, qui vel propter oneris sublevationem vel propter aliud quid rupturam incurrit, ita ut fieret ponderosus vel, ut dicitur manifestius, herniosus. Cumque pondus ipsum super inguinem promineret ac de die in diem magis magisque succresceret, cœpit frater ille incessu gravari & animo contabescere, cum rem ipsam prodere erubesceret, & propter magnitudinem mali dissimulare non posset. Verùm quia tale incommodum absque incisione curari non valet, quæ olim in nostro ordine interdita fuit, ampliùs ex hoc anxietur; quia & infirmitas illum gravabat, & medendi spes nulla erat. Quapropter humano destitutus, ad divinum confu-

git auxilium, sanctumque patrem Stephanum tumulo ejus crebrius advolutus assidue precabatur ut sibi in tanta afflictione posito salutari remedio subveniret. Quadam igitur nocte ei vir sanctus apparuit, & cur se tot clamoribus fatigaret, vel quam ob causam ita mæstus maneret, tanquam inscius requirere cœpit. Qui cùm ei omnem passionem suam exposuisset, talem ab eo consolationem accepit: Noli fili, inquit, nimium mæstus esse pro hac incommoditate, in proximo est enim ut à Deo cures. Evigilans autem frater nihil quidem remedii sibi provenisse deprehendit; quia tamen virum Dei videre meruit & pro hac ejus consolatione non mediocriter lætabatur. Post non multum verò temporis iterum ei modo quo prius apparuit, inquirens ab eo quomodo se haberet. Ille verò visitationi quidem ejus gratias agit, & tamen adhuc in nullo adjutum se fore respondet. Tunc sanctum divino nutu prominentem strumam salubri tactu compressam ac velut in sese refusam perfectè sanavit, eique dixit: Surge, & amplius noli vacare, sed opus tibi injunctum strenuè adimplere stude. Ad hanc vocem statim expergefactus surrexit, & tacto infirmitatis locò, ita se exterius complanarum & interius solidatum reperit ac si nihil unquam tale perpeffus fuisset. Hoc ego ab ipsius Abbatis nostri ore nuper audiui, ut frater qui dudum vultu pallidus ac morituro similis apparebat, nunc fortis & alacer opus suum validius exsequatur.

XV. Sanctimonialibus quoque feminis infirmantibus nonnunquam apparet, maximè cùm aliqua ex his in extremis posita jacet. Nuper mihi quædam retulit quòd cùm aliqua ex sororibus in extremis esset, omnesque eam more solito circumstarent, dictis letaniis & psalmis, cùm ipsa adhuc superesset, omnes ad stratus suos redierunt; cùmque & ipsa

sonitum omnibus congregatis, postquam sufficienter oratum est, illa spiritum exhalavit. LIB. III.

XV II. Nonnullas quoque in infirmitorio negligentius residentes ad Ecclesiam ire compellit, maximè cum sancta mysteria percipere habent. Quod si de lecto surgere nequeant, qualiter vel quibus adminiculis ibi deferantur docet, sicut nuper quondam de hac re per visionem sufficienter instruxit. Noluit eis ullam occasionem relinquere ut aliquis ad illas vel in extremis quidem ingrediatur; ut agnoscas eum curam quam de eis vivens habuerat non deposuisse post mortem. Quasdam etiam gravissimis doloribus ex nimio languore vexatas apparendo sive tangendo curat; ita ut repenti de lecto surgant quæ prius ne jacere quidem poterant, & clamorosis vocibus ceteras conturbabant, quod hoc manifestè probatur exemplo. Quædam soror, quam bene ipse cognovi, sed nomen excidit, cum in medio domus deambulare, lignum ex alto cadens super eam venit, ejusque crus valde contrivit: ex quo casu solo dejecta, cum penè extra se esset, accurrentes undique sorores, eamque fago impo-
nentes, vix inter manus ad infirmitorium detulerunt. Post paululum in se reversa, cum jam quid pateretur gravius persentiret, immensos clamores edere cœpit, quos extorquebat nimia vis doloris. Sanè inter ipsos clamores dominum Stephanum sæpius inelamabat, & ut sibi auxiliaretur magnis vocibus implorabat. Circa mediam verò noctem, cum sorores per circuitum obdormirent, ipsa enim præ nimio dolore dormire non poterat, adest continuo pater Stephanus, quem sequebatur juvenis monachi habitum gerens; apprehensaque tibia ejus quæ patiebatur, cum eam una manu a parte pedis, alia a superiori parte trahere cœpisset, tantum ei dolorem incussit ut clamore in altum sublato, omnes

carent. Deinde post modicum cunctis ad propria strata redeuntibus, illa solam remansisse secernens, elevatis sursum oculis ingemiscebat ad Dominum, & sanctum patrem Stephanum cum magno cordis gemitu invocabat ut sibi in tanta calamitate positæ subveniret. Adest continuo vigilianti & deprecanti pater sanctus, torvoque eam vultu respiciens, ait: Bene tibi contigit, misera, sicut meruisti. Scias enim tibi hoc ideo evenisse quod sororem illam hesternæ die te deprecantem despexisti, eique auxiliari noluisti, insuper & maledicto pessimo te obligasti quod te nunc justè juxta tuum meritum apprehendit; ac nisi pro te intervenissemus, non quidem talia patereris, sed morte subita morereris. Sed & hoc scire te convenit, quia quandiu vixeris, nunquam hac passione carebis. Vnde ceteris sororibus ex nostra parte dicere ne cuncteris, ut tuo exemplo communitæ sorores infirmittantes non deserviant, ne deterius eis contingat. Hæc dicens ab oculis ejus sublatus est. Mane verò facto, cùm ad visitandam ægram sorores redissent, eamque consolari niterentur & sanitatis remedia polliceri, illa respondit: Nequaquam ita erit ut dicitis, aliter enim dispositum est à Domino Deo. Tunc retulit eis qualiter dominum Stephanum illa nocte vidisset, & quæ sibi dixisset, quæque aliis dicenda mandasset. Atque ita factum est ut primum quidem Eustorgia soror de hac vita migraret, ac deinde soror ista, nulla alia interveniente, secuta est. Verum quia superius diximus plures à carceribus & vinculis ejus patrocinio liberatos, è quibus aliquantos nos hic referre promissimus, nunc quod promissimus exsequamur.

XIX. Vir quidam sæcularis ultra Dordonæ fluvium commanens vitam Dei familiariter dilige-

LIB. III. bat, & tam ab ipso quàm à fratribus propter fidei ejus devotionem & impensa ab eo crebrius beneficia non minori affectu diligebatur. Hic post transitum ejus à malignis captus, vinculis & compedibus mancipatus est, & propter multas quas habere credebatur pecunias sub stricta custodia servabatur. Quod cùm fratribus nostris nuntiatum esset, vehementer afflicti sunt, & tam per se quàm per amicos rogare cœperunt eos qui vinctum tenebant ut eis suum confratrem, quem iniquè ceperant, accepta ubi eo ratione dimitterent; & nihil proficere potuerunt, sed asperiores magis fecerunt. Porro vir ille captivus, cùm se à nullo hominum juvari posse conspiceret, suum quondam amicum, nunc verò patronum, domnum Stephanum precibus, non pedibus, adiit, cum multis eum gemitibus orans ut si quid apud Deum posset, suis nunc precibus se liberaret. Deinde ex multa fatigatione & tristitia soporatus assistere sibi vidit eundem almificum patrem velut increpantem se ac dicentem: Quid hic sedes, cùm domus tuæ opera negligantur & res familiaris depereat? Cui ille respondit: Et non vides, inquit, Domine, quàm districtè ligatus & compeditus hic teneor & erumpere nequeo? Ad quem sanctus repetito sermone iterum dixit: Vade securus nihil hæsitans, quia non tibi nocebunt vincula ista quæ tu formidas. Ad hanc vocem confestim ille evigilavit; & cùm se erigere tentat, cuncta repente vincula de ejus manibus & pedibus ceciderunt, ita ut surgere conatus iterum caderet præ stupore. habebat enim tibias à compedibus demolitas. Postea verò surgens cogitabat inter se quid ageret, cùm egredi nimium formidaret, quia custodes undique observabant, & qui eum ceperant, foras per publicum ferè omnes astabant. Vicit tamen fides patroni, ita ut per medios custodes &

captivatores suos, cùm aliunde exitus non pateret, LIB. III.
liber ad propria remearet, à nullo hominum quò
tenderet interrogatus, nedum detentus.

X X. Hujus quoque filius simili sorte nuper cap-
tus, ligatis manibus & pedibus in angustum est do-
lium missus, quoderat ab una fronte quidem aper-
tum, ita ut eo introducto artissimè clauderetur ac si
vinum in eo, non homo, adservaretur. In tantis ergo
angustiis positus, cùm de vita jam desperaret, tan-
dem recordatus domni Stephani, de quo multa au-
dierat, sed nunquam eum aliquando viderat, ad
ejus statim confugit auxilium, multis clamoribus
& suspiriis deprecans ut sicut quondam patrem suum
à vinculis eripuerat, ita nunc ad liberandum se
quantocius festinaret. Hæc cùm intra semetipsum
lacrymabiliter volveret, cunctis repentè vinculis
absolutus est, excepto quòd intra dolium tenebatur
inclusus. Cùmque ad visitandum & redimendum
eum amici & consanguinei convenirent, productus
foras, cùm solutum illum custodes cernerent, ve-
hementer commoti fortioribus eum vinculis ligave-
runt & in dolium iterum retruserunt, ita ut inter
frontem dolii & trabem domus ligna fortiter im-
pingentia coartarent, ne aliquo fortè impulsu mo-
veri possent. Nec tamen eis aliquid profuit malitia
sua. Mox enim ut pii liberatoris auxilium implo-
ravit, iterata vice cuncta ligamina repentè disso-
luta sunt, cùm tamen liberatorem suum in his om-
nibus non videret. Deinde protensis manibus, cùm
superiorem dolii frontem leniter contigisset, cuncta
quæ ei impacta fuerant ligna ad terram subito ce-
ciderunt, ipso dolio in partibus scisso, ita ut ac si
pullus effracto ovo, sic iste dirupto vasculo libera-
tus foras profiliret. Atque ut moram non faciamus
in tanta festinatione auxilii, quemadmodum pater
ejus olim fecerat, sic iste præsentibus & videntibus

LIB. III. inimicis liber abscessit, in tantum ut eo prætergresso mirarentur & dicerent : Nonne iste est quem tantopere vinctum adservabamus ? Et quomodo eum nunc exeuntem nobis coram positis abire dimisimus ? Verè quia hunc virtus absolvit divina, & nos non potuimus adversùs eum. Hic ergo suo liberatori vota persolvens, die festo nativitatis sanctæ Mariæ ad tumulum ejus devotus accessit, nobisque pro tanti diei solemnitate in capitulo congregatis quomodo liberatus fuerit jussus exposuit, & suæ liberationis quot auditores habuit, tot sibi testes fideles ascivit.

XXI. Alter quidam rusticus in regione eam captus fuit à duobus fratribus qui ductores erant latronum, ad hoc tantùm ut pecuniæ collatione sese redimeret ; quem unus ante se vinctum ducebat vel potiùs impellebat, alter sequebatur post eos, uterque stipatus non modica turba latronum. Ergo cùm se vinctum trahi doleret, ingemuit, ita ut magis cruciaretur pro timore & expectatione futurorum quàm pro his quæ in præsentì patiebatur. Videbat enim nullam sibi fore spem evadendi, tamquam si ovis inter lupos teneretur captiva. Tandem concepta spe aliquanta, mox ad Dei confugit auxilium ; & recordatus domni Stephani, exemplo duorum supradictorum quos audierat liberatos, quia voce non poterat nec audebat, totis eum præcordiis invocabat ut sibi in tanto discrimine posito subveniret. Cùmque hoc suspiriis magis quàm verbis exprimeret, mox ei vincula de manibus ceciderunt, ac si eum aliquis repente solvisset ; & sic concepta miro modo abeundi fiducia, cœpit ab itinere in alteram partem abire ac si ab aliquo traheretur, ita ut liber & absolutus ad propria remearet, nullo se requirente vel subsequente. Hoc modo à captivitate solutus, ereptori suo gratiarum

munus exsolvit, testes habens suæ salvationis etiam L. I. III.
eos qui se ceperant, & abeuntem prosequi non audebant.

XXII. Nuper venit quidam ad sancti sepulcrum; factaque oratione & posito cereo, cum a loco egressus fuisset, tuli eum in partem, interrogans quis aut unde esset vel ob quam causam tumulum sancti expetivisset. Tunc ille ait: Fuimus capti ego & alii quatuor in castello Galniacensi, quod est ultra Dordoniam, pedibus singulorum arctissimè simul in una trabe constrictis: in quo ergastulo cum nihil cibi aut panis jam per quatuor dies penitus gustassemus, inedia simul ac dolore constrictus, sanctum patrem Stephanum, de quo multa audieram, intimo cordis rugitu orare cœpi ut nos ab his vinculis suis meritis & precibus liberaret. Cumque hoc mecum volverem, velut in extasim raptus, nec plenè vigilans, nec perfectè dormiens, vidi reverentissimum quendam in religioso habitu carcerem introire cum uno monacho juvenilis ætatis; qui cum me interrogasset quomodo essem, vel quid ab eo tanto gemitu postulare, dixi ei: Domine, vides in quanta afflictione & calamitate detenti sumus; unde precamur ut si quid potes, adjuves nos misertus nostri. Tunc ille dixit: Si ergo vis cum sociis liberari, apprehende quantocius clavum ligneum quo cippus strictus tenetur, & mox dissolvetur, statimque surgens cum eis egredimini, & pergit ubique vos tutare possitis. Ad hanc vocem ex templo evigilavi, & ipse evanuit ab oculis meis. Statimque apprehensum clavum levi motu extraxi, & mox trabes illa ita soluta est ac si nunquam astricta fuisset. Surgens autem, socios leniter excitavi, monens ut cautè surgerent, ne quis fortè evigilaret. Erat enim circa mediam noctem, nec minùs immo ampliùs timebamus soluti quam antea vincti; quia

L. 17. III. & custodes intus ante ostium dormiebant, nec poteramus nisi per eos transire, & ipsum ostium ita ex industria erat compactum quòd nisi cum magno fragore aperiri posset. Tandem, ut dici vulgariter solet, mittentes cor in periculum & animum fiducia roborantes, in ejus fide qui eos jam solverat, & custodes transierunt, & aperto ostio exierunt, nullo eos audiente vel sentiente, sicque reliquum noctis spatium inter agendo conficientes, in ipso crepusculo ad Castrum novum, quod duobus ferè milibus aberat, pervenerunt, ibique salvati sunt. Nunc qualiter quibusdam in rebus perditis opitulatus sum, referamus.

XXIII. Frater quidam nummos quos sibi comendatos habebat perdidit, sic tamen ut furatos esse ab aliquo non dubitaret; sed cum ex hoc nullum nominatim accusare auderet, duo ex his qui instituebantur adolescentes hujus furti nævo tamquam auctores aut conscij specialiter notabantur, qui tamen tanta pertinacia cum terribilibus sacramentis hoc denegabant ut nullus de eis suspicionem habere posset. Quapropter is qui perdiderat omni indaginis spe destitutus, ad sancti patris merita convolvavit, offerens candelam ad tumulum ejus, & cum fiducia deprecans ut sibi de hac re certum à Domino indicium obtineret, auctoribus furti detectis. E vestigio unus ex præfatis juvenibus febre correptus, atque ad extrema perductus, cum anxie quæreretur cui secreta cordis confiteretur, antequam ille veniret, iste obmutuit. Deinde miserante Deo circa mediam noctem loquendi usu recuperato, astanti sibi jam sacerdoti confessus est quòd nummos illos qui quærebantur, ejus socius se conscio furatos haberet. Hæc cum dixisset, accepta pœnitentia post non multum horatum spatium exspiravit. Cumque ad alium ventum esset, & ille nec socii jam defuncti testimonio

proditus confitere vellet, sed magis pertinaciter denegaret, statim validissima febre correptus, cum similiter mori timeret, non solum illos de quibus accusabatur, sed multo plures alios solidos se furatos habere proprii oris confessione testatus est. Ita vir sanctus de utroque congruè judicavit, ut ille prior, qui minus fortè peccaverat, de hac vita protinus raperetur, ne vivens in deterius mutaretur, & sequens ad pœnitentiam servaretur, ne moriens pro his & aliis furtis ad æterna supplicia raperetur.

XXIV. Quidam Presbyter Ecclesiæ sancti Hilarij, quæ in prospectu nostri monasterij uno ferè miliario sita est, dum aliquando circa sextam horam pranderet, fur ingressus Ecclesiam, arcam ipsius quibusdam machinationibus clam aperuit; indeque ducentis ferè solidis cum aliis quibusdam rebus abstractis, latenter nullo sentiente aufugit. Presbyter post cibum Ecclesiam casu ingressus, cum arcam dissipatam & solidos furatos invenit, tanto dolore & tristitia repletus fuit ut perè sensum amitteret. Nullum enim indicium quis hoc fecisset poterat inveniri. Tandem in se reversus, consilio amicorum nostrum monasterium expetivit, ut à sancto patre Stephano aliquod hujus tantæ calamitatis remedium impetraret. Denique ad ejus tumbam accenso cereo discalciatis pedibus provolutus, tanto gemitu tantisque suspiriis querelas suas deposuit, quantum nec pro gravissimis certè peccatis affligi posset. Inde concepta aliquanra fiducia foras egressus, cum eum prout in tali discrimine opus erat consolaremur, post duarum aut trium horarum spatium nuntius ab Ecclesia directus concito cursu ad eum pervenit, furemque detentum cum solidis vel ceteris quæ furatus fuerat nuntiavit. Quo audito, quanto gaudio tripudiaverit, non est nostrum evolere, cum in illo impleri visum sit quod ait Pro-

LIB. III. pheta: *Secundum multisudinem dolorum meorum in corde meo consolationes tue letificaverunt animam meam.* Cumque diligenter inquireret qua hora fur inventus fuisset, ipsam eandemque reperit qua sancti patrocinium fideliter expetivit.

XXV. Quidam paterfamilias geminos boves habebat, quos tum propter agriculturam, tum quia proceritate & fortitudine præminebant, satis caros habebat. Accidit autem ut lues animalium totam illam regionem longè latèque vastaret, ita ut curtes rusticorum penè omnes animalibus vacuæ remanerent. Cum autem quadam die præfatus homo boves ipsos vacillari conspiceret, timens ne intra domum morerentur, præcepit uxori suæ ut ipsos longè proiceret, ne sua contagione animalia quæ necdum incurrerant vitiarent. Cui illa respondit: Nequaquam, Domine, hoc faciamus, sed potius statuaria eis facientes, ceraque operientes, sancto patri Stephano dirigamus, potest enim, si voluerit, & istos salvare, & alios ab omni periculo immunes servare. Placuit viro prudentis consilium mulieris, ipsosque mox boves à frontibus & à tergo funibus circumducens, ceraque operiens, monasterio destinavit ad sancti sepulcrum arduos. Quod cum factum fuisset, non solum boves illi repentinè salvati sunt, sed & cetera animalia, juxta quod mulier fidelis promiserat, ex tunc & deinceps illæsa manserunt.

XXVI. Post paucos annos jam per terram illam animalibus restitutis, quidam miles ex his qui prædas exercere solent, cum ad ludos quos majores vocant multa perdidisset, contracta damna ex depredatione multorum cupiens reformare, cuncta circumquaque diripiens, etiam boves illos cum multa præda captos secum abduxit. Cumque supradictus vir circa vesperam domum reverteretur, agnito quod boves illius capti fuissent, mox se ad ter-

tam dedit, cum multa vociferatione clamans & di- LIB. III.
cens: Heu mi domne Stephane pater, quomodo per-
didi boves meos quos antè salvasti, & quos tuæ
commiseram fideli protectioni? sed qui illos salva-
re potuisti ne morentur, quomodo nunc salvare
noluisti ne raperentur? Certè si illos mihi non resti-
tueris, nunquam pro eis deinceps consueta vota per-
solvam. singulis siquidem annis statuaria illa mitte-
bat. Hæc cum dixisset, ecce boves illi repenti è me-
dia præda sese abripietes, & mutuò sese impellen-
tes, cum tanta celeritate, nullo concitante, domum
revertebantur ac si retro multis minantibus urge-
rentur, cum eos ex prædonibus illis nullus retinere
vel insequi potuisset. Non est tamen dubium illius
fuisse virtute reductos cujus suffragium super eos
imploratum fuisset.

XXVII. Idem vir cum postmodum quartana
febre vehementius urgeretur, & accitus medicus
portionem ei dare vellet qua morbum depelleret,
uxor ejus non adquevit dicens ad virum: Non
est æquum, Domine, ut qui jamdudum præventus es
sancti virtute, carnalem modò recipias medici-
nam. Quin potiùs accede fideliter ad ejus sepulcrum,
& ille oranti tibi optatam tribuet sanitatem. Hoc
ille audiens, prudenti consilio adquevit, & cum
aliquibus viris die qua febris imminens accessura
erat, ad monasterium, quod duobus ferè milibus
aberat, veniebat: cumque jam in medio itinere juxta
domum in qua lapides cædebantur, & fratres ibi ma-
nebant, transiret, subito à febre corceptus, solo in-
cubuit, & tam graviter vexari cœpit ut putaretur
continuò moriturus. Denique vocatis fratribus in
auxilium, tam à suis quàm ab illis ad eorum domum
tamquam funus deportatus est & lectulo collocatus.
Cumque jam, focis recedentibus, ipse in quadam
agonia maneret, vidit repenti domnum Stephanum

L I B. III. sacris vestibus indutum cum quibusdam albis monachis ad se venientem. Qui cum lectulo jacentis una cum sociis illis assisteret, aspergens eum aqua benedicta, & dicens ea quæ super infirmos dici solent, ita eum perfectæ reddidit sanitati ut ex tunc & deinceps sanissimus perseveret. Nam continuo viro Dei non comparente, vocatis fratribus, quæ sibi contingerant plenius enarravit; moxque cibo quem ex multis diebus exhorruerat avidè sumpto, sanus recessit qui fuerat semivivus allatus. Hoc ego ab illius ore audiui.

XXVIII. Petrus de Pleus sacerdos, vir honestate & genere clarus, oculorum dolorem incurrit; qui paulatim accrescens, totum caput ac deinde corpus ex integro occupavit. Itaque de vita diffidens, recordatus domni Stephani alumni quondam sui & cari amici, dato cereo puerum misit, præcipiens ei ut ad tumulum sancti velociter pergeret, atque ibi pro sua salute Dei misericordiam cum ipsius meritis imploraret. Quod ita factum est, siquidem ipsa hora dominus ejus ab infirmitate convaluit, ita ut manè diluculo de lecto consurgens ad Ecclesiam pergeret, & Missarum solemnibus interesset. erat enim festum Purificationis quod dicitur Ypapanti Domini. Sed quia ad referendas gratias ire neglexit, redivivus dolor, quo jam sanatus fuerat, tamdiu oculos ejus attrivit quousque tumulum sancti per se ipsum expetiit; sicque post aliquot dies lætus & incolumis ad propria remeavit.

XXIX. Mulier quædam vidua ultra Dordoniæ commanens oculorum lumen amisit, & per continuum annum cæca permansit. Audiens autem de virtutibus domni Stephani, cum ad eum ire non posset, de loco suo, ut scriptum est, assiduis Dominum precibus exorabat ut sancti illius piis ac viva- cibus meritis necessarium lumen recuperaret, quod

malis suis meritis justè amiserat. Hoc cùm per bi-
duum fideliter postularèt, oculorum lumen recepit,
ita ut videret clarè omnia. Sciens autem quòd nulla
unquam femina monasterium ejus ingrederetur, &
quia periculosum ei erat tanti itineris spatium pera-
grare, puerum suum ad locum direxit candelam ma-
nu gestantem; qui in ipsa vigilia Purificationis cum
puero jam dicti sacerdotis occurrens, simul cum eo
ad sancti sepulcrum accessit, quæ detulerat obtulit,
scilicet lumen pro lumine, grates pro sanitate. At-
que ita factum est ut crastino cunctis in capitulo
congregatis utriusque deprecatio sit allata, illius pro
adipiscenda salute sui domini postulantis, istius pro
adepta sanitate dominæ suæ gratias referentis.

XXX. Quædam nihilominus vidua in territo-
rio Turenensis castri manebat, quæ se & sua dom-
no Stephano olim commiserat, nihil habens unde
viveret, excepto quod propriis laborando manibus
adquisisset. Vnus autem de servientibus Vicecomi-
tis, dum redditus coquinales de singulis mensis leva-
ret, venit ad eam similia exacturus, cùm illa dice-
ret nihil se exercere de terra unde aliquid reddere
teneretur, nec quicquam victualium possidere, nisi
quantum proxima ætate metendo vel spicas legen-
do in agris collegerat alienis. Cùmque idem exactor
hoc ipsum modicum sacco reconditum cum paucis
gallinis tulisset, illa cum lacrymis partim supplican-
do, partim interminando, quantum poterat obsis-
tebat ne victum suum iniquè auferret, & se mane-
re dimitteret fame forsitan perituram. Quam ille
non solum audire contempsit, sed insuper calcibus
tundens, cum his quæ abstulerat, via qua venerat
rediebat. Tunc misera mulier solo dejecta, protensis
in cælum palmis, Deum judicem viduarum & san-
ctum patrem Stephanum luctuosis vocibus inclama-
bat ut si aliud obtinere non posset, vindictam sal-

L I B. III. tim ad consolationem de malefactore reciperet. Nec mora , exaudita est oratio ejus. Mox namque iniquissimum illum adhuc in itinere positum vehemens capitis dolor invasit cum validissima febre & mentis alienatione , ita ut capite & toto corpore tumescente vix ad proximam devenerit mansionem ; unde sublatus & ad propria deportatus , post non multum horarum spatium absque viatico & aliquo salutis remedio expiravit.

X X X I. Alia quoque vidua quodam loco juxta possessionem nostram manebat , habens unum porculum , qui mox in domo progrediretur, in sata fratrum currebat, nullo clausuræ munimine circumsepta , cùm jam spicæ inciperent germinare , inde frequenter ejectus , cùm se liberum cerneret, mox inibi recurrebat , ut præfata mulier penè aliud agere non valeret quàm illum jugiter custodire & ab alienis ægris vetare. Cùmque illum vendere cogitaret , ne assiduam læsionem inferret

Desunt pauca quæ legi non possunt absque magnolabore , & non sunt magni momenti.





ACTA
VISITATIONIS
PROVINCiarVM
BURDEGALENSIS
& Bituricensis ,
FACTA A SIMONE
DE BELLO-LOCO
ARCHIEPISCOPO
Bituricensi, Aquitaniæ Primate,
Ab anno Christi MCCLXXXIV. usque
ad annum MCCXCI.

VISITATIO PROVINCIÆ
Burdegalensis.

Hic habetur qualiter Reverendus Pater Dominus Simon Bituricensis Archiepiscopus , Aquitaniæ Primas, primò anno Domini MCCLXXXIV. mense Septembri , dominica die post festum beati Matthæi Apostoli & Evangelistæ , Burdegalensem provinciam jure primatiæ suæ causa visitationis intravit. In cujus societate erant religiosi viri , Iohannes Abbas monasterii sancti Sulpitii Bituricensis, frater Gilo ejus socius, fratres Simon dictus Patruï,

& I. de sancta Severa ordinis fratrum Minorum , magister Guillelmus de Medunta Officialis & Canonicus Bituricensis , Iohannes ejus Clericus , Dominus Guido de Noyalhes Capicerius Pictavensis , Dominus Helias Porta Abbas secularis Ecclesie sancti Asterij Petragoricensis diocesis Conservator provisionis seu ordinationis à fede apostolica super jure primatiz prædictæ , Helias ejus Clericus , Dominus Otho de Salinis Canonicus Magdunensis , Dominus Cono Capellanus Virsionensis capituli , Domini I. Belechiere Notarius publicus , Guido de Rans Clericus Domini , Bertrandus Gosse serviens Domini Regis , & plures alij.

Et notandum quod cum dictus Dominus Bituricensis concepisset & proposuisset Burdegalensem provinciam causa visitationis intrare , considerans quod Ecclesia sua Bituricensis in iustis suis possessionibus & ceteris juribus semper defensorem habeat & habuerit serenissimum Regem Francorum eundem Regem rogavit ut unum de familiaribus suis committeret eidem iturum cum ipso in provinciam prædictam. Cujus precibus benigniter inclinatus dictus Rex virum providum , morigeratum , ordinatum , & facundum de familia sua concessit eidem cum suis literis continentibus hæc verba.

PHILIPPVS Dei gratia Francorum Rex Bertrando Gosse servienti suo salutem. Mandamus tibi quatenus non permittas quod in senescallijs seu bajulis Petragoricensi , Pictaver si , Xanlonensi , Agennensi , Vasconia , Arvernia indebita gravamina vel violentie aut injuria inferantur dilecto & fideli nostro Archiepiscopo Bituricensi Aquitania Primati , aut gentibus vel nuntiis suis in personis vel bonis eorum , cum pro juribus provincia vel primatia sua exercendis ad partes provincia vel primatie earundem ipsum vel eorum aliquem contigerit declinare , & ipsum Archiepis-

Epum & quemlibet prædictorum in suis iustis faiscis ab omni injuria necnon gravaminibus & violentiis manifestis in locis ipsis defendas ex parte nostra, quotiens opus fuerit sibi & de hac fueris requisitus. Nos enim tenore præsentium præcipimus Senescallis & Iustitiariis locorum prædictorum ut tibi ad executionem præmissorum, si eos inde requisieris, auxilium subministrant. Actum Parisius die Luna post festum nativitatis beati Iohannis Baptiste anno Domini MCCCLXXXIV.

Dictus verò Dominus Bituricensis antequam dictam Burdegalem provinciam, ut præmittitur, intraret, volens consultè & cum maturitate procedere, salvo tamen jure suæ Bituricensis Ecclesiæ & honestate sua, dictum Regis servientem, ut in tuto procederet, ita quòd à magistris suis reprehendi non deberet, & quòd de commissis sibi nihil omitteret super juribus poss. justis Ecclesiæ suæ Bituricensis & sui ipsius & prædecessorum suorum in primatia & provincia Burdegali, & de cognitionibus causarum Burdegal. tam sedibus vacantibus quàm non vacantibus, & de coercionibus quas habet in Clericos, potissimè Burdegalenses & Burdegalensis provinciæ, per litteras apostolicas, per acta judicialia, & per testes informavit, & super informatione prædicta & de modo informandi præcepit dictus Dominus Bituricensis fieri ex superabundanti cautela publicum instrumentum, unum in Gallico, quod haberet dictus Bertrandus suis ostensurum magistris, si esset necesse, & aliud in Latino penes Dominum remansurum, quorum tenor inferius annotatur.

Post hæc dictus Dominus Bituricensis suas mandavit procuraciones in hunc modum.

SIMON Dei gratia Bituricensis Archiepiscopus, Aquitania Primas, dilectis in Christo filiis Abbati & conventui de Anglia Pictavensis diocesis salutem in

Domino. Burdegalensem provinciam jure nostre primatiae visitantes, hac instanti die dominica post festum beati Matthaei Apostoli & Evangelistae ad locum vestrum intendimus declinare. Vnde vobis mandamus ut nobis & familia nostra dicta die necessaria preparatis. Datum die Martis praecedenti anno Dñi MCLXXXIV.

Die igitur dominica post festum beati Matthaei Apostoli & Evangelistae dictus Dominus Bituricensis Archiepiscopus veniens de abbazia Fontis Gombaudi parochiae de Fongombaur Bituricensis diocesis, ubi sabbato praecedenti sacros celebraverat ordines & praedicaverat, Burdegalensem intravit provinciam, Abbate Angliae se quinto in equitaturis veniente obviam Domino per leucam & amplius, & salutante Dominum cum hilaritate vultus. Et cum modicum cum Domino dictus Abbas equitasset, cum festinatione praecessit, ut se praepararet, & suos fratres & concanonicos ad recipiendum Dominum modo debito faceret praeparari. Veniente igitur Domino, dictus Abbas cum sociis suis processionaliter in capis sericis, campanis pulsatis, honorifice receperunt cantantes responsorium *Deum time*, Abbate praedicto in introitu Ecclesiae praesentante Domino aquam benedictam, & induto capam sericam, baculum sive baculum pastorem tenente; crucem, textum evangeliorum, & reliquias Ecclesiae ceteris tenentibus in processione. Dicto vero responsorio cantato & finito cum versu & Gloria, sutrexit Dominus ab oratione sua, dicens alta voce: *Sit nomen Domini benedictum*, responso, *Ex hoc nunc & usque in saeculum. Adjutorium nostrum in nomine Domini*: responso, *Qui fecit calum & terram. Benedicat vos omnipotens Deus pater & filius & spiritus sanctus*. Responso, *Amen*. Hic factis, reliquias sanctorum super altare positas deolculatus est, & postea suam cameram introivit, sua cruce semper & ubique

ubique deportata ante ipsum. Cùm verò dictus Dominus Bituricensis suam cameram, ut dictum est, intravisset in abbatia prædicta de Anglia Pictaven-
 sis diocesis, venit quidam Archipresbyter ve-
 nerabilis & discretus ex parte Domini Pictaven-
 sis cum litteris excusatoriis super eo quòd Domino
 non venerat obviam, quarum tenor sequitur in hæc
 verba.

*Reverendo Patri in Christo ac Domino, Domino Si-
 moni Dei gratia Archiepiscopo Bituricensi, Aquitania
 Primati, frater Galterus permissione divina Pictaven-
 sis Episcopus salutem cum omni reverentia & honore
 se paratum ad ejus beneplacita & mandata. Litteras
 vestras accepimus in sinibus diocesis nostræ verius An-
 degaviam Quibus receptis, mandavimus magistro Guil-
 lelmo Archipresbytero de Ambernaco ut vobis occurrat
 apud Fontem Gombaudi, pariturus vestris beneplacitis
 ac mandatis. Dictus enim Clericus, ex quo fuimus in isto
 officio, in visitando diocesim Pictavensem nobiscum fuit,
 & præ aliis viam novit. Ceterum si vobis obviam non
 venimus ita cū ut vellemus, nos excusatos habeatis.
 Non octo diebus antequam litteras vestras recepi-
 mus publicari feceramus quòd apud Mauritaniam
 ordines faceremus. quæ villa est prope Andegaviam,
 distans ab illa parte diocesis nostræ per quam intra-
 bitis, ut dicitur, ad xxxv. leucas Pictavinæ; quæ
 quales sint experientia vos docebit. Veniemus etiam
 ad vos cum Dei auxilio quamcitiùs poterimus. Bonò
 modo valeat & proficiat semper in Domino vestra pa-
 ternitas reverenda. Datum die Lunæ ante festum bea-
 ti Matthæi.*

Item cum litteris credentiæ, quantum teheor talis est.

*Reverendo in Christo Patri ac Domino, Domino Si-
 moni Dei gratia Biturici Archiepiscopo, Aquitanie
 Primati, frater Galterus eadem permissione Pictaven-
 sis Episcopus salutem cum omni reverentia & honore, &*

paratam ad ejus beneplacita voluntatem Rogamus vos ut magistro Guillelmo de Cypra Archipresb. de Ambernaco Clerico nostro latoꝝi presentium velitis fidem adhibere. Valeat vestra reverenda paternitas in Domino Iesu Christo. Datum apud Trisdecim ventos juxta Andegaviam die Iovis in festo beati Matthaei Apostoli.

Quibus litteris lectis, & dicto Archipresbytero suum Dominum Pictavensem Episcopum curialiter & discretè excusante, & cum affectu Dominum Bituricensem rogante ex parte sui Domini Pictavensis Episcopi ut ad hospitia & maneria ipsius Domini Pictavensis fiducialiter declinaret & quiesceret in eisdem pro voluntate sua, Dominus Bituricensis, excusatione prædicta admissa, benigniter & curialiter super ipsa regiatus est eidem excusans se quod ad ejus hospitia declinare non poterat ista vice. Quibus, ut præmittitur, peractis, dictus Abbas & multi de fratribus suis cum Domino comederunt & in mane & in sero, Abbate prædicto Dominum & suos sequaces peroptimè & splendidè procurante in bono pane, bono vino, bonis cibariis & pluribus, & in aliis necessariis quibuscunque. In sero verò post cœnam, præsentem Archipresbytero prædicto præmisso ab Episcopo Pictavensi, & illo qui pro Abbate & nomine suo & abbatiæ prædictæ fecerat expensas, necessaria ministraverat, & præsentibus officialibus Domini Bituricensis, fuit de expensis diligenter computatum; & omnibus computatis, videlicet pane, vino, coquina grossa & parva, equis in scæno, in avena, in lectisternio, ferratura, lumine pro equis, harnasio, cera, factura candelæ, solario portantis procurationes, lignis, tale: salariis servitorum in coquina & extra, palea, scæno pro lectis, quia non sufficebat palea, gagiis garcionum, & omnibus aliis habitis pro expensis tam solutis vel receptis per familiam Domini quam per

familiam Abbatis prædicti, summa fuit expensarum XII. libr. Turon. tribus solidis minùs; excepto quòd Abbas avenam quam manè & serò ministraverat noluit computari. Omnia computata dictus Archipresbyter, nec qui pro dicto Abbate præsentés erant, non impugnaverunt, nec verbo nec signo, nisi solum pro gagiis garcionum, & pro harnasio, & pro cera. Pro gagiis garcionum fuit computatum XI. solid. vel circiter, pro harnasio V. solid. pro cera XII. solid. pro factura IV. den. Tum curialiter fuit computatum quicquid familia Domini voluit computare, & qualitercunque voluit computare. Summa autem prædictarum expensarum attestavit dictus Archipresbyter in sua ce. & minister domus Domini in tabulis suis.

Die verò Lunæ sequenti in mane Dominus audita Missa sua celebrata per suum Capellanium de defunctis, & cum nota, sermonem inceptum per quendam suum Pœnitentiarium fratrem Hugonem nomine monachum sancti Sulpitii Bituricensis finivit, & in fine sermonis sui tetigit negotium Arragoniæ; & hymno *Veni creator spiritus* incepto, dum cantaretur, plures à Domino signum crucis receperunt. Quo facto, auctoritate Domini Papæ & Legati centum dies indulgentiæ contulit, & auctoritate sua quadraginta. Postea Dominus intravit capitulum, Abbate & fratribus aliis præsentibus in eodem. Et visitationis fungens officio, primò de statu spiritualium & officio divino & observatione regulæ loci ejusdem, & de temporalitate diligenter inquisivit. Cui respondit ut ceteri. Et per Dei gratiam omnia tam spiritualia quàm temporalia in statu debito & prospero satis erant. Super quibus Bituricensis Domino gratias referens, & se ipsorum orationibus recomendans, se & quicquid posset facere utilitatis & salutis Ecclesiæ & personis tam ex

debito quàm ex dilectione & affectione. Super quo regratiati sunt ipsi Dominus Abbas & conventus. Hæc autem notanda sunt, quòd Dominus audita Missa sua ad majus altare in vestimentis & libris satis decentibus ipsius abbatiæ fundatæ in honore sanctæ crucis finivit sermonem, ut dictum est, factum clero & populo plebe multa cum devotione astante, quamvis die pro festo. Est autem abbatia Angliæ bene sita, satis domificata ad recipiendum Prælatum & suos sequaces. Ibi Dominus Bituricensis nec confirmavit, nec tonsuravit, nec benedixit, quoniam ipsi non fuit oblatum aliquid confirmandum, tonsurandum, benedicendum.

Domino recedente ab Anglia prædicta distante ab abbatia de Fongombaut per duas leucas tantum satis mediocres, dictus Abbas Angliæ Dominum Bituricensem euntem apud abbatiam sancti Savini ordinis sancti Benedicti distantem ab abbatia Angliæ per quatuor leucas satis mediocres conduxit per duas leucas & amplius vel circiter.

Nota distributionem seu divisionem proeuratorum Domini Bituric. in provincia Burdegalensi, quæ sequitur in his verbis.

Frater Iacobus miseratione divina Prænestinensis Episcopus, apostolica sedis Legatus, licet indignus, dilectis filiis Decano & Archipresbytero Turon. salutem in Domino. Cum nos juxta mandatum apostolicum ad nos directum quinquaginta procuraciones quas venerabilis Pater Bituricensis Archiepiscopus in provincia Burdeg. secundum provisionem Domini Papa habere (liposcitur) taliter duxerimus dividendas quòd Burdeg. diocesi sex, Agennensi tres, Angolismensis tres, Petrogoricensi quatuor, Xantenensi novem, Piëtavensi viginti quinque decrevimus assignari, discretioni vestra qua fungimur auctoritate precipiendo mandamus quòd divisionem à nobis factam vice nostra faciatis

Inviolabiliter observari, contradictores per censuram ecclesiasticam compescendo: Quòd si non ambo his exequendis poteritis interesse, alter vestrum ea nihilominus exequatur. Actum apud Rothomagum iv. Nonas Junii anno Domini MCCXL.

Die Lunæ sequenti jam dicto Domino veniente ad abbatiam sancti Savini ordinis sancti Benedicti distantem ab Anglia per quatuor leucas satis mediocres, Abbas sancti Savini venit obviam in equitaturis se sexto per duas leucas vel magis. Et Domino salutato cum hilaritate, cum aliquantulum Dominus & ipse pariter super multis communibus fuissent collocuti, recessit à Domino, & processit ut ad recipiendum Dominum se pararet, & alios commonachos faceret præparari. Et cum venit Dominus, Abbas prædictus & conventus Dominum honorificè receperunt modo quo supra. Hoc responsum cantatum, *Sint lumbi vestri præcincti.* Et Dominum & suos sequaces modo quo supra procurantes in necessariis quibuscunque. Et in sero post cenam de expensis computato modo quo supra, summa fuit expensarum XII. libr. Turon. & XVI. solid.

Est autem notandum quòd sero quolibet in primatio computabantur sex libræ ceræ; scilicet quatuor pro hospitio, & duæ pro camerariis sub nomine cereorum ponendorum cum lumine ante crucem. Computabantur etiam de harnasio quinque solidi. Etiam computabantur sex denarii pro salario portantis procurationes. Computabantur similiter pro quolibet garcione non habente lectum duo denarii. Etiam panes cum sale & panes ad candelas erant illius de familia Domini qui serviebat de pane.

Item notandum est quod Eleemosynarius Domini ubique in primatia dabat eleemosynam. Et ubi frumentum non suppetebat, illi qui procurabant Dominum Eleemosynario panem ministrabant pau-

peribus erogandum. Et fuit in abbazia de Anglia computatum pro pane ministrato Eleemosynario & pauperibus erogato quinque solidi.

Die Martis sequenti in mane Dominus audita Missa sua ad majus altare in indumentis & libris ipsius abbatiæ, intravit capitulum, Abbate & conventu præsentibus, & prædicavit Latine. Sermone finito, visitavit [modo] quo supra. Interrogatus Dominus si complaceret aliquos tonsurare, respondit quòd donec prætaxis fuisset, nullos tonsuraret. Post hæc, Domino redeunte, dictus Abbas ipsum per duas leucas vel circiter, conduxit. Item notandum est quòd Dominus quosdam de Bituricensi diocesi apud S. Savinum Pictavenfis diocesis vocari fecit in iudicium coram ipso, videlicet Gaudinum Dominum de Comestort ipsi Domino super tangenti-bus executionem patris dicti Gaudini testamenti responsum, & quosdam alios quamplures, quos in camera Abbatis prædicti ante prandium & post expedivit.

Eadem siquidem die Martis post festum beati Matthæi Apostoli & Evangelistæ venit Dominus Bituricensis apud Mortuum mare, Gallicè *Mortemer*, distans ab abbazia sancti Savini prædicta per sex, leucas mediocres, nullo sibi obviam veniente. Receptus processionaliter, campanis pulsantibus, Priore ceterisque Canonicis loci ejusdem capas sericas indutis, crucem, reliquias Ecclesiæ, thuribulum cum incenso, & benedictam aquam portantibus & cantantibus hoc responsum, *Deum time*. Ibidem sunt Canonici seculares, & in procuratione mittenda ipsis scribitur, *Priori & capitulo*. Ibi siquidem est Ecclesia satis decens, hospitia minus decencia. Et ibidem à Priore & capitulo fuit Dominus satis laudabiliter procuratus & ejus sequaces. Et computato de expensis modo quo supra, summa fuit

expensarum XIII. libræ & XII. denarii Turonenses.

Die Mercurii sequenti in mane Dominus audiuit Missam suam ad majus altare ipsius Ecclesiæ, in vestimentis & libris ejusdem Ecclesiæ, præsentibus Priore & capitulo. Post Missam, requisitus Dominus si quos de choro tonsurare placeret, respondit quod antea responderat, addens quòd Dominus Pictavenfis Episcopus satis vicinus ipsis est, ad quem faciliter pro talibus poterant habere recursum. Post hæc Dominus Bituricensis diligenter quæsit ab ipsis si ipsi vel in personis aut in Ecclesia & ad spiritualia vel temporalia aliquo vel aliquibus indigerent quod posset facere vel deberet, offrens se personis & Ecclesiæ in quantum ex officii debito & dilectione & affectione teneretur. Super quo dicti Prior & capitulum Domino regratiantes, ipsi Domino conquesti sunt de familia sua, eò quòd expensas factas non ita rigidè computaverunt ut debuissent, & prout ipsi computaverant secundùm ipsorum assertionem, & ita gravabantur ut in grossis carnibus & pollatura & palea & in fœno: quibus, post multorum responsa, finaliter Dominus respondit quòd si crederent minùs fideliter computatum fuisse, venirent ipse vel mitterent Pictavis dum ipse præsens esset, & ipse libentissimè faceret fideliter computari; præsertim cùm sua familia, cujus intererat computare, jam præcessisset. Post hæc, ipsis salutaris, recessit & ivit Pictavin. Et est sciendum quod in omnibus superscriptis à principio quaterni præsens fuit Capicerius Pictavenfis, & Canonicus Lemovicensis, qui Domino Bituricensi venit obviam die Veneris præcedente apud Bruel diocesis Bituricensis, cujus nomen est magister Guido de Noelles, & fuit præsens dictus magister Guillelmus de Chipra, Archipresbyter prædictus à prædicto Domino Pictavenfi præmissus.

Eodem die Mercurii sequenti venit Dominus Pictavis distantem à Mortuo-mari per quinque leucas satis mediocres, Decano, Præposito, Priore sanctæ Radegundis, Abbate beatæ Mariæ Pictavis, Officiali, Succentore, & Cantore, in dignitatibus & personatibus constitutis in majori Ecclesia Pictavensi, necnon Abbate Auræ vallis, Abbate sancti Cypriani, & pluribus Canonicis ecclesiasticis ipsis Domino obviam venientibus per duas leucas & ampliùs. Et post modicum ipsis à Domino salutato recedentibus, & Capicerio Pictavensi recedente cum ipsis, ut ad Dominum honorificè recipiendum se pararent: qui Dominum venientem processionaliter in capis sericis, campanis pulsatis, crucem, thuribulum, aquam benedictam, textus evangeliorum, & multa alia pretiosa deportantes, receperunt cantando hoc responsorium, *Deum time*, Decano à sinistris & Cantore à dextris Dominum ab introitu Ecclesiæ per portam majorem ducentibus usque ad altare majus, & ipsi Domino, ut dictum est, assistentibus, donec Ecclesiam exivit. Et licet Dominum honorificè recepissent; dictus Decanus Domino supplicavit ut pro malo non haberet, sed pro excusatis, eo quod in processione prædicta non fuerant, tot quot voluissent, cum absentes occupati essent tam in vindemiis quàm pluribus aliis. Post hæc Domino volente intrare capitulum, ut suum expleret officium, inter ipsum & Canonicos exiit finaliter concordatum quod Dominus differret intrare capitulum usque mane crastinum. Quo factò, conduxerunt Dominum in domum suam, scilicet in domos Domini Episcopi Pictavensis; & ibidem splendide cum opulentia Dominum procurarunt, & comederunt cum Domino prædicti Decanus, Cantor, Præpositus, & Abbas beatæ Mariæ, Prior sanctæ Radegundis, Capicerius, Offi-

clalis, Succentor, & quamplures alii de Ecclesia tam Canonici quam Capellani & Clerici, in expensis capituli & in mane & in sero; & Domino quando fuit Pictavis prædicti superiores bonam & venerabilem societatem & solatium tenuerunt, & vina multa in comestionibus in potis & barrillis, ut moris est, præsentarunt. Computato de expensis hujus diei modo quo supra, summa fuit expensarum xx. libr. & xii. den. Turon.

Die Iovis sequenti, scilicet ante festum beati Michaëlis archangeli, comedit Dominus & socii ejus & plures de domicellis suis in domo Capicerii Pictavenfis, invitatus & rogatus affectuose ab ipso Capicerio, & die Veneris præcedenti apud Loruel, quando Domino primò venit obviam, licèt Dominus cum difficultate maxima concessisset. Ceteri de familia Domini, ut plures domicelli & garciones, comederunt in domo Domini in expensis Domini. In sero Dominus & sui sequentes in expensis Domini fuerunt.

Eodam die Iovis in mane Dominus intravit capitulum, & prædicavit ibi, Decano & Capitulo, ceterisque multis alijs præsentibus. Et post sermonem ostenso discretè & eleganter quanta sit utilitas Pictavenfis & Pictavenfi diocesi necnon ipsis Canonici Pictavenfis habere tam vicinum refugium ut Biturim, cùm per Bituricensem curiam suam justiciam faciliùs & citiùs consequantur, ostenso etiam qualiter Decanus & capitulum Burdegalense minùs sano ducti consilio malitiosè jurisdictionem Bituricensis, quam in provincia Burdegalensi Dominus jure primatiæ dignoscitur habere & habuisse, impediunt & nituntur impedire, rogavit Dominus præsentibus Canonicos ut si scirent in quacunque causis præfuisse quæ per appellationem ad curiam Bituricensem delatæ fuerunt & ibidem ter-

minataz, recitarent in publico, præsentibus astantibus, scilicet duobus tabellionibus, dicto Bertrando famulo Regis, & pluribus aliis fide dignis, prout omnia in instrumento publico inferius annotato dilucidè continentur. Et hæc omnia faciebat Dominus ad dictum Bertrandum informandum, ut de jure suo facilis doceret tempore opportuno. Ipso die Iovis recepit Dominus litteras à Senescalco Vasconiz continentes ista verba.

Iohannes de Greilly Miles illustris Regis Anglia Ducis Aquitania, Senescallus in ipso ducatu, dilectio suis Iohanni de sancto Ergoudo Militi in Burdegalensi & Vasconia curiis & Bertrando de Campana Militi in Xantonensi locum suum tenentibus, & omnibus alijs Ballivis suis, salutem. Cum Reverendus Pater in Christo Simon Dei gratia Bituricensis Archiepiscopus nobis exposuerit quod ad Burdegalensem provinciam intendit a cedere, vobis mandamus quatinus cum dicti Domini nostri terram intraverit, sibi vestrum pro eodem Domino nostro & nobis offerentes servitium, & exhibentes honorem, ipsum & suos in personis & rebus quando eris in districtu Domini nostri, a violentiis & injuriis defendatis, & si quid forefactum fuerit, illud faciatis celeriter emendari, cum ab ipso vel mandato suo fueritis requisiti, taliter super his vos habentes quod de vobis se possit merito commendare ac de negligentia vestra nequeat habere materiam conquerendi. In vos etiam redundabit, si quid inventum fuerit vos contra ipsum vel suos egisse vel sustinuisse: de quo debeat redarui vel puniri. Datum Parisius in crastino beati Matthæi Apostoli anno Domini MCCXCIV. Item alias in hæc verba

Reverendo in Christo Patri suoque carissimo Domino Simoni divina providentia Bituricensi Archiepiscopo Ioannes Greilly Miles paratam ad ejus bene-

placita voluntatem. Licet ad partes Vafconia dirigeremus libentius quàm alibi gressus nostros, propter aliqua tamen tam domini nostri quàm nostra negotia nos oportet ad præfens à recto regressus nostri tramite deviare, ita quòd tam cito sicut sperabamus in illis paribus non poterimus inveniri. De quo propter adventum vestrum nobis noveritis displicere, cum personam vestram vellemus sicut patris & domini honorare. Quamobrem locum nostrum tenentibus damus per nostras litteras in mandatis ut vos & vestros à violentiis & injuriis protegant & defendant, prout in litteris nostris apertis, quas vobis mittimus, videre poterit contineri. Si quid autem vestra fœderic voluntari quod nobis mandare verius, illud prout poterimus conabimur adimplere. Valeat paternitas vestra bene & d. u. Datum Parisius in crastino beati Matthei Apostoli.

Die Veneris sequenti prædicavit in Ecclesia majori Pictavenfi & de cruce Arragoniæ, & multos cruce signavit. Finito sermone visitavit abbatiam sancti Cypriani Pictavenfis ordinis sancti Benedicti, receptus processionaliter ab Abbate & conventu in capis sericis, campanis pulsatis, cantando *Deum time*, & cum omni alia solemnitate, & procuratus ab Abbate prædicto, & in domibus Pictavenfis Episcopi, Priore sanctæ Radegundis, Abbate sanctæ Cypriani, Cellerario, & multis aliis de monachis suis comedentibus cum Domino die illo. De expensis hujus die fuit computatum modo quo supra, & fuit summa expensarum xix. libr. & x. solidi. Eodem die Veneris, scilicet festo beati Michaelis archangeli, post visitationem prædictam celebravit Dominus magnam Missam ad majus altare beatæ Mariæ in pontificalibus, utendo pallio & sandaliis, Capicerio Diacono & Abbate beatæ Mariæ Subdiacono existentibus in illa Missa. Scribi-

tur autem procuratio in abbazia sancti Cypriani prædicta, *Abbati & conventui.*

Die sabbati sequenti post festum beati Michaëlis visitavit Dominus Ecclesiam beatæ Radegundis, ubi sunt Canonici regulares, & visitavit Ecclesiam sanctæ crucis, ubi sunt moniales ordinis sancti Benedicti, unam post aliam, receptus utrobique modo quo supra. Et prædicavit in capitulo monialium, ipsis monialibus astantibus, in Gallico, Abbatissa absente. Finito sermone, Dominus ad majus altare sanctæ crucis in pontificalibus celebravit cum sandaliis & sine pallio, & dedit indulgentiam & absolutionem post sermonem, procuratus à capitulo sanctæ Radegundis, & conventu sanctæ crucis Ecclesiarum prædictarum in domibus Domini Pictavenfis Episcopi. Computato de expensis totius diei modo quo supra, summa fuit xv. libræ. Modus scribendi pro procuratione habenda in locis prædictis est iste, *Priori & capitulo sanctæ Radegundis, & Abbatissæ & conventui sanctæ crucis Pictavenfis.* Cum Domino comederunt Prior sanctæ Radegundis & Capicerius prædicti.

Die dominica sequenti post festum beati Michaëlis, & in festo beati Remigi, primo die mensis Octobris, fecit Dominus prædicari per fratrem Simonem de ordine Minorum socium familiarem suum in Ecclesia majiori Pictavis de cruce Arragoniæ, & multos cruce signavit, & indulgentiam dedit auctoritate sibi commissa per Dominum, Domino in sua camera remanente. Facto sermone & post Missam Domini, quam audivit Dominus in capella domorum Domini Episcopi Pictavenfis, accessit Dominus ad abbatiam monasterii novi in suburbio Pictavenfi ordinis Cluniacensis, Abbate loci ejusdem tunc absente, receptus ibidem à Priore & conventu valde solemniter modo quo supra,

ipsis cantantibus *Deum time*. Dominus ibi non visitavit, quia locus & personæ sunt exemptæ, dum obtulit se Dominus quicquid posset Ecclesiæ & personis, procuratus ab ipsis Abbate & conventu prædictis in dictis domibus Domini Piëtavenfis. Cum Domino comederunt Decanus, Præpositus, Cantor, Capicerius, Officialis, Succentor, Prior sanctæ Radegundis, Abbas beatæ Mariæ, & plures alii tam Capellani quam Clerici de Piëtavenfi Ecclesia & aliunde. Computato de expensis totius diei modo quo suprà, summa fuit xiv. libr. xviii. solid, duobus denariis minùs.

Die Lunæ sequenti, secunda die mensis Octobris, Dominus exivit civitatem Piëtavensem post Missam suam. Ipsum conduxerunt dicti Cantor, Officialis, Prior sanctæ Radegundis, Abbas beatæ Mariæ, & plures alii. Domino veniente ad prioratum de Lezeigniaco distantem à Piëtavis per quinque leucas satis mediocres, sibi venit obviam Prior dicti loci in equitaturis se quinto, quoniam Abbas præsens non erat; & receperunt Dominum Prior & sui socii valde solemniter modo quo suprà cantantos *Deum time*, & post, *Alma redemptoris mater*, & procuraverunt Dominum & suos sequentes. Eleemosynarius Domini semper & ubique eleemosynam pauperibus erogavit. Cum Domino venit Capicerius Piëtavenfis. De expensis computatio modo quo suprà, summa fuit xiv. libræ, xii. solidi. Illo eodem die Lunæ, dum Dominus esset Piëtavis, venerunt quidam pro Abbate sancti

Die Martis sequenti venit Dominus apud prioratum sancti Hilarii de Metullo distantem à prioratu de Lezeigniaco per vii. leucas Piëtavinas. Prioratus est S. Iohannis Angelliacensis Xantonensis diocesis, Gallicè *Anjelle*, Priore tunc absente. Ibi Dominus receptus fuit processionaliter cum omni sol.

prædicavit in capitulo, Domino præfente, Abbate, conventu, & aliis, clero populo abstantibus, & dedit indulgentiam. Abbas & quidam concanonici sui cum Domino comederunt. Dominus & sui fuerunt ibi procurati. Ibi est locus pulcherrimus. Pro procuratione scribitur, *Abbati & conventui*. Computatis expensis totius diei modo quo suprà, summa fuit

Die Iovis sequenti, Domino veniente post Missam suam apud abbatiam sancti Severini ordinis sancti Augustini distantem ab abbazia sanctæ Mariæ de Cella per quinque leucas Pictavinas, Abbas sancti Severini sibi venit obviam, & salutato Domino, recessit se paraturus ad Dominum recipiendum, quem, cum veniret, Abbas indurus capa serica & renens cambucam, & conventus processionaliter receperunt, campanis pulsatis, cantantes *Sint lumbi*, & cum omni alia sollemnitate. Quo facto, Dominus introivit Capitulum, & fecit ibi sermonem, clero & populo, Abbate & conventu præsentibus, per fratrem Iohannem socium fratris Simonis prædicti. Dominus comedit in refectorio, Abbate & quibusdam suis sociis comedentibus cum eo, & procuratus ab ipso satis laudabiliter. Computato de expensis totius diei modo quo suprà summa fuit

DIOCESIS PICTAVENSIS.

Die Veneris sequenti post festum beati Remigij hyemalis exivit Dominus Bituricensis diocesim Pictavensem, & intravit diocesim Xantonensem, litteris ad Dominum Episcopum Xantonensem præmissis, quarum tenor talis est.

Simon Dei gratia Bituricensis Archiepiscopus, Aquitania Primas, venerabili viro Ganfrido eiusdem gra-

tia Xantonensis Episcopo, salutem, & cum sincera in Domino caritate paratam ad ejus beneplacita voluntatem. Significamus vobis quòd die tali post festum tale jure primatia Burdegalensem provinciam visitantes, vestram dioecesim Xantonensem intrare proponimus, Domino concedente. Vnde vestra fraternitati rogando mandamus quatenus nobis mittatis unum de Clericis & familiaribus vestris qui nobis die tali vel citius apud talem locum occurrat, & qui patriam sciat, nosque conducat, & faciat cetera consueta. Dolemus enim quamplurimum quia vobiscum loqui non potuimus Parisius pro nostra debito voluntatis in convocatione Prælatorum, quia vos & nos, prout scitis, ita negotiis eramus occupati & compressi quod alter alteri ad votum loqui non potuit illa vice, sed [Deo] dante cum vos videbimus, bene recuperabimus, & quod vobis credemus placitum libentissimè faciemus. Valeat vestra fraternitas per tempora longiora. Datum Pictavis in festo beati Michaelis archangeli anno Domini millesimo ducentesimo octogesimo quarto.

Rescriptio D. Episcopi Xantonensis ad Dominum Bituricensem est ista.

Reverendo in Christo Patri ac Domino Domino Simoni divina providentia Archiepiscopo Bituricensi, Aquitaniaque Primati, Gaufridus eadem permissione Xantonensis Episcopus, salutem & debitam reverentiam cum honore. Paternitatis vestrae litteras continentes quòd procuracionem vestram, quam ad locum nostrum mandaveratis hac instanti die Veneris post festum beati Remigii ad diem sabbati proximo subsequenter ex causa necessaria commutatis, benignè recepimus, & grater commutationem illam ratam habentes pariter & acceptam, eidem paternitati vestrae tenore presentium intimamus quòd dicta die vos quantum poterimus honorare proponimus, prout decet, ac de jocundo adventu vestro plurimum congratulantes,

Ad vos mittemus aliquem de nostris ad abbatiam sancti Severini proxima die Iovis; & die Veneris sequenti vos videbimus, Domino concedente. Bene & diu valeat in Domino vestra paternitas reverenda. Datum die Martis post dictum festum.

DIOCESIS SANTONENSIS.

Die Veneris sequenti post festum beati Remigii hyemalis Dominus Bituricensis Archiepiscopus, audita Missa sua apud sanctum Severinum in vestimentis & libris abbatiae, de Pictavenfi diocesi Xantonensem diocesim intravit, veniendo ad abbatiam sancti Iohannis Angeliacensis distantem a sancto Severino per quinque leucas, Cambrelinco & quibusdam aliis monachis sancti Iohannis obviam Domino venientibus per duas leucas & plus, cum Abbas dicti loci adeo prae senectute sit debilitatus quod equitare non potest. Eodem die Veneris Dominus Xantonensis Episcopus Domino Bituricensi venit obviam cum venerabili comitiva ferè per duas leucas, & Dominum Bituricensem & suos sequaces reverenter salutavit & lætanter, & ipsum usque ad abbatiam sancti Iohannis associavit. Burgenses etiam sancti Iohannis venerunt obviam Domino Bituricensi in multitudine magna plusquam per leucam; salutato Domino cum reverentia & honore, Dominum devotissime rogaverunt cum effectu, ut cum ipsis & in expensis ipsorum per diem unum morari placeret, & ad hoc omnes burgenses prædicti una voce clamosa non cessabant instare, & Dominum Xantonensem Episcopum cum instantia rogaverunt ut Dominum Bituricensem ad hoc inducere laboraret, ut cum ipsis, ut prædictum est, moraretur. Super quibus Domino excusante ipsorum precibus non posse condescendere illa vice, dum dietas suas & viam suam jam præordinasset, &

ipsis multiplicatas grates referente de curialitatibus ipsorum sibi exhibitis & oblatis, venit ad abbatiam prædictam sancti Iohannis, ubi receptus fuit processionaliter, campanis pulsatis, ab Priore & conventu dicti loci in capis sericis & cum omni alia reverentia & solemnitate modo quo supra, Domino Episcopo Xantonensis a dextris & Cambrelino prædicto a sinistris Dominum ab introitu monasterii conducentibus usque ad majus altare. Dominus tamen Xantonensis Episcopus non mutavit capam quam habuerat equitando. His rite peractis, Dominus intravit capitulum, & ibi prædicavit clero & populo Gallicè & Latinè, Domino Xantonensi & multitudine alia clericorum & laicorum præsentibus & assistantibus ibidem. Et post sermonem dedit indulgentiam. Qua data, & remotis qui non erant de capitulo, præter familias Dominorum Bituricensis & Xantonensis, Dominus obtulit se & quicquid posset ex officio & ultra officium quicquid posset ex dilectione & devotione monasterio & personis. Post hæc Dominus Xantonensis Dominum Bituricensem in cameram suam conduxit. Quo conducto, recessit à villa, nec cum Domino comedit illa vice. Dominus procuratus fuit ab Abbate & conventu, & comedit Abbas cum Domino. Eleemosynarius Domini dedit eleemosynam pauperibus. Frumento non sufficiente, sibi fuit panis ministratus. Computatis expensis totius diei modo quo supra, summa fuit.....

Sabbato sequenti Dominus Missam beatæ Mariæ ad majus altare solemniter alta voce & in pontificalibus celebravit, nec fuit usus pallio. Frater Simon prædicavit, & multos crucè signavit, & dedit indulgentiam. Nota quòd quando Dominus receptus fuit, cum surrexisset ab oratione sua, fuit Domino oblatus liber, & dixit versiculum, *Fuit homo missus à Deo*, responso, *cui nomen erat Iohannes*

dixit collectam de beato Iohanne. Postea fuit in capitulo, ut dictum est. Finita Missa & sermone, iuit Dominus apud Xantonicas.

Eodem die sabbati ante festum beati Dionisii, Domino Bituricensi eunte apud Xantonas, Decanus & Cantor, & Canonici Xantonenses, Prior sancti Eutropii Xantonensis, & Prior de sancta Gemma Domino venerunt obviam per duas leucas, & salutato Domino, recesserunt. Dominus intravit civitatem Xantonensem. Episcopus Xantonensis indutus capa serica pretiosa, mitram habens in capite, cambucam in manu & annulum, & capitulum & ceteri clerici capis sericis induti, cantando *Sint lumina*, processionaliter cum cruce, reliquiis, textu evangeliorum, thuribulis, ceteroferariis cum cereis ardentibus, dicto Domino Xantonensi aquam benedictam ipsi Domino Bituricensi efferente, in introitu maioris Ecclesie receperunt, campanis pulsatis & cum omni alia solemnitate, ut est moris. Finito responso, surgente Domino ab oratione sua, dixit versiculum *Annuntiaverunt*, & collectam de Apostolis, Domino Xantonensi sibi librum portante & tenente ex una parte, scilicet a dextris, & Decano a sinistris. Hoc facto, duxit Dominus Xantonensis Dominum Bituricensem in domibus suis; & comederunt dicti Bituricensis & Xantonensis Domini insimul in eadem mensa in domibus Episcopi, Cantore solum de Canonicis Xantonensibus comedente cum ipsis. Eleemosynarius Domini Bituricensis collegit eleemosinam & dispersit pauperibus, familia Domini Xantonensis sibi adjuvante; & habuerunt omnes pauperes eleemosinam quotquot fuerunt; Eleemosynario Domini Xantonensis panem ministrante ubi defuit frumentum. De expensis totius diei more solito ut supra fuit computatum, & fuit summa expensarum,

Dominica sequenti in mane, die festo beati Dionysii, Dominus Bituricensis in Ecclesia majore clero & populo prædicavit, Xantonensi Episcopo & Canonicis præsentibus, & propter hoc astantibus ibidem. Et factò sermone, multos cruce signavit crucis Arragoniæ, *Veni creator spiritus*, & dedit indulgentiam centum dierum auctoritate Domini Pape, XL. de auctoritate sua, & Dominus Xantonensis XL. dierum. His factis, intravit capitulum, & ibi visitavit, Domino Xantonensi & capitulo præsentibus ibidem. Post hæc celebravit Missam ad majus altare solemniter in pontificalibus, utendo pallio, licet esset simplex dominica. Sed quia in instrumento publico fuit inventum Dominum Iohannem quondam Bituricensem Archiepiscopum prædecessorem Domini in dominica simplici, scilicet in quindenis paschæ, eodem modo celebrasse cum pallio, propter hoc Dominus usus est pallio illa vice. Post Missam Dominus Bituricensis in præsentia Domini Xantonensis multa sacerdotalia corporalia & calicem unum benedixit & consecravit. His factis, ivit Dominus apud sanctum Entropium prioratum Cluniacensem Xantonis, Domino Xantonensi comitivam faciente. De dictis cruce signatis multi petierunt litteras, quibus concessæ sunt in hæc verba.

Nos Simon Dei gratia Bituricensis Archiepiscopus, Aquitania Primas, notum esse volumus universis quòd anno Domini M. ducentesimo octogesimo quarto, dominica die ante festum beati Dionysii, apud Xantonas mandatum apostolicum nobis injunctum exequentes, verbum Dei & de sancta cruce pro negotio Arragoniæ sollicitudine diligenti prædicando, cleri & populi multitudine assistente, talis à nobis signum dictæ crucis cum humili devotione recepit. In cuius rei testimonium sigillum nostrum præsentibus est appensum. Datum die, loco, & anno prædictis.

Item nota quòd procuratio Domino Xantonensi,

Decano & capit. loci mandata fuit in hunc modum.

Simon &c. venerabili fratri in Christo G eadem gratia Dei Episcopo Xantonensi, ac dilectis in Christo filiis Decano & capitulo loci ejusdem, salutem & sinceram in Domino caritatem. Burdegalensem provinciam jure primatie nostra visitaturi ac instanti tali die post tale festum ad locum vestrum intendimus declinare. Vnde vobis mandamus quatinus dicta die nobis & familia nostra procuracionem nostram praparetis. Datum, &c.

Eadem die dominica ante festum beati Dionysii fuit Dominus Bituricensis receptus processionaliter modo quo suprà in dicto prioratu sancti Eutropii, & procuratus est. Et fuit computatum de expensis modo quo suprà. Summa expensarum fuit.

Die Lunæ sequenti in festo beati Dionysii venit Dominus ad prioratum sancti Martini de Ponte Xantonensi, receptus & procuratus solemniter modo quo suprà. Computato de expensis ut suprà, summa fuit expensarum. ... Et distat dictus locus, videlicet prioratus de Ponte prædictus, à Xantonis per quatuor leucas. Illa die Dominus audivit Missam suam in dicto prioratu sancti Eutropii in vestimentis & libris ipsius prioratus.

Die Martis sequenti Domino Bituricensi post Missam suam auditam in dicto prioratu de Ponte veniente apud prioratum de Niorro prope Mirabellum distantem à Ponte per quinque leucas, antequam ibi veniret, declinavit ad abbatiam albam de Tenalla, Gallicè *de la Tenalle*, distantem à Ponte per quatuor leucas; ubi fuit receptus processionaliter modo quo suprà, Abbate dicti loci obviam Domino veniente per quatuor leucas. Ab illa abbazia venit Dominus ad dictum prioratum de Niorro, ubi receptus fuit procuratus solemniter modo quo suprà. Et venit cum Domino & comedit dictus Abbas & dedit Dominus Abbati prædicto & suis licentiam & præ-

ceptum carnes comedendi, præsertim cum pisces in sufficientia non possent haberi. Expensas factas totius diei solverunt dicti Abbas de Tenalla & Prior de Niorto, quilibet pro medietate, ne alter ipsorum solus in solutione nimis gravaretur. Nota quod fuit procuratio scripta dictis Abbati & conventui & Priori ab ipsis insimul apud dictum prioratum de Niorto Domino præparanda. Summa fuit expensarum

DIOCESIS BURDEGALENSIS.

Die Mercurii sequenti post festum beati Dionysii exiit Dominus Bituricensis diocesim Xantonensem, & intravit diocesim Burdegalem. Venienti de Niorto abbatiam sancti Romani de Blavia Burdegalensis diocesis, ubi est distantia scilicet inter Niortum & Blaviam septem leucarum, Domino Bituricensi veniente usque ad introitum Blaviæ, Abbas sancti Romani de Blavia obviam venit Domino, uno tabellione & quibusdam aliis secum. Domino salutato ab eis, dixit Abbas Domino: Domine, scitote quod libenter & libentissimè vos reciperem quantum est de me, & doleo vehementer quod secundum meum desiderium expleri non possum, sed à Dominis nostris Decano & capitulo Burdegalensi in mandatis recipi ne vos admittam ad visitationem nec ad procuracionem ratione primatiæ; sed si ratione provisionis seu ordinationis factæ per Dominum Gregorium Papam IX. inter Bituricensem & Burdegalem Archiepiscopos petitis admitti ad præmissa, parati sumus vos recipere honorificè & eo modo quo debemus; sed jure primatiæ nullo modo vos recipereamus, cum nobis sit inhibitum à prædictis, de quorum inhibitione & mandato offerimus vobis facere fidem; & si alias quam ut præmissum est petitis admitti, scitote nos in monasterio nostro ad sedem

apostolicam appellasse cū vestros nuntios & familiam vestram vidimus prævenire; cui appellationi adhæremus, & supponimus nos protectioni ejusdem. Ad hoc Dominus Bituricensis respondit quod jure suæ Bituricensis Ecclesiæ & suo & omni jure sibi competente Burdegalensem provinciam visitabat, & eo jure petebat admitti eo modo quo sui prædecessores admissi fuerant, nec intendebat à provisione prædicta recedere nec eam infringere, sed in omnibus & per omnia desiderabat servare & servari facere. Hanc autem responsionem Dominus pluries repetiit, nec in sua responsione variavit. Tandem verbis partis utriusque residentibus in finibus istis, Abbas festinanter præcessit processionem paraturus, & Dominum unā cum suo conventu processionaliter receperunt, cum omni alia solemnitate & reverentia qua supra. Domino recepto sicut præmittitur, intravit capitulum, & ibi fecit fratrem Simonem prædicare clero & populo ibidem assistenti in multitudine copiosa. Dum prædicaretur & jam in prædicatione processum fuisset, Major ecce & majores communis Burdegalensis intrant capitulum, Dominum cum reverentia & honore & lætitia salutarunt. Quibus Dominus assurgens cum maturitate qua decuit, & ad relativam salutationem recipiens citius pro quibusdam expediendis prædicator sermonem finivit. Qua finito, Domino de capitulo recedente, accessit quidam dicens se velle appellare ex parte dictorum Decani & capituli Burdegalensis, quædam incepit legere, sed Dominus non arrestavit, sed suam cameram intravit cum multitudine supervenientium numerosa. Dictus legens videns se non abscondari, cessavit legere, & recessit. Postmodum venerunt dicti Decanus & capitulum, seu multi ac quidam de capitulo Burdegalensi: qui cameram Domini intrantes,

& Gardianus fratrum Minorum cum tribus suis sociis, & duo Prædicatores, & plures alii Dominum stantem invenerunt, & Dominum cum reverentia salutarunt, & Dominus ipsos. Postea sedentibus omnibus, proposuit scilicet quidem Decanus sancti Severini Burdegalensis magister in Decretis, ut dicebatur, nomine Decani sociorumque ejus & capituli & omnium aliarum Ecclesiarum civitatis & diocesis & totius provincie Burdegalensis ac suffraganeorum ejusdem quòd si placeret Domino quòd ratione provisionis prædictæ tantum & non jure primatiæ, cum non esset Primas, nedum ipsorum, ut dicebant, libenter reciperent cum reverentia & honore, sed si jure primatiæ peteret admitti, aut ut Primas, ipsum nullatenus admitterent, quia nunquam Bituricenses Archiepiscopos receperunt nec intendunt recipere aut tenere pro Primate in futurum, ut dicebant, licet super jure primatiæ aliquando inter Bituricensem & Burdegalensem Archiepiscopos fuerit litigatum; & dicebat se nomine quo supra gravari in hoc quòd Dominus dicebat se Primatem, cum non esset, & quòd dicebat se jure suæ primatiæ Burdegalensem provinciam visitare, cum in provisione prædicta non definiatur quòd sit Primas, & cum ratione primatiæ seu jure dictam provinciam visitare non habeat, sed ratione solum provisionis prædictæ, virtute cujus provisionis Domino Bituricensi debentur quinquaginta procuraciones in provincia Burdegalensi. Nec faciebat pro Domino Bituricensi, ut dicebat dictus Decanus, quòd in provisione ipsa dicitur quòd sicut aliàs ipsi scriptum est Primati, ita de cetero scribatur; quia per hoc non dicebatur ipsum esse Primatem, cum non diffiniendo nec cum decreto præmissa scribantur ibidem. Dicebat etiam quòd sicut ex prædicta provisione Burdeg-

lensis Ecclesia & Burdegalensis Archiepiscopus & provincia Burdegalensis obnoxii sunt Bituricensi Archiepiscopo & Ecclesiæ ejus, ita vice versa, sicut liquet ex provisione prædicta. unde si jure primatiæ præmissa petat, nullo modo permetterent, licet aliàs personam ipsius multùm vellent honorare, sed ratione prædictæ provisionis offerebant ei & in præsentia tabellionis facere ea ad quæ tenentur secundùm tenorem provisionis, dum tamen jure primatiæ non peteret illa. His peroratis, Dominus regratiatus est Decano Burdegalensi & suis super curialitate oblata de ipsum velle honorare secundò quòd videbantur sibi viri discreti & maturi & bonæ voluntatis, ut credebat, sibi fuisse præmissi, dum tamen ipsi complerent quod dicebant. Ad cetera omnia præmissò quod de provisione seu super ipsa disputare volebat ad præsens, eandem responsionem fecit quam primò, adiciens quod volebat & multùm desiderabat quòd si in aliquo oberraret vel jam erraverat, viderent homines sapientes & probi, & ostenderent in quo, ab errore libentissimè supersederet, & errata jam si errasset revocaret, quod tamen non credebat, nec vellet, nec erat intentionis suæ nec unquam fuerat contra provisionem prædictam venire nec eam infringere in aliquo, sed eandem acceptabat & libenter servare volebat, nec per modum quo scriptum fuerat in provisione mandata, ipsi provisioni intendebat derogare, seu in aliquo præjudicium generare; & ex abundanti & pro bono pacis, concordiæ, & caritatis eis obtulit se sibi daturum litteras quòd à provisione dicta recedere non intendebat, sed in omnibus & per omnia in ipsa contenta servare volebat & desiderabat sibi similiter integrè servari nec in aliquo contraire, & quòd procuracionem, visitationem, & alia jure

suæ Bituricensis Ecclesiæ & suo & omni jure sibi competentem quo poterat & debebat, secundum ordinationem seu provisionem prædictam petebat, & eo modo quo prædecessores sui & eo jure admissi fuerant ad præmissa, eisdem & non aliis petebat admitti. Et hæc oblata ab ipso & modo offerendi in omnium assistentium memoriam rogavit inseparabiliter affigi, & super his per præsentis Notarios sic fieri publicum instrumentum. Tunc dixit quidam à latere quòd omnia reducerentur ad effectum. Dominus dixit quòd paratus erat quantum erat in eo, & vellet centum marchas dedisse quòd Burdegalenses Domini ita tenderent ad pacem & concordiam & juris cujuslibet conservationem & ad æquitatem quantum ipse anhelabat. Et tunc Decanus & sui se traxerunt ad partem, & Dominus ivit ad Ecclesiam, & audivit Missam suam ad majus altare. Interim fabricata fuit quædam littera & concordata cum maxima difficultate partium, quæ sequitur in hæc verba.

Simon Dei gratia Bituricensis Archiepiscopus, Aquitania Primas universis presentes litteras inspecturis salutem in Domino. Noveritis quòd intentionis nostræ non fuit nec est contra provisionem seu ordinationem dudum factam inter Bituricensem & Burdegalensem Archiepiscopos per pia memoria Dominum Gregorium Papam IX. volentem prædictis Archiepiscopis & eorum Ecclesiis providere super jure primatiae Burdegalensis provincie aliquid indebitè usurpare, quin potius prædecessorum nostrorum vestigiis inherentes, provisionem seu ordinationem eandem tam in visitationibus quàm procurationibus & aliis hujusmodi quantum secundum Deum & justitiam & juxta Bituricensis Ecclesiæ possumus bona fide intendimus observare. In cujus rei testimonium sigillum nostrum præsentibus duximus apponendum. Datum apud Blaviam

Burdegalenſis dioceſis anno Domini MCC. octogeſimo quarto, die Mercurii poſt feſtum beati Dionyſii.

Qua ſigillata & à Decano & ſuis de ſcrupulo ad ſcrupulum ruminata corroſa, tandem viſi ſunt acceptare, dicentes tamen quòd ad plenum eam non poterant acceptare, niſi priùs oſtenſa in capitulo eorundem, cum de dicto capitulo plures eſſent alii ſapientes & probi & potentes ſine quibus nihil poterant expedire, ſed eam libenter ſuis ſociis oſtenderent & audirent quid placeret eis. Poſt hoc Dominus eos rogavit ut cum ipſo comederent; qui noluerunt, dicentes jam comediſſe. Poſt hæc Decanus Dominum cum effectù & iſtantiſſimè rogavit ut cum ipſo ſaltem una die moraretur, quod facere Dominus reſuſcitavit, ſe curialiter & amicabiliter excuſando. Tunc reſeſſerunt Decanus & ſui, Domino cum reverentia ſalutato; & Dominus comedit, & Abbas cum eo & multi alii in domibus abbatiæ, & procuratus modo quo ſuprà. Computato modo quo ſuprà de expenſis dictæ diei ſolutis per Abbatem, ſumma fuit . . .

Eodem die venit, Domino ſedente in menſa, D. Helias Abbas ſancti Aſterii ſecularis Eccleſiæ Petragoricenſis dioceſis conſervator Domini Bituricenſis ſuper proviſione prædicta. Poſt comestionem Major & burgenſes Burdegalenſes venerunt viſum Dominum in camera ſua cum buccinis & in magna ſolemnitate & veneratione, & biberunt cum Domino, & de drageia comederunt. Eadem die in vesp̄is & in clauſtro dictæ abbatiæ denunciavit Officialis Domini, multitudine hominum ibi ſtante & ſedente in figura iudicii, quaſdam appellationes à quibuſdam burgēſibus Burdegalenſibus ab audientia Officialis Burdegalenſis ad Bituricenſem Archiepiſcopum vel ejus Officiale interjeſtas legitimas, & canonicè fuiſſe appellatum &

appellationes tenere, revocando in irritum quicquid post appellationes, &c.

Die Iovis sequenti ante diem Domino & suis surgentibus & venientibus supra portum de la Gironde, & suas matutinas dicentibus ibidem. dum pararetur navigium, paratis omnibus suam navem intravit, & alii naves alias prout potuerunt. Et dum equi ponerentur in navibus, palefredus Capicerii Pictavenfis socii Domini cecidit in aquam in valore lx. librarum Turonensium, vel majori, & ibi in brevi hora fuit submersus. Dominus descendit ad portum de Mauca distantem à Blavia per tres leucas, & apud Maucam suam Missam audit in vestimentis & libris ipsius Ecclesiæ. Dicti Major & burgenses dictam aquam cum Domino in diversis navibus transierunt & Dominum associarunt usque Burdegalensem civitatem distantem à dicta villa de Mauca per quatuor leucas longas. Multi burgenses Burdegalenses cum prædictis Domino venerunt obviam bene in quingentis equis & plus, plusquam per leucam, & Dominum ut Primatem suum reverentissimè cum salutatione devota receperunt. Domino transitum per civitatem faciente, & à dextris & sinistris suam benedictionem humiliter expectantibus & inclinatis ad eandem suscipiendam distribuyente & largiente, ad abbatiam sanctæ crucis Burdegalensis declinavit; & cum eandem pacificè & absque contradictione aliqua crederet intrare, præsertim cum præcursores Domini, & cocus clericus coquinæ, ostiarius Domini, marescallus, pincerna, ceterique officiales Domini cum saumariis ad argentum & vexelamentum argenteum benigniter cum hilaritate vultus ibi fuissent recepti, & intus sua cibaria præparata & necessaria quæsitæ, tamen undique valvas Ecclesiæ clausas invenit, nec sibi patuit aditus, nec sibi vo-

Iuerunt aperire qui clausas tenebant, licet cum instantia pluries ut aperirent requisiti. Tandem venerunt Decanus Burdegalenſis & Decanus ſancti Severini & alii plures cum eis ad Dominum ſtantem ante valvas, & ei dixerunt: *Domine cariffime, litteram quam heri dedisti apud Blaviam in capitulo legimus & ostendimus concanonicis nostris; qua lecta & audita, non placuit eis, nec fuerunt ea contenti, ac tamen, si ratione compositionis seu provisionis aut ordinationis predicta petitis admitti ad visitationem & procurrationem, parati sumus & vobis offerimus facere quod debemus secundum tenorem provisionis predicta, & hoc offerimus in presentia tabellionum hic assistentium, & petimus super his fieri nobis publicum instrumentum; & si alias contra nos procedere intenditis aut petere, & ne procedatur, ad sedem apostolicam appellamus, & ejus nos supponimus protectioni.* Tunc Dominus, tabellionibus publicis vocatis, & Prædicatoribus, Minoribus, & aliis adstantibus, dixit voce viva: *Domini hic adstantes, precor vos attendite & videte & memoria commendate quod nos jure nostra Bituricensis Ecclesie & nostro & omni jure nobis competenti juxta tenorem provisionis predicta ad visitationem & procurrationem petimus admitti, secundum quod predecessores nostri Burdegalensem provinciam visitantes fuerunt admissi ad præmissa, scientes quod non est intentionis nostra nec unquam fuit à provisione predicta recedere nec intendimus, sed observare petimus diligenter, nec in aliquo aut aliquibus contentis in ipsa contraire, & cum instantia petimus nobis reservari, & hoc petimus in publicam formam redigi & astantes inscribi.* Et dixit subſequenter: *Monemus vos primo, ſecundo, & tertio Decanum Burdegalenſem & Decanum ſancti Severini & vos omnes alios ipsis aſſiſtentes ne nos ex officii noſtri debito viſitare vo-*

lentes nostram visitationem aliquatenus impediatis. Et quia manifestè patet quòd contra Deum & justitiam nostram non cessatis impedire visitationem, immo plus & plus impeditis, vos in his scriptis, vestra exigente contumacia, excommunicamus, & vos excommunicatos publicè nuntiamus. Et tunc quidam ex parte Decani Burdegalensis, ut dicebat, & nomine capituli in cedula quadam nescio quædam cœpit legere, sed præ clamore nimio non potuit exaudiri. Tunc Dominus conversus ad fores Ecclesiæ sanctæ crucis Abbatem & conventum, licèt eos non videret, primò, secundò, tertio monuit ut ipsum ad visitationem & procurationem admitterent, ut præmittitur, & ut tenebantur secundùm provisionem præmissam, & in monendo ad fores pulsabat. Et cùm videret se ad præmissa non admitti, nec ipsos monitionibus suis parere, in scriptis excommunicavit eosdem, & suum executorem prædictum rogavit ut id faceret ad quod erat deputatus. Et tunc dictus conservator dictos Abbatem & conventum modo quo suprà monuit ut Dominum reciperent ad præmissa secundùm tenorem provisionis prædictæ; quos monitis suis parere nolentes excommunicavit in scriptis, & Ecclesiam ecclesiastico supposuit interdicto, quam jam Dominus supposuerat eidem interdicto. Et post hæc Dominus per longum tempus cum confusione, rubore & verecundia stans ad fores clausas Ecclesiæ, plebe infinita astante, videns quòd nihil haberet quod ultra posset facere, faciens per solemnes nuntios, ut per Capicerium Pictavensem, Gardianum, & Priorem Prædicatorum Burdegalienfium, & plures alios procurare & tractare si dictas visitationem & procurationem impediennes possent aliquatenus inducere ad aliquam viam pacis & concordie & mansuetudinis; sed ipsorum tractatus nullum consecuti sunt effectum.

Tunc Dominus dixit altantibus : *Dominè, videre quantam humilitatem, mansuetudinem, patientiam eis obtulimus, sed nihil humanitatis invenimus.*

Anno Domini M C C. octogesimo quarto, die Mercurii in festo beati Lucæ, audivit Dominus Missam in aula archiepiscopali. Qua audita, venit ad Dominum magister Bonitus de sancto Quintino Archidiaconus in Ecclesia Lemovicensi, Clericus Regis Angliæ, volens honorare Dominum, & cupiens quod obediretur Domino per totam senescalliam Agennensem, D. Augerio Motet Militi Senescallo Agennensi scripsit in hæc verba.

Clarissimo suo Domini Augerio Motet Militi Senescallo Agennensi magister Bonitus de sancto Quintino illustris Regis Angliæ Clericus salutem & amoris augmentum. Litteras fenerissimi Principis Domini nostri Regis Francorum vidimus & recepimus, select Senescallus Vasconia, ego, & alii Consilarii Domini Regis Angliæ in hæc verba. PHILIPPVS Dei gratia Francorum Rex Bertrando Colle servienti suo salutem. Mandamus tibi quatenus non permittas quod in senescalliis seu balliis Petragoricensi, Pictavensi, Xantonensi, Agennensi, Vasconia, atque Arvernia indebita gravamina vel violentiæ inferantur dilecto & fideli nostro Archiepiscopo Bituricensi Aquitaniæ Primati aut gentibus vel nuntiis suis in personis vel bonis eorum, cum pro juribus provinciae vel primatiæ suæ exercendis ad partes provinciae vel primatiæ earundem ipsum vel earum aliquam contigerit declinare, & ipsum Archiepiscopum & quemlibet prædictorum in suis iustis factis ab omni injuria nec non gravaminibus & violentiis manifestis in locis ipsos defendas ex parte nostra qua opus tibi fuerit, & de hoc fueris requisitus. Nos enim tenore præsentium præcipimus Senescallis & Iusticiariis locorum præ-

dictorum ut tibi ad executionem præmissorum, si eos inde requisieris, auxilium subministrent. Actum Parisius die Lunæ post festum beati Iohannis-Baptistæ anno Domini m c c. octogesimo quarto. *Cujus virtute mandati idem Bertrandus cum instantia requisivit ut super præmissis auxilium ministremus; & nos mandato Domini Regis Francorum parere volentes, id complevimus indilate; & vos requirimus nihilominus consulendo ut Iohanni de Droecis curia Clerico & Odardo de Bord. domicello vel eorum alteri unum servientem vestrum haberi faciat, qui in senescallia vestra præmissa compleat secundum prædictarum continentiam litterarum, & hoc gratiosè facere nullatenus obmittatis. Datum Burdegala & sigillo nostro signatum anno Domini m c c. octogesimo quarto, die Mercurii in festo sancti Luca.*

Postea Dominus exivit civitatem Burdegalem cum maxima comitiva burgensium; & in via, antequam exivit de villa, ipse visitavit Bertrandum servientem Regis, qui infirmabatur, & dimisit cum eo medicum suum. Postea intravit Girondam, & conduxit eum ultra aquam Major Burdegalem & plures alii; & venit illa die apud sanctum Geraldum abbatiam Sylvæ majoris, & fuit ibi multum honorificè & solemniter, campanis pulsatis, & processionaliter a Priore & conventu ipsius abbatiæ, Abbate absente, receptus. Sunt ibi monachi nigri, & est locus multum insignis. Et quia non comeduntur in corpore abbatiæ carnes, Dominus cum suis sociis comedit supra portam, & comedit ibi carnes. Et venerunt ad Dominum quidam monachi inhibentes Abbati sancti Sulpitii ne carnes comederent ibi, quia ipse faceret contra constitutionem ordinis sui; sed Dominus respondit quòd Prælati & sui socii non adstringuntur regulis suis, cum sit eorum superior; & propter hoc ipse voluit quòd

quòd dictus Abbas comederet carnes. quod fecit.
& fuimus bene procurati.

Die Iovis post Missam voluit Dominus intrare capitulum ad visitandum ; sed quia cantabatur prima , dixerunt quidam monachi quòd Dominus expectaret quousque prima esset cantata. Et tunc Dominus intravit Ecclesiam. Et cùm Abbas secularis Ecclesiæ sancti Asterii Petragoricensis gerens vices reverendissimorum patrum Archiepiscopi Turo-nensis & Episcopi Aurelianensis conservatorum Domini sequeretur Dominum ad Ecclesiam , venit ad eum quidam monachus Radulfus nomine , & est Operarius Ecclesiæ , qui contra Dominum & contra dictum Abbatem volebat appellare ; sed antequam ipse monachus aliquid diceret , dictus Abbas excommunicavit ipsum , post trinam monitionem , quòd ad requisitionem Decani & capituli Burdegalensis nihil faceret vel diceret contra Dominum vel contra ipsum ; & interim intrarunt Ecclesiam ad invicem litigantes ; & dicto monacho coram Domino astante , Dominus monuit ipsum quòd nihil faceret vel diceret contra se. Et quia monachus volebat ipsum monere , monachum excommunicavit. Et monachus hoc non obstante Dominum voluit monere , sed non complevit dicens quòd factum ignorabat & quòd nesciebat quid faciebat. Et sic Dominus exivit Ecclesiam , facta primò monitione coram majori altari quòd ad suam visitationem in capitulo venirent quod facere noluerunt. Et tunc Dominus intravit capitulum causa visitationis ; sed monachi noluerunt venire , quos Dominus monuit ut debuit ; & quia venire noluerunt , Dominus excommunicavit Priorem , Suppriorem , & alios officiales ipsius monasterii , & Ecclesiam ecclesiastico interdicto supposuit. Postea dictus Abbas sancti Asterii monuit prædictos monachos ; &

quia ad monitionem suam obedire Domino noluerunt, ipsos excommunicavit. Quo facto, Dominus recessit, & venit usque ad Portum, ubi transiit Dordoniam. Et antequam recederet de Porto, venit ad eum Raymondus de Curiis Domicellus, & intimavit sibi quod apud sanctum Melianum venerat Boso Archidiaconus de Blavia, qui fecerat sibi claudi portas Ecclesiæ. Et tunc Dominus misit ad abbatiam Ernandum & Iohannem de Grayo servientes Domini Iohannis de Agendo tenentis locum Senescalli in Burdegalensi & Basatensi diocesibus. Et quia loqui non poterant cum Abbate, cum sit in Romana curia, locuti sunt cum fratre Abbatis & cum magistro Laymundo procuratore Abbatis. Qui Raymundus venit obviam Domino, & rogavit ipsum & supplicavit quod ipse non irasceret super hoc quod fiebat, quia parati erant honorificè, devotè, & cum summa devotione ad recipiendum Dominum, quando dictus Archidiaconus de Blavia venit ad abbatiam, qui eos monnerat ex parte Decani & capituli Burdegalensis quod ipsum non reciperent, alioquin ipsos auctoritate Decani & Capituli excommunicabat. Et quia non erant ausi incurrere malivolentiam ipsorum Decani & capituli, propter hoc rogavit Dominum quod contra Abbatem nihil faceret nec Ecclesiam interdiceret, quia super impedimento huiusmodi tristabantur; & dixit: *Domine, ad Ecclesiam venite, & quamvis ipsam clausam inveniatis & hospitium monasterii, verumtamen leviter intrabitis, & omnia vobis necessaria habebitis.* Et sic Dominus venit ad Ecclesiam, & invenit eam clausam; sed ante portam extra Ecclesiam invenit unum Canonicum ejusdem monasterii, qui contra Dominum ad sedem apostolicam appellavit, (nomen Canonici est Menfredus de Salegna) & quen-

dam alium Clericum, qui Dominum denunciavit à Concilio factò Bituris excommunicatum, quòd ejus consensu & requisitione ostia domorum archiepiscopaliū fracta fuerant, & appellationem factam per Decanum & capitulum Burdegalense contra dictum Dominum innovavit; & uterque istorum appellantium apostolos petiit, quos concessit Dominus. Et ad diem Veneris sequentem citavit Decanum & capitulum Burdegalense apud la Bastide sanctæ Fidei ostensurum gravamina quæ dicebant sibi illata per Dominum; & obtulit Dominus refarcire expensas quæ factæ erant occasione dictorum gravaminum, & petiit super oblatione hujusmodi sibi fieri publicum instrumentum. Postea monuit Priorem & administratores ipsius monasterii quòd ipsum reciperent ad procurationem & visitationem. Et quia hoc facere denegarunt, ipsos excommunicavit, sed ob reverentiam ipsius Abbatis monasterii prædicti, cùm præsens non esset, ipsi pepercit, nec Ecclesiam interdixit. Et tunc Dominus intravit hospitium ejusdem monasterii, quod invenit quasi paratum. Et antequam Dominus comederet, Major villæ cum pluribus burgensibus venit videre Dominum. Ei ostendit Dominus litteras Regis Franciæ & litteras Domini Iohannis de Greilly Senescalli Vasconiæ; qui respondit Domino quòd paratus erat suam facere voluntatem. Illa die sic remansimus. Et quia nimis tardè veneramus, non comedimus nisi semel.

Die autem Veneris audita Missa in aula, antequam Dominus recederet, interim venit ad portam Ecclesiæ, & monuit iterum Priorem & alios administratores quòd ipsum reciperent ad visitationem, quod facere noluerunt. propter quod ipsos excommunicavit. Item ibidem eadem die & hora excommunicavit dictum Archidiaconum de Blavia & dia-

ctum Menfredum propter hoc quòd suam visitationem impediabant ; & fecit legi suum privilegium quòd excommunicari non poterat , Gallicè & Latine. Die autem Iovis præcedenti post monitionem Domini & ejus excommunicationem Abbas sancti Asterii usus fuit officio suo.

DIOCESIS AGINNENSIS.

Die verò Veneris post festum beati Lucæ , impletis prædictis , venit Dominus apud Bastidam sanctæ Fidei Agennensis diocesis , & fuit ibi ad expensas proprias. Prior autem loci præsentavit sibi unum coderellum vini , & Ballivus similiter unum.

Die sabbati audivit Dominus Missam suam in Ecclesia antequam recederet , & venit apud Marmande ejusdem diocesis , & fuit ad expensas suas.

Die verò dominica post dictum festum audita Missa summo mane , veniendo ad Portum sanctæ Mariæ Agennensis diocesis, & venerunt obviam Domino usque ad portum de Aguilhon Bernardus de Parille Prior secularis Ecclesiæ sancti Caprasii Agennensis , Iohannes de Fourgetes Canonicus Bituricensis & Agennensis , Helias de Contures Prior de Portu sanctæ Mariæ ; & venientes ad dictum Portum sanctæ Mariæ , fuit ibi Dominus receptus solemniter & processionaliter , campanis pulsatis , præsentibus omnibus supradictis , qui cum Domino comederunt ; & fuit ibi Dominus bene procuratus. Et quia Dominus intellexerat quòd quidam Canonicus Burdegalensis venerat apud Agennum ut receptionem suam erga capitulum impediret , post comestionem misit Dominus ad capitulum Agennense Iohannem de Fourgetes præ-

dictum ut nuntiaret capitulo Canonikorū Burdegalenſium errorem.

Die verò Lunæ ante feſtum Simonis & Iudæ Domino veniente apud Agennum, Cantor & plures Canonici Agennenſes ex parte capituli venerunt obviam Domino dicentes quòd Dominum honorare modis omnibus intendebant. Sed quia dictus Canonicus Burdegalenſis monuerat ut Dominum non reciperent, alioquin eos auctoritate ſui conſervatoris excommunicabat, requiſivit Dominum ex parte capituli Agennenſis Cantor Eccleſiæ quòd ſi ſuper hoc impetrentur, quòd ipſum haberent propitium & coadjutorem; & ſic à Domino receſſerunt, & venerunt ad Eccleſiam ut receptionem Domino honorificè præpararent. Dominus autem ad Eccleſiam veniens multum ſollemniter & honorificè à dicto Cantore & roto capitulo, campanis pulſatis, proceſſionaliter fuit receptus, & in domibus Epifcopi receptus, abſente Epifcopo, & procuratus. Poſt comeſtionem verò, quia quidam de Canonicis Agennenſibus dubitabant aliquantulum de proceſſu Domini, informavit eos ſuper proceſſu ſuo & ſuper ſuo privilegio quòd non poterat excommunicari. Qui, proceſſu Domini audito, pacificati remanſerunt.

Die autem Martis, antequam recederet de Agenno, celebravit in majori Eccleſia ad majus altare de beata Maria, & fecit ſermonem ad populum, & tetigit negotium Arragoniæ, & dedit indulgentiam. Miſſa celebrata, receſſit. Et veniente ipſo apud ſanctam Liberatam Agennenſis dioceliſ, venit ei obviam Prior loci. Quo loco fuit receptus campanis pulſatis & proceſſionaliter & procuratus; & aſſociaverunt eum ad dictum locum dictus Prior ſancti Capraſii Agennenſis & Iohannes de Fougeres prædictus. Sed antequam recederet de

Agенно visitavit Dominus Ecclesiam sancti Caprasii, & fuit ibi campanis pulsatis & processionaliter receptus à Priore & capitulo dicti loci. Et quia capitulum Agennense petierat à Domino quandam litteram super requisitione quam ei fecerat Cantor Agennensis ex parte capituli, & eam non habuerat, facta fuit apud sanctam Liberatam, & sigillata sigillo Domini, & tradita Magistro Iohanni de Fougetes prædicto. Forma litteræ fuit in hæc verba.

Nos Simon Dei gratia Bituricensis Archiepiscopus Aquitania Primas notum facimus universis presentes literas inspecturis quòd nobis jure Bituricensis Ecclesia & nostro Burdegalensem provinciam & diocesim Agennensem visitantibus & civitatem Agennensem causa visitationis ingressis, venerabiles viri capitulum Agennensis Ecclesia nos honorificè processionaliter & prout decuit receperunt, & in palatio Episcopi Agennensis more solito fuimus procurati. Verum quia Decanus & capitulum Burdegalense & eorum Officialis sede vacante, & Sacrista Biionensis dicens se conservatorem à sede apostolica deputatum Decano & capitulo supradictis, contra capitulum Agennense ob præmissa se velle de facto procedere comminantur, nos, quia prædictum capitulum & Agennense nobis & juri Bituricensis Ecclesia in hac parte assistunt fideliter & adherent, & in posterum se adherere & assistere proficiuntur, concedimus quòd nos, si occasione præmissorum conjunctim vel divisim in posterum molestentur, tam per nos quàm per conservatores nostros assistemus, eisdem favorem, consilium, & auxilium impendendo, jure Bituricensis & Agennensis Ecclesiarum in omnibus semper salvo. Datum &c.

DIOCESIS PETRAGORICENSIS.

Die verò Veneris in vigilia Simonis & Iudæ audita Missa apud sanctum Asterium, venit Dominum Petragorias, & intravit civitatem, & receptus fuit processionaliter campanis pulsatis solemmniter à capitulo, absente Episcopo; & fuit Dominus in domibus Episcopi receptus & procuratus.

Die sabbati in festo Apostolorum Simonis & Iudæ celebravit Dominus cum pallio in cathedrali Ecclesia ad majus altare, & fecit fieri sermonem, & dedit indulgentias. Et post Missam venit Dominus apud sanctum Frontonem in castro Petragoricensi. Et sunt ibi Canonici seculares & Abbas secularis; & fuit ibi campanis pulsatis processionaliter receptus & procuratus.

Die dominica celebravit Dominus summo mane in Ecclesia sancti Frontonis, & fuit usus pallio, & fecit sermonem ad populum, & indulgentias dedit. Et post Missam fuit in capitulo, & denunciavit excommunicationes factas ab ipso contra Decanum & capitulum Burdegalense, & fecit fieri copiam omnium privilegiorum suorum & processuum factorum contra Decanum & capitulum. Et Officialis Burdegalensis tunc recessit à nobis peteretur qui fuit ad curiam. Postea exivit Dominus apud Maiolum prioratum monachorum nigrorum, & est de sancto Martiali Lemovicensi. Et quia Dominus jam receperat omnes procuraciones quas habebat in diocesi Petragoricensi, fuit in dicto prioratu ad expensas suas; & veniendo apud sanctum Maiolum, vidit Dominus in quadam abbazia quæ [dicitur] Chensalade Dominum Episcopum Petragoricensem. Et sunt in dicta abbazia Canonici regulares.

DIOCESES ANGOLISMENSIS.

Die Lunæ ante festum omnium sanctorum misit Dominus citationes ad citandum Decanum & capitulum sancti Andree, Abbatem & conventum sanctæ crucis Burdegalensis, Abbatem de Silva majori ad diem Veneris post festum omnium sanctorum. Veniendo apud Angolimensem civitatem, occurrit ei Dominus Amarricus de Monteforti. Et veniens ad civitatem & Ecclesiam cathedrali, fuit ibi receptus processionaliter solemniter, campanis pulsatis, a Cantore & capitulo, absente Episcopo & Decano. Et fuit receptus in domibus Episcopi & procuratus.

Die Martis in vigilia omnium sanctorum audivit Missam Dominus in Ecclesia cathedrali; & post Missam exeundo de civitate, conduxit eum Dominus Amarricus & Cantor Ecclesiæ, & venit apud sanctum Amandum abbatiam monachorum nigrorum; & fuit ibi receptus campanis pulsatis processionaliter ab Abbate & conventu, & procuratus.

Die Mercurii in festo omnium sanctorum, antequam Dominus recederet de sancto Amando, celebravit in pontificalibus majorem Missam, & non fecit sermonem, ea solummodo causa quod non intelligebatur à populo. Et Missa celebrata veniendo apud beatam Mariam de Hallainvilla Angolimensis diocesis, conduxit eum dñs Abbas de sancto Amando. Et cum venissent ad prioratum de Hallainvilla, fuit receptus Dominus à Subpriori loci, (Priori) absente, campanis pulsatis processionaliter & procuratus. Et sunt ibi Canonici regulares. Non habent superiorem nisi Episcopum.

DIOGESIS XANTONENSIS.

Die Iovis , antequam recederet Dominus , celebravit Missam pro mortuis. Qua celebrata , venit Dominus apud Fontenay Xantonensis diocesis prioratum de sancto Iohanne Angeliacensi : ubi fuit Dominus receptus campanis pulsatis processionaliter & procuratus.

Die Veneris sequenti apud Caumacum prioratum de sancto Gildasio Bituricensis diocesis : & venit ei obviam Prior loci , & fuit Dominus ibi receptus processionaliter & procuratus. Et quia Dominus Agennensis fuerat ad dictum prioratum citatus , venit pro eo magister Iohannes de Fougetes Canonicus Bituricensis & Agennensis , & apportavit litteras excusatorias pro dicto Episcopo. Et quia dictus Iohannes promisit Domino quòd ipse Episcopus revocaret quicquid fecerat contra Dominum , Dominus recepit suam excusationem , & quia Prior sancti Caprasii & capitulum Agennense super hoc rogaverunt Dominum.

Die Sabbati , audita Missa , venit Dominus apud Rupellam prioratum de Clugniaco , & venit ei obviam Major & plures bürgenses de villa ; & fuit receptus in dicto prioratu companis pulsatis , sed non processionaliter , quia non erant parati ; & fuit ibi procuratus.

Die verò dominica , quia die præcedenti non fuerat receptus processionaliter , receperunt ipsum campanis pulsatis & processionaliter. Et celebravit Dominus in pontificalibus , & usus fuit pallio , & post Missam fecit sermonem in cimeterio , & fecit mentionem de cruce in sermone , & plures cruce signavit , & dedit indulgentiam. Et fecit sibi Major præsentari plures cuniculos , aves plures , & unum

heannem oneratum de daccis. Et his factis venit Dominus ad Boetum prioratum de Monasterio novo Pictavenſi; & fuit ibi Dominus receptus campanis pulſatis proceſſionaliter. Et Prior & plures burgenſes de villa venerunt Domino obviam, ſed eum non invenerunt, quia per aliam viam venit. Et ibi fuimus bene procurati, quia Prior eſt homo multum volens.

Die Lunæ, audita Miſſa, venit Dominus apud Affort, & conduxit eum Prior de Boeto diù. Prioratus verò d'Affort eſt de Burgo Dolenti Bituricenſis diocēſis. Et fuimus bene recepti campanis pulſatis, ſed non proceſſionaliter, quia Prior & monachi erant in Bituria; ſed nos fuimus bene procurati.

DIOCEſIS PICTAVENſIS.

Die Mercurii, audita Miſſa, venit Dominus apud Niort, & conduxit eum Prior de ſancto Iohanne prædicto & Caſtellanus de ſancto Meſſantio. Et eſt prioratus Abbatis de Charroz Pictavenſis diocēſis, & ſunt monachi nigri. Et fuit receptus campanis pulſatis proceſſionaliter, & procuratus. Et ibi venit ad Dominum magiſter Guillelmus Clericus Domini Episcopi Pictavenſis ad conducendum Dominum per diocēſim Pictavenſem.

Die Iovis, audita Miſſa, venit Dominus apud S. Gelays prioratum de Clugniaco; & fuit ibi Dominus receptus campanis pulſatis, ſed non proceſſionaliter, quia Prior non erat in partibus illis; & ſuus ſocius, qui domum custodiebat, iverat apud Niortum pro neceſſariis Domino & familiæ quærendis; & fuit ibi procuratus.

Die Veneris, audita Miſſa ſummo mane, venit

Dominus apud sanctum Messantium, & est abbatia monachorum nigrorum; & fuit ibi Dominus receptus campanis pulsatis processionaliter præsentate Abbate & procuratus. Et fuerunt ibi citati Decanus & capitulum Burdegalense, qui comparuerunt per procuratorem; cui Dominus obtulit quod paratus erat revocare omnia gravamina, si quæ intulerat, dummodo doceret de eisdem. Qui respondit quod ad hoc non venerat, & sic recessit. Et super huiusmodi processu petiit Dominus instrumentum publicum sibi fieri à quodam tabellione quem dicti Burdegalenses secum ducebant; sed recessit, instrumento non facto. Et ad dictum locum venerunt duo clerici, quorum unus Canonicus Xanctonensis magister Iohannes de Sours, Carnotensis diocesis scilicet, & quidam alius ad excusandum Dominum Xanctonensem Episcopum super hoc quod ipse sigillaverat processus Burdegalenses. Quibus Dominus obtulit informationem sibi fieri per instrumenta publica de processibus suis. Qui usque in crastinum deliberationem petierunt. Et mane facto venerunt ad Dominum, & ei litteras sigillo Domini Xanctonensis sigillatas dederunt quod ipse totum revocabat. Quibus factis, celebravit Dominus Missam conventualem in pontificalibus, & usus fuit pallio, & fecit sermonem ad populum, & dedit indulgentias. Quo facto,

Die sabbati in festo beati Martini venit Dominus apud Agones prioratum Canonicorum regularium, absente Priore; (& est dictus prioratus de abbatia de Lestierpe) ubi fuit receptus, campanis pulsatis, processionaliter, & procuratus.

Die dominica, audita Missa, venit Dominus apud Verinos prioratum de sancto Messantio, ubi fuit Dominus receptus campanis pulsatis processionaliter & procuratus. Quo loco fuerant nuntii

Burdegalenses, & inhibuerant Priori loci ne reciperent Dominum. Sed Abbas sancti Messantii appellaverat contra ipsos pro se & pro adhærentibus. Et ibi fecit fieri Dominus monitiones quasdam ad monendos dictos nuntios ut desisterent à talibus inhibitionibus, aliàs excommunicarentur; & fuerunt missi ad dictam monitionem faciendam Girardus Clericus coquinæ, & Iohannes Bellechiere; sed adhuc non invenerunt ipsos, quia non venerant ad prioratum de Pamprou, ubi credebatur quòd debebant esse.

Die Lunæ, audita Missa, venit Dominus apud Pamprou prioratum de sancto Messantio; & venit ei obviam Abbas de sancto Messantio & Prior loci; ubi fuit receptus campanis pultis processionaliter & procuratus.

Die Martis, audita Missa summo mane, venit Dominus apud Vinoniam prioratum sancti Cypriani Pictavenfis. Et veniendo ad dictum locum, conduxit eum Abbas sancti Messantii & Prior de Pamprou; & ibi fuit receptus campanis pulsatis processionaliter à Priore loci & sociis suis, & procuratus.

Die Iovis, audita Missa summo mane, venit Dominus ad abbatiam quæ vocatur abbatia sancti Benedicti de Quinciaco, in qua sunt monachi nigri; ubi fuit receptus ab Abbate & conventu campanis pulsatis processionaliter & procuratus. Et ibi venerunt ad Dominum majores de capitulo Pictavenfi & informavit eos de omnibus processibus suis, & habuerunt transcriptum ut habeant consilium super dictis processibus. Et dedit ibi Dominus indulgentiam pro Ecclesia Pictavenfi. Quidam ex eis comederunt cum Domino, quidam recesserunt.

Die Mercurii sequenti, audita Missa summo

mane, venit Dominus apud Lugudiacum prioratum de abbazia de Maselliaco; & fuit ibi Dominus receptus campanis pulsatis processionaliter à Priore loci & sociis suis. Et ibi venit ad Dominum Subdecanus sancti Hilarii Pictavenfis. Et solebat dictus prioratus esse abbazia, ubi fuit Abbas beatus Marcus; & sunt ibi duo quos resuscitavit à mortuis.

Die Veneris, audita Missa, venit Dominus apud Nobiliacum, & est abbazia monachorum nigrorum. Et venit ei obviam Abbas loci; ubi fuit receptus campanis pulsatis processionaliter ab Abbate & conventu multum honorifice & solemniter, & fuit procuratus ibi. Et venit ad eum Cantor Pictavenfis, Præpositus, & Officialis, & Subdecanus sancti Hilarii Pictavenfis.

Die sabbati in octavis beati Martini, antequam Dominus recederet de dicta abbazia, recepit licentiam ab eo Capicerius Pictavenfis, & audita Missa recessit. Similiter magister G. de Chypra clericus Domini Episcopi Pictavenfis, qui nos conduxerat per diocesim. Et conduxit Dominum Abbas & Prior dictæ abbatiæ. Et venit Dominus apud Boerece prioratum monachorum nigrorum; & est de abbazia de Nobiliaco; ubi fuit receptus Dominus campanis pulsatis processionaliter, & procuratus.

Die dominica post octavas sancti Martini hyemalis visitavit Dominus prioratum de Luceyo & de sancto Martiali *. Montis Marilis Lemovicensis; * *Montma- villon.* & receptus fuit processionaliter campanis pulsatis. Et quia Prior sancti Martialis, ad quem ultimo declinavit, non habebat domos sufficientes ad recipiendum Dominum, venit ad domum Dei Montis Marilis; & receptus ibidem processionaliter, procuratus fuit in dicta domo Dei & ad expensas dictorum Priorum. In dicta domo non erat

rector, nisi duo procuratores, & litigabant quidam in curia Romana ut essent rectores dictæ domus.

DIOCESIS BURDEGALENSIS.

Die Mercurii ante festum sancti Lucæ evangelistæ procuratus fuit Dominus in prioratu sancti Romani de Blavia Burdegalenensis diocesis. Qua die Decani sancti Andreæ & sancti Severini & multi alii Canonici Burdegalenses venerunt ad Dominum conquerentes inter cetera de forma litterarum quas miserat pro procurationibus suis petendis in locis ad quæ declinaverat. Vnde tunc inter Dominum & prædictos Decanos fuit forma litteræ quæ sequitur in hæc verba.

Simon Dei gratia Bituricensis Archiepiscopus, Aquitania Primas, dilectis in Christo talibus Prioribus vel Abbatibus talis diocesis, salutem in Domino. Burdegalensem provinciam visitantes omni eo jure quo possumus & debemus juxta provisionem seu ordinationem sedis apostolicæ super hoc editam à bona memoria Domino Gregorio Papa IX. & prout prædecessores nostri à vobis consueverunt admitti, tali die ad locum vestrum proponimus favente Domino declinare. Vnde vobis mandamus, nihilominus vos monentes, quatinus dicta die procurationem nostram & nobis & nostra familie præparetis. Datum &c.

DIOCESIS BITURICENSIS.

1283.

Anno Domini millesimo ducentesimo octogesimo tertio, die Veneris post Oculi mei, sive post festum beati Gregorii, mense Martii, reverendo patre Domino Simone Bituricensi Archiepiscopo Aquitanie Primati diocesim Claramontensem causa visitationis intrare volente, de

Chabreyz venit Exoldunum in abbatiam loci Exoldunensis, ubi suam procurationem recepit; sed ibi receptus non fuit processionaliter, nec campanis pulsatis, quia jam aliàs visitaverat ibidem. Summa expensarum VII. libræ.

Sabbato sequenti visitavit Ecclesiam beati Circi Exoldunensis, & fuit per ipsum Dominum Archiepiscopum & Canonicos præsentés de Missa defunctorum celebranda ibidem per unum Canonicorum vel per alium quem procuraret, de residentia Canonicorum facienda, & de pœna deficientium in ipsa, quæ est quinquaginta solidorum, & quodd possint Canonici studere in illa in qua magis poterunt proficere facultate, nisi de dolo fraudeque liquidò appareret; de quibus, si appareat, corrigetur per Prælatum. De his omnibus confecta fuit littera. Dicti verò Canonici procurationem Domini solverunt in abbazia prædicta propter honestatem domorum.

Dominica qua cantatur *Latate Ierusalem*, sive ante festum beati Benedicti Abbatis, visitavit Dominus in Ecclesia sancti Dionysii Exoldunensis. Canonici sancti Dionysii medietatem procurationis solverunt, & Prior sancti Paterni Exoldunensis aliam medietatem, Domino remanente in abbazia prædicta propter honestatem domorum. Dicta die celebravit Dominus apud sanctum Paternum in pontificalibus, & sermōcinatus fuit ibidem, & confirmavit. Et est sciendum quod uterque, scilicet capitulum sancti Dionysii & Prior sancti Paterni, ad integram procurationem tenentur.

Die Lunæ sequenti fecit Dominus reconciliari cimiterium sancti Dionysii Exoldunensis per Archipresbyterum Exoldunensem virtute sui privilegii, aqua prius per ipsum Dominum benedicta.

Inde venit ad Casale benedictum, ubi fuit receptus processionaliter campanis pulsatis.

Die Martis sequenti Dominus intravit capitulum Casalis benedicti, & ibi fecit sermonem; & inquisito de statu monasterii tam in capite quàm in membris, post multa per multos de monasterio Domino relata & revelata tam palam quàm secreto, dictum capitulum & Prior loci ejusdem per suas litteras sigillo conventus sigillatas Domino dederunt potestatem plenariam & specialem providendi ipsi monasterio per se vel per alium de Abbate, de monasterio vel aliunde, quandocunque ipsum monasterium per resignationem fratris Iohannis tunc Abbatis monasterii ejusdem contigerit vacare.

Ipsa die Martis, scilicet in festo sancti Benedicti Abbatis, venit Dominus ad prioratum de Vodolione spectantem ad Burgum Dolensem; & ibi receptus fuit processionaliter, campanis pulsatis, & ibi procuratus; & confirmavit Dominus ibidem. Non fuit computatum.

Die Mercurii sequenti venit Dominus ad prioratum de Lineriis, ubi receptus fuit processionaliter & procuratus. Summa expensarum sex libræ, tres solidi, duo denarii.

Die Iovis sequenti apud Aliscampum venit Dominus; ubi fuit procuratus, & ibi benedixit aquam pro Ecclesia de Chatel-Meillant reconcilianda, & mandavit reconciliari per Archipresbyterum loci.

Die Veneris sequenti venit Dominus apud Nigrum lacum, ubi fuit cum Abbate loci.

Die sabbati sequenti, in festo Annuntiationis dominicæ, venit Dominus apud sanctum Aman-dum; ubi Dominus sacros ordines celebravit, visitavit, & fuit procuratus; & in crastino confirmavit ibidem.

Dominica sequenti, scilicet Dominica in passione,

frone, five die dominica post Annunciationem dominicam, venit Dominus ad abbatiam de Charenton, ubi fuit procuratus. Die Lunæ sequenti intravit Dominus capitulum; & super statu monasterii inquisitione facta diligenti tam in temporalibus quàm in spiritualibus, post multos tractatus carentes effectu, tandem finaliter Priori de Linceyo commissa fuit administratio bonorum temporalium ipsius monasterii abbatiæ Nigri lacus, ipso Priori deputato habente Domini quoad hoc potestatem, ut ipsius Abbatis consilio dictus Prior tractaret & faceret quæ majoris essent inquisitionis. Qui Prior tactis sacrosanctis evangeliiis juravit se fideliter facturum & tractaturum diligenter quæ ipsi monasterio de Charenton viderit & crediderit expedire tam in solutione debitorum, receptione, conservatione, & expeditione bonorum, quàm familiæ permutatione. Præcepit etiam Dominus ut totus status monasterii in scriptis redigeretur & quadrupliciter, ita quòd Dominus unum scriptum haberet, Abbatiſſa secundum, dictus Prior tertium, & quartum Abbas prædictus; ut de diligentia, fidelitate, & curiositate dicti Prioris liquidius appareret. Item benedixit Dominus aquam pro quodam cimiterio reconciliando, scilicet de sancto Stephano de Graverio, quod mandavit reconciliari per Archipresbyterum loci.

DIOCESIS CLAROMONTENSIS.

ANno Domini millesimo ducentesimo octogesimo tertio, die Martis ante ramos palmarum, intravit Dominus Simon Bituricensis Archiepiscopus Aquitanix Primas diocesim Claromontensem causa visitationis, & primò declinavit apud Silvigniacum, & visitavit Ecclesiam parochialem

1183.

dicti loci ; ubi fuit receptus processionaliter pulsatis campanis , & procuratus in domo Capellani dicti loci ad expensas dicti Capellani.

Die Mercurii sequenti in mane audivit Missam Dominus in eadem Ecclesia , confirmavit , tonsuras fecit , ac aquam benedixit pro quodam cimiterio reconciliando in diocesi Bituricensi ; & exinde venit apud Pessoy prioratum de sancto Porciano , ubi fuit receptus processionaliter ut supra , & procuratus ad expensas Prioris dicti loci. Summa expensarum octo libræ.

Die Iovis , scilicet penultima die mensis Martii , venit Dominus apud monasterium Gelleigney prioratum conventualem de Casa Dei ; ubi receptus fuit processionaliter campanis pulsatis cum cantu , & procuratus à Priore loci , sed de monachis suis præstantibus cum Domino. Fecit ibi prædicari indulgentiam , & confirmavit.

Eodem die finavit Prior de Firmitate super Aligerim de ix. libris pro procuratione. Item eodem die finavit Prior de Lengerio Clugnacensis ordinis de x. libris pro procuratione. Item idem Prior pro prioratu de Deutray pro procuratione finavit similiter de decem aliis libris.

Die Veneris sequenti venit Dominus apud Fleurey prioratum de abbazia Turnonensi , receptus modo quo supra , solutis expensis Domini per Priorem loci pro medietate & per Cappellanum loci ejusdem pro alia medietate. Ibi confirmavit , tonsuravit pueros , & quædam ornamenta , altaria , & sacerdotalia benedixit.

Sabbato in ramis palmarum , scilicet in prima die mensis Aprilis , venit Dominus apud Verennes , super Aligerim prioratum de sancto Porciano , receptus processionaliter campanis pulsatis ; & ibi Missas suas audivit , confirmavit , fecit coronas ,

Ornamenta sacerdotalia benedixit. Medietatem expensarum solvit Prior loci ejusdem, & duo Curati ipsius villæ aliam medietatem solverunt.

Die dominica in ramis palmarum, scilicet secunda die mensis Aprilis, venit Dominus ad abbatiam sancti Geleberti Præmonstratensis ordinis, processionaliter receptus campanis pulsatis cum cantu; & ibi ramos palmarum benedixit, Missam in pontificalibus celebravit, prædicavit, dedit indulgentiam, confirmavit, coronas fecit, quædam ornamenta benedixit. Fuit ibi procuratus.

Die Lunæ sequenti venit Dominus apud Arthornam visitaturus Ecclesiam Canonorum. Canonici Dominum non receperunt processionaliter, nec pulsaverunt, nec cantaverunt. Eodem die ipsi Canonici suum recognoscentes errorem, defectum, & negligentiam, quò dictam Dominum Bituricensem Archiepiscopum cum debita reverentia & honore non receperunt, pœnitentia ducti, miserunt ad Dominum & venerunt humiliter supplicantes ne per dictam negligentiam contra ipsos moveretur nec offenderetur; & ad excusandas excusationes in peccatis, simplicitates & fatuitatem in præmissa negligentia assertivè prætendebant & quòd malitiosè non fecissent, & adventum Domini sufficienter non præscitum. Veruntamen Cantor nomine suo & capituli & quilibet Canonicus qui præsentés erant dictam negligentiam in manu Domini singulariter emendarunt, taxatione emendæ & levatione per fidem cujuslibet ipsorum in voluntate Domini relictis, & expressè recognoscentes ad exhibitionem reverentiæ & honoris & processionalis ipsi Domino & suis successoribus se teneri; & ad supplendum quod omiserant, in crastino dictæ diei Lunæ dictum Dominum processionaliter receperunt, campanis pulsatis, cum cantu occurrentes

ipsi Domino usque ad exitum cimiterii, super ipsum pallio usque ad altare per ipsos deportato. Dominus ibi suas Missas audivit, fecit prædicari, dedit indulgentiam, confirmavit, ornamenta benedixit, & fecit coronas, & Ecclesiam tam in spiritualibus quàm in temporalibus visitavit, inveniens quòd dicta Ecclesia, potissimè in administratione temporalium, reformatione & consilio indigebat. Auditis quæ sibi Canonici dicere voluerunt in quibus reformatio necessaria videbatur, respondit Dominus quòd super iis Domino Claromontensi Episcopo libentissimè loqueretur, & super iis de exhibendo remedio cum ipso tractaret. Expensas verò Domini dicti Canonici persolverunt. Summa expensarum ix. libræ.

Die Martis venit Dominus apud Telleide, Latine Thecletas, prioratum Casæ Dei, receptus processionaliter cum capis sericis, campanis pulsatis, cantando. Et licèt Prior loci ejusdem aliquibus de familia ipsius Domini grosso modo in ipso adventu loqueretur & superbè, dicendo quòd Dominum recipere non tenebatur nisi cum equis xxx. & expendere non poterat ultra quatuor libras, nec debebat, & quò plus non solveret, tamen totas solvit expensas quas Dominus & sui fecerunt in loco. Ibidem Dominus audivit Missas suas, confirmavit, ornamenta benedixit. Et fuit summa expensarum x. lib. & v. solidi.

Die Mercurii sequenti venit Dominus apud abbatiam de Chaucuent ordinis Augustinorum propè & in suburbio civitatis Claromontensis, receptus modo quo suprà & procuratus.

Die Iovis sequenti, scilicet in cœna Domini Iesu, venit Dominus visitationis causa ad majorem Ecclesiam Claromontensem, receptus processione sibi occurrente usque ad gradus ante valvas.

maiores ipsius Ecclesiæ, pallio super ipsum Dominum in quatuor hastilibus usque ad altare majus campanis pulsatis cum cantu honorificè deportato, omnibus de choro sericeis capis indutis. Hoc facto, Dominus intravit cum Canonicis capitulum, & post septem psalmos & letaniam dictos in capitulo, absolutione per ipsum Dominum facta super Canonicos & assistentes, Dominus prædicavit Latinè, post sermonem Canonicis tantum in capitulo cum Domino remanentibus. Visitavit Dominus, & cum Canonicis de multis habuit sermonem & tractatum, potissimè de Abbate Casæ Dei; qui etsi privilegiatus cum monachis suis quòd suspendi, interdici, seu excommunicari non possit existat, tamen in locis interdictis non privilegiatis divina celebrare & ecclesiastica sacramenta per suos monachos facere ministrari & permittere non veretur. quod ecclesiasticæ rationi contrarium & articulis fidei dissonum cunctis patet. Hoc facto fecit fieri sermonem populo Gallicè. Et ibidem Dominus celebravit, & consecrationem chrismatis fecit, & deliberato consilio per quatuor dies consequentes apud Prædicatores perendinavit in domibus Episcopi, ut videretur omnibus minùs onerosus. Expensas dictæ diei Iovis quas fecit Dominus solvit.

Die Veneris sequenti in Parasceve, Dominus audito divino officio, prout dies requirit ivit visitatum ad abbatiam sancti Andreæ Præmonstratensis ordinis, receptus absque processione, quia Dominus de sua humanitate noluit quòd illa die processionaliter reciperetur nec cum cantu. Pulsatum non fuit, quia illa die non pulsatur. Visitavit ibidem & * sciante, ut minùs in expensis dicta abbatia gravaretur, condescendens loci ipsius sive compatiens paupertati. * *secretè.*

In sabbato Paschæ sancto Dominus in mane visitavit Chamaleriam & sanctum Genesium, in quibus Ecclesiis sunt Canonici regulares. Quibus visitatis . venit Dominus ad Ecclesiam majorem , & in pontificalibus celebravit , & fontes benedixit ibidem , quoniam à Canonicis majoris Ecclesiæ sibi post fuerat supplicatum ut dicta die sabbati & die Paschæ ipsis divinum officium celebraret. Et fuit receptus ibi , visitavit , processionaliter cantando , pallio super ipsum honorificè deportato.

Die Paschæ sequenti celebravit Dominus in pontificalibus in Ecclesia majori , & interfuit matutinis , & in domo Episcopi nocte præcedenti cum parte suæ familiæ jacuit ut matutinis interesset. scilicet in domo Episcopi juxta Ecclesiam. Præpositum Ecclesiæ, hebdomadarios, & multos Canonicos alios & non Canonicos communicavit. Et ipsa eadem die Ecclesiam beatæ Mariæ de Portu post Missam visitavit ; ubi receptus fuit cantando à Canonicis & processionaliter pallio in quatuor hastilibus super ipsum honorificè deportato. Die Lunæ sequenti , scilicet in crastino Paschæ , Dominus audita Missa sua ad Ecclesiam majorem accessit , & in capitulo , Canonicis salutis , fecit coronas plures , & recessit.

Eadem die venit Dominus apud Sarellæ prioratum Casæ Dei. Prior loci ejusdem cum duobus sociis & duobus armigeris Domino venit obviam ferè per dimidiam leucam , & Dominum honorificè salutaverunt & reverenter. Tamen Dominum non receperunt nec processionaliter nec alias , sed Dominus invenit ostia aperta & intravit. Prior & sui socii cum Domino comederunt. Dominus ibidem , audita Missa sua , confirmavit , ornamenta benedixit , multis etiam ad supplicationem Prioris fecit coronas. Prior Domino de necessariis noluit provi-

dere. Tamen idem Prior totas solvit expensas, dicens quòd Abbas suus eidem inhibuerat ne Dominum reciperet nec eidem in aliquo provideret. Domino volente in crastino recedere, dictus Prior in præsentia Domini fuit protestatus quòd cum familia Domini prioratum violenter intravisset, quia ostium fregerat, ut dicebat, nolebat sibi præjudicari in posterum, nec per hæc quæ facta fuerant intelligebat Domino nec suis successoribus in aliquo se teneri; Domino incontinenti in contrarium protestante & dicente quòd possessionem suam retinebat, & quandiu viveret jus visitandi & procurationem recipiendi reclamaret ibidem. Domino recedente, Prior ipsum associavit satis longè. Habuit tamen Dominus, cum dictum prioratum intravit, unum servientem Domini ad tollendam armorum violentiam, si prædicto Domino aliqua violentia pararetur. Summa expensarum fuit ix. libr. quas omnes solvit Prior dicti loci.

Die Martis sequenti venit Dominus apud la Foulouse, Ecclesia parochiali primo visitata, antequam domum Templariorum intraret, quia ratione parochiæ ipsius, quam tenent Templarii, debetur procuratio, ut Domino dicebatur. In ipsa domo Templariorum Dominus, audita Missa, confirmavit, benedixit ornamenta, fecit coronas; & receptus processionaliter in dicta Ecclesia, ab ipsi Templariis fuit procuratus. Summa expensarum viii. libr. & vii. solidi.

Die Mercurii sequenti venit Dominus apud Bulloyprioratum Casæ Dei, receptus cum reverentia processionaliter & procuratus. Noluerunt computare gentes Prioris.

Die Iovis sequenti accessit Dominus apud Luseillac prioratum Casæ Dei, receptus processionaliter cum reverentia & honore, quoniam tenet Prior de

Bullou. In ipso proratu non invenit Dominus aliquid faciendum, sed Ecclesia & domibus visitatis rediit apud Bullou. In prioratu de Bullou confirmavit, ornamenta benedixit, & coronas fecit; & die qua primò venit fuit phlebotomatus. Et ratione visitationis istius extitit procuratus. Super prioratu de Luseillac non fuit computatum.

Die Veneris sequenti, scilicet ante *Quasimodò*, venit Dominus apud Thuriacum prioratum sancti Illidii Claromontensis ordinis sancti Benedicti, receptus processionaliter pulsatis campanis, cum cantu, & procuratus. Ibi non invenit Dominus aliquid faciendum. Dictum prioratum tenebat Abbas sancti Illidii prædictus.

Sabbato sequenti visitavit Dominus prioratum de Vichiaco spectantem ad monasterium sancti Illidii Claromontensis, Gallicè *de saint Alirey*. Quo visitato, venit Dominus apud Cuciacum directè ad hospitium Domini Claromontensis, & ibi procurationem sibi ratione visitationis debitam à dicto prioratu de Vichiaco recepit; quia Prior de Vichiaco paralyticus erat, nec domos habebat ubi Dominum honorificè posset hospitare.

Die dominica sequenti fuit Dominus receptus processionaliter campanis pulsatis ab Abbatisa & Clericis de Cussey, Clericis capis indutis sericis, in capella beatæ Mariæ. Postea incontinenti intravit Dominus capitulum monialium; & ibidem suo fungens officio, inquisivit diligenter de statu monasterii tam in temporalibus quàm in spiritualibus; sed non fuit quod correctione indigeret sibi in publico revelatum. Dominus suam procurationem à dicta abbatisa recepit in supradictis domibus Domini Claromontensis, quoniam honestius fuit Dominum in dictis domibus pernoctare quàm in domibus monialium prædictarum. Et fuit Abbatisa cum

quatuor monialibus in prandio cum Domino. Dominus verò dicta die Missam in pontificalibus in dicta capella celebravit, monialibus divinum officium cantantibus & offertorium quod venit ad manum Domini recipientibus, primò tamen recognito quòd sociorum Domini erat offertorium, si placeret retinere, & ipsum offertorium Clerici & focii dicti Domini dictis monialibus demiserunt. Dicta Missa, Dominus confirmavit, ornamenta benedixit, in crastino quosdam confirmavit.

Die Lunæ sequenti, scilicet in crastino octavarum dominicæ resurrectionis, venit Dominus apud abbatiam Montispetrosi ordinis Cisterciensis, processionaliter cum cantu, campanis pulsatis, receptus; ubi Dominus in crastino audita Missa sua, confirmavit, ornamenta benedixit, quosdam coronavit, unum potissimè sibi à Priore & monachis dicti loci præsentatum, dicentibus illum suum esse condonatum & monachum futurum, Abbate dicti loci tunc in remotis agente. Verùm cum dictis monachis scriptum fuisset sub hac forma verborum, *Vobis mandamus quatinus nobis & nostris necessaria præparetis*, hoc verbum *mandamus* multipliciter impugnarunt. Tandem illud verbum *mandamus* sublatum fuit, & ipsi Domino necessaria ministrarunt. Veruntamen ipsi monachi eleemosynam dederunt præsentibus pluribus de familia Domini supradicti.

Die Martis sequenti venit Dominus apud Laudosum, receptus processionaliter cum cantu, campanis pulsatis, pallio super ipsum in quatuor hastilibus deportato à capitulo Canonorum, & receptus & procuratus, Domino Claromontensi Episcopo eidem obviam veniente & Dominum collateraliter usque ad altare majus sub eodem pallio concomitante. In sequenti crastino Dominus ad suppli-

cationem Canoniorum quoddam altare in quadam capella prope Ecclesiam Canoniorum in honore sancti Georgii & sanctorum omnium consecravir, & quædam benedixit ornamenta, & dedit indulgentiam iis qui ob devotionem dictæ consecrationi interfuerunt.

Die Mercurii sequenti Dominus post consecrationem altari prædicti venit ad prioratum sancti Launomari de Bleis qui dicitur Maincao, receptus modo quo suprà; & ibidem ad supplicationem Prioris & monachorum loci ejusdem quasdam reliquias occultatas in altari majori dicti prioratus, videlicet duo capita ferè integra cum pluribus fragmentis ossium parvis & pluribus panniculis involuta, quorum capitum unum dicitur caput beati Launomari Abbatis, aliud sancti Ebulli Abbatis, de dicto altari levavit, ut cum majori reverentia & honore de cetero haberentur, & ea crastina sequenti, audita Missa sua, reposuit in quadam casula quoad tempus. Eadem die Mercurii reliquiis prædictis levatis cum ea reverentia qua decens est, Missam in honore dictorum sanctorum celebravit pontificalibus indutus. Ibidem etiam Dominus confirmavit, benedixit, tonsuravit, & suam ibidem procurationem recepit. Et venerunt Dominus Claromontensis Episcopus & frater suus Senescallus Domino loquuturi. Fecit prædicari, & dedit indulgentiam, & suam ibidem Dominus procurationem recepit.

Domino die Iovis sequenti eunte apud Tyart, Dominus Claromontensis Episcopus & frater suus sibi venerunt obviam, & per magnam partem itineris simul cum Domino equitarunt. Illa die Dominus receptus modo quo suprà, à capitulo & Præposito Ecclesiæ de Tyart suit procuratus; & in crastino audita Missa sua, benedixit, confirmavit, &

in capitulo visitavit, & coronavit. Quo facto, descendit Dominus ad capellam beati Iohannis Baptistæ, & ibidem tria consecravit altaria, medium in honore beati Iohannis Baptistæ & omnium sanctorum, dextrum in beatæ Katerinæ, & sinistrum in beatæ Mariæ Magdalene. Quibus consecratis, celebravit sine nota, & dedit indulgentiam iis qui consecrationibus interfuerunt.

Die Veneris sequenti, præscriptis rite peractis, venit Dominus apud abbatiam monasterii Tiranensis ordinis Clugniacensis, receptus modo quo suprà, & procuratus, Summa expensarum VII. libræ.

Die sabbati sequenti venit Dominus apud Nigrum Stabulum prioratum Clugniacensem, receptus processionaliter & procuratus; & ibidem benedixit, tonsuravit, & confirmavit. Summa expensarum VII. libr. & x. solidi.

Dominica sequenti in quindena Paschæ venit Dominus apud prioratum de Argeroles Clugniacensis ordinis, receptus processionaliter & procuratus; & ibidem confirmavit, tonsuravit, & benedixit. Summa expensarum x. libræ.

Die Lunæ sequenti, videlicet in crastino beati Georgii, venit Dominus apud Salinhac prioratum sancti Michaëlis de Clusa in Lombardia, receptus processionaliter & procuratus; & ibidem confirmavit, tonsuravit, & benedixit. Noluerunt computare.

Die Martis sequenti in festo beati Marci evangelistæ Dominus venit apud Sanctum Dider prioratum de Casa Dei, receptus processionaliter, campanis pulsatis, in capis sericis, cum cantu, & procuratus. Ibidem confirmavit & benedixit.

Die Mercurii sequenti venit Dominus apud Culiac prioratum de Clusa in Lombardia, receptus pro-

cessionaliter & procuratus ; & ibidem confirmavit, tonsuravit, ornamenta & imagines benedixit.

Die Iovis sequenti venit Dominus apud Martach prioratum de Sartelenges Clugniacensis ordinis, receptus & procuratus ; & ibi confirmavit, tonsuravit, benedixit. Die verò præcedenti finavit Prior d'Ambert & Prior de Chamont pro dictis prioratibus xx. libras, iv. solidos ; ita quòd pro quolibet finavit x. libras & * iv. solidos.

Die Veneris sequenti venit Dominus apud Chasure prioratum Casæ Dei, receptus processionaliter & procuratus ; & ibidem sequenti sabbato celebravit cum nota.

Edem die venit Dominus ad Sallanc prioratum Casæ Dei, receptus processionaliter & procuratus ; & ibidem confirmavit.

Dominica sequenti, videlicet ante festum beatorum Philippi & Iacobi, venit Dominus apud Vinneros prioratum de Sacerlenges Clugniacensis ordinis, receptus processionaliter & procuratus ; ibidem confirmavit, benedixit, & tonsuravit.

Die Lunæ sequenti, scilicet prima die Maii, venit Dominus apud Erlant prioratum de Clusa in Lombardia, receptus processionaliter & procuratus ; ibidem confirmavit, benedixit, & tonsuravit. Et die Martis sequenti misit Dominus magistrum Iohannem Gressillon Canonicum Bituricensem, fratrem Simonem de Blesis, Renaldum socium ejus de ordine fratrum Minorum, & Cononem Canonicatum Versionensem ad monasterium Casæ Dei cum duobus Clericis Domini Claromontensis, magistro Iohanne scilicet & magistro Petro, ut interessent collationi faciendæ quarundam claustrarum contentarum in privilegiis Casæ Dei, per quas nituntur monachi [ostendere] se esse exemptos tam in capite quàm in membris ; & fuit facta

dicta collatio dictarum clausularum ad privilegia, & fuerunt lecta dicta privilegia à principio usque ad finem & diligenter inspecta tam in filo quam in bulla per missos à dicto Domino Bituricensi, præsentibus dictis duobus Clericis Domini Claromontensis. Primum privilegium lectum & inspectum fuit Domini Urbani Papæ II. secundum Lucii III. tertium Honorii III. quartum Alexandri III. quintum Alexandri IV. sextum Clementis IV. septimum Urbani IV. octavum Paschalis.

Eodem die Martis venit Dominus apud sanctum Germanum Lerin prioratum Casæ Dei, receptus processionaliter & procuratus; & ibidem confirmavit, benedixit, & tonsuravit.

Die Mercurii sequenti post festum beatorum Philippi & Iacobi venit Dominus apud Azeracum prioratum Casæ Dei, receptus processionaliter & procuratus; & ibidem confirmavit, benedixit, tonsuravit, & altare quoddam in dicto prioratu consecravit in honore beatæ virginis Mariæ, & dedit indulgentiam. Ibidem ipso Die venit Dominus Episcopus Claromontensis & Abbas Casæ Dei & multi boni [viri] cum [eis.] Quibus congregatis cum Domino, lectæ fuerunt clausulæ supradictæ sumptæ in privilegiis Casæ Dei prædictis; de quibus facta fuit copia & inspectio, ut superius est expressum. Super quibus clausulis cum diutius fuisset altercatum hinc inde, multi fuerunt habiti tractatus inter dictos Dominos Bituricensem & Claromontensem ex una parte, & Abbatem Casæ Dei ex altera, super discordia reformanda inter ipsos; qui illo die non habuerunt effectum. Quibus actis, recesserunt dicti Dominus Claromontensis & Abbas.

Die Veneris sequenti venit Dominus apud * Ville * f Vieille
Bride prioratum abbatiæ Piperacensis ordinis san- Brioude.

Et Augustini, receptus processionaliter, procuratus; & ibidem confirmavit & benedixit.

Die sabbati sequenti venit Dominus apud Com̃ prioratum monialium ordinis sancti Benedicti, receptus processionaliter a clero & monialibus & procuratus; & ibidem confirmavit, benedixit, & tonsuravit, & intravit capitulum; & visitationis fungens officio, invenit ipsum monasterium reformandum, potissime circa spiritualia. Temporalia siquidem erant in manu Regis Franciæ, quoniam erant ibi duæ Priorissæ in discordia & in dissensione. Dominus, adhibendo diligentiam quam potuit, & statum monasterii debite restaurando, ordinando præcepit quòd si Priorissa de novo ibi posita post litem motam aliquam fecerat monialem, quòd amoveretur. Præcepit etiam quòd puellæ seculares quæ ibidem de bonis monasterii nutriuntur, expellerentur, & quòd volenti aliquam retinere, nihil de bonis monasterii administratur eisdem. Insuper cum quidam libri dicerentur ibidem sublatis, de quorum alienatione timebatur, præcepit Dominus infra Ascensionem omnes in medium reportari & necessarios ad officium divinum in loco prædicto seu consueto dimitti, non necessarios per Sacristam custodiri; & hoc fieri præcepit per duas juratas pro utraque parte. Et super his scripsit Dominus Ballivo Arvernæ, in cujus manu, nomine Regis, tenebatur temporalitas, ut de præmissis observari faceret quæ dicto monasterio crederet expedire. Dictis die & loco venerunt quidam magni & solemnes ex parte Abbatis Calæ Dei, qui cum Domino multis tractaverunt, & finaliter quandam litteram concordarunt quæ se declarat, & cujus tenor sequitur in hæc verba.

Simon Dei gratia Bituricensis Archiepiscopus, Aquitania Primas, & Arbertus ejusdem gratia Ab-

bas monasterii Casa Dei in Alvernia, universis presentes litteras inspecturis salutem in Domino. Novemur quòd [cum] nos prefatus Archiepiscopus assereremus & adhuc asseramus debere nos ad visitationem & procurationem jure metropolitano admitti & solvi nobis in monasterio Casa Dei procurationem eandem, dicto Abbate pro se & conventu suo contrarium asserente, causa pacis & concordia sic inter nos exiit concorditer ordinatum & expressè conventum, quòd nos Archiepiscopus predictus reciperemur nunc ad processionem & procurationem tantum in dicto monasterio; ita tamen quòd per hoc vel alia que faciemus ibi vel fient nobis Archiepiscopo predicto aut recipimus ab Abbate & conventu predictis, nihil nobis quoad proprietatem, possessionem, vel quasi vel cuiusunque alterius juris aut suffragii acquiratur. Sò verò aliquod jus proximò ante istam compositionem nobis Archiepiscopo competeat, illud salvum sit & servetur eidem, nec in dictis proprietate, possessione, vel quasi eisdem Abbati & conventui nec eorum privilegiis aliquid prejudicii generetur. Sanè quia ex quibusdam tractatibus habitis inter nos & Abbatem predictum speramus auctore Domino inter nos & ipsum ac monasterium suum per concordiam seu per sedem apostolicam pacis fœdera reformari, ordinatum est inter nos quòd usque ad septennium ab hodie numerandum & complendum non possimus visitationem vel procurationem nec aliquid occasione earum nos vel successores nostri petere efficaciter ab eisdem; ita tamen quòd per dilationem istam nullum nobis vel Ecclesie nostra fiat prejudicium, nisi interim per compositionem amicabilem & concordem vel per declarationem apostolica sedis factam fuerit aliter ordinatum; ad quam declarationem seu compositionem poterimus pendente dicto septennio procedere, si videamus expedire. Sò verò interim non fuerit declaratum, nobis Archiepif-

copo predicto id ius omnino petendum quo possunt hodie efficaciter uti & non amplius, & ipsis omnis omnino defensio qua possunt vel possent hodie se tueri per omnia reservantur. In quorum testimonium nos Archiepiscopus & Abbas predicti sigilla nostra presentibus duximus apponenda. Actum & datum anno Domini MCC. octogesimo quarto, die sabbati in festo beati Iohannis ante portam Latinam.

Hæc autem littera clausa fuit, certo die reposita fuit.

Die dominica sequenti venit Dominus apud Mazarat prioratum Casæ Dei, receptus processionallyter & procuratus. Prior noluit computare. Eadem die dominica misit Dominus Cononem suum Capellanum cum clerico coquinæ & coquum suum & quosdam alios pedites de familia sua ad abbatiam Casæ Dei, sicut alibi consueverant præmitti. Abbas eos satis curialiter recepit, & uni monachorum suorum præcepit ipsis tam pro Domino procurando quàm pro ipsius familia necessaria & interrogata affluenter ministrare; & hospitium in ambitu monasterii pro Domino & suis sequentibus assignarunt. Præmissi illo sero in villa voluerunt hospitari, quia hospitia non erant mandata in villa. Fuerunt illo sero per abbatiam procurati in fœno & avena pro equis, in pane, vino, carnibus, candela, & in aliis necessariis abundanter, prout petere voluerunt, & etiam multum plus oblatum.

Die Lunæ sequenti veniente Domino ad abbatiam & monasterium Casæ Dei, venerunt ei obviam satis longè, suum excusantes Abbatem quare non venerat obviam Domino, quia Missas suas audiebat & cantabat, & quod modus suus erat nullius omnino vacare donec Missam...

DIOCESIS LEMOVICENSIS.

ANno Domini millesimo ducentesimo octogesimo quinto, die Veneris post quindenam nativitatis beati Iohannis Baptistæ, intravit reverendus pater Simôn Bituricensis Archiepiscopus Aquitanie Primas Lemovicensem diocesim causa visitationis. Et primò declinavit ad abbatiam de Albispetris ordinis Cisterciensis; ubi receptus fuit processionaliter à conventu dicti loci, pullatis campanis, & prædicavit in capitulo. Et ipsa die pernoctavit ibidem ad expensas abbatiæ, nec fuit computatum. Et sciendum quòd in comitiva sua erant, ii quorum nomina hic notantur, videlicet Iohannes Abbas sancti Sulpitii Bituricensis frater Domini, Gilo Capellanus suus monachus sancti Sulpitii, Guido de Nohaylhes Capicerius Pictavenfis, Stephanus Capellanus suus, Giraudus de Briva Clericus suus tabellio publicus, magister Iohannes Gressilons Canonicus Bituricensis, magister P. de Virsione, qui venit tertia die post P. de Rupe, Archipresbyter de Castro Bituricensis diocesis, frater Hugo de Ferneriis monachus sancti Sulpitii Bituricensis, Otho de Salinis Canonicus Magdunensis Capellanus Domini; Cono rector Ecclesiæ Virsionis Capellanus Domini, qui venit postmodum Guido de Ranis Clericus Domini, & plures alii.

Dominica sequenti ante festum Magdalenæ in mane audivit ibi Missam, prædicavit, indulgentiam dedit, confirmavit. Et exinde venit apud Nozerinas prioratum Dolensem; ubi receptus fuit processionaliter ut supra, & procuratus ad expensas Prioris dicti loci. Summa expensarum octo libræ.

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Nozerinas prioratum Dolensem; & receptus fuit processionaliter ut suprâ, & procuratus ad expensas Prioris dicti loci. Non fuit computatum de expensis.

Dicta die Lunæ remisit ista vice Dominus, ob dilectionem & amicitiam magistri Girardi de Malomonte, procurationem quam habebat in prioratu de Auzisna prioratu Dolensi; quem prioratum idem magister G. tenebat,

Die Martis sequenti in mane audivit ibi Missam, confirmavit. Et exinde venit ad abbatiâ Prati-benedicti ordinis Cisterciensis; ubi receptus fuit processionaliter ut suprâ à conventu dicti loci, quia non habebant Abbatem; & ipsa die pernoctavit ibi ad expensas abbatiæ.

Die Mercurii sequenti audivit ibi Missam in quadam capella extra abbatiâ, confirmavit ibidem, & fecit coronas. Et exinde venit apud Pradeaux prioratum Dolensem; ubi receptus fuit processionaliter & procuratus ad expensas Prioris loci dicti, qui noluit computare.

Die Veneris sequenti in mane audivit ibi Missam, confirmavit. Et exinde venit apud Iarnage prioratum conventualem de Clusa; ubi receptus fuit processionaliter ut suprâ, & procuratus ad expensas Prioris, qui noluit computare. Media nocte verò inventi fuerunt duo parvuli latrunculi ante ostium cameræ Domini; quorum unus recognovit se cepisse in bursis Capellani & Clerici Capicerii Pictavenensis eadem nocte usque ad summam x v. solidorum, de quibus partem reddidit. Qui latrunculi incarcerati fuerunt in carcere Prioris domini dictæ villæ de Iarnage.

Die sabbati sequenti in vigilia Magdalenæ mane audivit ibi Missam, confirmavit. Et exinde venit apud Garectum prioratum sancti Savini Pictaven- sis diocesis. Receptus fuit processionaliter ut su- præ, audivit vesperas, completorium, & vigiliæ in Ecclesia sollemniter; & ipsa die procuratus fuit ad expensas Prioris dicti loci, qui noluit compu- tare.

Dominica sequenti in festo Magdalenæ venit Dominus apud abbatiam Agedunensem ordinis sancti Benedicti; ubi receptus fuit processionaliter ut supra ab Abbate & conventu dicti loci, cele- bravit Missam conventualem in pontificalibus cum pallio, acolythos fecit, prædicavit, indulgentiam dedit, confirmavit; & procuratus fuit ipsa die ad expensas Abbatis, nec fuit computatum. Eadem die proposuit Geraldus de Marciaco Clericus con- tra Iohannem Bachalat monachum beatæ Mariæ Ageduni quòd idem monachus interfuit murtro Iohannis de Marcat defuncti fratris dicti Geraldii; & est factum notorium & fama publica, & quòd huiusmodi facto perpetrato prædictus monachus fugit abbatiam de nocte. Idem dixit contra Petrum Bussi monachum dictæ abbatiæ & Priorem sancti Passencii.

Die Lunæ sequenti venit Dominus apud Bonum locum abbatiam ordinis Cisterciensis, ubi recep- tus fuit processionaliter ut supra ab Abbate & con- ventu dicti loci. Prædicavit in capitulo, audivit ibi Missam, & pernoctavit ibidem ad expensas abbatiæ; nec fuit computatum de expensis.

Die Martis sequenti in mane ibidem in Ecclesia consecravit duo altaria, unum in honore sanctæ crucis, & aliud in honore sancti Nicolai. Celebra- vit, tonsuras fecit, confirmavit. Et ipsa die exinde venit apud Turrem sancti Austregisili prioratum

Dolensem, quem Abbas tenet in manu sua; ubi receptus fuit processionaliter ut suprà & procuratus ad expensas ejusdem monachi procuratoris dicti Abbatis. Summa expensarum VIII. libræ & XII. solidi.

Die Mercurii sequenti in festo beatorum Iacobi & Christophori venit Dominus apud Goson prioratum Stirpensem, ubi receptus fuit processionaliter ut suprà. Celebravit in pontificalibus cum pallio, prædicavit, indulgentiam dedit; & procuratus fuit ad expensas Prioris dicti loci, qui noluit computare.

Die Iovis sequenti venit Dominus apud abbatiam Cambonensem, ubi receptus fuit processionaliter ut suprà à Præposito & conventu dicti loci. Audivit ibi Missam, & prædicavit in capitulo; & procuratus fuit ad expensas Præpositi dicti loci, qui noluit computare. Quia verò Domino datum fuerat intelligi à quibusdam monachis dicti loci quòd Præpositus dictæ Ecclesiæ bona temporalia & spiritualia dissipabat, dicto Præposito contrarium asserente, Dominus super iis volens inquirere veritatem, prout suo incumbit officio, mandavit conventum dicti loci coram se ipsa die, ut sibi super statu suæ Ecclesiæ dicerent veritatem. Qui monachi, juramento obedientiæ ad hoc adstricti, sibi responderunt omnes & concorditer, publicè tamen, quòd præfatus Præpositus laudabiliter se habebat tam in spiritualibus quàm in temporalibus, & quòd bona Ecclesiæ erant in bono statu tam in capite quam in membris. Quorum responsionibus, acquievit. Et iis actis, in inquisitione prædicta ulterius procedere noluit.

Die Veneris sequenti in mane audivit ibi Missam, confirmavit, fecit tonsuras. Et exinde venit apud abbatiam Evahonensem, ubi receptus fuit

processionaliter ut supra à præposito & conventu dicti loci. Audivit ibi Missam, prædicavit in capitulo, præsentibus Præposito & conventu dicti monasterii & aliis Prioribus foraneis, videlicet Priore de Cantella, Priore de Domairac, Priore sancti Petri de Montelucio, Priore de Tullo, Priore de Neris, & pluribus aliis, necnon præsentibus Decano Lemovicensi Domino Iohanne de Vernoliis, Petro Malens Canonico Lemovicensi, & sociis Episcopi Lemovicensis, Magistro. G. de Armento Officiali Claromontensi, & Præposito Cambonensi, & pluribus aliis Clericis & laïcis. Vbi Prior de Trenant Domino contra suum Præpositum graviter conquerendo monstravit quòd cùm esset in possessione prioratus de Trenant, idem Præpositus de Evahon ipsum spoliaverat sine causa à possessione prædicta; asserens dictus Prior quòd de consuetudine in prædicta Ecclesia de Evahon approbata ita erat, quòd Præpositus non poterat aliquem prioratum conferre nisi in capitulo & de consensu capituli, nec etiam aliquem Priorem destituere, deponere, seu amovere nisi ex causa allegata & approbata & de consensu capituli ac etiam Metropolitani; dicto Præposito contra illam consuetudinem se opponente & aliam consuetudinem allegante. Quibus sic propositis & auditis in præsentia nominatorum supra, præcepit Dominus partibus quòd quilibet de jure suo ipsum informaret, & patri quæ potiora jura pro se ostenderet jus suum faceret deliberari. Quibus sic actis, exivit capitulum; & dictus Præpositus pro bono pacis voluit, & promisit postmodum in præsentia Domini, quòd dictus Prior possessionem bonorum dicti prioratus unà cum dicto prioratu integre rehaberet. His actis, ipsa die procuratus fuit dictus Dominus Bituricensis ibidem ad expensas

Praepositi & conventus dicti loci, nec fuit computatum de expensis.

Die Sabbati sequenti audivit ibi Missam in mane, confirmavit. Et exinde venit apud Ruygnac prioratum Evahonensem; ubi receptus fuit ut supra, & procuratus ad expensas proprias Prioris dicti loci, qui noluit computare de expensis.

Dominica sequenti in octavis Magdalenae venit Dominus apud Manicac prioratum Silvigniacensem, ubi receptus fuit processionaliter ut supra. Audivit Missam, confirmavit, tonsuras fecit. Et quia inter Priorem & Capellanum dicti loci contentio vertebatur super hoc quod dictus Prior dicebat Capellanum teneri ad medietatem procurationis, vocatis partibus, Dominus super hoc inquisivit, & invenit per testes quod praedecessores dicti Capellani solverant medietatem procurationis. Propter quod dicto Priori, qui sibi ministraverat dictam procurationem, dedit unam litteram in qua continebatur quod nisi infra certum terminum idem Capellanus satisfecisset de medietate procurationis praedictae praedicto Priori, quod propter hoc esset excommunicatus idem Capellanus. Et fuit summa expensarum ix. librae & iv. solidi.

Die Martis sequenti in festo sancti Germani venit Dominus apud monasterium Rosoliense, ubi sunt Canonici seculares; & receptus fuit processionaliter ut supra Canonici dictae Ecclesiae. Celebravit in pontificalibus, fecit acolythos; praedicavit, indulgentiam dedit, confirmavit, tonsuras fecit; & procuratus fuit ibidem ad expensas capituli. Summa expensarum xi. librae vi. solidi. Ipsa vero vero die quendam Clericum dictae villae, qui extirpaverat vineam Sacristae dictae Ecclesiae, coram se citari fecit, Qui citatus comparens recognovit se dictam vineam extirpasse. Propter quod Domi-

nus condemnauit ipsum Clericum in decem solidis Turonensibus reddendis dicto Sacristæ infra quindecim Dies; & super hoc concessit litteram dicto Sacristæ.

Die Mercurii sequenti in festo sancti Petri ad vincula venit Dominus apud Pheletinum prioratum Cambonensem; ubi receptus fuit processionaliter ut suprâ. Celebravit in pontificalibus cum pallio, fecit acolythos, prædicavit, indulgentiam dedit, confirmavit, & fecit tonsuras. Procuratus fuit ipsa die ad expensas Prioris, qui noluit computare de expensis.

Die Iouis sequenti venit Dominus apud Meignac prioratum Dolensem, quem Abbas Dolensis tenebat in manu sua; & ibi fuit receptus processionaliter ut suprâ, audivit Missam, & procuratus fuit ibidem. Summa expensarum v l i i. libræ. Eadem verò die comparuit ibidem coram Domino Iohannes Leonardi Canonicus Ecclesiæ Rosoliensis citatus de mandato Domini pro eo quòd ipse manus iniecerat violentas in Iohannem Malteherbes laicum in cimiterio Rosoliensi usque ad effusionem sanguinis; quam effusionem sanguinis recognovit idem Canonicus coram Domino, & se super hoc ordinationi Domini supposuit. Vnde Dominus condemnauit ipsum in decem solidis Turonensibus reddendis passo injuriam. Item condemnauit eundem in una capa serica in pretio sex librarum Turonensium reddenda Ecclesiæ Rosoliensi infra annum instantem (& super hoc fuerunt plegi Capellanus Ecclesiæ Rosoliensis & Petrus Tire Canonicus dicti loci) pro injuria illata Ecclesiæ prædictæ Rosoliensi pro verberatione & sanguinis effusione facta in cimiterio Ecclesiæ prædictæ; & super hoc dedit litteras, quæ traditæ fuerunt Archipresbytero de Albuconio, ut per ipsum pœna levaretur prædicta.

Eadem verò die ad reconciliandum dictum cimiterium benedixit aquam, & mandavit dictum cimiterium benedici ex illa aqua benedicta per Capellanum de Chambonac. Hoc enim poterat facere Dominus ex privilegio speciali, videlicet cimiteria polluta sanguine vel aliàs reconciliari facere per quemcunque vellet, dum tamen esset idoneus & ad hoc instructus.

Die veneris sequenti in festo inventionis sancti Stephani venit Dominus apud abbatiam de Bonaqua ordinis Cisterciensis; ubi receptus fuit processionaliter ab Abbate & conventu dicti loci, pulsatis campanis. Prædicavit in capitulo, celebravit Missam conventualem in pontificalibus cum pallio, fecit acolythos & tonsuras, & pernoctavit ibidem. Quia verò Abbas minùs sufficiënter necessaria ministraverat Domino & suis, deficiendo in ferratura equorum, & culcitris, linteaminibus, palea, & multis aliis, Dominus die crastina in mane eundem Abbatem canonicè monuit de emendando prædictum delictum. Et licèt dictus Abbas offerret se facturum voluntatem Domini verbo & non facto, Dominus eum excommunicavit; & ex abundanti appellavit idem Dominus ad sedem apostolicam pro se & suis & ad hoc consentientibus, ne ipsi Abbas & conventus vel exequutores eorum a sede apostolica deputati, si quos habebant, aliquid de facto contra ipsum vel suos attentarent. Insuper legi fecit idem Dominus ibidem privilegium quod habebat, videlicet quòd nullus delegatus, subdelegatus, conservator vel exequutores quicunque ipsum possent excommunicare.

Die sabbati sequenti venit Dominus apud Portum Dei prioratum conventualem Calix Dei; ubi receptus fuit processionaliter & honorifi è ut suprà. Audivit Dominus Missam conventualem, confir-

mavit ; & procuratus fuit ad expensas Prioris dicti loci , nec voluit computare de expensis.

Dominica sequenti in mane fecit ibi tonsuras. Et exinde venit apud Bortum prioratum Clugniacensem , quem tenebat Episcopus Claromontensis ; ubi fuit receptus ut supra. Audivit ibi Missam confirmavit ; & procuratus fuit ibidem ad expensas procuratoris dicti Episcopi Claromontensis. Non fuit computatum de expensis.

Die Lunæ sequenti venit Dominus apud sanctum Angelum prioratum conventualem de Carroffio , ubi receptus fuit ut supra. Audivit Missam , confirmavit ; & procuratus fuit ad expensas Prioris dicti loci , qui noluit computare de expensis.

Die Martis sequenti in mane fecit ibi tonsuras, Et exinde venit apud Maimac abbatiam ordinis sancti Benedicti , ubi receptus fuit processionaliter ut supra ab Abbate & conventu dicti loci. Celebravit , & procuratus fuit ipsa die ad expensas abbatiæ. Et quia datum fuerat Domino intelligi quòd monachi dictæ abbatiæ multum dissolutè vivebant jacentes in cameris , omisso eorum dormitorio , comedentes singulariter in cameris , eorum refectorio prætermisso , mandavit Dominus Abbatem & monachos dicti loci coram se , & in præsentia monachorum suorum eidem Abbati præcepit quòd de cetero comederent in refectorio & jacerent in dormitorio & non alibi nisi ex causa , exceptis in officiis constitutis ; de quibus præcepit Dominus ut servaretur in eis quod hactenus fuerat observatum. Prædictus autem Abbas promisit Domino quòd staret ordinationi suæ , & quòd in præmissis tamquam suo ordinario obediret.

Die Mercurii sequenti venit Dominus apud Vedrines prioratum Casæ Dei ; ubi receptus processionaliter ut supra , audivit Missam , & procuratus

fuit ibidem ad expensas Prioris dicti loci. Summa expensarum ix. libræ.

Eadem die finavit Prior de Vantador Clugniacensis ordinis de procuratione sua ad x. libras.

Et ipsa die incepit Dominus dare commissiones sub hac forma.

Simon Dei gratia Bituricensis Archiepiscopus, Aquitania Primas, dilecto in Christo tali Priori vel Abbati Lemovicensis diocesis salutem in Domino. Conquestus est nobis Lemovicensem diocesim visitantibus B. ejusdem diocesis quòd P. & H. Clerici vel laici prefata diocesis super terris, debitis, possessionibus, & rebus aliis vel usuris injuriantur eidem. Idcirco discretioni vestra committimus & mandamus quatinus coram vobis partibus convocatis, audiat causas, & fine debito terminetis, facientes quod decreveritis per censuram ecclesiasticam auctoritate nostra firmiter observari. Testes autem qui fuerint nominati, si se gratia, odio, vel timore subtraxerint, censura simili compellatis veritati testimonium perhibere. Datum &c.

Eadem die impetravit commissionem Iohannes de Othararico monachus Casæ Dei contra Renaudum Alemart, Gaubertum Aboniar, Petrum Galteri, & uxorem Iohannis Boet Lemovicensis diocesis; & habuit judicem magistrum P. de Podis Canonicum Hacentensis monasterii.

Die Iovis sequenti in mane audivit ibi Missam Dominus, confirmavit, tonsuras fecit. Et exinde venit apud Tutelam abbatiam ordinis sancti Benedicti; ubi Abbas & burgenses dictæ villæ cum trumpis & instrumentis aliis jocundis obviaverunt Domino, & ipsum conduxerunt usque ad portam Ecclesiæ; & illic fuit receptus honorificè ab Abbate & conventu dicti loci, pulsatis campanis, & processionaliter, & procuratus ibidem ad expensa-

abbatiæ ; & non fuit computatum de expensis.

Die Veneris fequenti in feſto beati Laurenti in mane intravit capitulum , prædicavit , poſtmodum celebravit Miſſam conventualem in pontificalibus cum pallio , fecit acolythos , prædicavit populo , indulgentiam dedit ; & fuit ibidem ipſa die ex gratia ad expenſas & invitationem Abbatis dicti loci, Qua die , congregato capitulo , Dominus in præſentia capituli propoſuit quòd monachi in prioratibus conſtituti ſæpiſſime prioratibus ſuis debitis ſervitoribus deſtitutis veniebant ad abbatiam ſuam , ibidem diutiùs reſidentes , & in cameris dictæ abbatiæ comedebant , & ſecum multos monachos dictæ abbatiæ invitabant pro machinationibus & aliquibus diſcordiis ſuſcitandis & ut eos poſſent trahere ad voluntatem ſuam faciendam , & ita bona abbatiæ pro nihilo conſumebant , prioratus ſuos debito ſervitio defraudantes. Quare præcepit eis Dominus ut ſuper ſtatu abbatiæ reſponderent ſibi veritatem. Prædicti autem Abbas & monachi reſponderent concorditer quòd abbatia tam in temporalibus quàm in ſpiritualibus erat in bono ſtatu. Quibus auditis , Dominus noluit procedere ulterius , ſed reſceſſit.

Die ſabbati ſequenti in mane audivit ibi Miſſam , confirmavit , tonsuras fecit. Et exinde venit apud Obazinam abbatiam Cisterciensem , ubi receptus fuit proceſſionaliter ut ſuprà. Prædicavit in capitulo , & rogavit ipſos de capitulo ut ipſum recommendatum haberent in orationibus ſuis & beneficiis. Qui devotè eidem annuerunt. Poſt prandium eadem die viſitavit Dominus moniales ibidem propè exiſtentes , quæ nullo tempore vitæ ſuæ exeunt clauſtrum , ut dicitur , nec intrant clauſtrum homines niſi cum Prælatiſ vel perſonis honeſtiſ. Prædicavit ibidem , & dedit indulgentiam.

Die dominica in mane sequenri consecravir ibi-
dem in quadam capella quoddam altare in honore
beatæ Mariæ Magdalenæ ; audivit Missam , & de-
dit indulgentiam illis qui interfuerant consecratio-
ni dicti altaris. Exinde venit apud Argentac priora-
tum conventualem de Clusa , ubi receptus fuit
processionaliter ut supra ; audivit Missam , confir-
mavit , & procuratus fuit ad expensas Prioris dicti
loci , nec fuit computatum de expensis.

Die Lunæ sequenti audivit ibi Missam , confir-
mavit , tonsuras fecit. Et exinde venit apud Briva-
fac, prioratum Sollemniacensem ; ubi receptus fuit
processionaliter ut supra , & procuratus ad expen-
sas Prioris dicti loci , nec fuit computatum de ex-
pensis.

Die Martis in vigilia Assumptionis beatæ Ma-
riæ venit Dominus apud Bellumlocum, ubi fuit
honorificè receptus à burgensibus & processionali-
ter ab Abbata & conventu dicti loci. Intravit capi-
tulum , prædicavit & visitavit ; & in ipso capitulo
recepit homagium & fidelitatis juramentum ab Ab-
bate prædicto de villa Bellilocenſi cum pertinen-
tiis feodis ipsius villæ , secundum quod in littera
compositionis olim factæ inter Abbatem & Domi-
num Bituricensem Archiepiscopum continetur. Et
protestatus fuit Dominus quòd licet dicta homa-
gium & juramentum receperit in capitulo supradic-
to, nullum sibi & Ecclesiæ Bituricensi præjudi-
cium generetur quin prædictus Abbas & successo-
res ejus ea facere teneantur alibi quando fuerint
requisiti ; petens idem Dominus Archiepiscopus ab
ipſo Abbate claves portarum dictæ villæ sibi tradi
in signum dominiî , prout facere tenebatur. Qui
respondit quòd libenter eas traderet , si haberet,
sed ad præſens eas non habebat , nec habere pote-
rat, quia Bernardus de Sacratio , cui eas commise-

rat custodiendas tempore Domini Guidonis prædecessoris Domini, sibi reddere denegabat, præsentibus pluribus monachis & burgensibus dictæ villæ, quorum nomina scripta sunt in litteris inferius confectis. Eodem verò die Dominus fuit cum Abbate ex gratia & à burgensibus villæ.

Super homagio & juramento fidelitatis factò dedit Abbas litteram sigillo suo sigillatam sub hac forma.

Vniuersis presentes litteras inspecturis Bego humilis Abbas Bellilocensis Lemovicensis diocesis salutem in Domino. Noveritis quòd cum nos & conventus noster nomine Ecclesiæ nostræ Bellilocensis à reverendo patre Domino S. Bituricensi Archiepiscopo Aquitaniæ Primæ nomine sacrosanctæ Bituricensis Ecclesiæ teneamus in feodum & tenere debeamus villam nostram Bellilocensem cum pertinentiis & juribus ad ipsam spectantibus, cum prædicta omnia moveant de feodo & dominio Bituricensis Ecclesiæ, prout evidenter per probationes legitimas productas coram Officiali Nivernensi iudice super hoc delegato à reverendo patre Simone Dei gratia tituli sanctæ Cecilie Presbytero Cardinali tunc apostolica sedis Legato apparei & per diffinitivam sententiam ab eodem contra nos pro Bituricensi Archiepiscopo promulgatam. Item cum nos teneamus in feodis à Domino Archiepiscopo nomine Bituricensis Ecclesiæ omnia temporalia prioratuum omnium, administrationum, & obedientiarum ad monasterium nostrum spectantium, ac omnes alias villas n. st. as cum pertinentibus suis & juribus omnibus, ac omnia feoda & re feoda ad monasterium nostrum spectantia, videlicet reparium & temporalia de Scaulbac, administrationem & temporalia de Friac & de Favars & de Riberia, de Biaroz, & Deuscou, & de Barda, & de Signec, & propositatum de Tudel, & temporalia Ecclesiarum de Felinis, de Girat, & de

Bonavilla, de Scauquel, & de Bochart, Datilac, de la Tuc, & de Nemore, & villam de Condac, villam del Saule, homagia & feoda Vicecomitis Turrenna, domini de Cust'o novo, domini Rigaudi de Cavengnac, R. de Curamonta, domini de Nioleto, domini Fibi'rti-le Pomeya, domini Gilberti de Ganerii, domini Guillelmi de Cabra, Petri Doragnac, Guillelmi de Moritanis, Guillelmi & Ademari de Favras, dominorum de Malamorte, & omnium aliarum personarum que nobis & monasterio nostro debent vel fecerunt homagia & que tenent in feodum vel refeodum à nobis monasterio nostro vel tenere debent, nec prædicta omnia vel aliqua de prædictis tenemus ab alio domino temporali nec tenere possumus, cum ipse Archiepiscopus noster & rerum nostrarum temporalium dominus sit superior temporalis, & resortum habet à nobis tamquam dominus temporalis superior & habere debet & successores sui in perpetuum. Necnon eidem & successoribus jurare tenemur fidelitatem, ac eidem claves Bellilocenses tradere in novo adventu suo, anno Domini millesimo ducentesimo octogesimo quinto, decimonono Kalendas Augusti, die Martis quattadecima ejusdem mensis, in vigilia Assumptionis beatae Mariae virginis, in monasterio nostro, videlicet in capitulo nostro, circa tertiam pulsata campana ad congregandum conventum nostrum in dicto capitulo, reverendo in Christo patri Domino Simoni Dei gratia Bituricensi Archiepiscopo Aquitania Primatei supradicto nomine Bituricensis Ecclesie homagium fecimus & juramentum fidelitatis de omnibus supradictis, presentibus & ad hoc vocatis religioso viro Iohanne Abbate sancti Sulpitii Bituricensis, venerabilibus viris Domino Guidone de Nohailhes Capicerio Pictavensi, & magistro Iohanne Gressillon Canonico Bituricensi, fratribus Simone de Blesis & Iohanne de sancta Severa ordinis Minorum, P. de Rupe Archi-

presbytero de Castra Bituricensis alioceſis, fratre Hugone de Faveriis monacho ſancti Sulpitii Bituricensis, Oelhone de Salinis Presbytero Canonico Magdunensi, Conone Presbytero rectore Eccleſie parochialis de Verſione Bituricensis dioceſis, Hugone monacho Priore de Vrſeto Claromontensis dioceſis, Iohanne de Maimac Priore clauſtrali monaſterii noſtri, Bernardo de Quercu Infirmario, Petro de Planis Camerario, Bertrando de Favars, Stephano de ſancto Badelio, Aymerico de Vigilando monachis ejuſdem monaſterii, Martino la Celhe, Petro Majoris, Petro del Segrey, Bertrando del Segrey, Ademaro la Treilhe, magiſtro Guillelmo Majoris, & Laurentio Stephani burgenſibus villa noſtra Bellilocensis, & pluribus aliis.

Die Veneris poſt Aſſumptionem beatæ Mariæ venit Dominus apud Albignet prioratum de Cluſa, ubi receptus fuit proceſſionaliter ut ſuprà. Audivit Miſſam, confirmavit, tonſuras fecit, & procuratus fuit ad expenſas Prioris dicti loci.

Die ſabbati ſequenti in mane audivit ibi Miſſam. Et exinde venit ad Brivam prioratum ordinis ſancti Auguſtini; ubi receptus fuit proceſſionaliter & procuratus ad expenſas Prioris dicti loci.

Die dominica ſequenti fuit ibidem ad invitationem Domini Guidonis de Nohailhes Capicerii Piſtavenſis ex gratia in domibus dicti Prioris. Et fuit ſecum Epiſcopus Caturcensis. Eadem die celebravit in pontificalibus cum pallio, fecit acolythos & tonſuras, prædicavit, indulgentiam dedit.

Die Lunæ ſequenti in mane audivit ibi Miſſam. Et exinde venit apud Voſies abbatiam ordinis ſancti Benedicti; ubi receptus fuit proceſſionaliter ut ſuprà, & procuratus ad expenſas abbatiæ, nec fuit computatum de expenſis.

Die Martiſ ſequenti audivit ibi Miſſam, intravit capitulum, prædicari fecit. Et exinde venit apud

Vſarchiam, ubi receptus fuit proceſſionaliter ut ſuprà ab Abbate & conventu dicti loci, & procuratus ad expenſas abbatia. Non fuit computatum.

Die Mercurii ſequenti in octavis Aſſumptionis beatæ Mariæ in mane audivit Miſſam ibi, prædicavit, tonſuras fecit, & confirmavit. Et exinde venit apud Arnacum prioratum ſancti Martialis Lemovicenſis; ubi receptus fuit proceſſionaliter ut ſuprà, & procuratus ab expenſas prioris dicti loci.

Eadem die conceſſit commiſſionem Dominus Stephano Salavall Clerico conquerenti quòd Bernardus Bonifaci, Guido, Eſtuderii Bartholomæus Radulphi, Bernardus Iudicis de Capella, Petrus & Gacelinus fratres ſuper terris &c. iudicem Priorem clauſtralem Belliloci.

Die Iovis ſequenti in mane audivit ibi Miſſam, confirmavit, tonſuras fecit. Et exinde venit ad prioratum ſancti Roberti de Caſa Dei, ubi receptus fuit proceſſionaliter, & procuratus ad expenſas Prioris dicti loci.

Die Veneris ſequenti in feſto beati Bartholomæi venit Dominus apud Dalon abbatiam Ciſterciienſem, ubi receptus fuit proceſſionaliter ut ſuprà. Et duo altaria in Eccleſia dicti loci conſecravit, unum in honore beati Bartholomæi, & aliud in honore Apoſtolorum Simonis & Iudæ. Audivit Miſſam, confirmavit, & fecit tonſuras; & pernoctavit ibidem ad expenſas abbatia. Non fuit computatum de expenſas.

Die ſabbati ſequenti venit Dominus apud ſanctum Aredium, ubi ſunt Canonici ſeculares; & receptus fuit proceſſionaliter ut ſuprà à Decano & capitulo dicti loci. Ipſa die celebravit Dominus in pontificalibus magnam Miſſam, & fuit procuratus dicta die ad expenſas Decani & capitulo dicti loci. Summa expenſarum,

Die

Die dominica sequenti in Ecclesia dicti loci duo altaria consecravit, unum in honore sancti Aredii, & aliud in honore sancti Iuniani. Celebravit in pontificalibus cum pallio, fecit acolythos & tonsuras, confirmavit. Et ipsa die venit apud Chalas prioratum conventualem sancti Augustini; ubi fuit receptus processionaliter ut supra & procuratus ad expensas Prioris dicti loci.

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Sollemniacum abbatiam sancti Benedicti. ubi Episcopus Lemovicensis, Abbas sancti Martialis Lemovicensis; & plures alii venerunt Domino obviam; & fuit receptus processionaliter, ipsis præsentibus, ab Abbate & conventu dicti loci processionaliter ut supra; procuratus ad expensas abbatiae. Summa expensarum,

Eadem die concessit Dominus commissionem Abbati & conventui dicti loci conquerentibus quòd Ademarus de Cambonio dictus Cecharus, Guido & Aymericus de Claro oculo, & Iohannes Medici Lemovicensis diocesis, super terris, debitis, possessionibus &c. injuriantur eisdem. judicem Priorem claustralem Bellilocensem præfatæ diocesis. Item aliquam dictis conquerentibus quòd Iohannes Gregorii & ejus uxor, magister Matthæus, qui moratur cum domino Gacelino de Castronovo Milite, dictus Lalamans, & dictus Baurac de Gezoni præfatæ diocesis super terris &c. injuriantur eisdem judicem supradictum.

Item aliam Præposito de Fagia monacho Sollemniacensi ejusdem diocesis conquerenti quòd P. Baylac, G. Doneu domicellus, Iohannes de Quaro Aymerz Samçonet, & Guido Rogerii præfatæ diocesis super terris &c. injuriantur eisdem. judicem supradictum.

Item aliam dicto Præposito conquerenti quod B. Greu, B. Baylet Presbyter dictus Barrisso, P. de Brogli, & Bernardus Manha præfatæ diocesis super terris &c. injuriantur eidem. judicem Priorem claustralem Bellilocensem prædictum.

Item aliam Priori de Cella monacho Sollemniacensi conquerenti quod Guido Gergnos, dictus Gannac, dictus Bonet Cans, & Iohannes Pellissa diocesis prædictæ Lemovicensis super terris &c. injuriantur eidem. judicem supradictum.

Item aliam Guillelmo Saderia Clerico conquerenti quod Ademarus de Saxum Miles, Guillelmus de la Rocha, Iohannes Bertrandi, G. Lacoſta, P. Faure de Examduno ejusdem diocesis super terris &c. injuriantur eidem. judicem Priorem sancti Geraldii Lemovicensis.

Item die Martis sequenti in mane audivit ibi Missam, confirmavit, & fecit tonsuras. Et exinde venit apud Calucium castrum magistri Geraldii de Malomonte, & fuit ibidem ad invitationem dicti magistri ex gratia.

Die Mercurii sequenti in festo decollationis beati Iohannis Baptistæ in mane audivit ibidem Missam, confirmavit, tonsuras fecit. Et exinde venit apud Petram-Bufferiam, ubi receptus fuit processionaliter ut supra, & Procuratus ad expensas Prioris dicti loci & Præpositi de Carovico, qui duo unam procuracionem dant. Prioratus de Petra-Bufferia est de abbacia Sollemniacensi. Prior de Carovico est de abbacia sancti Augustini Lemovicensis. Summa expensatum

Eadem die fecit homagium Domino & juramentum fidelitatis Prior monasterii de Vicano Caturcensis diocesis de omnibus temporalibus & juribus quæ habebat seu habere poterat aut debebat in villa Vicanensi & pertinentiis suis, præsentibus religiosis

viris Iohanne Abbate sancti Sulpitii Bituricensis, Priore de Petra - Bufferia, Domino Guidone de Nohailhes Capicerio Pictavensi, Domino Ademaro de Riparia, magistris I. Grefillon Canonico Bituricensi, P. de Versione, P. de Rupe Archipresbytero de Castra Bituricensis diocesis, Oethone de Salinis Capellano Domini Canonico Magdunensi, & pluribus aliis Clericis & laicis. Et licet dictus Prior dictum homagium teneretur facere Bituris, ad supplicationem dicti Prioris & multorum bonorum recepit ibidem dictum homagium ex gratia. Super quibus debuit dare litteras dictus Prior de Vicano.

Dicta die impetravit à Domino commissionem P. de Bellomonte Clericus contra rectorem Ecclesiæ de Mauzanis, Blas. Chaussandras, Bartholomæum de Murato, P. Guardelli, & Geraldum Chambafortz laicos ejusdem diocesis; & habuit Bertrandum Alboyni Canonicum sancti Iuniani ejusdem diocesis.

Item eidem P. aliam commissionem contra rectorem Ecclesiæ sancti Hilarii de Turnis, P. Hugonis Dantoyr, & Bonetum ejus filium, & P. Gardelli laicos ejusdem diocesis; & habuit judicem Guillelmum Ademari Canonicum sancti Areddii Lemovicensis diocesis.

Item idem P. aliam commissionem obtinuit contra rectorem Ecclesiæ de Lestaurs, P. de Marillho, Guidonem Dassio Clericos, P. Gaurdelli & Blas. Chaussandras ejusdem diocesis; & habuit judicem Iunianum Canoys Canonicum sancti Iuniani ejusdem diocesis.

Item impetravit aliam idem P. contra Stephanum Chandeliers, Stephanum de Vernant, & Stephanum la Trocharia laicos ejusdem diocesis; & habuit judicem. P. Faydici Canonicum Rasoliensem ejusdem diocesis.

Item impetravit idem P. aliam contra rectorem Ecclesiæ d'Autor, Bonetum ejus fratrem, Guillelmum Gaialhatz Guillelmum Emerici de Vserchia & ejus uxorem præfatæ diocesis; & habuit judicem Guidonem del Chauscahier Canonicum sancti Aredii.

Item impetravit Idem P. contra Priorem de Vinhareria, rectorem Ecclesiæ de Sodaena, & Guillelmum Malais laicum ejusdem diocesis; & habuit judicem Bertrandum Alboyni Canonicum sancti Juniani.

Die Iovis sequenti in mane audivit ibi Missam, confirmavit, tonsuras fecit. Et exinde venit apud Aurelium prioratum conventualem sancti Augustini; ubi receptus fuit processionaliter, præsentem Episcopo Lemovicensi, ut supra. Et ibidem inter Dominum & Episcopum de multis contulerunt. Postea recessit Episcopus, & ivit pransum ibi propè ad duas leucas; & Dominus remansit, & procuratus fuit ibidem ad expensas Prioris dicti loci.

Dicta die impetravit Præpositus d'Arto monachus Sollemniacensis commissionem contradictum Arnaus, Guillelmum Pelos, & Stephanam ejus uxorem, P. & Iohannem dictos Gautier Lemovicensis diocesis; & habuit judicem Priorem de Bello loco Lemovicensis diocesis.

Item aliam commissionem impetravit Prior de Layral Claromontensis diocesis ordinis sancti Benedicti contra Hugonem de Frayxainas dictum le Tondou Palic, Iohannem rectorem Ecclesiæ de Verneya, rectorem Ecclesiæ de Petrasista, Iohannem de Vrchier Presbyterum Lemovicensis diocesis; & habuit judicem Priorem monasterii Bellilocus ejusdem diocesis.

Die Veneris in mane audivit ibi Missam, confirmavit, & fecit tonsuras. Et exinde venit apud Ar-

vigiam prioratum conventualem. Ordo est per se. Vbi fuit receptus processionaliter. Prædicavit in capitulo, & procuratus fuit ibidem ad expensas Prioris dicti loci.

Die sabbati sequenti in mane audivit ibi Missam, & fecit tonsuras. Et exinde venit apud monasterium Haentense; ubi receptus fuit processionaliter à Præposito & capitulo dicti loci, & procuratus fuit ipsa die ad expensas capituli dictæ Ecclesiæ.

Eadem verò die vocavit Dominus Canonicos dictæ Ecclesiæ coram se, & inquisivit de statu Ecclesiæ. Et quia venerabilis vir magister R. de Albuconio præposituram dictæ Ecclesiæ Haentensis & præposituram Ecclesiæ Rosoliensis necnon & Ecclesiam parrochiam sancti Silvani prope Bellamgardam in eadem diocesi Lemovicensi tenebat tamquam intitulata, in modum qui sequitur contradictum Præpositum processit post multas accusationes.

Simon Dei gratia Bituricensis Archiepiscopus, Aquitania Primas, universis presentes literas inspecturis salutem in Domino. Nuper Lemovicensem diocesim visitantes, dum per villam Bellagarda transitum faceremus, ex clamosa insinuatione parrochianorum Ecclesiæ sancti Silvani prope villam prædictam frequenter didicimus quòd venerabilis vir magister R. de Albuconio tria beneficia, quæ inferius annotantur, tamquam intitulata detinebat, quorum unum ex altero non dependet, in suæ salutis præjudicium & scandalum plurimorum, videlicet Ecclesiam sancti Silvani curam animarum habentem, ac præposituram Ecclesiæ Rosoliensis, necnon & præposituram Ecclesiæ Haentensis, quæ præpositura in dictis Ecclesiis dignitates reputantur. Postea autem ad Ecclesiam Rosoliensem descendimus, visitationis officium exercentes; ubi Canonici dictæ Ecclesiæ nobis hæc eadem reitulerunt

Tandem ad Ecclesiam Haentensem declinavimus, vici-
 sitationis officium exercentes. ubi Canonici dictæ Eccle-
 siæ clamorem præcedentium confirmantes, non sufficie-
 bant admirari quæ conscientia tam enormem excessum,
 non compatiendo prædictis Ecclesiis, toleravimus. Cum
 autem præmissa essent notoria & manifesta & adhuc
 sint, ac Episcopus dictæ Lemovicensis diocesis quoad
 præmissa negligens fuerit, ut dicitur, & remissus, licet
 beneficia quæ tanto tempore vacavissent quod ad nos
 vel ad sedem apostolicam esset eorum devoluta conse-
 rendi potestas, jure metropolitano seu auctoritate sedis
 apostolica conferre possimus, tandem juxta verbum
 Apostoli dicentis; Nemini citò manum imponas,
 volentes super præmissis habere certitudinem plenio-
 rem, ipsum magistrum R die sabbati ante nativitatem
 beate Maria virginis vocavimus coram nobis apud
 Haentum, & ab ipso petimus diligenter utrum præ-
 fatum clamorem opere complevisset. Qui nobis respon-
 dit quod præfatam Ecclesiam parochialem ac dig-
 nitates prædictas detinuerat per longa tempora & ad-
 huc etiam detinebat, fructus & exitus dictorum be-
 neficiarum levando & percipiendo; quæ beneficia, ut
 dicebat, successivè fuerat affectus, primò prepositu-
 ram Rosoliensem, deinde preposituram Haentensem,
 & ultimò Ecclesiam parochialem prædictam; asse-
 rens tamen fuisse super præmissis cum ipso à sede apo-
 stolica dispensatum; quam dispensationem ad nostram
 conscientiam informandam ab ipso nobis petimus osten-
 di. Qui nobis respondit quod dispensationem prædi-
 ctam non habebat ad præsens ne habere poterat; sed
 die tertia à nobis sibi assignata illam nobis ostenderet
 & offerret; & nos ad supplicationem ipsius dem Ve-
 neris in vigilia navitatis beate Mariae sibi assigna-
 vi; ut per hæc coram nobis apud Lemovicem ad osten-
 dendum & exhibendum nobis dispensationem prædi-
 ctam, si quam habet, & ad procedendum ulterius ut-

fus eris. Quam diem prefatus R. grateranter & voluntate acceptavit, presentibus religiosis viris Johanne Abbate sancti Sulpitii Bituricensis, I. de Phelino ordinis Prædicatorum Lemovicensis, ac discretis viris Domino Guidone de Nohaylhes Capicario Piclavenfi, magistris I. Gressillon Canonico Bituricensi, Ademaro de Riparia, & Petro de Versione Clericis, & Domino Johanne de Vernolhiis Canonico Lemovicensi, ac religioso viro Priore de Maravalle Lemovicensis diocesis, & pluribus aliis. Datum dicta die sabbati ante nativitatem beatae Mariae apud Haentum anno Domini millesimo ducentesimo octogesimo quinto.

Die dominica sequenti in mane ibidem apud Haentum audivit Missam, confirmavit, tonsuras fecit. Et exinde venit Dominus. apud * Paemhac * Pœnfæ, prioratum sancti Martialis Lemovicensis; ubi receptus fuit processionaliter ut suprâ; & fuit ibi procuratus ad expensas capituli dicti loci; nec fuit computatum de expensis.

Die Lunæ sequenti ante nativitatem beatæ Mariæ virginis in mane celebravit ibidem Dominus, confirmavit, tonsuras fecit. Et exinde venit apud sanctum Leonardum prioratum conventualem ordinis sancti Augustini; ubi receptus fuit processionaliter, prædicavit in capitula, & Procuratus fuit ad expensas Prioris dicti loci. In crastino celebravit ibidem, confirmavit, & tonsuras fecit.

Commissionem dedit Dominus Domino Guidoni de la Porta Præposito sancti Silvani de abbacia de Vserche Lemovicensis diocesis contra Aydemarum Forragii, I. & P. Dosa fratres, Iobertum de Bauzac, & Guidonem Morcelli domicellum præfatæ diocesis; & habuit judicem Abbatem Belilocensem.

Die Martis ante nativitatem beatæ Mariæ virgi-

nis intravit Dominus Lemovicensem civitatem. Et primò declinavit ad Ecclesiam cathedralem; ubi fuit receptus processionaliter ab Episcopo induto vestibus pontificalibus & à Canonicis dicti loci indutis capis sericis. Et ipsa die fuit procuratus in domibus Episcopi ad expensas ipsius Episcopi nomine capituli, quia debet solvere procurationem pro capitulo secundum quod est consuetum, nec fuit computatum. Et notandum quòd antequam Dominus intraret civitatem, venerunt Domino obviam bene per unam leucam Episcopus Lemovicensis, Decanus, magnus Archidiaconus, Cantor, Archidiaconus de Malamorte, Abbas Dauratensis, magister Gillebertus, & plures alii Canonici Lemovicenses, & Abbates sanctorum Martialis & Martini, qui præcesserunt pro recipiendo Dominum processionaliter.

Die Mercurii sequenti prædicavit in capitulo, & visitavit, præsentibus in capitulo Episcopo & Canonicis dictæ Ecclesiæ, qui ex gratia speciali obtulerunt ei primam vacaturam præbendam in Ecclesia ad opus cujusdam Clerici sui. Et ipsa die celebravit in dicta Ecclesia majorem Missam in pontificalibus, præsentem Episcopo. Prædicavit populo, indulgentiam dedit. Et ipsa die dedit indulgentiam, & fuit procuratus in domibus Episcopi ab Episcopo ad expensas ipsius Episcopi.

Die Iovis sequenti visitavit Dominus prioratum sancti Andreæ Lemovicensis; ubi fuit receptus processionaliter ut supra, præsentem Episcopo. Et declinavit ad abbatiam sancti Martini; ubi receptus fuit processionaliter ut supra, audivit Missam, & fuit procuratus ibidem ad expensas Abbatis dicti loci; de quibus solvit Prior sancti Andreæ Lemovicensis medietatem, prout consuetum erat.

Die Veneris sequenti in vigilia nativitatis beatæ

Mariæ virginis visitavit Dominus abbatiam sancti Augustini Lemovicensis ; ubi receptus fuit processionaliter ab Abbate & conventu dicti loci , audivit Missam ; & fuit procuratus ad expensas abbatiæ , nec fuit computatum de expensis.

Die sabbati in festo nativitatis beatæ Mariæ intravit Dominus ibidem capitulum , prædicavit. Et exinde venit ad abbatiam sancti Martialis Lemovicensis ; ubi receptus fuit processionaliter , præsentem Episcopo ab Abbate & conventu dicti loci , celebravit missam conventualem in pontificalibus cum pallio , acolythos fecit , populo prædicavit , & dedit indulgentiam ; & ipsa die procuratus fuit ad expensas abbatiæ. in procuratione non fuit computatum.

Die dominica sequenti in mane intravit Dominus capitulum , prædicavit , & visitavit , audivit Missam ; & procuratus fuit ibidem ad expensas abbatiæ in procuratione , quia Abbas dicti loci tenetur ad duas procuraciones. Ipsa die dominica visitavit Dominus abbatiam de Regula Lemovicensis ; ubi receptus fuit processionaliter , prædicavit & visitavit in capitulo ; & procuracionem suam , quam Abbatissæ & conventui mandaverat ad diem sequentem , remisit ista vice Abbatissæ dicti loci ad supplicationem ipsius Abbatissæ ac venerabilis viri Domini Guidonis de Nohaylhes Capicerii Pictavenfis , Abbatis Dauratenfis , & plurimorum aliorum.

Die Lunæ sequenti in mane audivit Dominus Missam apud sanctum Martialem. Et in camera sua , præsentibus Episcopo Lemovicensi , Decano , Archidiacono , Abbate Dauratensi Canonico Lemovicensi , & pluribus aliis Clericis & laicis , Dominus viginti tres pueros tonsuravit. Et notandum

quòd visitando dictam Lemovicensem civitatem concessit commissiones quæ sequuntur; quarum commissionum forma mutata fuit prout sequitur, & concessa personis infra scriptis.

Simon Dei gratia Bituricensis Archiepiscopus, Aquitania Primas, dilecto in Christo Priori de Tutela ordinis sancti Benedicti Lemovicensis diocesis salutem in Domino. Conquestus est nobis Lemovicensem diocesim visitantibus Guillelmus Iordani Miles ejusdem diocesis quòd Helias de Fonte Presbyter rector Ecclesie de Barnaco prefate diocesis super terris, debitis, possessionibus, & rebus aliis injuriatur eidem. Hinc est quòd cum consuetudine approbata de causis, controversiis, seu litibus quibuscunque omnium subditorum dicta diocesis, de quibus dioecanus loci cognoscere non incepit, possimus cognoscere visitando & eas sine debito terminare vel committere, & in possessione hujusmodi juris vel quasi tam nos quàm predecessores nostri fuerimus & etiam adhuc simus, discretionis vestre mandamus quatenus coram vobis vocatis partibus, causas audiat predictas & eas sine debito, usuris cessantibus, terminetis, facientes quod decreveritis per censuram ecclesiasticam auctoritate nostra firmiter observari. Testes autem qui fuerint nominati, si se gratia, odio, vel timore subtraxerint, censura simili compellatis veritati testimonium perhibere. Vobis enim quoad omnia supradicta comittimus vices nostras, donec eas duxerimus revocandas. Datum &c.

Sub forma prædicta idem Miles contra Guillelmum de Penavayra Militem dictæ diocesis aliam commissionem impetravit; & habuit judicem Præpositum de Manniaco dictæ diocesis Lemovicensis.

Item idem Miles contra Hugonem Arivac Mili-

tem ejusdem diocesis impetravit aliam ; & habuit judicem Petrum de Saveril Canonicum Dauratensem.

Item Bernardus Raymundi Clericus Lemovicensis diocesis contra Guaucelinum Macel, Iohannem dou Verdieri , Agnetem Faureffa , Iohannem Audibert de Cresoli , & filium Pañsic Clericum dictæ diocesis , commissionem impetravit similiter ; & habuit judicem Priorem claustralem monasterii de Tutela.

Item aliam commissionem impetravit Boso de Montibus domicellus dictæ diocesis contra P. Laracha , Raymundum Apicar, relictam dicti Varaymier , & uxorem dicti Sorameu & Heubertum de Cirlot dictæ diocesis ; & habuit judicem S. Chabilli Canonicum sancti Iuniani præfatæ diocesis.

Item Aymingarda dictæ diocesis impetravit contra Gaucelinum de Afforla Militem , Heliam Sulhei Militem , Heliam de Nobiliaco domicellum , Laurentium Fautoris , P. Bordanayra ejusdem diocesis commissionem ; & magistrum S. de Malomonte Canonicum Lugdunensem pro iudice impetravit ; proviso tamen ne virtute hujusmodi rescripti extra diocesim Lemovicensem partes protrahantur.

Item Aymericus de Iarmahc Miles contra Heliam Durandi , R. Durandi , Hemericum Bordanayra , Stephanum Denner , P. Chubnen dictæ diocesis commissionem impetravit ; ac P. de Baranon Canonicum Rosoliensem Lemovicensis diocesis pro iudice sub prædicta forma impetravit.

Die Lunæ prædicta in crastino nativitatis beatæ Mariæ virginis exivit Dominus civitatem Lemovicensem. Et ipsa die venit apud Carnum juxta Axiam prioratum sancti Martialis Lemovicensis , ubi fuit

Die Veneris sequenti in festo exaltationis sanctæ crucis venit Dominus apud Salas prioratum conventualem ordinis sancti Augustini ; ubi receptus fuit processionaliter ut suprâ , celebravit in pontificalibus , acolythos fecit ; & procuratus fuit ad expensas Prioris dicti loci , qui noluit computare de expensis

Die sabbati sequenti in octavis nativitatis beatæ Mariæ venit Dominus apud Perusiac prioratum de Caroffo ; ubi receptus fuit processionaliter ut suprâ , celebravit in pontificalibus , prædicavit , indulgentiam dedit , confirmavit , & fecit tonsuras ; & procuratus fuit ad expensas Prioris dicti loci , nec fuit computatum de expensis.

Die dominica sequenti venit Dominus ad abbatiam Stirpensem ; ubi receptus fuit processionaliter ut suprâ , andivit Missam ; & procuratus fuit ad expensas abbatiz , nec fuit computatum de expensis.

Die Lunæ sequenti venit Dominus in mane , & intravit capitulum , & visitavit. Et exinde venit apud sanctum Iunianum ; ubi receptus fuit à Decano & capitulo dictæ Ecclesiæ , & procuratus ipsa die ad expensas capituli. Summa expensarum XIII. libræ v. denariis minüs.

Die Martis sequenti in mane audivit ibi Missam , populo prædicavit indulgentiam dedit , tonsuras fecit , confirmavit , & in capitulo visitavit , & dedit commissiones quæ sequuntur.

Eadem die Catherina relicta Helix de Siens tatrix I. & Aymerici pupillorum suorum impetravit commissionem contra Heliam de Varenis Militem , Petrum de Molico , Heliam de Iue , & Aymericum Plaichaz Valet , Guillelmum de Furno , & dictum Guaydamour ; & habuit judicem Heliam Borelli Canonicum sancti Iuniani.

Item aliam commissionem obtinuit dicta reliqua contra Gerardum Doveri Gerardum Raens, & P. de Rossoays Lemovicensis diocesis. Habuit judicem supradictum.

Item commissionem obtinuit P. Borelli & Petronilla ejus soror ejusdem litis consortes contra Heliam de Malomonte Militem, P. Vermier Capellanum de Dornarac, P. Barac, & P. Roveron ejusdem diocesis; & habuerunt judicem Gerardum Galterii Canonicum sancti Iuniani Lemovicensis diocesis.

Die Martis prædicta venit Dominus apud Beux abbatiam Cisterciensem; ubi receptus fuit processionaliter ut supra, & pernoctavit ibidem ad expensas abbatiae.

Die Mercurii sequenti in mane audivit Missam, confirmavit. Et exinde venit apud Grandimontem; ubi receptus fuit processionaliter à Priore & conventu dicti loci; & fuit procuratus in aula Prioris, & fuit Prior secum ad prandium, ad expensas Prioris dicti loci; nec fuit computatum de expensis.

Die Iovis in mane intravit Dominus capitulum, prædicavit, & se orationibus fratrum commendavit, audivit Missam, confirmavit, fecit tonsuras. Et exinde venit apud Ambazac prioratum de abbacia sancti Augustini Lemovicensis; ubi receptus fuit processionaliter, & procuratus ad expensas Prioris dicti loci. Summa expensarum x libræ xvii. solidi. Et propter paupertatem loci dicto Priori parcere promisit in primo adventu suo procuratorem.



DIOCESIS CADVRCENSIS.

ANno Domini millesimo ducentesimo octogesimo quinto, die Iovis post mediam quadragesimam, intravit reverendus pater Dominus Simon Dei gratia Bituricensis Archiepiscopus Aquitanie Primas diocesim Caturcensem causa visitationis. Et primò declinavit apud Martellum; ubi fuit receptus processionaliter, pulsatis campanis, & procuratus ad expensas rectoris Ecclesie dicti loci. Summa expensarum XVII. libræ & XII. solidi Turonenses.

1285.

Et notandum quòd caristia temporis, quæ caristia incomparabilis erat in partibus illis, fiebant expensæ tam magnæ, & etiam quandoque propter supervenientes. Nam panis qui alio tempore non valebat nisi unum denarium, valebat & vendebatur tunc IX. denariis; & sic de aliis epulis.

Et sciendum quòd in comitiva Domini erant hi quorum nomina hic notantur, scilicet religiosus vir Guido Abbas monasterii Versionis frater Domini, Magister Renerius de Senonis Archidiaconus Graciacensis in Ecclesia Bituricensi, Dominus Otho de Salinis Canonicus Magdunensis, & Conon Canonicus Mimatensis Capellani Domini, magistri P. de Versione & R. de Caritate Clerici Domini, frater Iohannes Marsac monachus Versionensis, frater Hugo monachus sancti Sulpitii Bituricensis pœnitentiarius Domini, magistri Iohannes de Camera & Iohannes de Senonis nepos dicti Archidiaconi Clerici, & plures alii Clerici & laici.

Die Veneris sequenti ibidem in mane audivit Dominus Missam, prædicari fecit, indulgentiam dedit. Et exinde venit apud Vairac prioratum de Tu-

tela Lemovicensis diocesis; ubi fuit receptus processionaliter, pulsatis campanis; & procuratus ipsa die ad expensas Prioris dicti loci. Non fuit computatum de expensis.

Eadem die finavit de sua Prior de Carennac ordinis Cluniacensis ad xiv. libras Turonensis.

Die sabbati sequenti venit Dominus ad Rupem Amatoris prioratum abbatie Tutelæ Lemovicensis diocesis; ubi fuit receptus processionaliter ab Abbate Tuteleni & Priore & conventu dicti loci, pulsatis campanis; & indicta Ecclesia eadem die sacros ordines celebravit & quosdam Clericos suæ & Claromontensis diocesum ordinavit, & quosdam de diocesi Caturcensi de licentia Episcopi Caturcensis, qui sibi litteram clausam miserat sub hac forma. *Reverendo in Christo patri ac Domino suo carissimo Domino Simoni divina providentia Bituricensi Archiepiscopo & Aquitania Primati, Raymondus permissione divina suus devotus Caturcensis Episcopus, salutem & cum recommendatione se ipsum ad ejus beneplacita & mandata. Reverende pater, sanctitati vestra humiliter supplicamus quatinus hac instanti die sabbati proxima post festum Annuntiationis dominica, ubicunque eadem die vos esse contingat in Caturcensi diocesi, vobis ibidem placeat sacros ordines celebrare. Nos enim dictis ordinibus supersedebimus ob vestri reverentiam & honorem. Valeat vestra reverenda paternitas bene & diu, que nobis semper precipiat tamquam suo. Datum Caturci die Jovis post dictum festum &c.* Ordinibus verò celebratis, procuratus fuit ad expensas Prioris dicti loci. Noluit computare, quia abbas suus & monachi dicti loci comederunt cum Domino ad prandium.

Die dominica sequenti, qua cantatur *Isti sunt dies*, ibidem apud Rupem Amatoris Dominus celebravit.

ledravī, prædicavit, indulgentiam dedit, & quamplurimos præfente Epifcopo Caturcenfi confirmavit. Et exinde venit apud Soliacum prioratum conventualem de Aureliaco; ubi receptus fuit proceffionaliter ut fuprà, & procuratus ad expenfas Prioris dicti loci. Noluit computare de expenfis.

Die Lunæ fequenti in mane audivit ibi Miffam, confirmavit, tonfuras fecit, prædicavit, indulgentiam dedit. Et exinde venit apud Gordonium prioratum de Vicano; ubi receptus fuit ut fuprà, & procuratus ad expenfas Prioris dicti loci. Summa expenfarum xiiii. libræ & iv. folidi Turonenfes.

Die Martis fequenti in mane audivit ibi Miffam, prædicavit, indulgentiam dedit, confirmavit, tonfuras fecit. Et exinde venit apud Vicanium, prioratum conventualem ordinis sancti Auguftini; qui prioratus cum ejus pertinentiis univerfis tenetur à Domino in feodum; & ibi fuit receptus proceffionaliter ut fuprà, & procuratus in procuratione ad expenfas Prioris dicti loci. Summa expenfarum xxii. libræ & xvii. folidi vi. denarii Caturcenfes valentes xv. libras & v. solidos Turonenfes.

Die Mercurii fequenti fuit ibidem cum Priore ex gratia. Et eadem die ex gratia hac vice remifit Dominus Priori de Vicano procurationem fuam, quam ad dictam diem mandaverat Priori de Concoet prioratui abbatiæ sancti Ambrofii Bituticenfis; quem prioratum idem Prior de Vicano tenebat ad firmam.

Die Jovis fequenti fuit ibidem ad expenfas proprias; & in mane intravit capitulum, vifitavit. Et eadem die Prior & conventus de Vicano prædicti fuper homagio & fidelitate quas Domino facere tenentur de prioratu fuo & pertinentiis univerfis dederunt litteras fub hac forma.

Vn. verfis præfentes litteras in fpecturis. Nos Petrus

Stephani Prior monasterii de Vicano Caturcensis diocesis ordinis sancti Augustini, totusque ejusdem loci conventus, salutem in Domino sempiternam. Notum facimus quod cum nos nomine praedicti monasterii nostri teneamur facere fidelitatem & homagium de omnibus rebus temporalibus, quocunque nomine ad nos & monasterium nostrum, quocunque jure, seu quacunque causa vel modo pertinentibus, reverendo patri ac Domino Domino Simoni Dei gratia Bituricensi Archiepiscopo, Aquitania Primati, quas scilicet fidelitatem & homagium praedecessores nostros in dicto monasterio Bituricensibus Archiepiscopis qui fuerunt pro tempore ex debito consueverunt fecisse, nos ab eodem Domino Archiepiscopo nomine sua Bituricensis Ecclesiae recognoscimus tenere in feodum omnia & singula temporalia superscripta, eidemque Domino Archiepiscopo nos praedictus Petrus Stephani Prior de Vicano nomine praedicti monasterii nostri grater, prout tenemur, fecimus fidelitatem & homagium nostro & conventui nostri nomine apud Petram-Buferiam Lemovicensis diocesis, ubi de mera gratia ab eodem reverendo patre admissi fuimus ad praemissa; quamquam apud Bituricas si placere eidem Domino, praedictam fidelitatem & homagium facere teneamur. In cujus rei testimonium sigilla nostra nos Prior & conventus praedicti, quibus divisim utimur, praesentibus duximus apponenda. Datum apud Vicenum anno Domini millesimo ducentesimo octogesimo quinto, die Iovis ante ramos Palmarum.

Anno praedicto, diebus Mercurii & Iovis praedictis, scilicet ante ramos palmarum, ibidem apud Vicenum in clauistro Ecclesiae de Vicano coram Domino Archiepiscopo & mandato suo personarum infra scriptarum parrochiani de Gordonio qui supra usuraria pravitare erant quamplurimum diffamati coram Domino, propter hoc vocati abjuraverunt;

& mandato Domini summas infraſcriptas, quas ſe confeſſi fuerunt habuiſſe per uſurariam prauitatem, per iuramentum ſuum reſtituere promiſerunt & ſtare juri ſuper iis coram eo.

Bertrandus de Favenniſ abjuratus uſuras, ut præmittitur, promiſit reſtituere centum ſolidos monetæ antiquæ, quos, prout confeſſus eſt, habuerat per uſurariam prauitatem.

Girardus la Olmeida abjuratus uſuras, ut præmittitur, promiſit reſtituere quindecim ſolidos, quos, prout confeſſus eſt, habuerat per uſurariam prauitatem.

Girardus de Molendino abjuratus uſuras, ut præmittitur, promiſit reſtituere centum ſolidos, quos, prout confeſſus eſt, habuerat per uſurariam prauitatem.

Raymundus de Polverlel abjuratus uſuras, ut præmittitur, promiſit reſtituere octo libras, quas prout confeſſus eſt, habuerat per uſurariam prauitatem.

Girardus Molendinarii abjuratus uſuras, ut præmittitur, promiſit reſtituere decem & octo denarios, quos, prout confeſſus fuit, habuerat per uſurariam prauitatem.

Regnaudus Constantini abjuratus uſuras, prout præmittitur, promiſit reſtituere quinquaginta ſolidos, quos, prout confeſſus eſt, habuerat per uſurariam prauitatem.

Guillelmus de Angoliſmo abjuratus uſuras, ut præmittitur, promiſit reſtituere decem libras, quas confeſſus eſt ſe habuiſſe per uſurariam prauitatem.

Bernardus de Favenniſ abjuratus uſuras, ut præmittitur, promiſit reſtituere xxx. ſolidos, quos, prout confeſſus eſt, habuerat per uſurariam prauitatem.

Girardus Ricardi abjuratus uſuras, ut præmittitur, promiſit reſtituere quatuor libras, quas, prout confeſſus eſt, habuerat per uſurariam prauitatem.

Stephanus Massit abjuratus usuras , ut præmittitur , promisit restituere triginta solidos , quos , prout confessus est , habuerat per usurariam pravitatem.

Deodatus de Olmeida abjuratus usuras , ut præmittitur , promisit restituere centum solidos , quos , prout confessus est , habuerat per usurariam pravitatem.

Giraldus Estunraldi abjuratus usuras , ut præmittitur , promisit restituere centum solidos , quos , prout confessus est , habuerat per usurariam pravitatem.

Raymundus de Proverel abjuratus usuras , ut præmittitur , promisit restituere decem libras Canturcenses , quas , prout confessus est , habuerat per usurariam pravitatem.

Bernardus de Vineis abjuratus usuras , ut præmittitur , promisit restituere quinquaginta solidos , quos , prout confessus est , habuerat per usurariam pravitatem.

Arnaudus Novelli abjuratus usuras , ut præmittitur , promisit restituere viginti solidos , quos , prout confessus est , habuerat per usurariam pravitatem.

Raymundus Ribere abjuratus usuras , ut præmittitur , promisit restituere sexaginta solidos , quos , prout confessus est , habuerat per usurariam pravitatem.

P. Texendar. abjuratus usuras , ut præmittitur , promisit restituere centum solidos , quos , prout confessus est , habuerat per usurariam pravitatem.

Arnaudus de la Tramoylhe abjuratus usuras , ut præmittitur , promisit restituere quinquaginta solidos , quos , prout confessus est , habuerat per usurariam pravitatem.

Guillelmus de Callucio abjuratus usuras , ut præ-

mittitur, promisit restituere quadraginta octo solidos, quos, prout confessus est, habuerat per usurariam pravitatem.

Ademarus Castri abjuratus usuras, ut præmittitur, promisit restituere quinque festerios bladi, quos, prout confessus est, habuerat per usurariam pravitatem.

Renaudus Bonardi abjuratus usuras, ut præmittitur, promisit restituere viginti quinque solidos, quos, prout confessus est, habuerat per usurariam pravitatem.

Deodatus de Mercato abjuratus usuras, ut præmittitur, promisit restituere quinquaginta solidos, quos confessus fuit se habuisse per usurariam pravitatem.

Guillelmus de Casselade abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Raymundus de Marcilac abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

Raymundus de Feuborne abjuratus usuras, ut præmittitur, promisit restituere octo libras, quas, prout confessus est, habuerat per usurariam pravitatem.

Galbertus de Carentelo abjuratus usuras, ut præmittitur, promisit restituere decem libras, quas, prout confessus est, habuerat per usurariam pravitatem.

Arnaldus Raynes abjuratus usuras, ut præmittitur, promisit restituere decem solidos, quos, prout confessus est, habuerat per usurariam pravitatem.

P. Laval abjuratus usuras, ut præmittitur, pro-

Die Veneris sequenti ibidem apud Vicanum in mane audivit Missam. Et exinde venit apud Fontes prioratum conventualem abbatiæ de Figiaco Caturcensis diocesis; ubi receptus fuit processionaliter, pulsatis campanis, & procuratus in procuratione ad expensas Prioris dicti loci. Summa expensarum xiiii. libræ & vi. Solidi.

Die sabbati sequenti in mane audivit ibi Missam, prædicari fecit, indulgentiam dedit, confirmavit, & fecit tonsuras. Et exinde venit apud Capdenatum prioratum de Aureliaco; ubi fuit receptus ut supra, & procuratus ad expensas Prioris dicti loci. Summa xxii. libræ viii. solidi, & tres denarii Caturcenses valentes xiv. libras & xix. solidos Turonenses.

Eadem die sabbati finavit Domino de procuratione sua Prior de Cardellaco ordinis Clugniacensis ad xiv. libras Turonenses.

Die dominica sequenti in ramis palmarum venit Dominus apud Figiacum abbatiam ordinis sancti Benedicti; ubi receptus fuit honorificè cum tympanis, campanis pulsatis, processionaliter, à conventu dicti loci induto capis sericis; absente Abbate, qui erat ad Regem. Et ipsa die processionaliter cum conventu dicti loci Dominus accessit ad parrochiam Ecclesiam dicti loci; in qua prædicavit populo, indulgentiam dedit, & postmodum rediit ad abbatiam; & ad majus altare in pontificalibus cum pallio celebravit, acolythos fecit; & ipsa die procuratus fuit ad expensas abbatiæ dicti loci in procuratione. Summa xxiv. lib. iiii. solidi & viii. denarii Caturcenses valentes xviii. libras, duos solidos, & vi. denarios Turonenses.

Die Lunæ sequenti visitavit Dominus prioratum de Cassagnoliis, qui prioratus est de abbazia Figiacensi & in manu Abbatis; ubi fuit receptus ut su-

Dominus in domibus Episcopi, ubi jacuit, quia domus dicti prioratus non erant sufficientes. Summa expensarum **xxiii.** libræ, & **xvii.** solidi, & sex denarii Caturcenses valentes **xv.** libras & **xviii** solidos & tres denarios Turonenses. Et habuerunt omnes moniales panem & vinum & pectantiam sufficienter de mandato Priorillæ super expensis hujusmodi.

Die Iovis sequenti visitavit Dominus dictas moniales, prædicavit in capitulo, & dedit indulgentiam. Et post modum venit ad majorem Ecclesiam, intravit capitulum, visitavit, & prædicavit, Episcopo & Canonicis præsentibus & multis aliis. Postea in eadem majori Ecclesia fecit servitium, chrisma, Episcopo præsentem, consecravit, & fecit cum sollemnitate qua decet. Quo facto, visitavit Dominus prioratum sancti Vitisini ejusdem civitatis prioratum de Marsilliaco, quem tenebat Dominus Sicardus Canonicus ejusdem Caturcensis & frater Abbatis Miseracensis; ubi fuit receptus processionaliter ut supra & procuratus in procuratione ad expensas prioris dicti loci. Et fuit Dominus Episcopus ad prandium cum Domino & multi alii ad invitationem dicti Domini Sicardi. Nec fuit computatum de expensis.

Die Veneris sequenti cum Episcopo in domibus suis fuit Dominus ex gratia. Et eadem die fecit servitium Dominus in majori Ecclesiæ præsentem Domino Episcopo, & tractavit de pace inter burgenses civitatis & Episcopum reformanda.

Sabbato Paschæ fuit Dominus cum Episcopo similiter in domibus suis in procuratione, nec fuit computatum. Et ipsa die in majori Ecclesia, Episcopo præsentem, sacros ordines celebravit, & quosdam Clericos de diocesis Bituricensi & Claramontensi ordinavit, & quosdam de diocesi Catur-

¶ Vocaba-
tur Rai-
mundus de
Cornilio.

cenſi de licentia ipſius ; inter quos promovit ad ordinem ſubdiaconatus * Archidiaconum magnum , nepotem dicti Domini Epifcopi.

Dominica in feſto reſurrectionis Domini ibidem cum Epifcopo fuit Dominus gratis. Et celebravit Dominus in pontificalibus cum pallio in Eccleſia majori magnam Miſſam. Et notandum quòd diebus Mercurii , Iovis , & Veneris prædictis Epifcopus fuit cum Domino ad vigilias.

Die Lunæ fuit ibidem apud Caturcum cum capitulo in procuratione in domo capituli ; & fuit Epifcopus & omnes Canonici ad prandium cum Domino. Et eadem die audivit Miſſam , & prædicavit in majori Eccleſia populo , & dedit indulgentiam.

Die Martis ſequenti ibidem in capella Epifcopi audivit Dominus Miſſam. Et poſtmodum exiit civitatem Caturcenſem ; Epifcopo & Canonicis & quibuſdam burgenſibus ipſum comitantibus & conducentibus ferè per leucam. Et eadem die venit apud Catuſium prioratum conventualem de Cluſa ; ubi fuit receptus proceſſionaliter ut ſuprà , & procuratus in procuratione ad expenſas Prioris dicti loci. Et comederunt Prior & conventus cum Domino. Summa expenſarum xix. libræ & ſex ſolidi Catureenſes valentes xiii. libras & octo ſolidos Turonenſes.

Eadem die ad ſupplicationem Domini Sicardi remiſit Dominus ex gratia iſta vice procurationem ſuam quam mandaverat in prioratu de Viganteria, quem prioratum idem Dominus Sicardus tenebat. Et eſt dictus prioratus de abbazia de Marſiliaco.

Die Mercurii ſequenti in mane ibidem apud Catuſium audivit Dominus Miſſam , confirmavit , & tecit conſuras. Et exinde venit apud Archas prio-

ratum abbatiæ de Marfilliaco ; ubi fuit receptus processionaliter ut supra , & procuratus ad expensas Prioris dicti loci. Summa xvi. libræ & xiv. solidi & sex denarii Caturcenses valentes x. libras & tres solidos Turonenses.

De Iovis sequenti in mane audivit ibi Missam , prædicari fecit , indulgentiam dedit , confirmavit. Et exinde venit apud Luſer caſtrum Domini Episcopi Caturcensis ; & fuit ibidem cum Episcopo gratis. Eadem die finavit Domino de procuratione suo Prior de Durevello à xiiii. libris Turonensibus ; & est prioratus de Moyſſiaco.

Die Veneris sequenti summo mane ibidem apud Luſer in quadam capella audivit Dominus Missam , Episcopo præſente. Et postmodum exinde venit apud Moyſſiacum ; ubi Abbas & multi alii venerunt ei obviam bene per unam leucam , qui Abbas Moyſſiacensis præceſſit ad recipiendum Dominum processionaliter ; & fuit Dominus ibidem receptus campanis pulsatis processionaliter ab Abbate induto pontificalibus ornamentis , scilicet capa , mitra , baculo paſtorali cum chirothecis , & à conventu dicti loci cum trompis & gaudio magno ; & eadem die fuit procuratus in procuratione ab Abbate dicti loci , qui ncluit computare de expensis.

Die sabbæ sequenti in mane celebravit ibidem in pontificalibus cum pallio , prædicavit populo , indulgentiam dedit , confirmavit , & fecit tonsuras. Et exinde à invitationem Abbatis venit Dominus apud Caſteſin domum Abbatis prædicti de Moyſſiaco in dioceſi Tolofana ; ubi fuit ad expensas Abbatis ex gratia.

Dominica sequenti in octavis Paſchæ venit Dominus apud abbatiam Montisalbani , quæ est sub Abbate Caſæ Dei , ut dicunt ; ubi fuit campanis pulsatis processionaliter receptus à conventu dicti

loci Abbate absente, qui erat Romæ. Postmodum venit ad parrochiam Ecclesiam dicti loci, & celebravit ibidem in pontificalibus cum pallio, & populo prædicavit, indulgentiam dedit. Et postea reversus est ad dictam abbatiam; & fuit in ea procuratus in procuratione ad expensas abbatiæ. Summa fuit expensarum xv. libræ & x. [solidi] Caturcenses.

Die Lunæ sequenti in mane ibidem quoddam altare in honore beati Bartholomæi & plura parva altaria consecravit, audivit Missam, confirmavit, tonsuras fecit, & visitavit in capitulo. Et exinde venit apud Gaeracum prioratum conventualem de Aureliaco; ubi receptus fuit ut supra à Decano & conventu dicti loci, & procuratus ad expensas Decani dicti loci. Summa expensarum xix. libræ, xvi. solidi Caturcenses valentes xiiii. libras, decem solidos, & octo denarios Turonenses.

Eadem die Lunæ Abbas sancti Marcelli ordinis Cisterciensis venit ad Dominum, cui mandaverat Dominus quòd pernoctare volebat in abbazia sua. Qui Abbas solum allegans paupertatem loci sui, supplicavit Domino ut pro Deo parceret ei ista vice, cum non haberet propter caritatem temporis unde posset eidem providere in necessariis. Qui Dominus ista vice ex gratia pepercit eidem.

Die Martis sequenti in mane ibidem apud Cærac audivit Missam, confirmavit, & fecit tonsuras. Et exinde venit apud Gardam-Dei abbatiam ordinis Cisterciensis; ubi receptus fuit ut supra ab Abbate & conventu dicti loci, intravit capitulum, prædicavit, & se orationibus conventus commendavit; & pernoctavit ibidem ad expensas abbatiæ, nec fuit computatum.

Die Mercurii sequenti in mane audivit ibi Missam, confirmavit. Et exinde venit apud Calciatam prio-

tatum de Figiaco; ubi receptus fuit processionaliter ut suprâ. Et quia Ecclesia dicti loci erat interdicta auctoritate Episcopi Caturcensis, magister * Gaubertus Des Plas socius Episcopi Caturcensis, qui conducebat Dominum, ob reverentiam Domini relaxavit interdictum quandiu Dominus esset in villa. Et ipsa die fuit procuratus ad expensas Archidiaconi Figiaci, qui dictum prioratum tenebat. Summa expensarum **xxiii.** libræ Caturcenses valentes **xv.** libras, sex solidos, & octo denarios Turonenses.

* Gaubertus
Plas Canonicus Cadurcensis apud
Cruceum.
pag. 143.

Die Iovis sequenti in mane audivit ibi Missam, confirmavit, & fecit tonsuras. Et exinde venit apud capellam Templariorum; ubi receptus fuit processionaliter ut suprâ à capellanis dictæ Ecclesiæ, & procuratus ad expensas magistri domus Templariorum dicti loci. Noluit computare.

Die Veneris sequenti ad supplicationem Prioris de Castlucio consecravit Dominus quoddam altare in honore beati Ægidii & beatæ Mariæ Magdalenæ in Ecclesia beatæ Mariæ de Ihivre spectante ad prioratum de Castlucio, & audivit Missam. Et exinde venit apud Castlucium prioratum sancti Antonini ordinis sancti Augustini; ubi fuit receptus ut suprâ, & procuratus ad expensas Prioris dicti loci. Non fuit computatum.

Die sabbati sequenti venit Dominus apud sanctum Antoninum prioratum conventualem ordinis sancti Augustini; qui prioratus partim est in diocesi Ruthenenfi, & partim in diocesi Albiensi. Et dum venisset ante portas Ecclesiæ, Dominus dixit Priori ut portas Ecclesiæ faceret poni ad terram ratione injuriæ factæ quondam Domino Iohanni de Soliaco prædecessori Domini à monachis & burgensibus dictæ villæ. Qui Prior ostendit Domino quandam litteram sigillo ejusdem Domini Iohannis sigilla-

tam, in qua continebatur quòd idem Dominus Iohannes, certa pecuniæ quantitate pauperibus erogata, remiserat depositionem dictarum portarum. Quibus avisatis, satisfactum fuit Domino. Et receptus fuit processionaliter ut suprà à Priore & conventu dicti loci. Audivit Missam conventualem, & procuratus fuit ad expensas Prioris dicti loci. Summa expensarum xiv. libræ, decem solidi Turonenses. Et ibi finivit visitatio Caturcensis.

DIOCESIS ALBIENSIS.

1286.

Die dominica ante festum Apostolorum Philippi & Iacobi eodem anno Domini m c c. octogesimo sexto, completa visitatione diocesis Caturcensis, intravit Dominus diocesim Albiensem. Et primò eadem die dominica declinavit apud Voor domum Templariorum; ubi fuit receptus processionaliter, pulsatis campanis, & procuratus à Præceptore dictæ domus. Summa expensarum xi. libræ.

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Viancium prioratum Ecclesiæ Albiensis; ubi receptus fuit processionaliter ut suprà à Præposito dicti loci, & procuratus. Summa expensarum x. libræ & x. solidi Turonenses. Eadem die venit Dominus Episcopus Albiensis ibidem obviam Domino; & cum locuti fuissent insimul, recessit Episcopus, & ivit apud Albiam.

Eadem die finavit de procuratione sua Prior de Rabastins monasterii Moyssiacensis ad xii. libras Turonenses. Et eadem die remisit Dominus procurationem quam mandaverat Priori de Podio Celsi abbatiæ Aureliacæ ad supplicationem fratris Abbatiss sancti Germani de pratis Parisiensis ex gratia.

Die Martis sequenti in vigilia Apostolorum Philippi & Iacobi ibidem in mane apud Viancium audivit Missam, confirmavit, tonsuras fecit. Et exinde venit apud Sisterol prioratum abbatiae de Galliaco; ubi receptus fuit processionaliter ut supra, confirmavit, & fecit tonsuras. Et quia domus dicti prioratus non erant sufficientes, procuravit Dominum idem Prior in abbatia Galliacenſi, Summa expensarum

Et quia idem Prior de Sisterol dicebat quod praedecessores Domini * considerantes paupertatem loci sui, eidem dare consueverant aliquem prioratum in adiutorium, quod nequaquam Dominus facere poterat nisi loco primitus visitato propter constitutiones Concilii Lugdunensis, eidem Priori parcere promisit quamprimum ipsum alias contingeret dictam diocesim visitare.

Eadem die venit Dominus apud Galliacum abbatiam ordinis sancti Benedicti, & dicunt se esse sub abbatia Casae Dei. Et quia in itinere fuit dictum Domino quod Episcopus Albienſis excommunicaverat administratores dictae abbatiae, quam sententiam ipsi administratores dicebant non tenere quia erant exempti, Dominus more praedecessoris sui voluit recepti processionaliter, pulsatis campanis, à conventu dicti loci, administratoribus dicti loci tamen absentibus. Et ipsa die procuratus fuit ad expensas illius Prioris de Sisterol.

* Et quia praedecessores nostri attendentes paupertatem sui prioratus, eidem consueverant dare aliquem prioratum in adiutorium, quod non poteramus facere nisi loco prius visitato propter constitutiones Concilii Lugdunensis repugnantes, promissimus ei parcere quamprimum nos contingerit alias dictam diocesim visitare.

Die Mercurii sequenti fuit ibidem, intravit capitulum, visitavit, & prædicavit in prato sito antè capitulum, eò quòd tanta populi multitudo erat ibi quòd intrare non pòterant capitulum; & audivit Missam in capella juxta capitulum, & fuit procuratus ipsa die ad expensas abbatiae. Summa xii. libræ xvi. solidi ix. denarii Turonenses.

Die Jovis sequenti reconciliavit Dominus cimiterium, audivit ibi Missam, confirmavit. Et exinde venit apud Candelum abbatiam Cisterciensem; ubi receptus fuit processionaliter ut suprà ab Abbate & conventu dicti loci, intravit capitulum, prædicavit, & se orationibus fratrum commendavit; & pernoctavit ibidem ad expensas abbatiae.

Die Veneris sequenti in festo Inventionis sanctæ crucis in mane audivit ibi Missam, confirmavit; & fecit tonsuras. Et exinde venit apud Sanctum prioratum S. Pontii diocesis Narbonensis; ubi fuit receptus processionaliter ut suprà, & procuratus ad expensas Prioris dicti loci. Summa expensarum xi. libræ ii. solidi iv. denarii. Et comederunt cum Domino de familia Prioris bene viginti personæ.

Die sabbati sequenti in mane celebravit ibidem in pontificalibus cum pallio, prædicavit, indulgentiam dedit, confirmavit, tonsuras fecit. Et exinde venit apud Caltras abbatiam ordinis sancti Benedicti; ubi fuit receptus processionaliter & procuratus ut suprà ab Abbate & conventu dicti loci ad expensas Abbatis, qui noluit computare.

Die dominica sequenti post festum Inventionis sanctæ crucis celebravit ibidem in pontificalibus cum pallio, prædicavit, indulgentiam dedit, confirmavit, & tonsuras fecit. Et exinde venit apud Bullatum prioratum de abbacia Castrensi ubi fuit receptus processionaliter, pulsatis campanis, ut suprà, & procuratus ad expensas Prioris dicti loci. Summa
expensarum

expensarum xv. libræ, octo solidi, decem denarii.

Die Lunæ sequenti in mane audivit ibidem Missam, confirmavit. Et exinde venit apud sanctum Amantium prioratum S. Pontii diocesis Narbonensis, ubi fuit receptus processionaliter ut suprâ, & procuratus ad expensas Prioris. Summa expensarum xvi. libræ & xvii. denarii Turonenses. Et eidem Priori quamprimum dictam diocesim alias contigerit visitare promisit parcere, ratione qua parcere promisit Priori de Bullato prædicto.

Die Martis sequenti in mane audivit ibi Missam, confirmavit, & fecit tonsuras. Et exinde venit apud Caranam prioratum S. Pontii diocesis Narbonensis; ubi receptus fuit processionaliter ut suprâ, & procuratus ad expensas Prioris dicti loci. Summa expensarum xiv. libræ, duo solidi, & unus denarius. Et comederunt de familia Prioris cum domino suo ferè viginti personæ.

Eadem die Prior sancti Gervasii, cui Dominus mandaverat procurationem suam, mandavit Domino quòd libenter eum reciperet; sed propter viarum discrimina (nam robatores erant passim per loca illa montana, qui quotidie insidiabant transeuntibus) demandavit illi procurationem suam quoad præsens.

Die Mercurii sequenti ibidem apud la Carme audivit Missam, confirmavit, & fecit tonsuras. Et exinde venit apud Ambiletum prioratum abbatiæ Marsilensis; ubi fuit [receptus] processionaliter ut suprâ, & procuratus ad expensas Prioris. Summa expensarum xiii. libræ, xii. solidi, & unus denarius. In crastino audivit Missam, & fecit tonsuras.

Die Iovis sequenti in festo translationis sancti Nicolai intravit Dominus civitatem Albiensem. Et venit Episcopus cum magna comitiva obvians

Domino , qui postmodum præcesserunt ad recti-
piendum Dominum processionaliter. Et primò de-
clinavit Dominus ad Ecclesiam cathedralem ; ubi
fuit receptus , pulsatis campanis , processionaliter
ab Episcopo , Præposito , & capitulo Ecclesiæ. Et
post receptionem suam declinavit ad domos episco-
pales ; ubi procuratus fuit ipsa die ad expensas Epif-
copi. Noluit computare. Eadem die post prandium
venerunt Consules & burgenfes civitatis in camera
quæ est juxta capellam Episcopi in domibus Epif-
copi ; & ibidem sex burgenfes, scilicet Pontius Hu-
gonis , Aymeticus Amati , Raymundus Hugonis,
Hugo Deodatus , R. Burgensia , & Secardus Cal-
lerii tradiderunt claves civitatis Episcopo , quas
tradiderat burgenfibus custodiendas Episcopus , ut
dicebat ; quas claves ibidem Episcopus reddidit
Domino Archiepiscopo tanquam domino superiori.
Et quandiu fuit in civitate prædicta Dominus Ar-
chiepiscopus , penes se custodivit. Et dictæ tradi-
tioni clavium fuerunt præsentés Raymundus de
Fraxinello Præpositus Albienfis Ecclesiæ , Beren-
garius de Carpineis , Berengarius de Monte-Iovis
Archidiaconus in Ecclesia Albienfi , magister R. de
Canalibus Præpositus Viancii , Pontius Amati Sa-
crista , Bernardus Oliverii , magister G. de Mon-
te-Iovis. De comitiva Domini , frater Guido Ab-
bas Versionenfis frater Domini , magistri Reine-
nerus de Senonis Archidiaconus Graciocensis in Ec-
clesia Bituricensi , & P. de Versione Canonicus cu-
ratus Ecclesiæ Versionenfis , & Otho de Salinis Ca-
nonicus Magdunenfis , Cappellani Domini , frater
Hugo de freneriis monachus sancti Sulpitii Bituri-
censis , frater Iohannes de Marsac monachus Ver-
sionenfis , & plures alii Clerici & laici.

Die Veneris sequenti in capella Episcopi audivit
Missam Dominus ; & post Missam exivit civitatem ,

Episcopo cum multis Canonicis eum comitante. Et visitavit prioratum de Escuria abbatia Gallia cens; ubi receptus fuit processionaliter ut supra, & procuratus à Priore dicti loci. Summa expensarum XII. libræ & unus denarius. Promisit parcere Priori quamprimum ipsum eandem diocesim contigerit visitare, semel tantum, ex gratia consimilibus concessa.

Die sabbati sequenti in mane audivit ibi Missam, confirmavit, fecit tonsuras; & exinde reversus est in civitatem, & declinavit ad monasterium sancti Salvii; ubi receptus fuit processionaliter ut supra à Præposito & conventu dicti monasterii. Post prandium intravit capitulum, visitavit Episcopo præsentem; & ipsa die procuratus fuit ad expensas Præpositi dicti monasterii. Noluit computare. Post cœnam reversus est Dominus cum tota familia in domibus archiepiscopalibus.

Die dominica sequenti, qua cantatur *Cantate*, in mane visitavit in capitulo majoris Ecclesiæ, Episcopo & Canonicis præsentibus, prædicavit, celebravit in pontificalibus cum pallio, indulgentiam dedit; & ipsa die procuratus fuit à capitulo dictæ Ecclesiæ in domibus archiepiscopalibus; & fuerunt ad prandium cum Domino Episcopus & ferè omnes Canonici.

Die Lunæ sequenti in mane audivit Missam in capella Episcopi, & fuit cum ipso ipsa die gratis. Ipsa verò die, hora nona, in domibus Episcopi in camera quæ est juxta cappellam.

DIOCESIS RUTHENENSIS.

ANno prædicto, die Martis ante Rogationes, 1286.
intravit Dominus diocesim Ruthenensem. Et primò declinavit apud Varenum prioratum Aure-

liacensis abbatix; ubi receptus fuit processionaliter à Decano & monachis dicti loci, pulsatis campanis, & procuratus ad expensas Decani dicti loci.

Die Martis sequenti audivit ibi Missam, confirmavit, fecit tonsuras. Et exinde venit apud Bellumlocum abbatiam ordinis Cisterciensis; ubi receptus fuit processionaliter ut supra, audivit Missam, & fuit receptus à conventu dicti loci; quia Abbas eorum mortuus erat. Intravit capitulum, prædicavit, & se orationibus conventus commendavit; & ipsa die pernoctavit ibidem ad expensas abbatix. Noluerunt computare.

1686. Die Iovis sequenti in manè audivit ibi Missam. Et exinde venit apud Lespinace domum Hospitaliorum; ubi fuit receptus processionaliter ut supra, audivit missam, confirmavit. Et quia domus Præceptoris non erant sufficientes ad recipiendum Dominum, ministravit idem Præceptor procuratorem Domino apud Versuel.

Eadem die finavit Prior de Valle Aureliacensis abbatix de Aureliaco de procuratione sua ad xv. libras & quatuor solidos Turonenses pro cambellanis.

Eadem die finaverunt monachi abbatix Loci-Dei ordinis Cisterciensis ad xv. libras Turonenses; quia dicebant se non habere avenam, vinum, nec panem sufficientes Domino.

Die veneris sequenti venit Dominus apud Naiaicum [prioratum] sancti Antonini Ruthenensis diocesis; ubi fuit receptus processionaliter ut supra, audivit Missam, confirmavit, & fecit tonsuras; & procuratus fuit ad expensas Prioris dicti loci.

Die sabbati sequenti venit Dominus apud Rivum Petrosi prioratum abbatix sancti Martialis Lemovicensis; ubi receptus fuit processionaliter ut su-

prà, audivit Missam, confirmavit, & in crastino fecit tonsuras; & fuit procuratus ipsa die sabbati ad expensas Decani dicti loci absentis. Noluit cumputare. Eadem die remisit Priori de Lusvaco abbatiæ Casæ Dei procurationem suam ad preces Abbatæ Casæ Dei & Prioris de Privazac hac vice tantum & ex gratia speciali.

Dominica sequenti, scilicet ante Ascensionem Domini, venit Dominus apud Privazac prioratum Casæ Dei; ubi fuit receptus processionaliter ut supra, audivit ibi Missam, confirmavit; & procuratus fuit ad expensas Prioris dicti loci. Noluit cumputare.

Die Lunæ sequenti in mane audivit ibidem Missam, & celebravit de mortuis pro Gerardo de Vo-deio domicello quondam magistro hospitii sui, qui decesserat apud Albiam, ubi remanserat infirmus. Fecit etiam tonsuras. Et exinde venit apud Rainhac prioratum abbatiæ Conchensis; ubi receptus fuit processionaliter ut supra in quadam minima capella. Nam parochialis Ecclesia dicti loci per casum fortuitum corruerat, annus erat jam elapsus. In dicta capella Missam audivit, confirmavit; & fuit procuratus ad expensas Prioris dicti loci.

Eadem die finavit Prior de Villanova monasterii Moyssiæ ad xv. libras & quatuor solidos Turonenses.

Eadem die finavit Prior de Petrucia monasterii Ficiæ ad xii. libras Turonenses.

Eadem die finavit Prior sancti Iuliani monasterii Figiacensis ad sex libras, professus de Monbailim.

Die Martis sequenti venit Dominus apud Asprejas prioratum sancti Martialis Lemovicensis; ubi fuit receptus processionaliter ut supra, audivit Missam, confirmavit, & in mane fecit tonsuras; &

ipsa die fuit procuratus ad expensas Prioris. Summa xv. libræ Turonenses.

Die Mercurii sequenti venit Dominus apud Fluvihac prioratum abbatiz Conchenfis ; ubi audivit Missam , confirmavit , & locum sic destructum invenit quòd non fuit aliquis qui sibi procurationem suam ministraret. Propter quod Dominus Ecclesiam ipsam supposuit ecclesiastico interdicto. Et postmodum venit apud Conchas ; ubi fuit receptus processionaliter ut suprà , & procuratus ad expensas Abbatis dicti loci ex gratia. Postmodum elapsis sex diebus , venit quidam Clericus tenens dictum prioratum , qui se excusavit pro posse erga dictum Dominum pro eo quòd non fuerat in receptione sua ; finavit de procuratione sua ad xii. libras , quas Dominus portari præcepit Abbati Conchenfi , qui dicta die ministraverat expensas ; & removit Dominus sententiam quam posuerat in dicta Ecclesia.

Die Iovis sequenti , scilicet in festo Ascensionis Domini , dictus Dominus in abbazia de Conchis suam procurationem recepit , intravit capitulum , prædicavit , celebravit majorem Missam. In sero Prior de Barvars contra ipsum Dominum , prout in processu continetur , appellavit.

Die Veneris sequenti venit Dominus apud Albuium prioratum conventualem ordinis sancti Augustini ; ubi fuit receptus ut suprà , audivit Missam , confirmavit , & fuit procuratus , &c.

Die sabbati sequenti transivit Dominus per Monbrissain , & audivit ibi Missam , confirmavit , & fecit tonsuras. Et quia non fuit qui ipsum procuraret , Ecclesiam ipsam supposuit ecclesiastico interdicto. Et exinde venit apud Bornesellum prioratum Conchensem ; ubi fuit receptus processionaliter ut suprà & procuratus.

Die dominica sequenti audivit ibi Missam , con-

firmavit, prædicari fecit. Et exinde venit apud Clarasvalles prioratum abbatix de Brecoline; ubi fuit receptus proceſſionaliter, audivit Miſſam, & fuit procuratus.

Die Lunæ ſequenti in mane fecit ibi tonſuras & confirmavit. Et exinde venit apud Marcihac prioratum Conchenſem; ubi fuit receptus proceſſionaliter ut ſuprà, audivit Miſſam, & fuit procuratus.

Die Martis ſequenti audivit ibi Miſſam, confirmavit, & fecit tonſuras. Et exinde venit apud Lemofain domum Templariorum, ubi fuit receptus ut ſuprà & procuratus. Dedit adiutorem Priorem de Concores.

Die Mercurii venit Dominus apud Silvam domum Templariorum; ubi fuit receptus, audivit Miſſam, confirmavit, & fecit tonſuras, & fuit procuratus ut ſuprà.

Die Iovis ſequenti venit Dominus apud Canaberes domum Hospitalariorum; proceſſus, audivit ibi Miſſam, confirmavit, & fecit tonſuras &c.

Die Veneris ſequenti ad abbatiam Bonæ Combæ ordinis Cifterciensis, prædicavit in capitulo, Miſſam audivit, & pernoctavit ibidem ad expenſas abbatix. In mane fecit tonſuras.

Die ſabbati ſequenti, videlicet in vigilia Pentecoſtes, intravit Dominus civitatem Ruthenensem. Et primò declinavit ad majorem Eccleſiam; ubi fuit receptus ab Epifcopo & capitulo, & procuratus ab Epifcopo.

Dominica in feſto Pentecoſtes fuit Dominus cum Epifcopo ex gratia.

Die Lunæ in craſtino Pentecoſtes fuit Dominus cum capitulo.

Die Martis ſequenti cum Priore ſancti Amantii burgi Ruthenensis; & dedit ſibi ſubſidium ſexaginta ſolidorum Turonenſium ſuper Priorem Caſtri novi

de Levezone Marfilliensis abbatiz, & quadraginta super Priorem sancti Genesii ejusdem monasterii.

In eadem visitatione fuit concessa ista littera.

Nos Officialis Ruthenensis notum esse volumus per presentes quod Anno Domini millesimo ducentesimo octogesimo sexto, Reverendo patre Domino Simone Dei gratia Bituricensi Archiepiscopo, Aquitania Primato, Ruthenensem diocesim jure metropolitico visitante, Priores de Campanhac, de Pratis, & de Trebes, prioratus monasterii Conchenensis ejusdem diocesis Ruthenensis, supplicaverunt eidem ut super procurationibus quas ab eis jure quo supra requirebat eisdem parcero dignaretur, insufficientiam dictorum prioratum & tenuitatem suorum reddituum & temporis carissimam pretendentes. Quorum precibus dictus Dominus Archiepiscopus condescendens, eisdem Prioribus juxta Bituricensis Ecclesia consentientibus & recognoscentibus super predictis pepercit hac vice, salvo jure sibi aliis & successoribus competenti. In quorum testimonium ad requisitionem ejusdem, &c.

DIOCESIS MIMATENSIS.

ANno prædicto, die Martis post Trinitatem, completa visitatione Ruthenensis diocesis, intravit Dominus diocesim Mimatensem. Et primò per calles & valles venit apud sanctam Eminiam prioratum conventualem sancti Theofridi Aniciensis diocesis; ubi fuit receptus processionaliter pulsatis campanis, & procuratus ad expensas Prioris dicti loci. Summa expensarum xlii. libræ & quinque solidi Turopenfes.

Die Mercurii sequenti in mane audivit ibi Missam, prædicari fecit, indulgentiam dedit, confirmavit, tonsuras fecit. Et exinde ascendendo venit apud

Flurac prioratum Casæ Dei, quem tenebat nepos Abbatis Casæ Dei studens in scholis; ubi fuit receptus ut supra, & procuratus ad expensas Prioris dicti loci. Summa expensarum xiv. libræ & vii. solidi Turonenses.

Et notandum quòd ibidem venerunt duo monachi monasterii Aureliacensis cum litteris procuratoris Abbatis sui & litteris clausis Episcopi Ruthenensis directis Domino, loquuturi & tractaturi cum Domino super discordia quæ inter Dominum & Abbatem suum vertebatur ratione prioratum de Monbazain in Ruthenensi diocesi & de Bayvars ejusdem diocesis; & inde sinaverunt dicti procuratores de procuratione dicti prioratus de Monbazain, cujus Ecclesiam & procuratorem loci supposuerat Dominus ecclesiastico interdicto ratione dictæ procurationis sibi denegatæ ad duodecim libras Turonenses quas debuerunt tradere Domino Episcopo Ruthenensi. Et ad implendum præmissa Dominus dedit potestatem Domino Episcopo Ruthenensi amovendi sententias prædictas *quandocunque ipsi satisfactum esset loco nostri de dictis duodecim libris*, quas afferre vel mittere debebat ad Concilium Bituticense. De procuratore autem prioratus de Bayvars ejusdem monasterii supersedit Dominus ad relationem Domini Episcopi Ruthenensis afferentis per litteras suas clausas quòd locus erat pauper & quasi inhabitabilis, & quòd prædecessores Domini non consueverant ibidem procurari.

Die Iovis sequenti in mane ibidem apud Flurac audivit Missam, confirmavit, tonsuras fecit. Et exinde venit & intravit Dominus civitatem Mimatensem. Et primò declinavit ad majorem Ecclesiam; ubi fuit receptus processionaliter à capitulo dictæ Ecclesiæ. Et dum esset in choro Ecclesiæ, præsen-

tibus Canonicis ipsius Ecclesiæ & multis aliis, ob dilectionem & pacem dicti capituli ipse amovit sententias ab ipso autoritate apostolica latas in quosdam antedictæ Ecclesiæ opposcentes se collationi factæ magistro P. de Ruthena à Domino Archiepiscopo de præpositura Mimatenfi per privilegium papale sibi concessum de beneficiis quæ tanto tempore vacaverant quòd eorum collatio erat ad sedem apostolicam juxta Lateranensis statuta Concilii legitimè devoluta &c. Ipsa die fuit procuratus ad expensas magistri Pauli procuratoris electi Mimatenfis in Romana curia existentis in domibus episcopalibus ipsius electi. Non fuit computatum.

Die Veneris sequenti in mane intravit Dominus capitulum Mimatense, prædicavit, & postmodum ad majus altare celebravit in pontificalibus cum pallio, prædicavit populo, indulgentiam dedit; & fuit procuratus in domibus episcopalibus ad expensas capituli dicti loci. Non fuit computatum.

Eadem die finavit de procuratione Prior de Espaniaco Mimatenfis diocesis monasterii de Aureliaco ad XII. libras Turonenses.

Item Prior de Calviaco ordinis Clugniacensis ejusdem diocesis finavit similiter de procuratione ad decem libras Turonenses.

Eadem die finavit similiter de procuratione Prior de Chiriaco conventualis abbatie Marsiliensis ad duodecim libras Turonenses.

Item similiter eadem die finavit Prior de Canonica ejusdem diocesis ad decem libras Turonenses de procuratione.

Die sabbati sequenti in mane ibidem apud Mimatum in capella Episcopi audivit Dominus Missam, confirmavit, & circa triginta pueros tonsuravit. Quo facto, exivit civitatem Mimatensem, & venit

ad Ecclesiam de Rivortorto parrochialem, Ibidem visitavit, & confirmavit quosdam; & exinde ipsa die visitavit Dominus Ecclesiam parrochialem sancti Albini, ubi fuit receptus processionaliter ut supra & procuratus ad expensas Capellani dicti loci & Capellani de Rivortorto, qui per medium procuracionem ipsam solverunt. Summa expensarum xv. libræ & xvi. solidi Turonenses.

Die dominica sequenti, scilicet in octavis Trinitatis, in mane audivit ibi Missam, confirmavit, & fecit tonsuras. Et exinde venit apud Melteolum prioratum sancti Ægidii; ubi fuit receptus à Capellano & quibusdam monachis dicti loci, Priore absente, qui ex pravitate sua se absentaverat, ut publicè ferebatur. Et ipsa die fuit Dominus procuratus ibidem ad expensas Prioris dicti loci. Summa expensarum xv. libræ, quas solvit quidam burgensis de villa; cui Dominus vendidit bladum quod in dicto prioratu invenit, & de residuo obligavit ei per litteras suas ceteros redditus dicti prioratus usque ad summam procuracionis prædictæ,

Die Lunæ sequenti in mane audivit ibi Missam, confirmavit, tonsuras fecit. Et exinde venit apud Salgue prioratum Clugniacensem; ubi fuit receptus processionaliter ut supra, & procuratus ad expensas Prioris dicti loci. Summa expensarum xx. libræ Turonenses. Et quia communiter dicebatur quòd Archiepiscopi Bituricenses ibidem non consueverant procurari, licèt locus esset sufficiens ad procuracionis onera supportanda, Dominus eidem Priori ad revelationem expensarum procuracionis prædictæ dedit sex libras Turonenses percipiendas super prioratum de Berlhoncle, & alias sex libras percipiendas super prioratum de Bor Claromontensis diocesis, dans eidem Priori litteras compulsorias super hoc sub hac forma.

Simon Dei gratia Bituricensis Archiepiscopus; Aquitania Primas, viro venerabili & discreto Domino Geraldo de Montealto Canonico Almatensi salutem in Domino. Ut nostram provinciam visitantes, in quibusdam Ecclesiis nobis, saltem quantum ad exhibitionem procurationum, subjectis, considerata tenuitate reddituum agamus mitius cum eisdem, ubi scilicet loca potissimè sunt exempta, in moderata pecunie quantitate Ecclesiis aliis qua devotè & humiliter procurationumstrarum onera subierunt benignè decrevimus subveniendum ab illis quos nobis quantum ad hoc subditos, prout de jure potuissimus, procuratione integra nolimus prgravare, quamquam nec gravamen sit nec dici debeat nobis & prelatiis aliis procuraciones debitas exhibere, qui singularem Ecclesiarum commodis & affectu & officio obligamur. Proinde dilecto in Christo Priori de Berlhoncle Claromontensis diocesis summam sex librarum Turonensium ejus facultatibus imponimus, ut dictas sex libras ratione procurationis ab ipso Priore de Berlhoncle nobis debita, religioso viro Priori de Salgue Clugniacensis ordinis, qui procurationis nomine nobis reverenter necessaria ministravit, solvere teneatur. Quare discretioni vestra tenore presentium committimus & mandamus quatinus eundem Priorem de Berlhoncle auctoritate nostra metropolitica moneatis ut infra octo dies à monitione vestra eidem Priori de Salgue vel ejus mandato predictas sex libras Turonenses solvere non omittat. Quod si monitus non fecerit, ipsum, quem ex tunc suspendimus, interdiciamus, & excommunicamus, suspensum & interdictum & excommunicatum per Capellanium curatum parochialis Ecclesiæ de Berlhoncle & per omnes alios circumvicinos Capellanos Ecclesiarum parochialium denuntiari publicè faciatis, Ecclesiam quoque ipsam parochialem de Berlhoncle ecclesiastico vice nostra supponentes, si opus fuerit, interdicto quousque idem Prior

monitus de prædicta pecunia quantitate & de toto interesse integrè satisfecerit. Subsequenter omnes & singulos qui Priori de Berlhoncle ad exhibitionem debitorum reddituum & obventionum seu decimarum quarumlibet sunt astricti moneatis sub inhibitione sollemni ne eidem Priori de Berlhoncle quicquam exhibeant de eisdem, nisi satisfactione prædicta pecunia præcedente. Quòd si secùs egerint, ipsos, quos ex tunc pœna consimili innodamus, excommunicatos similiter publicè nuntiari mandetis. Quam pœnam extendimus in omnes qui mandati vestri immo nostri circa hoc existerint transgressores. Vt autem præmissa omnia & singula exequi necnon & prælibatas sententias aggravare per vos vel per alium valeatis, vobis tenore præsentium committimus & mandamus. Datum & sigillo nostro sigillatum anno Domini millesimo ducentesimo octogesimo sexto, die Mercurii ante festum beati Iohannis Baptista.

Consimilem litteram compulsoriam habuit idem Prior de Salgue contra Priorem de Bor prædictum pro aliis sex libris.

Die Martis sequenti ibidem apud Salgue in mane Missam audivit, confirmavit, & fecit tonsuras. Et exinde visitatione Mimatenſi completa venit apud Saucergue domum Præpositi Brujacensis juxta Votam, ubi fuit ad invitationem Præpositi procuratus ex gratia.

DIOGESIS CLAROMONTENSIS.

ANno Domini millesimo ducentesimo octogesimo sexto, die Lunæ post ramos Palmiarum, intravit reverendus pater Simon Bituricensis Archiepiscopus diocesim Claromontensem causa visitationis. Et primò declinavit apud Silvigniacum prioratum conventualem ordinis Clugniacensis. Ibi fuit cum Priore in procuratione ipsa die. Summa

expensarum XII. libræ & XV. solidi. In crastino audi-
vit ibi Missam, prædicavit, indulgentiam dedit,
& fecit tonsuras.

Eadem die Lunæ finavit de procuratione ad XII.
libras Prior de Firmitate moniali ordinis Clugniacen-
sis distans à Silvigniaco per tres leucas, & visi-
tavit Dominus transeundo.

Similiter eadem die finavit de procuratione ad X.
libras Prior de Barnay ordinis Clugniacensis distans
à Silvigniaco per tres leucas.

Die Martis sequenti venit Dominus apud Vernolium; ubi fuit receptus processionaliter à capitulo dictæ Ecclesiæ & procuratus. Summa expensarum IX. libræ & X. solidi, de quibus ad revelationem expensarum dedit eis quadraginta solidos. Turonenses, & quædam alia jura procurationis remisit eis, pro eo quòd invenit locum pauperrimum. Et distat à Silvigniaco per quinque leucas. In crastino audi-
vit ibi Missam, prædicavit, indulgentiam dedit, tonsuras fecit, & in capitulo visitavit.

Eadem die Martis finavit de procuratione ad IX. libras Prior de Salis ordinis Clugniacensis distans à Vernolio per tres leucas; nec pro tanto esset immunis, nisi magister Stephanus Curatus de Maincac conducens Dominum pro eo specialiter rogavisset.

Die Mercurii sequenti fuit Dominus apud sanctum Porcianum cum Priore ordinis Clugniacensis. In procuratione non fuit computatum. Distat à Vernolio per unam leucam. In crastino audiuit ibidem Missam Dominus, prædicavit, indulgentiam dedit, & confirmavit, & fecit tonsuras.

Eadem die Mercurii finavit de procuratione ad X. libras & quatuor solidos pro cambellanis Prior de Broo ordinis Clugniacensis distans à sancto Porciano per tres leucas, & visitavit locum Dominus dicta die.

Eadem die similiter finavit de procuratione ad x. libras & quatuor solidos pro cambellanis Prior de Iauzez distans à sancto Porciano per quatuor leucas, & visitavit Dominus locum.

Die Iovis sequenti fuit Dominus in abbazia sancti Gerberti ordinis Præmonstratensis cum Abbate in procuratione, & ibi sanctum chrisma confecit. Dicta abbazia distat à sancto Porciano per duas leucas. In crastino audivit ibidem servitium, confirmavit, & fecit tonsuras.

Die Veneris sequenti venit Dominus ad prioratum de Chambarande monasterii Menatensis, & invenit Ecclesiam dicti loci valde malè ædificatam & quasi minantem ruinam; nec habebat Prior domos ubi posset habitare, excepta quadam grangia. Dominus & sui jacuerunt, & procurati fuerunt à Priore dicti loci. Summa expensarum vii. libræ & vii. solidi. Et distat ab abbazia sancti Gerberti per duas leucas.

Die sabbati sequenti, scilicet in vigilia Paschæ, visitavit Dominus Ecclesiam de Carosio pertinentem ad Præceptorem domus militiæ Templi de Marchia; qui quidem Præceptor finavit de procuratione ad xi. libras & quatuor solidos pro cambellanis, quas undecim libras Dominus expendit ipsa die in domo sua de Naves; & in Ecclesia de Naves ordines celebravit dicta die sabbati, & quosdam de Bituricensi & de Claromontensi diocesis Clericos ordinavit.

Eadem die sabbati finavit de procuratione ad xiv. libras Prior de Escuroliis ordinis Clugniacensis distans à Marchia per duas leucas, quas expendit in domo sua de naves ipsa die.

Die dominica sequenti, scilicet die resurrectionis, fuit Dominus apud naves in domo sua ad proprias expensas, & ipsa die in parochiali Ecclesia dicti

loci celebravit sollemniter in pontificalibus cum pallio.

Die Lunæ sequenti anni octogefimi septimi venit Dominus apud Gannac prioratum abbatix Ysiodorensis. Ibi fuit cum Priore in procuratione. Summa expensarum xi. libræ, vii. solidi, viii. denarii. In crastino Missam ibidem audivit, prædicavit, indulgentiam dedit, confirmavit, tonsuras fecit. Et distat villa de Gannac à castro de Navis per tres leucas.

Eadem die finavit de procuratione ad decem libras & quatuor solidos Prior sancti Boniti de Monte Pancerii ordinis Clugniacensis distans à villa de Gannac per duas leucas. Et ipsa die visitavit Dominus locum prædictum.

Die Martis sequenti fuit Dominus apud sanctum Genesium cum Priore dicti loci monasterii Ebroliensis in procuratione. Summa expensarum x. libræ, vi. solidi, iv. denarii. Et distat dictus locus à villa de Gannac per duas leucas. In crastino audivit Dominus ibidem Missam, confirmavit, & fecit tonsuras.

Eadem die finavit de procuratione ad x. libras Prior de Montibus ordinis Cluniacensis distans à villa sancti Genesii per tres leucas; quem locum Dominus transeundo visitavit.

Die Mercurii sequenti venit Dominus apud Aquam sparsam, visitavit Ecclesiam dicti loci; & fuit procuratus à capitulo de Thiarç, qui tenetur ad procurationem. Summa expensarum xi. libræ, x. solidi, & vi. denarii. In crastino Missam audivit ibidem, prædicavit, indulgentiam dedit, confirmavit, & fecit tonsuras. Distat à villa sancti Genesii per leucam.

Die Iovis sequenti visitavit Dominus prioratum de Lusillac abbatix Casæ Dei, & fecit procurationem

nem suam Prior dicti loci apud Buyllon. Summa expensarum x. libræ, xviii. solidi, & vi. denarii. Et distat Lufillac ab Aquasparfa per duas leucas, & à Buyllon per unam leucam.

Die Veneris sequenti visitavit Dominus prioratum de Buyllon, audivit Missam, confirmavit, fecit tonsuras; & fuit procuratus à Priore dicti loci in procuratione. Summa expensarum x. libræ.

Die sabbati sequenti visitavit Dominus prioratum de Marengue monasterii Casæ Dei, ubi Missam audivit, confirmavit, tonsuras fecit; & fuit procuratus à Priore dicti loci. Summa expensarum x. libræ, xi. solidi. Et distat à villa de Buyllon per leucam.

Die dominica sequenti, scilicet in octavis Paschæ, audivit Dominus Missam apud Marengue. Et exinde venit apud Bellum-regardum; ubi fuit cum Episcopo Claromontensi gratis. Et distat à villa de Marengue per duas leucas.

Die Lunæ sequenti intravit Dominus civitatem Claromontensem, Episcopo eum semper comitante. Et primò declinavit ad Ecclesiam secularem beatæ Mariæ de Portu, intravit capitulum unà cum Episcopo, & ibidem visitavit; & procuratus fuit à capitulo dictæ Ecclesiæ in domibus Episcopi Claromontensis. Summa expensarum x. libræ, xv. solidi, octo denarii.

Die Martis sequenti visitavit Dominus Ecclesiam secularem sancti Genesii, Episcopo præsentem; & procuratus fuit ab Abbate & capitulo dicti loci in domibus Episcopi. Summa expensarum xi. libræ, xvii. solidi, vi. denarii.

Die Mercurii sequenti visitavit Dominus Ecclesiam secularem de Chamalore Claromontensem. Visitavit in capitulo, confirmavit, tonsuras fecit; & fuit procuratus à capitulo dicti loci in domibus

Episcopi. Summa expensarum x. libræ, viii. solidi, & sex denarii. Et dum Dominus fuit Claromonti, tractavit de multis, primò de contentione quæ ver-
tebatur inter Ecclesiam Claromontensem & mona-
sterium Casæ Dei.

Die Iovis sequenti exivit Dominus civitatem Cla-
romontensem, & venit apud Montem Ferrandi. Vi-
sitavit Ecclesiam dicti loci, & procuratus fuit à
Priore dicti loci ordinis Casæ Dei. Summa expen-
sarum xi. libræ, v. solidi, vii. denarii. In crastino
audivit ibi Missam, confirmavit, & fecit tonsuras.
Et exinde venit in domum fratrum Prædicatorum
Claromontensium, ubi tractavit de negotio electi
Mimatensis usque ad horam meridianam.

Die Veneris sequenti visitavit Dominus priora-
tum de Cheronac abbatia Casæ Dei, & fuit pro-
curatus à Priore dicti loci. Summa expensarum
vii. libræ, x. solidi, & vi. denarii. In mane audi-
vit Dominus Missam, confirmavit, & fecit ton-
suras. Cheronac distat à Claromonte per duas
leucas.

Eadem die finavit de procuratione ad x. libras &
quatuor solidos Prior de Raiac ordinis Clugniacen-
sis, distans à Claromonte per dimidiam leucam.

Die sabbati sequenti visitavit Dominus Ecclesiam
de Cresto, Missam audivit; & fuit procuratus à
Priore dicti loci monasterii Casæ Dei, qui solvit
medietatem procurationis, & a capitulo dicti loci,
qui solvit aliam medietatem. Summa expensarum
xi. libræ & xi. solidi.

In crastino audivit Missam, ibidem prædicavit
populo, indulgentiam dedit, confirmavit, & fe-
cit tonsuras. Crestum distat de Charonac per leu-
cam.

Die dominica sequenti, scilicet in quindena
Paschæ, venit Dominus ad prioratum de Vrfeto

monasterii de Mauriac ; & fuit procuratus à Priore dicti loci. Summa expensarum ix. libræ & quatuor solidi. In crastino audivit Missam , confirmavit , tonsuras fecit.

Eadem die finavit de procuratione Prior de Charvros ordinis Clugniacensis ad decem libras & quatuor solidos pro Cambellanis.

Eadem die finavit de procuratione ad decem libras cum jure cambellanorum Prior Pontis-Castri ordinis Clugniacensis.

Die Lunæ sequenti in mane ibidem apud Vrsetum audivit Missam , confirmavit , tonsuras fecit. Et exinde venit apud sanctum Saturninum abbatix Ysiodorensis ; ubi visitavit , & procuratus fuit ad expensas Prioris dicti loci. Summa expensarum x. libræ & v. solidi. Et eadem die ivit unam leucam. Et quia Ecclesia dicti loci erat supposita ecclesiastico interdicto auctoritate Officialis Claromontis ratione Iohannis Azam Clerici , Dominus nullum officium fecit ibidem , sed super hoc scripsit Episcopo Claromontensi.

Die Martis sequenti per viam asperissimam venit Dominus ad prioratum sancti Necterii prioratum Casæ Dei , visitavit , audivit Missam , confirmavit , tonsuras fecit , & procuratus fuit ad expensas Prioris dicti loci. Summa expensarum viii. libræ , & xix. solidi , & ipsa die fecit duas leucas.

Die Mercurii sequenti audivit ibidem Dominus Missam , prædicari fecit , indulgentiam dedit. Et exinde venit apud Montem acutum prioratum ordinis Clugniacensis ; ubi in Ecclesia dicti loci duo altaria consecravit , unum in honore beati Iohannis Baptistæ & beatæ Mariæ Magdalenæ , & aliud in honore beati Mauritii ; & ipsa die fuit procuratus à Priore dicti loci. Summa expensarum x. libræ , & equitavit ipsa die unam leucam.

Die Iovis sequenti celebravit ibidem Missam pro defunctis, prædicavit, indulgentiam dedit, confirmavit, tonsuras fecit. Et exinde venit apud Gresi prioratum Casæ Dei, ubi visitavit, & quatuor leucas equitavit. Et quia datum erat intelligi Domino quòd domus non erant sufficientes ad ipsum recipiendum, venit apud sanctum Germanum Lambron distantem per leucam; ubi procuratus fuit à Priore de Gresiaco in domibus capituli Brivatensis. Summa expensarum x. libræ & undecim solidi Turonenses.

Die Veneris sequenti visitavit Dominus Ecclesiam sancti Germani de Lambron, audivit Missam, prædicari fecit, confirmavit, tonsuras fecit; & fuit procuratus à Capellanis sancti Germani, sancti Iohannis, sancti Clementis dicti loci; & dedit Dominus litteram compulsivam de illis qui nolebant solvere partem procurationis prædictæ.

Die sabbati sequenti venit Dominus apud Berlhoncle prioratum Saliniarum; ubi Missam audivit, confirmavit, tonsuras fecit, & fuit procuratus ad expensas Prioris dicti loci. Summa expensarum viii. libræ, quinque solidi. Et ipsa die equitavit duas leucas.

Dominica sequenti, scilicet post festum beati Marci evangelistæ, venit Dominus apud veterem Brivatem prioratum abbatiae Piperacensis, ubi Missam audivit, prædicavit, & confirmavit, tonsuras fecit; & fuit procuratus ad expensas Prioris dicti loci. Summa expensarum ix. libræ Turonenses. Et equitavit duas leucas.

Die Lunæ sequenti venit Dominus apud Ville prioratum Piperacensem; ubi Missam audivit, confirmavit, tonsuras fecit, & fuit procuratus ad expensas Prioris dicti loci. Summa expensarum viii. libræ & iii. solidi. & equitavit unam leucam.

Die Martis sequenti ibidem audivit Missam in mane, prædicavit, indulgentiam dedit. Et exinde equitando unam leucam venit apud Azarac prioratum Casæ Dei, & fuit procuratus ad expensas Prioris dicti loci. Summa expensarum octo libræ & quatuor solidi.

Die Mercurii sequenti quoddam cimiterium Ecclesiæ contiguum benedixit, Missam audivit, confirmavit, tonsuras fecit. Et exinde equitando tres leucas venit apud Nonnetam prioratum Casæ Dei, & fuit procuratus ad expensas Prioris dicti loci. Summa expensarum x. libræ & iv. solidi.

Die Iovis sequenti, scilicet in festo Apostolorum Philippi & Iacobi, in mane audivit ibi Missam, confirmavit, & fecit tonsuras. Et exinde venit apud Ysidorum abbatiam sancti Benedicti, celebravit in pontificalibus cum pallio, prædicavit, indulgentiam dedit, confirmavit, & fuit procuratus ad expensas abbatiae. Summa expensarum x. libræ & v. solidi. Et equitavit ipsa die duas leucas.

Die Veneris sequenti audivit ibi Missam in mane, tonsuras fecit. Et exinde venit apud Cornomum, ubi ipse & Claromontensis Episcopus ac Abbas Casæ Dei convenerunt ad tractandum super multis. Et exinde post tractatum habitum venit apud sanctum Andream prioratum Casæ Dei, ubi fuit procuratus ipsa die ad expensas Prioris dicti loci. Summa expensarum x. libræ & vi. solidi.

Die sabbati sequenti, scilicet post festum Apostolorum Philippi & Iacobi, in mane audivit ibidem Dominus Missam, confirmavit, tonsuras fecit. Et exinde venit apud Chavahac prioratum Salsiniarum, ubi fuit procuratus ad expensas Prioris dicti loci & capituli Vertosionis. Summa expensarum vii. libræ, x. solidi.

Die dominica sequenti in mane ibidem quandam

capellam veterem reconciliavit, Missam audivit, prædicari fecit, indulgentiam dedit, tonsuras fecit, confirmavit. Et exinde venit apud Vic prioratum abbatix Magniloci, ubi fuit procuratus ad expensas Prioris dicti loci. Summa expensarum ix. libræ, x. solidi.

Die Lunæ sequenti in mane audivit ibidem Dominus Missam, prædicavit, indulgentiam dedit, confirmavit, & fecit tonsuras. Et exinde venit apud Cellinias prioratum conventualem ordinis Clugniacensis, ubi fuit procuratus ad expensas Prioris dicti loci. Non fuit computatum.

Die Martis sequenti in mane audivit ibidem Dominus Missam, confirmavit, tonsuras fecit; & locutus fuit cum Domina Iohanna domiha Soliaci, quæ ibidem venerat de Bituria ratione cuiusdam declarationis quam fecerat Dominus de contentis in quodam compromisso facto super eum à Domino Henrico quondam domino Soliaci & Comite Meloduni. Et postmodum venit apud Magnum locum abbatiam sancti Benedicti, ubi fuit procuratus ad expensas Abbatis dicti loci. Non fuit computatum.

Die Mercurii sequenti in mane ibidem audivit Missam, prædicavit, indulgentiam dedit, confirmavit, & fecit tonsuras. Et exinde venit apud la Foilleuse domum Templariorum, ubi fuit procuratus à Præceptore dicti loci. Summa expensarum x. libræ, vi. solidi.

Die Iovis sequenti in mane visitavit Ecclesiam parochialem de Cuyllac pertinentem ad dictam domum de Foilleuse, audivit Missam, confirmavit, tonsuras fecit, & partem cimiterii dictæ Ecclesiæ reconciliavit. Et exinde venit apud Nazac Ecclesiam collegiatam, ubi fuit procuratus ad expensas capituli dicti loci. Summa expensarum vii. libræ & xvii. solidi.

Die Veneris sequenti in mane audivit ibi Missam, prædicari fecit, indulgentiam dedit, confirmavit, tonsuras fecit. Et exinde venit..... ubi Episcopum Claromontensem invenit, & super multis tractavit cum eo, Ecclesiam de visitavit. qua visitata, venit apud Riomum in abbatia, ubi ipsa die fuit procuratus ad expensas capituli de Sabbazac pro eo quòd non habebant domos sufficientes, ut dicebant. Summa expensarum undecim libræ Turonenses.

Die sabbati sequenti ibidem apud Riomum in abbatia audivit Missam, confirmavit, tonsuras fecit, intravit capitulum, prædicavit, indulgentiam dedit. Et iis actis, ad muniendum se venit ad quandam domum vocatam domum de Stanno juxta Mozac, ubi ipsa die fuit ad expensas Abbatis Riomi. Summa expensarum XIII: libræ & tres solidi.

Die dominica sequenti, scilicet ante Ascensionem Domini, fuit Dominus ibidem, & in mane visitavit monasterium de Mozac, audivit ibi Missam, confirmavit, tonsuras fecit, in capitulo prædicavit, & post reversus est ad dictam domum de Stanno, ubi fuit procuratus ad expensas abbatiæ prædictæ de Mozac, Abbate absente. Et notandum quòd dicta domus de Stanno non teneretur ad aliquam procuracionem, sed causa recreationis venit tantum ibi.

Die Lunæ sequenti visitavit Dominus prioratum de Volvic, audivit ibi Missam, confirmavit, tonsuras fecit. Deinde venit apud Maroac prioratum monialium; ubi prædicavit, indulgentiam dedit, & quasdam moniales confirmavit. Et exinde reversus est ad dictam domum de Stanno, ubi dicta die dictus Prior de Volvic fecit sibi procuracionem suam; cum domus dicti Prioris non essent bene paratæ. Summa expensarum x. libræ. Equitavit duas leucas,

Die Martis sequenti transiens Dominus per abbatiam Mauziaci, audivit ibi Missam, confirmavit, fecit tonsuras. Et exinde venit apud Teilledo prioratum Casæ Dei, procuratus fuit ad expensas Prioris dicti loci. Summa expensarum x. libræ & tres solidi. & equitavit per duas leucas.

Die Mercurii sequenti in mane audivit ibi Missam, confirmavit, & fecit tonsuras. Et exinde venit apud Celville prioratum de Menato; audivit ibi Missam, confirmavit, tonsuras fecit. Et quia domus dicti prioratus non erant paratæ, fecit ibidem Prior procuracionem Domino in abbazia sancti Illidii Claromontensis. Et comedit ipsa die Dominus Episcopus Claromontensis cum Domino ad invitationem dicti Abbatis sancti Illidii. & ipsa die equitavit quatuor leucas.

Die Iovis sequenti, scilicet in festo Ascensionis Domini, fuit Dominus cum Episcopo Claromontensi in domo sua dou Iardin juxta Clarummontem. Et ipsa die in Ecclesia Claromontensi majori, Episcopo præsentem, celebravit in pontificalibus, acolythos fecit; & Missa celebrata, venit ad dictam domum dou Iardin, Episcopo Claromontensi eum semper comitante. Eadem die, Episcopo præsentem, in Ecclesia prædicta Claromontensi cantavit vespervas. Quibus cantatis, Episcopo Claromontensi eum semper comitante venerunt ad domum dictam dou Iardin ad cœnam; & jacuit ibidem.

Die Veneris sequenti in mane audivit Dominus Missam in capella Episcopi Claromontensis, quæ est in domibus episcopalibus. Qua audita, ipse & Episcopus Claromontensis & multi alii tractaverunt de confirmatione fratris Durandi electi Mimamensis; & fuit ibidem confirmatus. Et postmodum venit Dominus apud Albiac prioratum de Riomo, ubi fuit procuratus ad expensas Prioris dicti loci

Guillel-
mus Du-
randi Epif-
copus Mi-
marenfis.

asserentis quòd alias non procuraverat integrè.
Summa expensarum ix. libræ Turonenses. & equitavit quatuor leucas.

Die sabbati sequenti audivit ibi Missam, confirmavit, & fecit tonsuras. Et exinde venit apud Ebrolium abbatiam ordinis sancti Benedicti, ubi fuit procuratus ad expensas Abbatis dicti loci. Non fuit computatum.

Die dominica sequenti, scilicet post Ascensionem Domini, visitavit Dominus prioratum de Velcia Abbatia Ebroliensis prædictæ; & inveniens locum interdictum pro procuratione Legati & dissipatum à Priore absente, regressus est ad dictam abbatiam Ebrolensem, ubi fuit procuratus ipsa die ex gratia.

Die Lunæ sequenti in manè ibidem apud Ebrolium audivit Missam, prædicavit, indulgentiam dedit, confirmavit, & fecit tonsuras. Et exinde venit apud Lacum rubeum prioratum conventualem ordinis sancti Augustini, ubi fuit procuratus ad expensas Prioris dicti loci. Summa expensarum x. libræ & vii. solidi. Comedit totus conventus cum Domino.

Die Martis sequenti in mane audivit ibidem Missam, confirmavit, tonsuras fecit. Et exinde venit apud Menatum, Episcopo Claromontensi sibi obvian- te & comitante, & cum novo Abbate Menatensi. Et ante portam monasterii de Menato venientes, conventus dicti loci indutus capis sericis obviaverunt eis, & fuit receptus novus Abbas dicti monasterii de Menato & installatus. Et intrantes monasterium ipsum, Domino Archiepiscopo à dextris, & Episcopo à sinistris, & Abbate in medio eorum, flexerunt genua ante altare, & postmodum Dominus Archiepiscopus dedit benedictionem suam. Quo facto, quilibet in suam intravit. Postmodum

dictus Abbas Missam novam celebravit. Et ipsa die Domini Archiepiscopus & Episcopus ob reverentiam dicti Abbatis fuerunt ibidem procurati.

Die Mercurii sequenti in mane audivit Dominus ibidem Missam, confirmavit. Et postmodum Domini Archiepiscopus & Episcopus Claromontensis intraverunt capitulum; & Abbate & conventu præsentibus, post sermonem factum à Domino Archiepiscopo, Dominus Episcopus ad reformationem ordinis dicti monasterii statuit quædam statuta, supplicans Domino Archiepiscopo ut ea confirmaret. Cui Dominus Archiepiscopus annuit benigniter & devotè. His actis, Dominus Archiepiscopus equitando tres leucas venit apud Bellam-aquam abbatiam Cisterciensem, ubi ipsa die pernoctavit ad expensas abbatix.

ITERVM CLAROMONTENSIS.

1287.

ANno Domini millesimo ducentesimo octogesimo septimo, Dominica in festo beati Matthæi, intravit Dominus diocesim Claromontensem ad visitandum quæ non visitaverat in visitatione præmissa.

Eadem die declinavit primò apud Mascillac prioratum abbatix Menatensis; ubi fuit procuratus, nec fuit computatum.

Die Lunæ venit apud Montem-acutum, ubi fuit cum Priore in procuratione. Summa expensarum VIII. libræ.

Die Martis sequenti venit Dominus apud Poyneac prioratum abbatix Eboliensis; ubi Missam audivit, prædicavit, tonsuras fecit, & procuratus fuit à Priore dicti loci. Summa expensarum sex libræ.

Die Martis sequenti visitavit Dominus Ecclesiam parochialem sancti Gilvasii, audivit ibi Missam, tonsuras fecit; & procuratus fuit apud Chambonet à Capellano sancti Gilvasii & Priore de Chambonet; qui duo per medium tenentur ad procurationem sancti Gilvasii pro procuratione. Nota quòd sibi debebatur ratione prioratus de Chambonet, Remisit ipsa die, quia dictus prioratus eodem anno datus sibi fuit ad vitam.

Die Iovis sequenti venit Dominus apud Montem Fremim prioratum abbatiæ Ebroliensis, ubi Missam audivit, prædicavit, confirmavit, tonsuras fecit, & procuratus fuit à Priore dicti loci.

Die Veneris sequenti visitavit Dominus Ecclesiam sancti Præjecti, & fuit procuratus à Priore & Capellano dicti loci. Tamen dicebatur communiter quòd Archiepiscopi Bituricenses ibidem alias non fuerunt procurati. Et fuit præsens in procuratione electus * Menatensis.

* f. Mi-
matensis.

Die sabbati sequenti venit Dominus apud Rumpem Dagon prioratum monasterii sancti Genulphi Bituricensis diocesis, ubi Missam audivit, tonsuras fecit, & fuit procuratus à Priore dicti loci. Summa expensarum sex libræ Turonenses.

Dominica sequenti, scilicet in vigilia beati Michaëlis, visitavit Dominus prioratum de Doutre abbatiæ sancti Genulphi; & fuit procuratus à Priore dicti loci in quadam domo vocata Beauleu, quia domus non erant sufficientes in dicto prioratu.

Die Lunæ sequenti, scilicet in festo beati Michaëlis, celebravit Dominus in Ecclesia de Doutre, prædicavit, indulgentiam dedit, fecit tonsuras; & fuit eadem die cum Abbate de Menato ex gratia in domo dicta Beauleu prædicta.

Die martis sequenti visitavit Dominus prioratum de saint Bar abbatiæ Cambonenfis Lemovicensis

diocesis; ubi Missam audivit, tonsuras fecit, & fuit procuratus à Priore dicti loci. Summa expensarum cx f.

Die Mercurii sequenti venit Dominus apud Mantas prioratum similiter Cambonensem; ubi Missam audivit, prædicari fecit, & fuit procuratus ad expensas Prioris dicti loci. Summa expensarum vi. libræ & v. solidi.

Guido
de Turre
Episcopus
Claromontensis.

Die Iovis sequenti venit Dominus apud Giac prioratum monasterii de Mozac, & invenit Ecclesiam & prioratum firmatos. Nam Episcopus Claromontensis frater Guido dictum prioratum per longum tempus tenuerat, & ideo Archiepiscopi Bituricenses ob dilectionem ipsius non declinabant. Propter quod Prior dicti prioratus dicebat quòd non tenebatur ad procurationem, licet inveniretur in papiro Domini Iohannis Bituricensis Archiepiscopi quòd tempore quo idem Dominus Claromontensis dictum prioratum tenebat, ibidem fuerat procuratus. Tandem post multas altercationes Dominus receptus fuit & procuratus à Priore dicti loci sub ista forma, quòd per hanc receptionem nullum novum jus, nulla nova possessio acquireretur Ecclesiæ Bituricensi. Et super hoc facta fuit littera quæ remansit Priori; & commissa fuit inquisitio Præposito Claromontensis Ecclesiæ.

Die Veneris sequenti venit Dominus apud Hermantum, ubi procuratus fuit à capitulo dicti loci. In crastino celebravit ibidem, prædicavit, indulgentiam dedit, multas tonsuras fecit.

Die sabbati sequenti venit Dominus apud Agele prioratum abbatiæ sancti Illidii Claromontensis, ubi fuit procuratus à Priore dicti loci. Summa expensarum sex libræ & tres solidi.

Dominica sequenti, scilicet ante festum beati Dionysii, venit apud Oreviallem; ubi celebravit,

Prædicavit, fecit tonsuras, & fuit procuratus à capitulo dicti loci. Summa expensarum vii. libræ & vi. solidi. Tunc de consilio Claromontensis Episcopi & Præpositi dimisit iter suum de eundo apud Aureliacum, quia dicebant vias esse intolerabiles propter frigus.

Die Lunæ sequenti venit Dominus apud Brifont prioratum abbatix Casæ Dei; ubi Missam audivit, tonsuras fecit, & fuit procuratus à Priore dicti loci. Summa expensarum vi. libræ.

Die Martis sequenti venit Dominus apud Clarummontem. Visitavit Ecclesiam sancti Andree ordinis Præmonstratensis, & fuit procuratus ab Abbate & conventu dictæ Ecclesiæ.

Die Mercurii sequenti fuit Dominus ibidem cum Episcopo Claromontensi in domibus episcopalibus gratis.

Die Iovis sequenti, scilicet in festo beati Dionysii, fuit Dominus in abbazia sancti Illidii Claromontensis cum Abbate gratis.

Die Veneris sequenti venit Dominus apud sanctum Desiderium prioratum abbatix Casæ Dei; ubi Missam audivit, confirmavit, tonsuras fecit, & procuratus fuit à Priore dicti loci. Summa expensarum vi. libræ & x. solidi.

Die sabbati sequenti venit Dominus apud Cumi-lhac, ubi fuit procuratus à Priore dicti loci. Summa expensarum vii. libræ.

Dominica sequenti, scilicet ante festum beati Lucæ, venit Dominus apud sanctum Germanum Lemp. prioratum abbatix Casæ Dei; ubi Missam audivit, confirmavit, prædicavit, tonsuras fecit, & procuratus fuit à Priore dicti loci. Summa expensarum vii. libræ & xi. solidi.

Die Lunæ sequenti fuit Dominus apud Herlencum Burgi prioratum abbatix de Clusa; ubi Missam

audivit & prædicavit, indulgentiam dedit, & fuit procuratus ad expensas Prioris dicti loci.

Die Martis sequenti visitavit Dominus prioratus de Morcat & d'Ambert ordinis Clugniacensis; & quia pauperes erant, finaverunt pro procuratione ad octo libras; nec pro tanto essent quitti, sed gratia eis fuit facta ista vice ad preces Domini Stephani Capellani de Manicat, qui conducebat nos.

Eadem die venit Dominus apud Salviahc prioratum conventualem de Clusa; ubi in crastino Missam audivit, prædicavit, indulgentiam dedit; & ipsa die Martis procuratus fuit ad expensas Prioris dicti loci.

Die Mercurii sequenti visitavit Dominus abbatiam Thiernensem; ubi Missam audivit, prædicavit, indulgentiam dedit, & procuratus fuit ad expensas abbatiae.

Eadem die Mercurii finavit Abbas Thiernensis de procurationibus prioratum Nigri Stabuli & de Angeroles ordinis Clugniacensis, quos prioratus tenebat, ad xiiii. libras & octo solidos Turonenses.

Die Iovis sequenti visitavit Dominus Ecclesiam collegiatam de Thierno; ubi Missam celebravit, prædicavit, indulgentiam dedit; & comedit, una cum sociis suis, cum magistro G. de Malomonte gratis, & cetera familia per capitulum loci. Et fuit summa expensarum vi. libræ & ix. solidi.

Die Veneris sequenti venit Dominus apud Monrem-petiosum abbatiam ordinis Cisterciensis; ubi duo altaria consecravimus, & pernoctavit ibidem.

Die sabbati sequenti, scilicet in festo beati Lucæ, venit Dominus apud Cuciacum; ubi celebravit Missam, prædicavit, indulgentiam dedit, & fuit procuratus ab Abbatissa & conventu dicti loci. Summa expensarum octo libræ.

Dominica sequenti visitavit Dominus prioratum

de Montibus Ordinis Clugniacensis; ubi, quia alias non fuerat, fuit receptus processionaliter, & procuratus ad expensas Prioris dicti loci. Summa expensarum sex libræ.

Die Lunæ sequenti visitavit Dominus prioratum de Dreturay; ubi fuit receptus processionaliter, audivit Missam, prædicavit, dedit indulgentiam, & procuratus fuit ad expensas dicti Prioris. Summa expensarum septem libræ.

Die Martis visitavit prioratum de Fluret; ubi Missam audivit, confirmavit, & fuit procuratus à Priore dicti loci.

Die Mercurii sequenti venit Dominus apud Ialeigin prioratum conventualem Casæ Dei; ubi Missam audivit, confirmavit, tonsuras fecit, & procuratus fuit à Priore dicti loci; nec fuit computatum.

Die Iovis sequenti venit Dominus apud Beray prioratum Clugniacensem de Mozac; ubi Missam audivit, prædicavit, indulgentiam dedit, & fuit procuratus ad expensas Prioris dicti loci. Summa expensarum septem libræ.

Die Veneris sequenti venit Dominus apud sanctum Germanum de Fossatis prioratum de Mozac; ubi Missam audivit, confirmavit, tonsuras fecit, & fuit procuratus ad expensas Prioris dicti loci.

Die sabbati sequenti venit Dominus apud Rix prioratum conventualem Clugniacensem; ubi Missam audivit, prædicavit, & dedit indulgentiam, & fuit procuratus a Priore dicti loci. Non fuit computatum.

Die dominica ante festum Apostolorum Simonis & Iudæ apud Laudotum cum capitulo. Ibi Missam audivit, prædicavit, & fuit procuratus. Summa octo libræ & septem solidi.

Die Lunæ apud Poillac cum Priore abbatiæ Casæ Dei. Audivit ibi Missam, prædicavit, & procura-

tus fuit. Summa octo libræ, sex solidi, novem denarii.

Die Martis in festo Apostolorum Simonis & Iudæ apud Biliomum cum capitulo procuratus fuit. Summa 1x. libræ.

Die Mercurii apud Manicac prioratum sancti Launomari Blefensis. Non fuit computatum. Exinde venit in Bituriam per naves.

Hæc sunt loca quæ Dominus Bituricensis non visitavit in ista visitatione Clairomontensi.

PRIMÒ prioratus de Veriac.

Abbatia Broliensis, quam omisit ad visitandum ob dilectionem Senescalli Lugdunensis, qui eam tenebat.

Prioratus de la Crozille & dou Quart, qui ad unam procurationem tenentur.

Prioratus de la Mongie, quem omisit ob dilectionem Abbatis Menatensis.

Prioratus de Chambonet abbatiæ Maciacensis, quem omisit propter grangiam dicti loci combustam.

Prioratus de Baviile, quem omisit ad supplicationem Abbatis sancti Illidii.

Prioratus de Calves abbatiæ Salinarum.

Prioratus de Mauriac, qui subest abbatiæ sancti Petri Vivi Senonensis; & est ibi Decanus.

Prioratus de Drivac abbatiæ Aureliacensis.

Abbatia monialium sancti Benedicti de Breiac.

Ecclesia & prioratus de Ploes.

Abbatia Aureliacensis.

Prioratus de Charmel ordinis de Corona.

Domus Hospitalariorum de Salvitate.

Præpositura de Monte Salvii ordinis sancti Augustini.

Domus

Domus Templariorum de Carlac.

Capitulum de Roillac.

Prioratus de Bredon abbatix de Moifac.

Prioratus sancti Flori Clugniacensis.

Abbatia Piperacensis ordinis sancti Augustini.

Abbatia monialium de Casis. Nunquam fuit ibi

Archiepiscopus, ut dicitur.

Prioratus de Chenteiou abbatix Casæ Dei.

Prioratus de Laviac Casæ Dei.

Prioratus de Raillac Clugniacensis.

Prioratus de Volca Clugniacensis.

Prioratus de Maferac.

Abbatia Casæ Dei, vel prioratus de Saillanz.

Prioratus de Casnia Casæ Dei.

Vsq̃ue huc possumus conduci sine expensis.

Exinde apud Clarummontem in abbatia de Chantoin, omisit Dominus propter paupertatem.

Exinde apud Ianzarz abbatix sancti Illidii.

Exinde cum capitulo de Arcona.

Exinde cum Priore de Vichiaco.

De Volca cum Abbatissa de Bleolle.

Exinde apud Comps.

Item omisit prioratus de Fornox, de Sallarc, de Martuillac, de sancto Sindulpho, de Chembon; qui omnes prioratus sunt in compositione facta inter Dominum Bituricensem & Abbatem Casæ Dei.

VISITATIO LEMOVICENSIS DIOCESIS

ANno Domini millesimo ducentesimo nonagesimo, die Veneris ante festum beati Michaëlis, intravit reverendus pater Simon Dei gratia Bituricensis Archiepiscopus Lemovicensem diocesim causa visitationis. Et primò declinavit ad abbatiam de Columba ordinis Cisterciensis, ubi ipsa die Veneris pernoctavit ad expensas abbatix.

Die sabbati sequenti equitando sex leucas venit apud Dauratum ; ubi receptus fuit in processione , pulsatis campanis , à capitulo dicti loci , quia Abbas infirmabatur , Missam audivit , prædicavit , indulgentiam dedit , tonsuras fecit ; & procuratus fuit ad expensas Abbatis & capituli dicti loci.

Dominica sequenti equitando sex leucas venit Dominus ad abbatiam Stirpensem ordinis sancti Augustini ; ubi receptus fuit processionaliter ut supra , audivit Missam , confirmavit , tonsuras fecit ; & procuratus fuit ad expensas Abbatis & conventus dicti loci , nec fuit computatum.

Die Lunæ sequenti fuit ibidem Dominus ex gratia ad invitationem Abbatis dicti loci , prædicavit in capitulo , & Missam audivit.

Die Martis sequenti , scilicet in festo beati Michaëlis , equitando tres leucas venit Dominus apud Petrusiam prioratum monasterii de Burgulio in valle ; & est ibi conventus novem monachorum : ubi fuit receptus processionaliter ut supra , Missam celebravit , prædicavit , indulgentiam dedit , tonsuras fecit , & procuratus fuit ad expensas Prioris dicti loci. Summa expensarum octo libræ & tres solidi.

Die Mercurii sequenti equitando quinque leucas venit Dominus apud sanctum * Pinianum ; ubi fuit receptus processionaliter ut supra à capitulo dicti loci , prædicavit , Missam audivit , tonsuras fecit , & procuratus fuit ad expensas capituli dicti loci. Et ibidem venit eidem obviam Episcopus Lemovicensis , & sibi de piscibus suis grossis copiose præsentavit. Summa expensarum octo libræ & decem solidi.

* f. Alpinianum.

Die Iovis sequenti equitando duas leucas venit Dominus apud Rupem Cavardi prioratum de Carroffio ; ubi fuit receptus processionaliter ut supra ,

audivit Missam, prædicavit, & procuratus fuit ad expensas Prioris dicti loci, Summa expensarum octo libræ.

Die Veneris sequenti equitando tres leucas venit Dominus apud Salas prioratum conventualem ordinis sancti Augustini; ubi fuit receptus processionaliter ut supra, audivit Missam, confirmavit, tonsuras fecit; & in crastino celebravit ibidem ordines, & quosdam de diocesi Bituricensi & quosdam de Lemovicensi diocesi ordinavit.

Die sabbati sequenti equitando duas leucas venit Dominus apud Buxeriam prioratum conventualem de Clusa; ubi fuit receptus processionaliter ut supra, audivit Missam, prædicavit, indulgentiam dedit, & procuratus fuit ad expensas Prioris dicti loci, Summa expensarum VII. libræ & VI. solidi.

Die dominica sequenti, scilicet ante festum beati Dionysii, equitando tres leucas venit Dominus apud Nantronium prioratum de Carroffio; ubi fuit receptus processionaliter ut supra, audivit Missam, confirmavit, tonsuras fecit, prædicavit; & procuratus fuit læto vultu à Priore dicti loci, nec fuit computatum.

Die Lunæ sequenti equitando sex leucas venit Dominus apud Apem prioratum monasterii sancti Augustini Lemovicensis; ubi fuit receptus processionaliter ut supra, & procuratus à Priore dicti loci & Priore de Tarnaco monasterii sancti Martialis, qui ad unam procuracionem tenentur. In crastino Missam audivit, confirmavit, prædicavit, & indulgentiam dedit. Summa de expensis sex libræ.

Diebus Martis & Mercurii sequentibus fuit Dominus ibidem apud Cāslucium Chevrol cum magistro G. de Malomonte & Decano sancti Aredii fratre suo ad invitationem eorum & de gratia speciali.

Die Iovis sequenti equitando quinque leucas ve-

nit Dominus apud Sollemniacum monasterium ordinis sancti Benedicti; ubi fuit receptus processionaliter, Missam audivit, prædicavit in capitulo, & fuit procuratus ad expensas Abbatis & conventus dicti loci. Summa expensarum novem libræ Lemovicenses.

Die Veneris sequenti, scilicet ante festum beati Dionysii, intravit Dominus civitatem Lemovicensem; & venit in abbatiam sancti Augustini Lemovicensis, receptus processionaliter, prædicavit, indulgentiam dedit, & fuit procuratus ad expensas abbatiae. Summa expensarum septem libræ & decem solidi.

Die sabbati sequenti ibidem apud sanctum Martinum cum Abbate sancti Martini & Priore sancti Andreæ Lemovicensis fuit Dominus. Celebravit apud sanctum Martinum, prædicavit, indulgentiam dedit. Summa expensarum xi. libræ.

Die dominica sequenti, scilicet in festo beati Dionysii, exivit Dominus civitatem Lemovicensem, & venit apud Aureliacum prioratum ordinis sancti Benedicti; ubi fuit receptus processionaliter ut supra, Missam audivit, prædicavit, indulgentiam dedit, tonsuras fecit, & fuit procuratus ad expensas Prioris dicti loci. Nec fuit computatum.

DIOCESIS CADURCENSIS.

Desunt nonnulla.

1291. rate Caturcensis procuracionem quam habebat ibidem percipere, si sibi placeret, ratione visitationis quam inibi potest licitè exercere, litteras ipsius Priorissæ recepimus sub hac forma.

Vniversis presentes litteras inspecturis & audituris humilis Priorissa monasterii beatae Mariae Deauratae in civitate Caturcensi ordinis sancti Benedicti salutem

in Domino. Notum facimus quòd licèt reverendus pater Simon divina providentia Bituricensis Archiepiscopus nobis hac vice remiserit procurationem quam sibi licebat percipere in monasterio nostro prædicto ratione visitationis quam potest ibidem licitè tempore congruo exercere, nolumus quòd eidem Archiepiscopo vel Ecclesiæ suæ Bituricensi seu ejus successoribus ali- quod præjudicium generetur quin possit & debeat, quando sibi placuerit, in prædicto monasterio visitare & procurationem ibidem debitam percipere & levare modo & tempore consuetis. Datum Caturci die Lunæ post ramos palmarum anno Domini millesimo ducentesimo nonagesimo primo.

Die Martis sequenti audivit Dominus ibi Missam, scilicet apud prioratum sancti Ursini prædictum; & exinde equitando quinque leucas venit Dominus apud Gardam Dei abbatiam Cisterciensis ordinis ubi pernoctavit ad expensas Abbatis.

Die Mercurii sequenti audivit Dominus ibi Missam. Et exinde equitando quinque leucas venit Dominus apud Moyssiacum abbatiam ordinis sancti Benedicti; ubi fuit receptus campanis pulsatis à Priore conventuali & conventu processionaliter, & procuratus ad expensas Abbatis, qui tunc erat ad Barlamentum Tolosæ. Et misit idem Abbas ad Dominum litteras clausas excusatorias ex eo quòd non poterat esse ad abbatiam suam prædictam cum Domino.

Die Iovis sequenti audivit Dominus ibi Missam, prædicavit, indulgentiam dedit, confirmavit, tonsuras fecit. Et exinde equitando quatuor leucas venit apud Montemalbanum abbatiam ordinis sancti Benedicti, subjectam, ut dicitur, abbatiæ Casæ Dei; ubi receptus fuit processionaliter ab Abbate & conventu indutis capis sericis. Et erat Abbas

mitratus, & tenebat baculum pastorem in manu. Et procuratus fuit ad expensas Abbatis.

Sancta die Veneris celebravit ibidem servitium in Ecclesia parochiali Montisalbani, prædicavit, indulgentiam dedit, confirmavit, tonsuras fecit. Et exinde equitando per duas leucas venit Dominus apud Caeracum prioratum conventualem de Aureliaco; ubi receptus fuit ut supra, & procuratus ad expensas Prioris.

Simon Dei gratia Bituricensis Archiepiscopus, Aquitania Primas, dilecto nobis in Christo Priori de Calceata Carurcensis diocesis salutem in Domino. Cum nos hac instanti die sabbati ante Pascha Domini vestram proponamus Ecclesiam visitare, & exinde illa die ipsa Ecclesia visitata, apud sanctum Antoninum favente Domino declinare, mandamus vobis quatinus dicta die apud sanctum Antoninum procuracionem nobis debitam præparetis. Datum &c.

Die sabbati sequenti venit Dominus equitando per unam leucam apud Calceatam prioratum de Figiaco; ubi Dominus credidit prædicare & aliàs visitationis officium exercere; sed quia Dominus non invenit aliquem in Ecclesia, nec venerant parochiani adhuc ad Ecclesiam, Dominus recessit, nec voluit remanere. Et exinde equitando per duas leucas ivit Dominus apud sanctum Antoninum prioratum conventualem ordinis sancti Augustini Ruthenensis diocesis; ubi Dominus mandaverat suam præparari procuracionem à Priore de Calceata prædicto sub forma seu consimili in fine paginæ præcedentis scriptæ. Et cum illa die veniret apud sanctum Antoninum, venit Prior illius loci cum pluribus concanonis suis obviam Domino: qui præcepit eidem Priori quòd ipse & conventus desisterent à receptione processionali & quavis alia sollemnitate prop-

ter devotionem diei. Venerunt etiam obviam Domino burgenſes & Conſules dictæ villæ & concomitarunt Dominum uſque ad prioratum prædictum; ubi benediſtionem aquæ de fontibus fecit, indutus pontificalibus celebravit, prædicavit, indulgentiam dedit; & fuit ipſa die procuratus ibidem ad expenſas Prioris de Calceata.

Sancto die Paſchæ fuit Dominus in prioratu prædicto, & celebravit indutus pontificalibus cum pallio, & fecit prædicari & indulgentiam dari per fratrem Hugonem Priorem de Ynoy, qui fecit ſermonem poſt veſperas in clauſtro prioratus prædicti. Et fuit Dominus illa die procuratus ad expenſas Prioris ſancti Antonini prædicti.

VISITATIO ALBIENSIS.

Die Lunæ in craſtino Paſchæ Dominus Bituriciſis conſecravit ibidem, videlicet apud ſanctum Antoninum, altare quod eſt in capite Eccleſiæ & quatuor viatica ſeu parva altaria; quod quidem altare in honore beatæ Mariæ & beati Martini & omnium ſanctorum extitit conſecratum; & repoſuit intra ipſum altare quaſdam reliquias, & ſituavit petram cum calce benediſta. Benediſtionibus factis quæ in talibus requiruntur, indulgentiam dedit illis qui interfuerunt huiſmodi conſecrationi, audivit ibi Miſſam, prædicavit, & iterum indulgentiam dedit, confirmavit. Et exinde intravit Albienſem dioceſim; & venit equitando duas leucas apud Vaeur domum Templariorum; ubi Dominus Albienſis venerat obviam Domino, & requiſivit eundem Dominum quòd ipſe eſſet cum ipſo Epifcopo per octo dies, & quòd contramanderentur procurationes mandatæ & miſſæ. Et ipſa die locutus fuit cum Domino ſuper pluribus, &

postea ante comestionem recessit. Præfatus autem Dominus receptus fuit ibidem processionaliter, campanis pulsatis cantando, & procuratus fuit ad expensas Præceptoris.

Die Martis sequenti audivit ibi Missam, prædicavit, indulgentiam dedit, confirmavit, tonsuras fecit. Et exinde equitando tres leucas venit apud Podium Celci prioratum de Aureliaco Claromontensis diocesis; ubi receptus fuit ut supra. Audivit ibi Missam, prædicavit, indulgentiam dedit, & confirmavit; & procuratus fuit ad expensas Prioris.

Notandum de fraude Prioris dicti loci, qui penes se retinuit omnia bona Ecclesiæ & ad ipsam Ecclesiam spectantia, & in collatione seu præsentatione ejusdem Ecclesiæ fecit pactum, ut dicitur, cum rectore illius Ecclesiæ quòd ipse rector finiret de procuratione Archiepiscopi Bituricensis & ministraret de propriis bonis Ecclesiæ suæ ea quæ pro procuratione contingeret exigi in futurum. Et quia Dominus intellexit fraudem hujusmodi, mandavit bona dicti Prioris per Archipresbyterum arrestari & saisiri, & fecit bajulum Prioris per Guillelmum de Rivo Clericum suum crastina die moneri ut idem bajulus dicti Prioris nomine & pro ipso satisfaceret eidem Domino competenter de procuratione sua; quam quidem procurationem dictus rector jam solverat & de ipsa ad plenum satisfecerat; sed Dominus procurationem ipsam, tanquam à rectore prædicto solutam, noluit acceptare. Cum autem dictus bajulus, qui vocatur Iohannes de Malapetra, videret quòd tam contra ipsum quàm contra dominum suum Priorem Dominus vellet procedere ad excommunicationis sententias, idem bajulus promisit in manu Archipresbyteri dicti loci pro Domino stipulantis quòd ipse dicti Prioris nomine &

pro ipso satisfaceret de procuratione prædicta. Cui promissioni fuerunt præsentēs Dñus Vivianus de Cordua, Dominus Hugo Præceptor domus sancti Andreæ de Galliaco, Dominus Adam de Chemino dispensator domus Domini Bituricensis prædicti, & ego Guillelmus de Rivo publicus Notarius. Et advertendum est quod taliter in recessu crastina die fuit processum.

Die Mercurii qua, ut præmittitur, contra Priorem de Podio Celsi fuit processum, venit Dominus equitando per tres leucas apud Rabastagnum prioratum de Moyssiaco; ubi Dominus receptus fuit ut supra. Et venerat Abbas Moyssiacensis obviam Domino satis longè. Audivit ibi Missam, prædicavit, confirmavit, & indulgentiam dedit; & procuratus fuit ad expensas Prioris, qui est nepos Domini Moyssiacensis.

Die Iovis sequenti fecit ibi tonsuras. Et exinde equitando per duas leucas venit apud Viancium præposituram de Ecclesia Albiensi, quam tenet Præpositus ejusdem Ecclesiæ; ubi Dominus receptus fuit & fecit ut supra, & procuratus ad expensas Præpositi dicti loci.

Die Veneris sequenti venit Dominus equitando per unam leucam apud Galliacum abbatiam ordinis sancti Benedicti, immediatè subiectam, ut dicitur, abbatiæ Casæ Dei; ubi receptus fuit ut supra, & fecit ut supra, & procuratus fuit ad expensas Abbatis.

Die sabbati equitando per duas leucas venit Dominus apud Roumanour prioratum de abbatiâ Marsiliensi; ubi receptus fuit ut supra, audivit ibi Missam, confirmavit. Et exinde venit ea die apud Sexteriolum ibi propè prioratum de Galliaco; ubi receptus fuit processionaliter campanis pulsatis, audivit ibi Missam, confirmavit, & procuratus fuit ad

expensas prioratum prædictorum. Et impetravit Prior de Sexterolio à Domino quosdam litteras monitorias de compellendo Priorem de Roumanour prædictum de satisfaciendo medietatem procurationis. Tandem idem Prior alias litteras impetravit quòd requireretur utrum fecisset unquam aliquam contributionem vel partem aliquam procurationis solvisset, & quòd non compelleretur ad satisfactionem aliquam nisi ad hoc teneri inveniretur per inquestam. Et fuerunt ab utraque parte plures litteræ impetratæ.

Die Martis fuit Dominus cum Episcopo gratis.

Die Mercurii fuit similiter cum eodem gratis.

Die Iovis similiter cum eodem gratis.

Die Veneris exivit Dominus civitatem Albiensem; & cùm equitando per tres leucas veniret apud abbatiam de Candelio Cisterciensis ordinis, descendit Dominus ad cimiterium Ecclesiæ de Candelio veteri, & reconciliavit illud, & ibidem confirmavit; & postea venit ad dictam abbatiam, ubi receptus fuit processionaliter campanis pulsatis, tonsuras fecit, & pernoctavit ibidem ad expensas Abbatis.

Die sabbati sequenti audivit ibi Missam, tonsuras fecit. Et exinde equitando per quatuor leucas, venit ad abbatiam de Castris ordinis sancti Benedicti; ubi receptus fuit processionaliter campanis pulsatis; & erat Abbas capa serica indutus, & habebat baculum pastorem in manu in receptione Domini. Audivit ibi Missam, prædicavit, indulgentiam dedit, & procuratus fuit ad expensas Abbatis.

Die dominica qua cantatur *Misericordia Domini* reconciliavit cimiterium parochialis Ecclesiæ dicti loci, quod quidem cimiterium est extra villam de Castris situm, indulgentiam dedit illis qui interfuerunt reconciliationi hujusmodi; & postea rediens

ad abbatiam prædictam, ad majus altare ipsius monasterii indutus pontificalibus celebravit, prædicavit, & indulgentiam dedit, confirmavit. Et exinde equitando per unam leucam ivit Dominus apud Rumpeturvam castrum Domini Montis fortis ad invitationem Domini G. de Courciaco Senescalli ipsius Domini; & potavit ibidem Dominus cum tota familia sua. Et exinde venit illa die equitando per duas leucas apud Lautricum prioratum abbatiae sancti Pontii diocesis Narbonensis; ubi multum honorificè fuit receptus a nobilibus & burgensibus dictæ villæ, qui obviam Domino subtus villam venerunt; & fuit Dominus processionaliter receptus campanis pulsatis in Ecclesia prioratus prædicti, & procuratus fuit ad expensas Prioris.

Die Lunæ sequenti audivit ibi Missam, prædicavit, indulgentiam dedit. Et exinde equitando per quatuor leucas venit Dominus apud Albiam, declinans ad prioratum sancti Salvii de civitate Albiensi ordinis sancti Augustini; ubi receptus fuit multum honorificè sicut supra, & procuratus fuit ad expensas Prioris.

Die Martis sequenti celebravit ibidem indutus pontificalibus, prædicavit, indulgentiam dedit, confirmavit. Et postea rediens ad cameram, habuit ipse & Episcopus Albiensis tractatum cum communitate villæ Albiensis, & requisivit communitatem eandem quod ipsa sibi tanquam domino suo superiori faceret quod debet appellando ad eum ab auditorio Episcopi & recognoscendo eundem dominum suum superiorem, & quod scriberet ipsa communitas Domino Regi quod cum Senescallus Carcassonenis inhibuisset omnibus dictæ villæ Albiensis ad alium appellare quam ad ipsum, quod faceret idem Rex inhibitionem hujusmodi revocari, vel quod ipsa inhibitione non obstante posset ipsa

communitas ad Dominum Archiepiscopum tamquam ad suum superiorem dominum appellare. Super quo Dominus Episcopus propria manu scripsit quandam notam sub cuius forma debeat ipsa communitas Domino Regi scribere; quam notam communitas asportavit, & deliberare voluit super ea.

Eadem die, scilicet die Martis post Dominicam qua cantatur *Misericordia Domini*, venit Dominus apud Scuriam prioratum de abbacia Galliaceuti; ubi receptus fuit processionaliter campanis pulsatis & vicis villæ paratis & joncatis, & procuratus fuit ad expensas Prioris.

Notandum est autem quòd Dominus debuisset ivisse de loco prædicto apud Secutum prioratum abbatiæ Moyssiaceuti, & mandaverat ibidem Dominus procuracionem suam præparari; sed Prior loci accedens ad Dominum per duos dies vel tres antè, suggessit Domino quòd locus adeo pauper erat quòd ad recipiendum eundem sufficere valebat, aliam causam specialissimam prætendendo, scilicet quòd aliquis prædecessor Domini nunquam visitaverat illum locum nec procuracionem ibidem receperat. Verum quia nonnullæ litteræ inveniebantur per quas bonæ memoriæ Iohannes prædecessor Domini fecerat Priorem ejusdem loci moneri de reddendo contributionem sibi taxatam ad subveniendum cuidam alii prioratui, præsumebatur quòd ipse ad procuracionem tenebatur, præsertim cùm, ut asseritur, locus ille sit bonus & pinguis. Tandem verò Dominus falsis suggestionibus Prioris & nonnullorum precibus circumventus, specialiter motus & ductus contemplatione Domini Moyssiaceuti Abbatis, procuracionem mandatam eidem Priori remisit.

Hæc sunt loca subscripta quæ Dominus non solum propter eorum distantias, sed etiam propter æstivos calores, omisit in Albienſi diocesi viſitanda, ſcilicet

Prioratus de Ambilero. Prioratus de Bullato.
 Prioratus ſancti Amantii. Prioratus S. Gervasii.
 Prioratus de Cauna. Prioratus de Securo.

VISITATIO ALTERA DE DIOCESI
 RUTHENENSI IN DIOCESEM
 CATVRCENSEM.

Die Mercurii ſequenti audivit Dominus Miſſam apud Scuriam prioratum prædictum, prædicavit, indulgentiam dedit, confirmavit, tonsuras fecit, cimiterium Eccleſiæ reconciliavit, iterum indulgentiam dedit illis qui hujusmodi reconciliationi interfuerunt; & exinde Albienſem diocēſim exeundo, per quinque leucas equitans apud Vareuh prioratum de abbazia Aureliaci, qui prioratus eſt Ruthenenſis diocēſis, declinavit, & fuit ibidem procuratus ad expenſas Prioris, qui iſerat ad electionem Abbatis in monaſterio Aureliaco faciendam, quod monaſterium nunc temporis paſtore carebat.

Die Iovis ſequenti audivit Dominus ibi Miſſam, prædicavit, indulgentiam dedit, confirmavit, tonsuras fecit. Et exinde equitando per unam leucam venit Dominus apud Spinacium domum hospitalis ejuſdem diocēſis Ruthenenſis; ubi receptus fuit ut ſuprà, & erant domus loci ejuſdem ſatis ſufficientes pro Domino, licet Præceptor dicti loci, falſitate ſuggeſta, feciſſet eum reverti apud Virideſolium, ubi fuimus ad expenſas Præceptoris. Et finavit Præ-

ceptor cum Magistro domus Domini ad XIII. libras monetæ illius patriæ.

Die Veneris sequenti equitando semileucam venit Dominus apud Bellumlocum abbatiam Cisterciensem ejusdem diocesis Ruthenenfis; ubi campanis pulsatis seu campana processionaliter fuit ab Abbate & conventu receptus, & fecit ibidem tonsuras.

Die sabbati sequenti audivit Dominus ibi Missam, prædicari fecit per fratrem Hugonem Priorem de Ynoy, indulgentiam dari, & se Abbatis & conventus orationibus commendari. Et exinde equitando per duas leucas venit Dominus ad capellam Templariorum Caturcensis diocesis; ubi campanis pulsatis receptus fuit processionaliter, & procuratus ad expensas Præceptoris.

Die dominica qua cantatur *Jubilate* audivit Dominus ibi Missam, prædicavit, indulgentiam dedit, confirmavit, tonsuras fecit. Et cum exinde veniret apud Locum Dei abbatiam Cisterciensis ordinis Ruthenenfis diocesis distantem ab hinc per duas leucas, declinavit apud Calves; ubi cimiterium Ecclesiæ ipsius loci reconciliavit. Et postea venit ad abbatiam prædictam; ubi receptus fuit processionaliter, campanis pulsatis; & erat Abbas in processione indutus capa serica cum baculo pastoralis. Et postea intravit Dominus capitulum; ubi aliquibus verbis theologiæ propositis ab eodem, se Abbatis & conventus orationibus commendavit, & in dicto monasterio pernoctavit. Et quia Dominus aut aliquis prædecessor ipsius nunquam ibidem fuerat, Dominus fecit subventionem Abbati de sexaginta solidis.

Die Lunæ sequenti audivit Dominus ibi Missam, tonsuras fecit. Et exinde equitando quinque leucas venit apud Marsiliacum abbatiam ordinis sancti

Benedicti Caturcensis diocesis; ubi receptus fuit ut supra, & procuratus ad expensas Abbatis.

Quia verò Dominus invenit in dicto monasterio quosdam monachos letiferè sauciatos, scripsit Episcopo Caturcensi sub hac forma.

Simon Dei gratia Bituricensis Archiepiscopus, Aquitania Primas, venerabili fratri Raymundo ejusdem gratia Episcopo Caturcensi salutem in Domino. Nefandum scelus ac piaculare flagitium quod in monasterio de Marsiliaco vestra diocesis, visitantes ibidem, per quorundam impiorum flagitiosas dextas innocentis sanguinis avidas in religiosos viros fratres Guidonem de Vaelac & Raymundum de Valon monachos ejusdem monasterii Marsiliacensis horribili savitate commissum audivimus, necnon contemptus divina majestatis, nos afflictos super hoc provocant ad vindictam. Vnde cum prefatos monachos à prædictis impiis instinctu diabolico incitatis, scilicet dictum fratrem Guidonem quasi letiferò vulneratum, non tantum in capite, verum etiam in brachiis, humeris, manibus, & tibiis, vulneribus super vulnera damnabiliter cumulat, præfatum autem Raymundum per privationem & amputationem pugni proprii ab aliis impiis mutilatum invenimus, admirantes quomodo super atrocitate tanti facinoris omisistis interponere partes vestras, quas vulnerationes seu vulnorum cicatrices ac mutilationem vidimus contristati, & ideo præmissa conniventibus oculis pertransire nolumus, fraternitati vestra mandamus, monentes vos primò, secundò, & tertio, tenore præsentium, quatenus contra Raymundum Barasti domicellum, Bertrandum de Truffe ejus bajulum, & Raymundum de Grivelia domicellum illatores facinoris in dictum Guidonem commissi, ut dicitur, super quo etiam fuimus summarie informati, necnon contra Guillelmum de Portu, Bernardum de Reneeck, Arnaldum de Villaficca, Petrum Berganti, & Bernardum

Cervellii servientes dicti Guillelmi, quos sceleris in personam fratris Raymundi, ut praedicatur, commissi poteritis invenire hujusmodi atrocitatis auctores seu fautores, consiliarios, ac etiam adjuutores, tam per testes & minas quàm per verisimiles conjecturas & alias probationes sufficientes taliter procedatis quòd hoc Dei & Ecclesiae suae sanctae cedat honori & anima nostra & vestra saluti.

Et est sciendum quòd Dominus super hoc fecit fieri quandam monitionem generalem sine nominum expressione cum denuntiatione excommunicationis à canone latae in malefactores facinoris antedicti.

Item sciendum est quòd Dominus propter hoc scripsit Senescallo Petragoricensi & Caturcensi pro Domino Rege Franciae, necnon Senescallo Caturcensi pro Rege Angliae.

VISITATIO LEMOVICENSIS.

1290.

ANno Domini millesimo ducentesimo nonagesimo, die dominica qua cantatur *Reminiscere*, revertendus pater Dominus Simon Dei gratia Bituricensis Archiepiscopus, Aquitaniae Primas volens intrare Lemovicensem diocesim ad visitandum nonnulla loca quae per eum in visitatione praescripta non fuerant visitata, de castro suo de Navis, ubi die sabbati praecedente suos celebraverat ordines & venerabilem virum Dominum Aegidium de Billone electum confirmatum Narbonensem ad ordinem sacerdotalem promovit, primò declinavit ad abbatiam Bellae aquae ordinis Cisterciensis, prout infra scribitur; & directum transitum faciendo de Lemovico in Caturcinum, de Caturcico in Albigeum, redeundo per Caturcicum, Albigeo visitato, in Lemovicinum, ipsorum locorum dioceces, prout

prout inferiùs continetur , plenius visitavit.

Primò, ut directiùs Dominus iter suum arriperet, dicta die dominica declinavit equitando septem leucas apud prædictam abbatiam Bellæ aquæ Cisterciensis ordinis Claromontensis diocesis; ubi fuit ad expensas ejusdem monasterii, & ibidem pernoctavit. Ipsaque die commissiones plures fecit in Bituricensi diocesi dirigendas super absolutione quorundam excommunicatorum pauperum & aliorum auctoritate Officialis Bituricensis & super causis diversis audiendis ab illis quibus Dominus committebat & sine debito terminandis.

Die Lunæ sequenti, videlicet post Dominicam qua cantatur *Reminiscere*, audivit Missam in abbazia supradicta, & confirmavit, tonsuras fecit. Et exinde venit equitando quatuor leucas apud Evahonium præposituram ordinis sancti Augustini Lemovicensis diocesis; ubi campanis pulsatis fuit receptus processionaliter à Præposito & conventu. Commisit autem dictus pater Archipresbytero de Montelucio causam motam inter capitulum de Gias Bituricensis diocesis ex una parte & parochianos ipsius ex altera audiendam & sine debito terminandam. Item fecit per magistrum P. de Versione examinari quandam causam matrimonialem motam inter quosdam de parochia de Marchia Lemovicensis diocesis, & plures alios fecit processus; & fuit ipsa die ad expensas Præpositi procuratus.

Die Martis sequenti audivit apud locum prædictum Missam, prædicavit, indulgentiam dedit, confirmavit, tonsuras fecit. Et exinde unam leucam minimam equitando venit apud Cambonium præposituram Lemovicensis diocesis ordinis sancti Benedicti, membrum per se, & sit Præpositus per electionem, sicut Evahonensis Præpositus supradictus. Et ibidem fuit receptus Dominus sicut su-

prà; & factæ fuerunt ibidem plures substitutiones, procurationes, & commissiones, ac absolutiones & huiusmodi. Procuratus fuit ad expensas monasterii Cambonensis prædicti.

Die Mercurii sequenti audivit Missam apud locum prædictum, prædicavit, indulgentiam dedit, confirmavit, tonsuras fecit. Et exinde venit equitando tres leucas apud Rugniatum prioratum monasterii Evahonenfis prædicti; ubi Dominus receptus fuit ut suprâ. Domicilia verò loci ejusdem totaliter vel quasi minabantur ruinam. Causam matrimonialem supradictam expedivit; & procuratus fuit ad expensas Prioris, qui tunc erat in Romana curia, ut dicebatur.

Die Jovis ibidem visitationis officium complevit ut suprâ. Et exinde equitando duas leucas venit Dominus apud Menacum prioratum de Souveigniaco Clugniacensis ordinis, locum malè ædificatum & pauperem; & receptus fuit ut suprâ, & procuratus ad expensas loci ejusdem Prioris & Capellani.

Commisit Dominus & mandavit Archipresbytero de Argentonio ut Gervasium famulum Prioris sancti Benedicti in saltu Bituricensis diocesis ad benedictionem nuptialem admitti faceret, non obstante si testimoniales Presbyteri vel Officialis in cujus parrochia seu diocesi oriundus extiterit non habebat; quia adeo juvenis venit ad servitium dicti Prioris quòd non erat aliquatenus præsumendum eundem G. cum alia contraxisse.

Die Veneris apud locum prædictum suæ visitationis officium complevit ut supra. Et exinde equitando venit apud Bonum locum abbatiam Cisterciensis ordinis, & pernoctavit ibidem ad expensas monasterii.

Die sabbati sequenti audivit Dominus ibi Mis-

sam, confirmavit, tonsuras fecit. Et exinde equitando quatuor magnas leucas venit apud Albuconium prioratum monasterii Cambonensis, malè ædificatum; ubi receptus fuit processionaliter campanis pulsatis, & procuratus fuit ad expensas Prioris. Oportuit totam familiam Domini, Clericos & armigeros, intra Ecclesiam loci jacere.

Dominica sequenti, qua cantatur *Oculi mei*, audivit Dominus ibi Missam, prædicavit, indulgentiam dedit, confirmavit, & tonsuras fecit. Et exinde venit equitando per unam leucam Dominus apud monasterium Rosoliense, ubi receptus fuit ut supra. Dominus illa die fuit ad vespervas indutus pontificalibus, quia illa die erat Annunciatio dominica; & procuratus fuit ad expensas Præpositi & capituli.

Ea die conquestus est nobis Iohannes Malesherbes laicus super eo quòd Iohannes Leonardi Canonicus monasterii Rosoliensis prædicti dicebatur fecisse eundem Iohannem per personam interpositam minùs justè & sine causa rationabili ad iudicium evocari; & ipsa die finaliter compromiserunt coram magistro Petro de Virsione auditore causarum & socio Domini super iis in Magistrum Durandum de Manihac Canonicum monasterii Rosoliensis prædicti.

Item eadem die duo Clerici defectum natalium patientes constituerunt coram Domino seu locum ejus tenente quosdam procuratores sub forma quæ sequitur.

Sanctissimo patri & c. devotissimus suus Simon & Noverit scilicet vestra clementia quòd in mea presentia constitutus personaliter Iohannes Albi Clericus Lemovicensis diocesis discretos viros Geraldum de Ageduno dictum Boneffant & Guillelmum de Virsione Clericos, licet absentes, suos fecit, constituit, & ordi-

novit procuratores & quemlibet eorum in solidum, ita quòd non sit melior conditio occupantis, ad impetrandum à sanctitate vestra dispensationem super defectu natalium quem idem Iohannes patitur de Clerico ad aliquos superiores ordines non promo:ogenitus & soluta, quòd huiusmodi non obstante defectu possit ad omnes ordines promoveri & ecclesiasticum obtinere beneficium, etiamsi curam habeat animarum. In cuius &c.

Die Lunæ sequenti equitando per unam leucam venit Dominus apud Pheletinum prioratum de monasterio Cambonensis; & receptus fuit processionaliter sicut suprà. Celebravit ob festum & in honore Annunciationis dominicæ indutus pontificalibus, prædicavit ibidem, indulgentiam dedit, confirmavit, tonsuras fecit; & procuratus fuit ad expensas Prioris dicti loci.

Die Martis sequenti equitando tres maximas leucas venit Dominus apud Manihac prioratum abbatiæ Burgi Dolensis; & receptus fuit ut suprà, prædicavit, indulgentiam dedit, confirmavit, tonsuras fecit; & procuratus fuit laudabiliter ad expensas Prioris.

Die Mercurii sequenti equitando sex leucas venit Dominus apud Bonam aquam abbatiam Cisterciensis ordinis, ubi pernoctavit; & in crastino Missam ibidem in capella portali seu de porta audivit, prædicavit, indulgentiam dedit, confirmavit, tonsuras fecit; & Abbati loci de quibusdam malefactoribus, qui pisces de stagnis & piscariis monasterii amovebant furtivè, & alia bona vastaverant, conquerenti quandam generalem concessit monitionem omnibus Capellanis Lemovicensis diocesis dirigendam seu directam.

Die Iovis sequenti equitando tres leucas magnas venit Dominus apud Portum Dei prioratum Castæ

Dei bonum & divitem, tamen inter arduas colles situm; & receptus fuit processionaliter à Priore & conventu. Audivit ibi Missam in crastino, indulgentiam dedit, confirmavit, tonsuras fecit; & procuratus fuit ad expensas Prioris.

Die Veneris sequenti equitando tres leucas pessimi* kemini venit apud Boort prioratum Clugniacensem; ubi illa die receptus fuit & fecit ut supra immediate; & Petro de Rupe Presbytero, qui de sancto Iuniano Lemovicensis diocesis extitit oriundus, litteras testimoniales concessit quòd ipse in sacerdotium fuit promotus. & hoc juraverunt de credulitate verum esse Iohannes Saulahe, P. de Chavanhae, & G. la Bessa Presbyteri, qui viderunt eundem P. de Rupe apud Boort & alibi celebrare; necnon discretus vir Dominus Durandus Bruni rector Ecclesiæ de Vissello dictæ diocesis asseruit juratus quòd in quadam capella sua de voluntate & assensu Lemovicensis Episcopi celebravit idem Petrus.

* itineris.

Die sabbati sequenti equitando quinque leucas venit Dominus apud sanctum Angelum prioratum abbatiæ de Carroffo Pictavenfis diocesis; ubi processionaliter fuit receptus ut supra, audivit Missam, prædicavit, indulgentiam dedit, confirmavit, & tonsuras fecit; ac procuratus fuit ad expensas Prioris.

Domínica qua cantatur *Letare Ierusalem* venit Dominus apud Maymacum abbatiæ ordinis sancti Benedicti; ubi receptus fuit ut supra. Audivit ibi Missam, prædicavit, indulgentiam dedit, confirmavit, tonsuras fecit; & procuratus fuit ad expensas Abbatis.

Die Lunæ sequenti equitando venit Dominus apud Vedrinas prioratum Casæ Dei, ubi receptus fuit & fecit ut supra.

Die Martis sequenti equitando unam leucam venit Dominus apud Ventadour prioratum Cluniacensem, ubi receptus fuit processionaliter campanis pulsatis ut suprâ; & in Ecclesia dicti prioratus Dominus consecravit quoddam altare in honore beatæ Katerinæ, beatorum Mauritiî, Vincentiî, & Blasii, & fecit super illud altare quandam Missam pro defunctis per quendam Capellanum ipsius Domini celebrari.

Die Mercurii sequenti audivit ibi Missam. Et exinde equitando septem magnas leucas venit Dominus apud Obazinam abbatiam Cisterciensis ordinis; & fuit receptus Dominus multum honorabiliter ab Abbate, qui emit bladum in herba à portario suo pretio duorum sextariorum frumenti pro dispergendo per cameram Domini & per aulam in qua comedit. Et post prandium Dominus ivit ad visitandum quasdam moniales illius ordinis inclusas in quodam loco quem ipsæ moniales habent satis prope illam abbatiam extra portam in nemore. Et est sciendum quod Priorissa servat unam clavem & Prior claustris de Obazina aliam, ut mihi videtur; & cum Dominus visitasset easdem & prædicasset, & se earundem orationibus commendasset, recessit, & præcepit magistro hospitii sui ut easdem monialibus erogaret quandam pecuniæ quantitatem.

DIOCESIS CATVRCENSIS.

Die Iovis post Dominicam quæ cantatur *Latate Ierusalem*, exivit Dominus Lemovicensem diocesim; & intravit diocesim Caturcensem, apud Martellum declinans; & receptus fuit processionaliter, campanis pulsatis. Audivit die crastina ibi Missam, prædicavit, indulgentiam dedit, confir-

mavit; & procuratus fuit ad expensas Capellani dicti loci. Qui quidem Capellanus se inhabilem reddidit in habitu quem debet habere quilibet Capellanus, minimam defert tonsuram, capillos longissimos, à posteriore parte scissos, à parte anteriori ad modum scutiferi, raubam patulam cum punctis coram prælato suo, sutes sotulares. Effrons facie prima videtur.

Eadem die fecit Dominus Ballivum Domini Regis coram se ad iudicium evocari, pro eo quòd ipse, dum eramus in villa prædicta, manus iniecerat temerè violentas in Presbyterum; & quia ipse noluit coram nobis respondere, eundem excommunicavimus. Tandem verò dictum Ballivum in forma Ecclesiæ apud Rupem Amatoris &c. Quare infra apud locum prædictum die sabbati sequenti.

Die Veneris sequenti equitando duas leucas venit Dominus apud Soliacum, decanatum ordinis sancti Benedicti, immediatè subiectum, ut dicitur, Abbati Aureliacensi Claromontensis diocesis; & receptus fuit multùm honorabiliter à Decano, qui obviam Domino venit per leucam cum pulcherrima comitiva scutiferorum & capellanorum commonachorum suorum processionaliter, campanis pulsatis &c. & procuratus fuit ad expensas Prioris.

Die sabbati sequenti audivit Dominus ibi Missam de beata Maria, prædicavit, indulgentiam dedit, confirmavit. Et exinde equitando duas leucas venit apud Rupem Amatoris; ubi ordines celebravit, acolythos, subdiaconos, Diaconos, & Presbyteros promovendo; prædicavit, indulgentiam dedit. Fuit verò receptus multùm honorabiliter ab Abbate Tutelensi Lemovicensis diocesis, qui tenet prioratum de Rupe Amatoris in manu sua. Venit enim Domino obvius satis longè, & postea rediit ad Ecclesiam; in qua Dominum dictus Abbas, monachi,

& clerus deserviens prioratui prædicto in medio graduum illius Ecclesiæ obviantes Domino receperunt. Et fuit procuratus illa die ad expensas Abbatidis.

Eadem die Dominus absolvit Ballivum Regis apud Martellum à duplici excommunicationis sententia, scilicet ab illa quia coram Domino citatus super hoc quod in Presbyterum manus injecerat temerè violentas, noluerat respondere, ab alia canonis, quia injecerat manus in Presbyterum. Reservavit autem Dominus taxationem emendæ de consensu Ballivi prædicti super excessibus antedictis. Et quære principium in pagina præcedenti apud Martellum. Præsentibus autem fuerunt reservationi hujusmodi & absolutioni Archipresbyter de Vallibus, magister Pontius, & magister Vitalis, ac frater dicti Ballivi.

Notandum quod Dominus recepit litteras Domini Episcopi Caturcensis sub hac forma.

Reverendo in Christo patri ac Domino nostro carissimo Domino Simoni Dei gratia Bituricensi Archiepiscopo Aquitanieque Primati, suus Raymundus Dei gratia Episcopus Caturcensis, cum recommendatione se ipsum. Paternitatem vestram nobis carissimam requirimus & rogamus quatinus hac instanti die sabbati, ubicunque vos esse in nostra diocesi contigerit, omnes, si placet, ordines celebretis & omnia alia faciatis nomino vestro & nostro que ad vestram pertinent dignitatem, nos, si placet, habentes, Domine, excusatos, quia tardè vobis scribimus, cum hac instanti die Veneris tarda hora ubi vos eratis ignorabamus omnino; scientes, reverende pater, quod ad vos habuissimus accessum, si equitare possemus. Valeat vestra paternitas per tempora longiora. Datum Caturci die Veneris post Dominicam qua cantatur Lætare Ierusalem anno Domini millesimo ducentesimo nonagesimo primo.

Dominica qua cantatur *Isti sunt dies* audivit Dominus apud prioratum prædictum de Rupe Amatoris in capella beatæ Mariæ Missam secretam, & postea in majori Ecclesiâ magnam Missam, confirmavit, benedixit ornamenta, calices, imagines, & cruces. Et exinde venit equitando tres leucas apud Vicano; ubi receptus fuit ut supra. Et cum Dominus post prandium evocasset Priorem & capitulum dicti loci in camera sua ad tractandum de statu Ecclesiæ, dictis Priore & capitulo congregatis, Dominus petiit ab eisdem qualiter temporalitas illius Ecclesiæ se habebat. Qui unanimiter responderunt quòd erat in bono statu, præter hoc solum quòd contentio erat inter ipsos Priorem & capitulum ex parte una & Dominum de Gordonio ex altera super alta justitia villæ de Vicano. Post hoc autem interrogati à Domino de spiritualitate, præsertim cum Dominus intellexisset quòd licet pro Canonicis regularibus censerentur, communiter tamen ipsorum quilibet propriam cameram habebat, non in eodem refectorio comedebant, non in eodem dormitorio conversabantur, non faciebant professionem in dicto monasterio, responderunt & confessi sunt, præsentibus magistro P. de Virsione, Domino I. de Gressibus Capellano Domini, & Guillelmo de Rivo publico Notario, ac pluribus aliis, quòd in ingressu monasterii & in creatione ipsorum in Canonicos votum aliquod non fecerunt, dicentes quòd non deferunt alicubi habitum regularem, sed secularem, nec deferunt superlicia nisi infra metas claustrum sui, & cum claustrum vel villam exeunt, vadunt huc & illuc ut purus secularis.

Advertendum est autem quòd Prior & capitulum de Vicano tenent illam villam de Vicano à Domino Bituricensi Archiepiscopo in feodum, & de-

bent sibi facere homagium & fidelitatem jurare. Item quia Dominus viderat quòd Ecclesia loci ejusdem, quæ incœpta fuerat opere sumptuoso, vix aut nunquam posset ad finem perducì, voluit & ordinavit quòd Prior daret unam præbendam ad opus prædictum; & dedit indulgentiam illis qui ad hoc pias eleemosynas largirentur.

Die Lunæ sequenti audivit ibi Missam, prædicavit, indulgentiam dedit, confirmavit. Et exinde equitando semileucam venit apud Gordonium prioratum de Vicano; ubi processionaliter campanis pulsatis cantando fuit receptus, & procuratus ad expensas Prioris.

Eadem die mandavit Dominus Dominum Fortanarium dominum de Gordonio ut veniret die crastina, super contentione illius justitiæ de Vicano cum Domino tractaturus.

Die Martis sequenti audivit Dominus ibi Missam, prædicavit, indulgentiam dedit, confirmavit; & postea reversus ad cameram, tractavit cum prædicto Domino de Gordonio super contentione prædicta quæ vertebatur inter ipsum Dominum Fortanarium ex parte una, & Priorem de Vicano ex altera. Super qua contentione compromiserunt ipsæ partes, & prolatum fuit dictum arbitrale super hoc. Sed Prior asserens monasterium suum læsum non modicum, volebat hujusmodi dictum servare, præsertim cum arbitri forent suspecti, proponens plures alias rationes. Qui quidem Fortanarius consultus à commilitibus suis & aliis de consilio suo, multum benignè respondit Domino quòd ipse paratus erat stare dicti Domini dicto, arbitrio, voluntati, vel Domini Caturcensis, vel alterius cujuscunque probi viri. Demum Dominus assignavit seu cautavit diem Lunæ post ramos palmarum Caturci ad procedendum plenius super istis.

Quibus sic actis, venit Dominus equitando quandam magnam leucam apud Concorest prioratum sancti Ambrosii Bituricensis; ubi receptus fuit ut supra, & procuratus ad expensas Prioris de Gordo-
nio, qui tenebat eum ad firmam à Cameratio sancti Ambrosii Priore dicti prioratus de Concorest.

Die Mercurii sequenti audivit Mussam & fecit prædicari per fratrem Hugonem Priorem de Ynoy socium Domini, & indulgentiam dari, & confirmavit. Et exinde venit equitando duas leucas apud Archas prioratum de Marsiliaco abbazia ordinis sancti Benedicti Caturcensis diocesis. Et cum Dominus pranderet, venit ad mensam Domini quidam monachus Guillelmus nomine de prioratu de Duravello, qui prioratus est de abbazia Moyssiacensi, & dixit Domino verba hæc vel consimilia. Reverende pater, Prior de Duravello me misit ad vos ut nuntiarem vobis quòd cum proponatis nostram Ecclesiam de Duravello die Iovis crastina visitare, procurationem ibidem debitam recepturus, & ibidem nullus prædecessorum vestrorum visitaverit nec procurationem receperit, non est intentionis ejusdem Prioris quòd ad hoc vos recipiat; & si hoc facere, scilicet visitare & procurationem recipere, volueritis, ego ad apostolicam sedem appello. Et incontinenti Dominus monuit in scriptis Priorem & monachum prædictos de admittendo ipsum ad visitationem & de ministrando sibi procurationem debitam. Quibus sic actis, dictus pater, scilicet Dominus Bituricensis, præcepit dicto fratri Guillelmo quòd iret comestum, quia non erat adhuc excommunicatus. Dicta verò die procuratus fuit Dominus ad expensas Prioris de Archis; sed semper dicebat quòd Dominus nec aliquis prædecessor ipsius procurationem integram receperat in Ecclesia sua prædicta, sed contribuebat vel contribuebatur eidem.

Prædicta autem die, dum Dominus veniret de Concorest apud Archas, fecit Dominus transitum per Vergauteriam, quæ est in medio viæ; & debuissimus ibidem ivisse, sed Dominus noluit quòd ille locus visitaretur ad præsens contemplatione Domini Sicardi Archidiaconi Caturcensis. Et tunc deceptus fuit Dominus, quia ipse Archidiaconus non tenebat eundem. Et est prioratus dicti loci de abbazia Marsiliaco.

Die Iovis sequenti audivit Dominus Missam ibidem, scilicet apud Archas, prædicavit, indulgentiam dedit, confirmavit, tonsuras fecit. Et exinde equitando tres leucas venit Dominus apud Duravellum prioratum abbatiz Moyssiensis, de quo fit mentio suprâ; ubi receptus fuit processionaliter, campanis pulsatis, à Priore & monachis illius loci indutis capis sericis, & procuratus fuit ad expensas Prioris.

Die Veneris sequenti audivit Dominus ibi Missam, prædicavit, indulgentiam dedit, confirmavit. Et exinde equitando quatuor leucas venit Dominus apud Catufium prioratum de Clusa; ubi fecit ut suprâ, & receptus fuit ut suprâ, & procuratus ad expensas Prioris.

Die sabbati sequenti cùm Dominus vellet intrare Caturcensem civitatem, Episcopus Caturcensis obviavit Domino prope Marcusium castrum ipsius Episcopi, & concomitavit Dominum usque ad Ecclesiam Caturcensem; ubi dicta die receptus fuit Dominus campanis pulsatis processionaliter à capitulo illius Ecclesiæ & toto clero indutis capis sericis, cantando; & illa die fuit procuratus ad expensas Episcopi.

Notandum est autem quòd mandata fuit procuratio sub hac forma.

Simon Dei gratia Bituricensis Archiepiscopus:

Aquitania Primas, venerabili fratri Raymundo eiusdem Dei gratia Episcopo Caturcensi, salutem & sinceram in Domino caritatem. Cum nos hac instanti die Veneris ante ramos palmarum ad vestram proponamus Ecclesiam causa ibidem visitationis officium exercendi favente Domino declinare, mandamus vobis quatinus dicta die procuracionem nobis debitam preparetis. Datum &c.

Contramandata extitit sub iis verbis usque ad diem sabbati sequentem.

Simon &c. venerabili fratri &c. salutem &c. ut supra. Contramandamus vobis ex causa diem Veneris ante ramos palmarum, qua die ad vestram proposueramus Ecclesiam declinare causa ibidem visitationis officium exercendi; significantes vobis quod die sabbati immediatè sequenti dictam Ecclesiam concedente Domino proponimus visitare. Quare mandamus vobis quatinus dicta die sabbati procuracionem nobis debitam preparetis. Datum &c.

Et sciendum est quod sub hac forma scriptum fuit capitulo & pluribus Prioribus diocesis Caturcensis. Tamen stilus antiquus est brevior, ut videre poteritis in registris Iohannis; & hæc est generalior forma quæ sequitur.

Simon &c. dilecto nobis in Christo Priori vel Abbati de loco tali talis diocesis, salutem in Domino. Cum nos die tali vestram proponamus Ecclesiam concedente Domino visitare, mandamus vobis quatenus dicta die procuracionem nobis debitam preparetis. Datum &c.

Si Dominus sit in diocesi visitanda, sic incipe, *Cum nos eandem dioc. sim visitantes die &c.* ut supra immediatè.

Forma brevis contra mandationis seu demandationis.

Simon &c. dilecto nobis in Christo Priori &c. Ex

*cuius mutato nostro proposito, diem quam vobis mandaveramus usque ad talem diem vobis ducimus de-
mandandam. Datum &c.*

Die dominica sequenti benedixit in majori Ecclesia Caturcensi ramos palmarum & flores; & post processionem prædicavit, indulgentiam dedit, celebravit Missam in pontificalibus cum pallio; & procuratus fuit ad expensas capituli in domibus Episcopi.

Die Lunæ sequenti tractatu habito cum Domino de Gordonio super contentione quæ inter Priorem de Vicano & ipsum Dominum vertebatur super iustitia de Vicano, quem Dominus de Gordonio invenit Dominus Bituricensis tractabilem & benignum ad omne quod Dominus super hoc vel quidam alius probus duceret ordinandum, ivit Dominus ad Ecclesiam fratrum Prædicatorum Caturcensium; ubi Dominus ad instantiam plurimorum nobilium de partibus illis celebravit ibidem Missam pro quodam defuncto nobili, & tradidit eundem ecclesiasticæ sepulturæ, prædicavit ibidem, indulgentiam dedit. Et post hoc ad Caturcense capitulum declinavit; ubi cum eodem capitulo, præsentem Episcopo Caturcensi, tractavit de negotiis Ecclesiæ suæ, & visitavit eosdem ibidem. Post hæc autem incontinenti ivit Dominus apud sanctum Vrsicinum de Caturcensi civitate, prioratum abbatiæ de Marsiliaco ordinis sancti Benedicti, quem tenebat Dominus Sicardus Archidiaconus Caturcensis. Audivit ibi Missam, & confirmavit; & procuratus fuit ad expensas ejusdem Archidiaconi tanquam Prioris dicti loci.

Eadem die quia Dominus remisit ex gratia specialiter Priorissæ beatæ Mariæ Deauratæ.



DIOCESIS BITVRICENSIS.

Die Lunæ sequenti in crastino sancti Michaëlis 1285.
 anno Domini millesimo ducentesimo octoge-
 simo quinto completa visitatione diocesis Lemovi-
 censis, intravit Dominus diocesim Bituricensem. Et
 ipsa die primò declinavit apud Malvet prioratum
 sancti Martialis Lemovicensis; ubi fuit receptus &
 procuratus ad expensas Prioris dicti loci. Summa
 expensarum x. libræ & v. solidi.

Die Martis sequenti venit Dominus apud sanctum
 Nazarium; ubi fuit cum magistro domus hospitalis
 dicti loci in procuratione, nec fuit computatum.
 Eadem die Gaudinus dominus de Remefort, filius
 & heres Gaufridi Lobe de Remefort quondam
 Domini Militis, concessit coram Domino litteras
 manumissionis centum puellarum quas pater suus
 manumitti iusserat in terra sua de Reignac & de
 Remefort ab omni taillia & commenda; cui manu-
 missioni consenserunt coram nobis exequutores di-
 cti defuncti.

Littera super dicta manumissione facta sequitur
 in hæc verba.

*Simon Dei gratia Bituricensis Archiepiscopus,
 Aquitania Primas, ac executor testamenti bone me-
 morie defuncti Gaufridi Lobe Militis quondam do-
 mini de Ramefort, universis presentes litteras inspe-
 cturis salutem in Domino sempiternam. In testamento
 prædicti defuncti publico & sigillo curie Bituricensis
 sigillato vidimus clausam qua sequitur in hæc verba.
 Volo, concedo, & præcipio pro remedio anime
 meæ parentumque meorum quòd centum puellæ
 de terra mea de Ramefort & de Maignec manumit-
 tantur & fiant liberæ ab omni taillia & commenda.
 Quibus visis, nos nobilem domicellum Gaudinum filium*

Et heredem memorati defuncti dominum de Ramafort
 nost a Bituricensis diocesis requisivimus ut de locis pra-
 dictis nobis nominaret centum puellas Et eas manu-
 mitteret pro implenda, ut praediximus voluntate me-
 morati defuncti. Qui sponte Et deliberatione preba-
 bita ac de bonorum consilio, ut dicebat, anno Domi-
 ni millesimo ducentesimo octogesimo quinto, die Mar-
 tis post festum sancti Michaelis, apud sanctum Na-
 zarium nostra diocesis, praesentibus pluribus bonis vi-
 ris, nobis nominavit Et assignavit in scriptis centum
 puellas de terris praedictis, quarum nomina hic infe-
 rius continentur; videlicet Iohanna filia Amyreci de
 Pontilon, Ozanna filia Amici Pozivela de Barris,
 Iohanna filia Dulcia Pozivela de Barris, Iohanna fi-
 lia Petronini Pretesegle de Derot, Dulcia filia Hum-
 berti de Coillon de Mivers, Iohanna filia Ramulphi
 de Pley, Iohanna filia Blancheta Guegardon de De-
 rot, Iohanna filia Bovini Fuerat de Ramaforti, Io-
 hanna filia Humberti Peruchet de Barris, Beneventa
 filia Ossanna Martine de Fonte Augerii, dicta Mar-
 tha filia Iohannis Pelar de Derot, Iohanna filia Ste-
 phani Taillon de Mivers, Dionysia filia Hyssem-
 berti Peruchet de Barris, Iohanna filia Iohannis,
 Bavesin de Derot, Petronilla filia Iohannis Per-
 ruchet de Barris, Iohanna filia Iohannis de Ru-
 pe, Iohanna filia Guillesti Tacherot de Barris,
 Iohanna filia Petiti Coillon de Mivers, Iohan-
 na filia Aymerici Braccart de Palize, Agnes
 filia dicti Megnec de Brovia, Iohanna filia Char-
 bonier de Roenayo, Petronilla filia Iohannis de Oblin-
 quo de Ramaforti, Iohanna filia Rotinot de Rosbec,
 Iohanna filia Guarnerii de Mivers, Matthes filia
 Peron de Fondoct de Barris, Radegundis filia Lau-
 rentii le Bacle de Buxeria, Iohanna filia Amici Pe-
 sent de Megnec, Iohanna filia fratris dicti de Roe-
 nayo, Iohanna filia dicti Colas de Agia, Iohanna fi-
 lia

lia Iohannis Martini de Chaires, Bona filia Guillelmi de Boeria, Iohanna filia Tortorin de Rossec, Margareta filia à la Violate de Derot, Iohanna filia Iohannis Berandea de Cho-het, Iohanna filia Gaufridi, Guillelmeta de Mengnee, Iohanna filia Suberti Pesant de Megnec, Iohanna filia d'Éti Segoyñ de Megnec, Dionysia filia magistri de Iencheria de Megnec, Iohanna filia Peroneti Cabulon de Megnec, Iohanna filia Stephani Paterit de Megnec, Iohanna filia Iohannis Penitea de Megnec, Margareta filia à la Petite de Megnec, Petronilla filia Deda de Megnec, Bruneta filia Stephani Barriler de Megnec, Iohanna filia Aymerici Richardi de Fonte Augerii Laurentia filia Vaquerelli de Barris, Radegundis filia Pon Iohannis de Ramaforti, Bona filia Iohannis de Villenec, diÉta Maura filia Dulcia de Rollec, Mathaa filia Guillelmi Piscatoris de Rossec, Iohanna filia Rosigneo de Fonte Augerii, Iohanna filia Aymerici Martini de Fonte Augerii, Dionysia filia Iohannis Richart de Fonte Augerii, Iohanna filia Aymerici Riclart de Fonte Augerii, Iohanna filia diÉti Stiphenda de Fonte Augerii, diÉta filia filia à la Poche de Fonte Augerii, Iohanna filia Petronini de Vlma de Rossec, Iohanna filia Beatricis de Paliz, Iohanna filia Michaëlis de Paliz, Petronilla filia Yssemberti Charlos de Recules, Dionysia filia Iohannis Beraudi de Chochet, Ayraudis filia diÉti fratris de Roenayo, Margareta filia Iohannis Collon de Miners, Iohanna filia diÉta la Lebre de Barris, diÉta la Mule de Barris, Laurentia filia Renaudi de Barris, diÉta Margana filia Picardi de Ramaforti, Stephana filia diÉta la Torte de Oblinquo de Ramaforti, Iohanna filia diÉti Nadan de Paliz, Iohanna filia diÉti Turloton de Derot, Stephana filia Domine la Kriona de Fonte Augerii, Iohanna filia Ymerici Richart, Iohanna filia Petronini Baraton de Rossec, Iohanna filia Iohan-

nis de Recules, Iohanna filia Dulcis de sancto Nazario, Stephana filia Iohannis Clementis, Iohanna filia dicta Bona de la Totosere, Iohanna filia Iohannis Deris de Ramaforti, Laurentia filia Dulceti de Plays, Laurentia filia Audeberti de Derot, Iohanna filia Floer de Derot, Iohanna filia Blancheti Cocart de Derot, Iohanna filia Petri Bersolat de Derot, Iohanna filia Petri Bersolat de Derot, Iohanna filia filii Philippi de Barris, Iohanna filia Iohannis de Plays, Iohanna filia Morelli de Paliez, Iohanna filia Stephani Tardi de Paliz, Iohanna filia Aymerici Beriolat de Derot, Iohanna filia Iohannis Bernardon de Plays, Petronilla filia Iohannis Posivea de Barris, Iohanna filia Otonis Vigneron de Megnec, Iohanna filia dicti Berton de Recules, Iohanna filia Iohannis de Oblinquo de Ramaforti, Iohanna filia Iohannis Escot de Plateis, Iohanna filia Ysbamberti Charlot de Recules, Iohanna filia Iohannis Arnaudi de Ramaforti, Iohanna filia Renaudi Fauchet de Barris, Iohanna filia Petronini Pretefegle de Derot, & Iohanna filia Roselli de Cochet. Quas omnes & singulas prænominatas centum puellas idem dominicellus presens propter hoc in iure coram nobis accedens, & adimplere desiderans predicti voluntatem patris sui pro se & aliis fratribus & sororibus suis, quos habebat in tutela, mamburnio, siue cura, dicebat, & pro quibus omnibus manucepit de rato super omnibus bonis suis, manumissas à patre suo ratificavit & confirmavit & eas liberas approbavit & quantum in se erat & in fratribus suis manumisit & libertate donavit, atque ipsas ab omni tailia & commenda liberas effecit & immunes, promittens sub obligatione omnium bonorum suorum se futurum & curaturum quod dicti fratres & sorores eiusdem, quamprimum ad legitimam aetatem pervenerint, omnia premissa & singula ratificabunt & super omnibus & singulis premissis litteras consimiles concedent. Promittens idem

domicellus per fidem in manu nostra prestitam corporalem quod contra manumissionem & libertatem predictas per se vel per alium non veniet in futurum, obligans quoad hac se & heredes suos & bonorum suorum quoslibet possessores & omnia sua bona mobilia & immobilia presentia cum futuris ubicunque & quaecunque, volens & concedens expresse ipsum & ejus heredes per nos & successores nostros seu Officialem Bituricensem compelli ad observantiam omnium premissorum, ubicunque ipse vel heredes sui suam facient mansionem. Omnia autem premissa & singula, prout superius sunt expressa, nobilis mulier relictæ defuncti Gaufridi Lobe Militis predicti presens in jure propter hæc coram nobis grata & rata habuit, voluit, & laudavit, & quicquid propria auctoritate quicquid juris, possessionis, proprietatis, servitii, domini, servitutis, & redevientia cujuslibet in dictis centum & quatuor puellis habebat vel habere poterat ratione osclei sive dotis seu quacunque de causa vel etiam ratione per fidem in manu nostra prestitam corporalem quod contra premissa vel aliquid premiorum per se sive per alium non veniet in futurum, obligans quoad hæc & jurisdictioni curie nostre & successorum nostrorum & Officialis nostri supponens se & heredes suos & bonorum suorum possessores & omnia bona sua mobilia & immobilia presentia cum futuris, ubicunque sint & quaecunque, renuntiantes per fidem tam dictus domicellus quam relictæ predictæ omni actioni, exceptioni, deceptionis & lationis cujuslibet in premissis exceptioni, doli mali in factum, conditioni sine causa & ob causam, exceptioni circumventionis, & omni juri in favorem mulierum introducto & introducendo, omni beneficio & auxilio totius facti, & juris canonici & civilis, beneficio minoris ætatis, restitutionis in integrum Velleiani & ob beneficio crucis, omnibus allegationibus, defensionibus, exceptionibus, privilegiis, & rationibus factis & fi-

qui' uscunque, ac etiam omnibus consuetudinibus, usagiis patriæ & statutis, & generaliter omnibus rationibus juris & facti per quæ contra præmissa vel aliquid præmissorum posset opponi aliquid siue dici, renuntiantes præcipuè juribus dicentibus generalem renuntiationem non valere, volentes & concedentes quòd si contra præmissa vel aliquod præmissorum aliquid factum fuerit vel fieri contigerit in futurum, quòd per illum factum prædictis renuntiationibus & ab eis causam quæcunque modo habentibus nulla possessio, nulla præscriptio, nullum jus, nulla obligatio acquiratur.

Die Mercurii sequenti venit Dominus apud Vigno prioratum de Carosio, ubi fuit in procuratione cum Priore dicti loci. Summa expensarum fuit novem libræ.

Die Iovis sequenti venit Dominus apud Argentonium cum Priore sancti.....de abbazia sancti Gildasii de Castro Radulphi. Summa fuit expensarum x. libræ.

Die Veneris ibidem cum Priore sancti Marcelli de eadem abbazia. Summa fuit expensarum x. lib. æ.

Die sabbati sequenti ante festum beati Dionysii fuit Dominus apud Nurec cum magistro domus hospitalis dicti loci. Summa expensarum octo libræ.

Die dominica sequenti cum Priore de sancto Galtero prioratu de Stirpo. Summa expensarum fuit decem libræ & quatuor solidi.

Die Lunæ sequenti apud Ruphec cum Priore de abbazia sancti Martialis Lemovicensis. Summa fuit expensarum novem libræ & duo solidi.

Die Martis sequenti ad Oblinquinum cum Priore dicti loci de abbazia Dolenfi; & eadem die celebravit Dominus.

Die Mercurii sequenti in festo sancti Dionysii apud Fontem Gombauidi cum Abbate dicti loci. Non fuit computatum de expensis.

Die Iovis sequenti Lorolium cum magistro domus hospitalis. Non fuit computatum.

Die Veneris sequenti apud sanctum Sigirennum cum Abbate fuit. Non fuit computatum.

Die sabbati sequenti apud Thoifeliacum cum Priore de abbazia Dolensi. Non fuit computatum.

Die dominica sequenti apud Castellum cum capitulo. Summa expensarum decem librarum.

Die Lunæ sequenti apud Cleum cum Priore dicti loci. Et eadem die remisit Dominus, ad supplicationem Abbatis Millebecensis, procurationem suam quam habebat & mandaverat in prioratu de Chasselles de abbazia Millebecensi.

Die Martis sequenti apud Paludellum prioratum sancti Genulphi.

Die Mercurii apud sanctum Genulphum cum Abbate. Non fuit computatum.

Die Iovis ante festum sancti Lucæ evangelistæ apud Brisenciæ prioratum Millebecensem.

Die Veneris sequenti cum Priore de Villa Dei abbatiæ sancti Gildasii.

Die sabbati sequenti cum Priore de Argiaco ; & remisit Dominus eidem procurationem anni futuri pro domibus suis reparandis. Et Priori de Luceio malo remisit similiter procurationem quam sibi mandaverat.

Die dominica post festum S. Lucæ apud Landesium in abbazia Cisterciensis ordinis.

Die Lunæ sequenti cum Priore de Lande de abbazia Dolensi.

Die Martis sequenti apud Rueilliacum prioratum sancti Dionysii in Francia.

Die Mercurii sequenti venit Dominus apud Bituricas pro sepultura Henrici domini de Soliaco defuncti in Arragonia ; cujus corpus recepit in monasterio fratrum Minorum Bituricensium, Missam ce-

lebravit, & corpus ipsius in eadem Ecclesia tradidit ecclesiasticæ sepulturæ. Et postmodum venit apud sanctum Palladium, & fuit ibidem ad expensas proprias suas.

Die Iovis sequenti ivit Dominus apud Locum regium; & ibi ad majus altare Missam de mortuis celebravit pro dicto domino de Soliaco; cujus cor eadem die tumulatum fuit in introitu dictæ Ecclesiæ de Loco regio, ubi multi de genere Soliaci sepulti erant. Et hoc facto, reversus est Dominus apud sanctum Palladium, ubi fuit ad expensas suas.

Die Veneris, sabbato, dominica, & Lunæ sequentibus fuit Dominus apud Malum respotum ad expensas suas proprias. Et ipsa die fecit servitium Regis Philippi defuncti in Arragonia in majori Ecclesia, celebravit, prædicavit, & indulgentiam dedit.

Die Martis ante festum omnium sanctorum venit Dominus apud Deuvre prioratum abbatiæ Versiennensis, ubi fuit procuratus.

Die Mercurii sequenti in vigilia omnium sanctorum venit Dominus apud Carobrias, ubi fuit usque ad sequens festum sancti Martini hyemalis; & in eodem festo fuit Dominus apud Versionem in expensis abbatiæ ex gratia.

Die Lunæ sequenti post dictum festum sancti Martini hyemalis venit Dominus apud Telliaccum, ubi fuit secum ipsa die Dominus Episcopus Caturcensis, qui de patria sua venerat obviam corpori bonæ memoriæ Philippi Regis Franciæ defuncti in Arragonia.

Die Martis sequenti fuit Dominus apud Plenipedum; ubi ad expensas suas esse voluit, sed Abbas dicti loci noluit sustinere. Et ferè media nocte surrexit, & ivit apud Denum Regis; ubi corpus memorati Regis erat; & in aurora die Mercurii sequentis

venit in capella Caſtri de Duno Regis, ubi invenit corpus dicti Regis defuncti. Et poſtmodum in dicta capella venit Philippus novus Rex Franciæ ad audiendum Miſſam; quem Dominus in introitu dictæ capellæ ſalutavit & aſperſit aqua benediſta, & cepit licentiam ab eo ut unà cum Epifcopo * Carnotenſi conduceret corpus Regis defuncti uſque Bituricas, & factum fuit ita. Et ad expectandum novum Regem receptum fuit dictum corpus in Eccleſia de Caſtro Bituricenſi à Domino Archiepiſcopo & Epifcopo Carnotenſi & Canonicis dictæ Eccleſiæ; & ibi habuit vigilias ſuas. Poſtmodum verò congregatis proceſſionibus Bituricis in majori Eccleſia, Dominus & Carnotenſis Epifcopus cum proceſſionibus perrexerunt ad Eccleſiam de caſtro Bituricenſi, & recommendatione corporis facta, delatum fuit corpus proceſſionaliter ad majorem Eccleſiam, & receptum in ea à Domino Archiepiſcopo & Epifcopo Carnotenſi, præſente novo Rege, qui corpus prædictum geſtabat inter brachia unà cum multis Baronibus.

Die Mercurii & Iovis ſequentibus fuit Dominus Bituricenſis ad expenſas proprias in domo Cantoris, ubi eſſe debet, ut dicitur, de conſuetudine quando aliquis major ſe occupat domos ſuas, in quibus Dominus Rex fuit per illos duos dies.

Dicta die Iovis celebravit Dominus in majori Eccleſia Bituricenſi Miſſam de mortuis pro Philippo Rege Franciæ mortuo, cujus corpus erat præſens, præſente novo Rege, Epifcopo Carnotenſi, & Othone Comite Burgundiæ, & pluribus aliis Baronibus & perſonis.

Die Veneris ſequenti conduxit Dominus corpus Regis defuncti uſque apud ſanctum Palladium, & reverſus eſt ad prandium apud Telliacum; & fuit ibi dicta die Dominus & die ſabbati ſequenti.

Die verò dominica sequenti, videlicet post octavas sancti Martini hyemalis, venit Dominus apud Cornouillam; ubi fuit usque ad diem dominicam post festum beati Andreæ Apostoli. Qua die dominica venit Dominus apud Callonium prioratum sancti Sulpitii Bituricensis, & fuit ibi in procuratione.

Die Lunæ sequenti apud Calvummontem cum Priore in procuratione.

Die Martis sequenti apud Lurciatum prioratum Plenipedensem cum Priore in procuratione.

Die Mercurii sequenti apud Colubrem prioratum Plenipedensem cum Priore in procuratione.

Die Iovis sequenti in festo sancti Nicolai hyemalis apud Hyriconnem cum capitulo. Et eadem die finavit Prior de oratorio Odomant ordinis Clugniacensis de procuratione.

Die Veneris apud Montem cenobium cum capitulo dicti loci. Et eadem die finavit de procuratione Prior de Chapes ordinis Clugniacensis.

Die sabbati sequenti apud Montetum cum Priore dicti loci abbatiæ de Exclusa. Et eadem die finavit de procuratione Prior de Valegui ordinis Clugniacensis.

Die dominica sequenti apud Barbonium cum Priorissa. Et eadem die finavit de sua procuratione Prior de Becay ordinis Clugniacensis, & Prior de Cenquomo ejusdem ordinis.

Die Lunæ sequenti apud sanctum Leopardinum cum Priore de abbacia sancti Sulpitii Bituricensis. Et eadem die finavit Prior de Capella Hugonis abbatiæ de Vezelay.

Die Martis sequenti apud Avuldriam prioratum Sovigniacensem cum Priore dicti loci.

Die Mercurii sequenti apud sanctum Stephanum de Granetio prioratum Plenipedensem abbatiæ,

Die Iovis sequenti in festo beatæ Lucie virginis, apud Fontem Morigniaci abbatiam Cisterciensis ordinis.

Die Veneris sequenti apud sanctum Hilarium prioratum sancti Laurentii diocesis Antissiodorensis.

Die sabbati sequenti apud Berriacum prioratum Clugniacensem cum Priore.

Die dominica sequenti apud Callovium abbatiam Cisterciensem cum Abbate.

Die Lunæ sequenti apud Sancerum cum Prioris dicti loci.

Die Martis sequenti apud sanctum Satirum cum Abbate. Et sciendum quod ad preces ipsius Abbatum Dominus remisit hoc anno procuraciones suas prioratibus sancti Petri de Sancerro & de Silvigniaco, qui prioratus sunt de abbatia sancti Satiri.

Die Mercurii sequenti apud Iars prioratum sancti Satiri cum Priore dicti loci.

Die Iovis sequenti apud sanctum Palladium in expensis propriis.

Die Veneris sequenti ibidem ad expensas suas.

Die sabbati sequenti ibidem ordines celebravit; & celebratis ordinibus, venit apud Telliacum ad prandium, & fuit ibi ad expensas proprias.

Die verò dominica sequenti, videlicet ante natiuitatem Domini, venit Dominus apud Cornoussam, ubi fuit usque ad diem Mercurii post Epiphaniam Domini. Qua die Mercurii venit apud Meillanc prioratum Dolensem, ubi fuit cum Priore dicti loci in procuratione.

Die Iovis sequenti in octavis Epiphanie Domini apud cellam de Brueria prioratum Dolensem cum Priore dicti loci in procuratione.

Die Veneris sequenti apud Castrum novum cum capitulo de Venesive in procuratione.

Die sabbati sequenti apud Cressiacum priora-

tum. Dolensem cum Priore dicti loci.

Die dominica sequenti apud Manceyum cum Abbate in procuratione.

Die Lunæ sequenti apud Olivetum cum Abbate Cisterciensis ordinis.

Die Martis sequenti apud Albigniacum captivi prioratum abbatia Casalis benedicti cum Priore.

Die Mercurii sequenti apud sanctam Siriculam prioratum Dolensem cum Priore.

Die Iovis sequenti apud Vileutras cum Priore.

Die Veneris sequenti apud sanctum Amanum cum capitulo.

Die sabbati sequenti apud Chabries, ubi fuimus usque ad diem Mercurii post octavas Purificationis beatæ Mariæ. Qua die ivit Dominus apud Comitissam de Blesis, & pernoctavit apud Villamnovam ad expensas suas.

Die Iovis sequenti apud Villamfrancham cum rectore domus hospitalis de Villafrancha in procuratione.

Die Veneris sequenti apud cellas sancti Dionysii cum Priore de abbazia sancti Satiri.

Die sabbati sequenti apud Noviacum super Branson cum Priore de abbazia Versionensi.

Die dominica & Lunæ ante cathedram sancti Petri apud Vouseron, videlicet die dominica in procuratione cum Priore, & die Lunæ ex gratia cum Abbate Versionensi.

Die Martis & Mercurii sequentibus apud Malumrepastum ad expensas proprias.

Die Iovis & Veneris in cathedra sancti Petri sequentibus apud la Pivere, & die sabbati sequenti, ad invitationem Abbatis sancti Sulpitii Bituricensis, & in sero ivit Bituricas, & Dominica in mane prædicavit in majori Ecclesia, & dedit indulgentiam; & eadem die dominica venit Dominus apud

sanctum Palladium, & fuit ibi ipsa die dominica ad expensas suas.

Die Lunæ sequenti ante Brandones fuit Dominus in procuratione cum Priore de Capella Gilonis prioratu abbatix sancti sulphitii Bituricensis

Die Martis sequenti apud Albigniacum super Verram cum Capellano dicti loci in procuratione.

Die Mercurii sequenti apud Agent cum Capellano in procuratione.

Die Iovis sequenti apud sanctum Gondulphum cum Priore dicti loci in procuratione.

Die Veneris sequenti apud sanctum Bricium prioratum sancti Benedicti Floriacensis cum Priore. Et eadem die finavit Prior de Castellione de procuratione sua.

Die sabbati sequenti apud Belleu prioratum abbatix sancti Satiri cum Priore dicti loci.

Die dominica Brandonum apud sanctum Palladium in expensis propriis.

Die Lunæ sequenti ibidem similiter in expensis suis propriis.

Die Martis sequenti apud Malumrepastum ad expensas proprias.

Die Mercurii sequenti apud Exoldunum cum capitulo sancti Cirici in procuratione.

Die Iovis sequenti ibidem cum Abbate beatæ Mariæ Exoldunensis in procuratione.

Die Veneris sequenti apud Vodolonum cum Priore de abbazia Dolensi.

Die sabbati sequenti ibidem celebravit Dominus sacros ordines. Et eadem die venit Dominus apud Yvolium prioratum Dolensem cum Priore dicti loci in procuratione.

Die dominica post octavas Brandonum apud sanctum Iulianum prioratum Dolensem.

Die Lunæ sequenti apud Podium Ferrandi cum Abbate dicti loci in procuratione.

Die Martis sequenti apud sanctum Desideratum cum Priore dicti loci in procuratione.

Die Mercurii sequenti apud Huriacum cum Priore de abbazia Dolenfi in procuratione.

Die Iovis sequenti apud Montemlucium cum Priore beatæ Mariæ dicti loci de abbazia Menatensi.

Die Veneris sequenti apud Columbeyum cum Priore ordinis Clugniacensi.

Die Sabbati sequenti apud Bellamnaviam cum Priore dicti loci de abbazia Menatensi.

Dominica qua cantatur *Oculi mei* & die Lunæ sequenti fuit apud Naves ad expensas proprias.

Die Martis sequenti visitavit Dominus prioratum de Cantella, prioratum de Evaone, & fecit expensas. Et procuravit Dominum apud Naves idem Prior de Cantella.

Et eadem die fuit concordata quædam littera super contentione jurisdictionis & metarum quæ vertebatur inter Dominum Archiepiscopum Bituricensem & gentes Comitum Attrabatensis cujus tenor sequitur ad hoc signum &c.

Cetera desunt.



EPISTOLA TAIONIS
 EPISCOPI CÆSARAVGVSTANI
 AD EVGENIVM
 EPISCOPVM TOLETANVM.

SANCTISSIMO ac venerabili Domino meo Euge- Circa an-
640.
 nio Toletanæ urbis Episcopo Taius ultimus
 servus servorum Dei Cæsaravgvstanus Episcopus.
 Congrua satis valdeque necessaria dispositione for-
 tionis exquirat solatium qui propriæ virtutis caret
 officio, eoque facilis corporis gressum porrigit
 quò trahitur dextera potioris, ut saltim desidera-
 tum cursum valentioris auxilio possit explere quàm
 segnis in sui itineris medio remanere. Ita ego, mi
 venerabilis Domine, licet invalidus, tuis tamen
 adjutus orationibus ardui operis auspicia quasi cu-
 jusdam maximi montis malui adire principia, quod
 velut magni cujusdam in sui superficie essentans
 paradisi nemorum proceritatibus obsita, floribus
 albescentia, pomis etiam mellificantia, foliis viri-
 dantia, liliorum quoque pulcritudine nitentia, ro-
 satum rubore candentia, violarum purpurantium
 floribus splendentia, coloribusque croceis pleraque
 fulgentia, nullo unquam tempore marcescentia,
 sed perpetua sui viriditate vernantia, mirifica arte
 disposita, directisque consistunt linearum ordini-
 bus coaptata, tantam subministrantes amantibus
 gratiam ut suavitate sui non solum exteriores cor-
 porum sensus, sed interiora cordium arcana satie-
 tate sui perlustrent. Cùmque talia intentis obtuti-

bus cernerem, ac plerosque his multimodis dapibus satiari viderem, inæstimabili accensus desiderio, tanquam unus ex collegio esurientium puerorum inedia coactus impulsis, ejusdem januam paradisi pedententim adgressus, & quasi temerarius introrsus explorator ingressus, dum per eadem spatia pulcherrima quæque ac multimoda prospectando nimia admiratione suspendor, quædam ramusculorum floscula more pusillorum infantium ludendo collegi, ac manu avida contrectando decerpſi, curſim iſta præcipua quadam curiositate quibusdam comparationibus præmittens verbis simplicibus quasi oris obstruſi aditum reſero, niſi ut tam incomparabilis excellentia viri, ſancti ſcilicet Papæ Gregorii, in ipſo loquutionis exordio quibusdam parabolis anteferrem, ejusque magnitudinem ſapientię, quo perſpicuo lumine ſanctam illuſtravit Eccleſiam, aliquatenus non ſcientibus ſed neſcientibus propalarem. Optaveram ſiquidem tuæ nunc adelle præſentię, ut ſicut ſcriptum eſt, *interroga patrem tuum, & annuntiabit tibi, majores tuos, & dicent tibi*, ex tui oris prudentia formulam ſumerem, cū in principio hujus operis velut cujuſdam telæ verborum texturam præponerem, vel certè ex tui cordis artiſcioſa manu quaſi in cujuſdam magni conſtructione ædificii politos atque quadratos humeris propriis verborum lapillos deferrem, quoniam frater fratrem adjuvans exaltabitur, ſicut civitas munita. Ordo namque rationis expoſcit ut ſubſequentia præcedentibus quodam vinculo tenacitatis neſtantur, quatinus in utrumque rectitudinem ſui prolata æquitas pandat, ac ducente tramite veritatis ad deſtinatum finem latus accedat. Idcirco quod cōparationibus paulò antè prætulimus, verbis nunc apertioribus propalemus. De opusculis quippe ejusdē ſanctiſſimi viri ſeſe inſert ſermo ſubſequens

aliquantula narratione officiosissimus, dignumque fore censui de suis operibus ejus pauca primùm retexere. Vidimus vidimus Gregorium nostrum Romæ positum, non visibus corporis, sed obtutibus mentis. Vidimus enim non solùm in suis notariis, sed etiam in familiaribus qui ministerio corporali eidem fidele exhibuerunt famulatus obsequium; eorumque relatione de virtutibus ejus plura cognoscens, brevissimè pauca retexam. Fuit denique gratia Christi omni morum probitate compositus, animo vultuque serenus, corde benignus, conscientia purus, moribus discretus, virginitate nitens, caritate refertus, pietate præcipuus, patientia insignis, modestia incomparabilis, abstinencia singularis, hospitalitatis sectator, peregrinorum susceptor, eleemosynarum largitor, ecclesiasticarum rerum optimus dispensator, amicis devinctus, oppressorum sublevator, tribulantium consolator, acris ingenii, consilio providus, sermonibus nitidus, eloquentia facundus; prudentia disertus, sapientia præditus, doctrina multimodus, scripturarum divinarum multimodus interpretator, abditorum mysteriorum acerrimus investigator, fidei catholicæ magnificus defensor, contra hæreticos fortis assertor, superbis auctoritate erectus, atque humilibus prompta devotione subjectus. Quatuor namque virtutibus animi, prudentia scilicet, temperantia, fortitudine, atque justitia ita exitit præornatus ut non homo sed angelus inter homines putaretur. Quis namque nostri temporis eloquentia facundus, prudentia præditus, sapientia profundus, sanctum condignis efferat laudibus Gregorium? Nec ipsi, ut censeo, Græcæ Romanæque facundiæ philosophorum præcipui, Socrates scilicet, vel Plato, Cicero, atque Varro, si nostris temporibus affuissent, condigna verba promississent. Sed ne panegyricis uti

cenſear eloquiis, plurima de ejuſdem virtutibus ad-
dita comperta prætermittens, ad ejus opuscula, quæ
ſunt eloquia pulcritudinis, officia linguæ retor-
queam. Igitur cùm Romæ poſitus ejuſdem, quæ in
Hiſpaniis deerant, volumina ſedulus veſtigator
perquirerem, inventaque propria manu tranſcri-
berem, tantaque dulcedo verborum animum meum
inæſtimabili ſuavitate mulceret, ſpeciale quiddam
in eadem ſine cujuſpiam perſpexi comparatione po-
tiſſimum. Denique dum hiftoriam beati Iob ſub tri-
plici indagatone, id eſt, hiftorica, typica, vel mo-
rali, ſtudit explanatione diſcutere, atque Eze-
chielis Prophetæ primam vel ultimam partem non
impari expoſitione percurrere, tantorumque pro-
fundæ myſteriorum repulſo ignorantix nubilo ſere-
na patefactione monſtrare, penè totius novi ac
veteris teſtamenti patefecit arcana; actumque eſt
ut hac opportunitate panis ille qui de cœlo deſcen-
dit, ejuſdem fideliffimi opportuna ſatis dulcedine
ſatiaret. Sed quoniam in eadem prolixitate volumi-
num, dum teſtimonium uniuſcujuſque requiritur,
explanatio penè totius operis juſ erat in ambiguo,
non minima perſcutatio atque animi ardentis ſape
frigeſcebat intentio, malui ſemel maximum proferre
laboremquàm ſemper ſuſpectam tolerare difficulta-
tem. Percurri igitur omnia ejuſdem monimenta li-
brorum & penè totius ſcripturæ ſacræ teſtimonia
quæ in ejus opusculis ad probationem vel expoſitio-
nem cujuſque rei adhibita diverſis in locis contine-
bantur conſcripta, adjuvante Chriſto Ieſu, qui ex
ore infantium atque lactentium perficit laudem lin-
guasque mutorum vinculo taciturnitatis abſolvit,
ſuis coadunata ordinibus ſtudioſus quiſque, cùm in
eiſdem voluminibus cujuſlibet ſacri teſtimonii ex-
planationem requirit, ne multiplici lectione ſati-
gatus non citò reperiat quod voluerit, ad iſta quæ
deceipſi

decerpsi recurrens, repentè quod desiderat liberæ satisfactionis discretione reperiet. Dectorem quippe hujus operis censeo admonendum ut vigili intentione prævideat quoniam pleraque testimoniorum capitula in eisdem voluminibus, ut suprâ meminimus, diversis in locis sita, ita ut inventa sunt exposita, à me ordinatim collecta fore noscuntur. Alia igitur quæ jam in superioribus aut inferioribus partibus exposuisse visus est, & iterum atque iterum, quamlibet aliis verbis, eodem tamen sensu, diversis in locis recapitulata expositione retexit; præcedentibus testimoniis, ut ordo exponendarum rerum poposcit, aliqua inferenda, reliqua verò relinquenda curavi; quatinus ex præcedentibus subsequencia penderent, & subsequencia præcedentibus sese utilis cooptarent. Nam si cuncta discreto ordine in hujus operis serie ponerentur, procul dubio magnitudo voluminum brevitatis modum excederet, atque sui recapitulatione lectoris animum offendens, facerent nihilominus repetita fastidium. Cujus rei quantitatem in sex codicibus, quatuor scilicet veteris instrumenti, duobus etiam novi testamenti, suis connexis ordinibus, prætermissis scripturis quas eisdem virorum sanctissimus ex ordine tractavit, adjutus orationibus vestris exple re curavi. Præfatiunculas quoque ejusdem codicibus consonantes decerpsi, quas etiam in capita librorum præposui, quatenus ipse sibi in suis anteposatur eloquiis qui largiente gratia Christi copiosus nobis multiplicibus extitit officiis. Ipsos etiam codices laboriosa nimium intentione collectos prudentiæ vestræ malui committere contuendos; in quibus si quædam sagacissima vestigatio vestra repererit inordinatè composita, non tam negligentiae culpam quàm necessitatis adscribat: quia dum vehiculo parvæ scabulæ quasi immensum pelagus solitarius nautæ

navigaturus adgredior, cum maximis difficultatibus latissimi æquoris hujus spatia transmeavi, tandemque ad optatam littoris requiem Christo gubernante perveni. En, prudentissime virorum, ut causarum ordines sigillatim perstringerem, modum brevitatis excessi, &, ut ait quidam doctissimus, dum figuli rota currente urceum facere * niter, amphoram finxit manus. Ast ego dum brevem pagellam conscribere malui, libellum manus indocta composuit. Obsecro igitur te, virorum sanctissime, & omnes quibus hujus operis lectio * nunc displicuerit, ut hos libellos velut duo minuta in gazophylacia templi Domini collocare dignemini, ac pro meis abluendis delictis pervigili intentione ejus misericordiam deprecare non dedignemini, ut æternis ereptus incendiis, sempiternis solari merear refrigeriis. Vale mi venerabilis ac sanctissime Domine.

Explicit epistola Tagii Episcopi ad Eugenium.

Hic est ordo librorum sancti Gregorii Papæ Romanensis. In expositione Iob edidit libros moralium xxxv. divisos partibus arque codicibus sex.

DIVISIO XXXV. LIBRORVM MORALIVM.


Pars prima, libri quinque. Pars secunda, libri quinque. Pars tertia, libri sex. Pars quarta, libri sex. Pars quinta, libri quinque. Pars sexta, libri octo.

Deinde sequitur in codice MS. epistola sancti Gregorii ad Leandrum Episcopum Hispalensem. Tum sequentia adduntur.

In nomine Dei patris & Domini nostri Iesu Christi & spiritus sancti. Incipit prologus super capitula moralium beati Gregorii Papæ venerabilissimi.

Christi Iesu Gregorius servus ac urbis Romæ Papa venerabilissimus composuit & prætitulavit

multa volumina librorum. Composuit etiam per libros seriem capitulorum. Fecit quoque in verba beati Iob expositionem, sed capitulorum ad ejsdem sententias non addidit ordinationem. Igitur Henrici secundi Imperatoris tempore Rainerius Aretinæ Ecclesiæ Canonicus Presbyter per omnes ferè sententias supradictæ expositionis vigilantibus studio & cogitatione capitula supposuit, non propter inanis gloriæ favorem, sed ductus divini amoris zelo & utilitate legentium seu etiam legentes audientium; ut quicquid utile ad tempus in illis sententiis quæreretur, citò & quasi sine labore inveniretur.



TESTAMENTVM

VOLFAVDI COMITIS

Fundatoris abbatiæ sancti Michaëlis ad Mosam in diocesi Virdunensi.

CVM oportet Christianis viam veritatis eligere, Vide Vaf-
seburg fol.
114.
pro qua conditori suo possint dignæ miserationis munus offerre, ut oblatio proficiat ad salutem, & devotio pertineat ad mercedem. Ego itaque Volfaudus filius Gislaramni quondam & conjunx mea Adalsinda filia Alberti quondam donatores licet multarum rerum. Cum sit semper rarum quòd quisquam pro suis admissis facinoribus vel redimenda ultione peccaminum de rebus suis propriis aut ad loca sanctorum Dei aut ipsius servis velit aliquid dare, ut ipse non propria manu det scriptisque commendet. Vnde & bene antiquitus * divitum Princi- * divorum
pum decreta & legum ita sanxerunt, ut tantumq-

do sola manus donatoris in subscriptione certa monstraretur, nec sine gestarum allegatione plenissima voluerit firmitate mancipare, ut hoc quod unusquisque pro arbitrio suo aut mentis suæ condonare voluisset, sollemnis scriptura confirmaret. Sed dum & nos Domini gratia inspirante, ut credimus, sicut omnium fidelium catholicæ Ecclesiæ Christi mos est, quorum deposcit benignitas ut pro animarum salute vel Dei intuitu Domino adjuvante monasterium congregationemq; servorum Dei animo devotissimo à novo fundamento in jure proprietatis nostræ in pago Virdunensi in loco qui dicitur Castellionis in fine Vuidiniaca, ubi in ipsa radice montis consurgit fluviolus qui dicitur Marsuppia, in honore sancti Michaëlis Archangeli, & sanctæ Mariæ matris Domini nostri Iesu Christi, sancti Martini, & sancti Petri & Pauli Apostolorum, necnon sanctorum martyrum & confessorum, vel ceterorum, ad exemplum beatissimorum etiam & visi fuimus ædificasse, addidit nobis consilius quatinus de communi substantia ad ipsum monasterium vel ipsos servos Dei Domino vacantes consistendum juxta Dei arbitrium conscribere deberemus. quod ita & fecimus. Inprimis itaque donamus portionem unam cognominatam Vuidini villa sitam in pago Virdunense, cum casis, domibus, ædificiis, mancipiis, mansis, pratis, campis, vineis, silvis, cultis & incultis, aquis aquarumve decursibus, cum omnibus adjunctentiis vel appendiciis ad se pertinentibus. Similiter donamus super ipsum fluviolum villam unam Marsupia in ipso pago Virdunense, quæ in populo vocatur Godone curte, cum casis, domibus, ædificiis, mancipiis, accolis, mansis, campis, pratis, silvis, cultis & incultis, tam de proprio quam de comparato, vel de quolibet attracto quod ad nos ex jure pertinet, cum omni adjunctentia ad se pertinen-

te. Similiter donamus super ipsum fluuiolum Marsupia portionem illam quam de Crudelberto pretio comparauimus, cum mansis, campis, pratis, silvis, aquis aquarumve decursibus, cultis & incultis, cum omni adiectentia ad se pertinente. Similiter donamus super ipsum fluuiolum Marsupia portionem illam quæ dicitur Avanorum vallis, quam de Gennulfo dato pretio comparauimus, cum mansis, campis, pratis silvis, & cultis & incultis, aquis aquarumve decursibus, cum omni adiectentia ad se pertinente. Similiter donamus portiones illas in curte illa quæ vocatur Byllata in ipso pago Viridunense super fluvium Mosā quas de Valdradanegone dato pretio comparauimus, cum mancipiis, mansis, campis, casis, pratis, silvis, aquis aquarumve decursibus, cum omni adiectentia ad se pertinente. Similiter donamus portionem illam in loco qui dicitur Mononis villa super fluvium Mosā in pago Viridunense, quam ego & Albertus quondam de Gondouino dato pretio comparauimus, cum mancipiis, casis, mansis, campis, pratis, silvis, aquis aquarumve decursibus, cultis & incultis, cum omni adiectentia ad se pertinente. Similiter donamus portiones illas in loco qui dicitur Calvonecurte in ipso pago Viridunense super fluvium Mosā quas de Adalfo vel heredibus suis sive Erlino vel Fulgonino dato pretio comparauimus, cum mancipiis, terris, mansis, pratis, silvis, cultis & incultis, aquis aquarumve decursibus, cum omni adiectentia ad se pertinente. Similiter donamus in pago Vidunense super fluvium qui vocatur Quala portionem unam ad Castellionem quam de Felice vel herede suo dato pretio comparauimus, cum casis, mancipiis, mansis, campis, pratis, vineis, silvis, aquis aquarumve decursibus, cultis & incultis, cum omni adiectentia ad se pertinente. Similiter donamus super

ipsum fluviolum Quulam portionem illam quam de Alberto filio Chramperti quondam dato pretio comparavimus, cum mancipiis, casis, mansis, campis, pratis, pascuis, silvis, aquis aquarumve decursibus, cultis & incultis, cum omni adjectione ad se pertinente. Similiter donamus ad Baudentro villa portionem illam quam de Chairone vel de conjuge sua Ginnana dato pretio comparavimus, cum mansis, casis, mancipiis, campis, pratis, vineis, silvis, aquis aquarumve decursibus, cultis & incultis, cum omni adjectione ad se pertinente. Similiter donamus villam unam sitam in pago Virdunense quæ vocatur Buxarias, quam nos de Anstrida Abbatisa quondam dato pretio comparavimus, cum casis, mansis, mancipiis, campis, vineis, pratis, silvis, aquis aquarumve decursibus, cultis & incultis, cum accolis & appendiciis, cum omni adjectione ad se pertinente. Similiter donamus in ipso pago Virdunense in curte de Gisilo villa portionem illam quam de Drubeito & Patfredo & Ermengrudo dato pretio comparavimus, cum mansis, campis, pratis, silvis, aquis aquarumve decursibus, cultis & incultis, cum omni adjectione ad se pertinente. Similiter donamus in Vico & Marsallo in io ad sal faciendum cum manso, casa, & servo, cum omni adjectione ad se pertinente. Similiter donamus curtim unam Trunionem nuncupatam sitam in pago Virdunense, cum casis, domibus, ædificiis, mancipiis, mansis, campis, silvis, aquis aquarumve decursibus, cultis & incultis, tam de propriis quàm de comparatis, cum omni adjectione ad se pertinente. Similiter donamus portionem unam in villa quæ vocatur Bederuaca sitam in pago Virdunense, quam de Alsinda femina dato pretio comparavimus, cum domibus, ædificiis, mancipiis, mansis, campis, pratis, silvis, aquis aquarumve decursibus, cultis & incultis,

tum omni adjectentia ad se pertinente. Similiter donamus in Eppone * culte portionem unam quam * curro de ipsa femina Adalsinda dato pretio comparavimus, cum mancipiis, mansis, campis, pratis, silvis, aquis aquarumve decursibus, cultis & incultis, cum omni adjectentia ad se pertinente. Similiter donamus portionem nostram in villa quæ dicitur Vlmo, quæ in populo vocatur Coria, sita in pago Virdunense super fluvium Mosa, tam de proprio quàm de comparato, quam de Gaillano & Gennulfo, Godelinde & Felice heredibus nostris dato pretio comparavimus, cum casis, mancipiis, domibus, ædificiis, mansis, accolis, campis, pratis, vineis, silvis, aquis aquarumve decursibus, cultis & incultis, cum omnibus appendiciis vel adjectentiis suis ad se pertinentibus. Similiter donamus curtim unam Cussiliaco sitam in pago Barrense, cum casis, mancipiis, pratis, silvis, cultis & incultis, aquis aquarumque decursibus, cum omni adjectentia ad se pertinente. Ista omnia suprà nominata vel conscripta junctis & conjunctis mobilibus & immobilibus utriusque sexus, peculium nator vel omni supellectile quicquid dici aut nominari potest in superscriptis locis ad se pertinentia tam rem inexactam plenissima voluntate istis temporibus tradimus atque transcribimus ad possidendum: ut ab hodierno die jure firmissimo absque consortio coheredum nostrorum habendi, tenendi, possidendi habeant ipsi monachi potestatem, ut in Dei nomine inde potiantur in æternum. Et ut voluntas nostra plenior em obtineat vigorem & per tempora conservetur, ipsas prædictas res nominatas ex proprio sigillo adfirmamus, ut omnia quæ superius sunt inscripta perpetua, * felicitate maneant. Illud nobis * stabilita in hac voluntate nostra scriptum esse complacuit, te ut nullus iudex nec Pontifex de civitate vel ex ipsa

parrochia Viridunense in ipso monasterio nullam potestatem ad quaslibet redibitiones aut requisitiones exigendi habeat potestatem ingrediendi, quia in ipso prædio nostro sumpto & labore ædificavimus. Illud nobis addere convenit, quod fieri non credimus, si aliqua se, carta se, anteriores vel posteriores ad hanc voluntatem meam inculcandam vel minuendam nomenque nostrum fuerint ostensæ, vacuæ & inanes appareant, & nullum in antea sortiantur effectum. Si quis verò, ut adsolet, de hereditibus vel prohereditibus nostris, quod fieri non credimus, aut quaslibet opposita persona vel judiciaria potestas contra hanc donationem nostram, quam ex spontanea voluntate plenissimaque devotione fieri rogavimus, ullo unquam tempore infringere voluerit, primitus Dei occurrat offensionem, & ab omni loco sanctorum cœnobarum vel consortio Christianorum excommunicatus appareat, & insuper velut Iudas traditor Domini nostri & sicut Giezi puer Holisæi, qui munera fraudulenter acceperunt, simili sententia judicetur, & sit anathema maranatha, quod est proditio in adventu Domini, & nec sic voluntas mea à nullo possit convelli, & super unâ cum * sociis hyscorum aut libras quingentas, argenti pondera octingenta partibus nostris cogatur resolvere, sed hæc cartula donationis nostræ inviolabilis omni tempore maneat, roboratione subnixâ. Facta hæc est donatio in ipso monasterio multorum conventu bonorum hominû anno decimoquinto regni Domini nostri Childeberti Regis Signum Volfaudi, qui istud testamentum donationis fieri rogavit. S. Adalsindæ conjugis suæ, consentiente testamento donationis fieri rogavit. Ego Vvolfaidis Abbatisa. S. Gairebardi Episcopi. S. Vvolfaudi testis. S. Dudini. S. Grudelberti. S. Vulfridi. S. Chramberti. S. Angliberti. S.

* socio filio

An. 709.

Hugonis. S. Flodoeni. S. Disoetii. S. item Chramberti. S. Desasti. S. Attolane. Ego Robertus Presbyter. S. Gromaldi. S. Quveldi. S. Henzonis. S. Gondodoeni. Ego Richramnus Presbyter rogatus suprascripsi hoc testamentum donationis.

*Item testamentum Volfaudi de villa
Masupia.*

IN Dei nomine. Bonum pacis placuit qualiter convenit inter apostolicum virum domnum Sigibaudum Episcopum Metensis Ecclesiæ & inter Volfaudum Comitem ut locella eorum inter se commutare deberent. quod ita & fecerunt. Dedit Sigibaudus Episcopus Volfaudo Comiti locellum Masupia nuncupatum in pago Virdunensi, quem Godo & Haerevius pro animarum suarum salute ad Ecclesiam sancti Stephani delegaverunt, hoc est, tam in terris, domibus, ædificiis, silvis, pratis, pascuis, aquis aquarumve decursibus & mancipia his nominibus, Leubigisus, Feroinus, Adoinus, Fante, Gaerelinde, totum & ad integrum quantumcunque Godo & Haerevius ibidem possederant vel sanctus Stephanus ibidem habere videbatur, ipsi Volfaudus donavit ad possidendum. E contra simili modo dedit Volfaudus Sigibaudus Episcopo ad patrem sancti Stephani locellum nuncupatum Vineiaco in fine Ausiniaca villa in pago Fugentense super fluvium Mosellæ, hoc est, tam in terris, domibus, ædificiis, silvis, pratis, pascuis, aquis aquarumve decursibus, & mancipia his nominibus, Autaldus, Balsimius, Macionus, Eusebius, Haervinus, Bertridus, Madalhundus, & quantumcunque ibidem de homine nomine Aegino dato pretio comparavit, vel quicquid ad præsens possidere videtur, totum & ad integrum ad partem

An. 708.

sancti Stephani condonavit; & quicquid inde de utraque parte facere voluerint, liberam & firmissimam in omnibus habuerunt potestatem faciendi. Si quis verò, quod fieri non credimus, quod aut nosmetipsi aut heredes Vvolfaudi aut Adalsindæ aut domni Sigibaudi contra has commutationes agere quicquam voluerit, partem quam acceperit amittat, & insuper auri libras duas, argenti pondera quinque coactus exolvat, & quod repetit nihil valeat evendicare, sed præsens hæc commutatio firma & stabilis permaneat cum stipulatione nixa. Actum novo exsarto villa sancti Stephani. Datum mensis Decembris die vicesimo, anno quartodecimo regni Domini nostri Childeberti Regis.

Anno ab incarnatione Domini millesimo nonagesimo tertio, epacta xx. concurrente v. Indictione i. rescripta est carta ista cum ceteris sub hoc signo titulatis.

Item ejusdem de villa Condato.

Cum oporteat Christianis viam veritatis eligere, proque ea conditori suo dignas gratiarum actiones offerre, ut oblatio proficiat ad salutem & devotio pertineat ad mercedem, ego Vvolfaudus Comes filius Gissaranni quondam, recogitans peccaminum meorum retributionem æternam & pœnas perpetuas, unde nos Dei pietas eripere vel liberare dignetur, dono per hoc testamentum ad monasterium sancti Michaëlis Archangeli, quod ego & conjux mea Adalsinda à novo fundamento visi fuimus construxisse in loco qui dicitur Castellionis in pago Virdunensi in fine Vindiniaca, ubi multorum sanctorum martyrum & confessorum reliquiae adorari videntur, quorum basilicæ ibidem sunt constructæ, donatumque esse volo in perpetuum, hoc est, villam meam quæ dicitur Condatum in

pago Barrense super fluvium Callo, quam ego ab Hertellione dato pretio comparavi, hoc est, in mansis, confiniis, domibus, ædificiis, campis, pratis, silvis, vineis, farinariis, appendiciis, cassis, aquis, pascuis, cultis & incultis, cum omnibus adjacentiis ad se pertinentibus, cum mancipiis ibidem commanentibus, vel quantumcunque usque ad diem præsentem visus sum ibi habere, totum & ad integrum dono, sicut superius diximus, donamus per hoc testamentum ad monasterium superius nominatum sancti Michaëlis ad diem præsentem, ut ipsi monachi qui ibi sunt habeant, teneant, possideant liberè & firmissimè, in omnibus habeant potestatem, ut melius eos delectet pro nobis misericordiam Domini jugiter exorare. Si verò ego aut aliquis de heredibus meis vel coheredibus vel quolibet opposita persona contra hoc testamentum ire aut fortasse infringere vel corrumpere voluerit, iram Dei omnipotentis incurrat, & ille eum maledicat qui maledixit Sodomam & Gomorram, & ad limina sanctorum extra consortium Christianorum excommunicatus appareat, & insuper solvat auri libras viii. & argenti pondus xv. multam sustineat, & quod repetit evendicare non valeat, & nihilominus præsens testamentum omni tempore firmum & inviolatum permaneat. Et ut firmitus sit, manu nostra subsignavimus, & qui subscriberent vel signarent in præsentem rogavimus. Facta sub die Kal. Ianuarias anno ii. regni Domini nostri Theoderici An. 716. Regis. Factum testamentum Novavilla. Volsaudus hoc testamentum fieri rogavit. Signum Guntramni. S. Vnderici. S. Vvifridi. S. Abelini. S. Adalsindæ. S. Rogomini. S. Ervidi. S. Agoini, S. Chileramni. S. Gaudoni. S. Vnerini. S. Chroderici. S. Radoini.

EX EPISTOLA PAULINI
ad Leonem Patriarcham.

SCiendum namque est quoniam & ille qui ab Hierosolyma descendens, hoc est, à pacifica contemplatione sanctæ Ecclesiæ recessit, & iste qui à paradisi mœniis eliminatus dicitur, id est, ab ovili Ecclesiæ & consortio fratrum segregatus exiit, & omne membrum quod abscisum de corpore fuerit, hoc est, ab unitate Ecclesiæ separatum, nisi per pœnitentiam & dignam satisfactionem donum gratiæ omnipotentis Dei ascendat Hierosolimam, videlicet ad contemplationem sese pacis suspendat, & ad eum quod reliquerat recurrat ovile, hoc est, caritatis vinculo religatus in gremio suscipiatur Ecclesiæ, & in eo à quo præcisus est corpore inferatur, in unitatem scilicet, & reconciliatus consocietur fratrum, salvus esse posse, quemadmodum & vos satis excellenter sacratius capaciusque scitis nullo falsitatis quodlibet modo sibi blandiatur fraude deceptus. Væ ergo illis nisi altissima illis pietas benigna succurrat paradigmate, quo & semivivo relicto & erranti perditæque oculivæ & absciso de corpore membro pretioso subvenit misericorditer sanguinis ostro. Dignetur itaque & vestra serenitas super has plagas vulnusque peccati infundere vinum & oleum. Aspersa siquidem ac lenia documentorum instillare fomenta necnon fasciis caritatis fracturas infarcire medicinali manu curate; quatenus subvesti patientiæ vestræ jumento, ad stabulum perducatur Ecclesiæ, curamque vestræ exhibitam beatitudinis, ac per hoc assimilatus bono singulariter pastori, erraticam subvehens humeris ovem ad ovile proprium, quippini ad sinum scilicet matris

Ecclesiæ, reportare gaudere, dissociata nempe de corpore membro; imitantes per omnia Paulum Apostolum per unitatem fidei & caritatis concordiam summo ac singulati unire capiti festinare; quatenus reddita per vestram industriam omnibus pace, & illis sicut decet summo tantoque Pontifici honoris debitum & obedientiæ offerant fructus, & ut Dominum timeant & veluti patrem multa impensæ amoris dulcedine diligant, & vestra eos benignitas tranquillitas quasi proprios refovens filios perpetua protectione gubernet, vobisque pro dignæ retributionis præmio cœlestia regna æternus arbiter largiri dignetur.

Epistola Alcuini ad Karolum M. quum ad eum mitteret libros VII. adversus Felicem Vrgellensem.

Maximo atque invictissimo triumphatori atque clementissimo regnorum rectori Carolo Regi Francorum & Longobardorum ac Patricio Romanorum humilis levita Alcuinus salutem. Laudabilis bonitas atque incomparabilis jocunditas vestræ excellentiæ fiduciam meæ præstitit parvitati scribendi aliquid de causis ecclesiasticis vel de disciplinis scholasticis. Quod nullatenus agerem, nisi scuto bonæ voluntatis vestræ ab invidorum linguis meæ litterulas obedientiæ protegendas sperarem: quia quorundam solertia laborat magis aliorum in occulto rodere dicta quàm sua in publico proferre, quorum scientiam Salomon serpenti in abscondito mordenti comparavit. Vestra verò nulli contemnenda auctoritas nostræ devotioni mandavit contra novas hæreticæ pravitatis inventiones aliquid scribere atque libello respondere quem contra nos

Felix quidam Episcopus vestræ direxit auctoritati; in quo multa inveniuntur non catholico stilo exarata, sed contra veritatem apostolicæ fidei inaniter defudata. Cui labori vestræ magis pietatis iussione animatus quàm propriæ confusus peritiæ juvamine libenter succubui. Et licèt nullus se justè excusare valeat à defensione fidei catholicæ; tamen sanctæ voluntatis vestræ præceptum meæ devotionis stilum hujus operis debitorem maximè effecit, quod totum vestræ excellentissimæ sapientiæ specialiter expectat judicium, utrum ecclesiasticis dignum sit auribus aperire. Nam istum libellum in disputatione quæ in vestra veneranda præsentia cum Felice ventilata est præsentem habui. Sed quia nec adhuc ante vestram perlectus est sapientiam, nec à vobis, cui maximè sudavit, comprobatus, ratum duxi publicis non efferrī auribus, Nunc verò vestra videat auctoritatis quid de eo fieri velit. Tantùm deprecor ut nullatenus priùs vel abiciatur vel in publicum proferatur quàm totus inter familiares personas vestræ auctoritatis examini perlegatur. Multis enim in locis minùs ordinata disputatione currere & sæpe antedicta repetere solutasque videtur iterare sententias; quia in omni loco proponentis quæstionibus necessariò respondendum fuit, ne aliquo adversarius in loco suas jactet propositiones permanere indiscussas, & ego quasi victus non haberem quid responderem. Igitur plurima copioso sed non scholastico sermone sanctorum patrum exempla præfatus disputator colligere studuit, quorum quædam sibi metipsi valde adversari videntur, quædam nihil suis favere partibus intelleguntur, quædam pravo sensu aliter quàm ab eis posita sunt interpretare nititur. Et his tribus modis sententiarum illius numerositas contextitur. Cui revera multò melius esset perpetuo conticescere silentio quàm malæ præ-

Vide Al-
cuin. pag
939. 1510.
epist. 15.

vitatis doctrina nomen suum latiùs innotescere & non necessariis se immiscere quæstionibus. Quid enim prodest Ecclesiæ Dei Christum appellare adoptivum filium vel Deum nuncupativum? Vel quæ aures catholica fide eruditæ hæc nomina libenter audire patiuntur de Domino nostro Iesu Christo omnipotente Deo & vero filio Dei, qui est tertia in sancta trinitate persona & iudex venturus vivorum & mortuorum. Vnam namque substantiam prædicamus in Patre & Filio & Spiritu sancto, & tres personas. Vnam verò personam credimus & duas substantias in Christo Deo Domino nostro, eundemque totum Deum omnipotentem & Dei filium verum & proprium. Quicumque verò hanc fidem nec corde credit nec ore confitetur, nullatenus catholicus credendus est, sed schismaticus. Vestra verò sancta voluntas atque à Deo ordinata potestas catholicam atque apostolicam fidem ubique defendat, ac veluti armis imperium Christianum fortiter dilatare laborat, ita & apostolicæ fidei veritatem defendere, docere, & propagare studeat, ipso auxiliante in cuius potestate sunt omnia regna terrarum, quatenus cum multiplici laboris mercede ad perpetui regni beatitudinem pervenire merearis.

Omnipotens Deus ad exaltationem & defensionem sanctæ suæ Ecclesiæ & ad Christiani imperii pacem & profectum vestram regalis gloriæ potentiam augere, protegere, & conservare æterna pietate dignetur, Domine desideratissime atque beatissime.



*Præfatio Alcuini in libros VII. adversus
Felicem, ad Karolum M.*

HOs quinque panes & duos pisciculos simul septenario numero consecratos de apostolica fidei pera prolatos vestræ sanctissimæ auctoritati direxi, Domine mi David, ut Dei Christi benedictione multiplicati per vos esurienti populo & in desertis locis habitanti ad satietatem catholicè ministrarentur. In hoc namque opusculo catholicæ fidei veritatem ex sanctorum patrum certissimis probare testimoniis nisus sum, id est, beati Hieronymi, atque sancti Augustini, Gregorii Papæ Romani, Hilarii Pictaviensis Episcopi, Leonis quoque Papæ, & Fulgentii Episcopi, Ambrosii quoque Mediolanensis Episcopi, sed & fortissimi contra Nestorium militis beati Cyrilli Petri etiam Ravennensis Episcopi, & beati Bedæ Presbyteri, Gregorii quoque Nazianzeni, necnon & Isidori Hispaniensis, & Iuvenci ejusdem provinciæ scholastici. Si ergo me quis reprehendere velit vel meos sensus improbo dente rodore, horum testimoniis sanctorum patrum convictus, veritati succumbere necesse erit; nec errare putandus est qui cum talibus intra catholicæ fidei castra moratur. Origenis quoque quædam vel Cassiani exempla posui, licet in quibusdam locis scripturarum suarum à fide orbitare videantur, tamen ea posui in quibus præscriptis doctoribus consentanea dixisse probantur, sequens exempla beatissimi doctoris Hieronymi, qui multa ex Origene testimonia suis inferere opusculis consuevit, ceterorumque non abhorruit doctorum dicta assumere, licet in quibusdam notentur errare sensibus.

Nam

Nam & beatus Paulus vas electionis & doctor gentium quædam testimonia de paganorum libris proferre probatur, ratum putans aurum è stercore tulisse lavatumque dominicis intulisse thesauris. Cujus exempla sequentes penè omnes sancti doctores, de philosophorum vel poetarum gentilium libris multa suis inferuere opusculis. EXPLICIT.

EPISTOLA CVIVSDAM:

Quid sit Ceroma.

QVæstiunculam mihi datam à vestra reverentia his diebus attulit familiaris noster Fredilo, in qua requirebatur quid propriè viri non inlecebres intellexerint esse ceroma. Id verbum fertur in auctoribus ingenuarum artium disciplina summopere prædicitis, necnon & apud nostros, qui palmam Romani eloqui suo seculo meruerunt. Quamvis igitur pueros & imbecilles nos judicent illi qui nervos & medullas ipsumque, ut dicitur, sanguinem ex libris antiquorum eliciunt, sententiarum potius altitudinem quàm verborum humilitatem persequentes, nobis tamen competens magis videtur à primis ad secunda conscendere, quàm, primis neglectis, temerè ad secunda proripere. Cùm enim virtus eloquentiæ verborum splendore & sententiarum gravitate formetur, verborum decor primùm est appetendus, tum demum sententiarum robur & lux intima est requirenda. Quamobrem lumen & sensus dilectus verborum semper à studiosis est habendus, ne violata magistrorum regula confusa & inordinata commentia quæ tradit prorumpat. Hæc quidem generaliter prolata inconsultam extraordinariamque præsumptionem confutant. Nunc specialem hujus verbi habeamus considerationem. Et ut evi-

dentior via se ad hoc aſtruendum aperiat, altius quiddam cenſeo repetendum. Ludi qui diebus feſtis cauſa religionis ad delectandum populum à juvenibus agebantur, & quorum cauſa ſpectacula vario genere populo permittebantur, aut gymnici aut gladiatorii aut Circenſes aut ſcænici nominabantur; quos tamen ſibi diabolus ſub invocatione deorum immo dæmonum voluit exhiberi à mortalibus, ut ſub obtentu pietatis & religionis miſerorum animas in ſuum jus transfunderet. Ergo principalis ludus, quem gymnicum diximus fuiſſe, velocitatis ac virum gloria conſtabat. Is locus ubi exercebantur, gymnaſium, & hi qui exercebant, athletæ vocabantur. Genera autem gymnici ludi extitiſſe traduntur; curſus, ſaltus, jactus, virtus, & luſtatio. Sed quia priore tempore cincti athletæ exercebantur, nec nudarentur quouſque quidam remiſſo cingulo proſtratus exanimatusque in ludo apparuit, inde nata dicitur conſuetudo ut deinceps juvenes nudi exercebantur capitiſtribus in parte celanda corporis ſuccincti. Athletæ autem Græca appellatione à laterum complexu & commiſſione dicuntur, qui comminus decertantes ad nixi perſiſtunt ne alter alterum quoque caſu falleret aut aſtu impediret, peruncto corpore olei liquamine. exercitatio quæ agebatur propriè ceroma vocatur. Locus autem deſtinatus luſtationi palæſtra vocabatur; qui inde trahit etymologiam, vel à luſtatione, vel à motu urnæ, id eſt, ſortis, eò quòd ad palæſtram ſortitò digerentur. Eſt ergo ſenſus proverbii: Oleum & impenſas perdit qui mittit boves ad ceroma; quòd ſicut ſtolidum & brutum animal, quamquam robuſtum & vegetum, tamen exquisitæ arti eſt inutilis, quæ non tantùm viribus, ſed etiam ſubtilitate & ingenio propter lacertorum complicationem multiformem agitur. Quippe cùm ſint eadem

animalia vasti corporis, ac propterea nequaquam scænicis motibus idonea, etiamsi more athletarum eis perfricatio adderetur, ita illi inertes judicantur qui à primis pueritiæ temporibus ludis scholaribus deputati, variarum studia doctrinarum nequaquam in se admittunt, sed inexercitati & invalidi, veluti stolidi & insensati animalia, a profunda & multiplici rerum indagine reiciuntur; de quibus meritò supradictum proverbium cantatur. Et quoniam propriis huic arti cibis ipsi athletæ vefcebantur, sicut erant coliphia, unde scilicet & vires auferentur & corporis habilitas industriaque non periclitaretur, idcirco subsequitur in eodem proverbio quòd etiam impensæ perdantur quæ indebitè negligentibus & minimè aptis ingeruntur. Nonnulli ceroma intellexerunt esse artificium quoddam juxta morem antiquum pingendi, cui, ne facies & pulchritudo plerumque vetustate corporis aboleretur, ceræ mixtura apponebatur, modico igni huic temperamento adjecto, ut æqua mensura colorum ceræque concordante, nec venustas & gratia coloribus nec ceræ perspicuitas deesset. Hoc genus pingendi etiam à Boëtio viro doctissimo commemoratum adhuc suo tempore viguisse dubium non est. Quadam igitur inflexione nominis adducti sunt qui hoc senserunt esse ceroma, ut verbi gratia sicut homo ab humo, ita ceroma à cera originem ducere existimetur. Sed hoc non satis prudenter intellectum, etiam ipse sensus manifestat. Quamobrem superior expositio, quæ & securior arque secretior antiquiorque judicatur, vobis credo satisfaciet, nugæque variè commentantium apud vestram prudentiam extinguet. Hoc de parva re sine fraude apud iudicium prudens vestrum disposui, carissime virorum; oroque vestram ingenuam prudentiam ut fastidiosorum supercilia declinantes, apud vos contineatis quæ fidelis

animus & amici non frivola caritas transmisit. Ceterum placeat me salva stabilitate amicitiae hoc quod eligeritis, sicut postulo, vestris scriptis edoceatis. Nolo enim nec garrulitatis improbitatem incurrere, nec rursus taciturnitatis nota in his quae efferenda sunt justè damnari.

*Ludovici pii praeceptum pro Ecclesia
Nemausensi.*

An. 814.

IN nomine Domini Dei & salvatoris nostri Iesu Christi. Ludovicus divina ordinante providentia Imperator Augustus. Cum petitionibus sacerdotum justis & rationabilibus divini cultus amore favemus, superna nos gratia muniti non dubitamus. Idcirco noverit omnium fidelium nostrorum tam praesentium quam & futurorum utilitas quia vir venerabilis Christianus Nemausa civitate Episcopus obtulit obtutibus nostris immunitatem domni & genitoris nostri Karoli bonae memoriae piissimi Augusti, in qua erat insertum qualiter idem genitor noster & praedecessores ejus Reges praedictam sedem, quae est in honore sanctae Mariae semper virginis seu & sancti Baudelii constructa, una cum cellulis duabus, una quae dicitur Tornagus, quae est constructa in honore sancti Stephani protomartyris, & alia quae dicitur Vallis Flaviana, quae est in honore sancti Petri principis Apostolorum constructa, seu & aliis cellulis ibidem aspicientibus, ob amorem Dei tranquillitatemque fratrum semper sub plenissima tuitione & immunitatis defensione habuissent. Propter firmitatem tamen rei nobis postulavit praefatus Episcopus Christianus ut eorundem Regum auctoritates ob amorem Dei & reverentiam ipsius sancti loci confirmaremus auctoritate. Cujus petitioni libenter adquevimus, & ita in

omnibus concessimus, atque per hoc præceptum nostræ auctoritatis confirmamus. Præcipientes ergo iubemus ut nemo fidelium nostrorum vel quislibet ex iudiciaria potestate in Ecclesias aut loca vel agros seu reliquas possessiones, siue eas quas moderno tempore in quibuslibet pagis & territoriis infra ditionem imperii nostri justè & legaliter prædicta sedes seu cellulas possidet, vel ea quæ deinceps à bonis viris eisdem conlata fuerint Ecclesiis, ad causas audiendas, aut freda vel tributa exigenda, aut mansiones vel paratas faciendas, nec fideiussores tollendos, aut homines ipsius Ecclesiæ tam ingenuos quàm servos super terram ipsius commanentes injustè distrigendos, nec ullas redibitiones aut illicitas occasiones requirendas, nostris aut futuris temporibus ingredi audeant vel ea quæ supra memorata sunt penitus exigere præsumant. Sed liceat memorato Præsuli suisque successoribus res prædictarum Ecclesiarum cum omnibus sibi subiectis sub immunitatis defensione quieto ordine possidere & nobis fideliter deservire atque pro stabilitate nostra vel totius imperii à Deo nobis collati vel conservandi unà cum clero & populo sibi subiecto liberè Domini misericordiam exorare. Et quicquid exinde fiscus noster sperare poterat, ad integrum concedimus, ut perpetuis temporibus ibidem Deo famulantibus proficiat in augmentum. Et ut hæc auctoritas nostris futurisque temporibus Domino protegente valeat inconsulsa manere, manu propria subscripsimus, & anuli nostri impressione signari iussimus.

Signum Ludovici serenissimi Imperatoris.

Helisacar recognovi.

Data iv. Kal. Decembris anno primo Christo propitia imperii Domini Ludovici serenissimi Augusti, Indictione viii.

Actum Aquilgrani palatio regio in Dei nomine feliciter. Amen.

D d ii

Ejusdem Ludovici præceptum, ut nonas & decimas dent qui beneficia tenent de Abbate sancti Michaëlis ad Mosam.

IN nomine Domini Dei & salvatoris nostri Iesu Christi. Ludovicus divina ordinante providentia Imperator Augustus. Noverit utilitas fidelium nostrorum, Comitum videlicet & vassorum nostrorum, vel quisquis beneficia ex ratione monasterii sancti Michaëlis habere viderur, ubi venerabilis vir Smaragdus præst Abba, quia sicut dominus & genitor noster præcepit, ita & nos præcipimus ut eisdem monasterio annis singulis de eisdem beneficiis nonas & decimas de omnibus pleniter non neglegatis. Proinde præcipimus atque per has litteras omnibus quæcunque ex largitione nostra vel Comitum aut vassorum nostrorum de rebus præfati monasterii beneficia habetis, nonas & decimas annis singulis, ut prædictum est, præfato venerabili Smaragdo suisque successoribus vel missis ejusdem monasterii absque ulla contrarietate & negligentia dare non neglegatis, & ad domos ipsius Ecclesiæ restaurandas unusquisque pro viribus suis adjutorium ferre non differat. Et nullus qui beneficium de rebus præfati monasterii habet, contra hoc jussionis nostræ præceptum facere præsumat, sed in omnibus ita illud observet sicut à nobis jussum est, vel quemadmodum Dei & nostram gratiam vel ipsum beneficium habere vult. Et ut certius credatis, de annulo nostro subter iussimus sigillari. Data III. Idus Iul. anno III. regnante domino Lodouico serenissimo Augusto, indictione XI. Actum Theodonis villa palatio regio in Dei nomine feliciter. Amen.

Lib. 1. Cap. 21. & seqq.

*Destructio capellæ Masiriaci, quæ structa erat
in injuriam Ecclesiæ Aciaci.*

IN nomine Salvatoris nostri Iesu Christi. Notum Circa an-
num 894.
maneant omnibus Christianæ fidei cultoribus
qualiter actum sit de quadam capella injustè con-
structa in loco nuncupato Masiriaco super fluvium
Mattis, quam potestas beati Stephani Mettis civi-
tatis ex villa quæ vocatur Novisartis nuper inratio-
nabiliter & contra legem canonicæ auctoritatis con-
struxerunt, auferre cupientes partem decimæ Aci-
censis Ecclesiæ, quæ jure illi debebatur ex die quo
primùm fundata est. Vvidricus enim quondam Co-
mes depravatus consilio quorundam iniquorum ho-
minum fieri jussit præfatam capellam. Ex cujus in-
dignæ constructionis facto mox proclamatio facta
est. Sicque veniens Ludermus Tullensis Episcopus
ad eundem locum, nolarium ipsius capellæ evertit,
campanas cum vestibus sacerdotalibus secum detu-
lit, ipsam capellam anathematizavit secundum ec-
clesiasticam auctoritatem, omnesque qui ad prædi-
ctum locum deinceps attenderent a liminibus Eccle-
siæ catholicæ repulit. Quam rem Drogo Episcopus
successor ipsius in synodo sancta nihilominus verbis
& excommunicationibus confirmavit. Et tali ordi-
dine præscripta capella in omni tempore detenta est
& proclamata justè, donec ipsa res ad certum deve-
nit finem in præsentia Gauzlini Tullensis Episcopi
& Adalberonis Mettensis Præsulis. Nam cùm inde
temporibus illorum longa contentio facta fuisset,
rursus Gauzlinus Episcopus eandem Ecclesiam de-
struxit, domum magis canum quàm sanctarum re-
liquiarum esse destinavit. Quæ contentio tempore
Ottonis Ducis & Rotberti Archiepiscopi ad talem

tandem pervenit finem. In villa Aciaco simul convenientes sæpe fati Episcopi Gauzlinus & Adalbero cum suis ex utraque parte Archidiaconibus & ministris Ecclesiarum, septem Presbyteros venire ex utraque parte fecerunt, ut ex hoc vera dicerent,

* Post

* Quod sacramentum peractum, omnes una voce dixerunt capellam injustè fuisse structam & decimam ab Ecclesia sancti Michaëlis Aciaci villæ ablatam. Sicque judicio Episcoporum & Archidiaconorum, Presbyterorum, nobilium & ignobilium virorum, Branfinus Presbyter Novisartis reddidit per vadium Gontbaldo Presbytero Ecclesiæ sancti Martini ipsam decimam & Letardo Præposito cœnobii almi Michaëlis; & ipsa capella à fundamentis destructa est, & æternaliter ecclesiastico more damnata ne unquam instauretur, nec decima à præfata Ecclesia auferatur. Hac ergo contentione legaliter finita, decretum est ab Episcopis & ab omnibus qui in eodem fuerunt conventu ut inde scriptum tale factum esset in quo posterius recognoscerent qualiter super hac re factum fuisset. Quod scriptum utrique Episcopi fieri jusserunt. Si quis præscriptam capellam temerarius instaurare voluerit, & scriptum hoc infringere conaverit, excommunicatione perpetualiter damnetur, & bannum ecclesiasticum atque regium persolvat. Signum Episcoporum Gauzlini & Adalberonis. S. Evorini Primicerii, & Archidiaconi Vrsionis. S. Gerhardi Primicerii & Archidiaconi. S. Eurardi Archidiaconi. S. Varneri, Barnefridi, Gerengarii, Gifardi. Nomina testium. Vvinigii Presbyteri, Heirredi, Teutgaudi, Erpal-di, Rainheri, Vvilleradi, Guiradi, & ceterorum. Signa nobilium virorum, Hamedei, Haimonis, Rotfredi, Lantberti, Ragembaldi, Sarigisi, Vvidonis, Hugonis, Hunberti, Angelbaldi, Bovonis, Guardi, Teutnari, Bosonis. Signa ignobi-

lium, Ratmari, Rotberti, Heldusi, Karioli, Girardi, Bertradi, Salaconis, Boblini, Dodonis, Leutmundi, Ibaldi, Brandaldi, Vidonis, item Dodonis, Manegradi, Hadeeri. Actum publicè in atrio sancti Martini Aciacæ villæ xiiii. Kal. Augusti, anno viii. Regum Ludovici atque Ottonis, * Rot. * Ratbodo berto Archiepiscopo, Ottone Duce.

*Ludovicus Rex concedit Vncrino monacho sancti
Michaëlis Fraxinum ad restaurationem
veteris monasterii.*

IN nomine Domini Dei æterni & Salvatoris nostri Iesu Christi. H Ludouvicus divina favente clementia Rex. Si petitionibus fidelium nostrorum in his quæ ad utilitatem regni pertinent annuimus, eos procul dubio ad fidelitatis nostræ sublimitatem ferventiores effecimus, & quicquid dignitas nostra ad loca Deo dicata largitur, à summo Regum principe retributio speratur. Noverit igitur omnium sanctæ Dei Ecclesiæ fidelium tam præsentium quàmque & futurorum industria quia venerabilis Tungenfium Præsul Stephanus nostram adiit clementiam humiliter innotescendo quòd quidam bonæ devotionis monachus nomine Vncrinus ex monasterio sancti Michaëlis, unde præfatus Præsul Abba præesse dinoscitur, quandam cellam vetus monasterium nuncupatam, olim succensam & penitus desertam, facultatis suæ laboratione & manuum operatione restauravit. Pro cuius bonæ voluntatis studio prædictus venerabilis præsul Stephanus nostram expetiit serenitatem ut eidem monacho quandam villam ex rebus sancti Michaëlis nomine Fraxinum, in qua habentur mansi viginti quatuor, cum omnibus ad se pertinentibus & decimis, cum omni inte-

Anno 904.

gritate concederemus. Cujus petitioni libenter obtemperantes, digno recompensationis munere supranominato monacho ad restorationem loci, & ut geminatum die noctuque celebretur officium, canonici scilicet ordinis & monastici, diebus vitæ suæ præscriptam villam, ut libero in omnibus potiatetur arbitrio, concessimus. Post ejus verò decessum, antiquam rerum suarum substantiam fratres inibi Deo militantes usurpent, & præfatam villam, sicut supra statuimus, cunctis temporibus possideant. Hanc autem testamenti paginā transcribi jussimus, per quam decernimus ut nullus successorum nostrorum Regum aut loci illius Abbatum quæ à nobis divini amoris respectu sunt ordinata violare vel auferre præsumat. Et ut verius credatur & diligentius observetur, manu propria subter firmavimus, anuloque nostro insigniri jussimus. Data VI. Kalendarum Decembrium die, anno incarnationis Domini DCCCCIIII. Indictione VII. anno autem regni domini Ludouici quinto. Actum Triburias feliciter. Amen.

Karolus simplex Rex Francorum confirmat donationem Ludovici Regis factam Vncrino monacho sancti Michaëlis ad Mosam.

An. 919. **I**N nomine sanctæ & individuae trinitatis. Karolus divina propitiante clementia Rex. Si petitionibus fidelium nostrorum in his quæ ad utilitatem regni pertinent annuimus, eos procul dubio ad fidelitatis nostræ sublimitatem ferventiores efficimus; & quicquid dignitas nostra ad loca Deo dicata largitur, à summo Regum principe retributio speratur. Noverit igitur omnium sanctæ Dei Ecclesiæ fidelium tam præsentium quàmque & futurorum

industria quia vir nobilissimus Richuinus Comes nostram adiit clementiam humiliter innotescendo quòd quidam bonæ devotionis monachus nomine Vncrinus ex monasterio sancti Michaëlis quandam cellam vetus monasterium nuncupatam, olim succensam & penitùs desertam, facultatis suæ laboratione & manuum operatione restauravit. Pro cuius bonæ voluntatis studio prædictus Richuinus venerabilis Comes nostram expetit serenitatem ut eidem monacho quandam villam quam illi quondam Ludouicus Rex per præceptum ad restorationem præfati loci contulit ex rebus sancti Michaëlis nomine Fraxinum, in qua habentur mansi viginti quatuor, cum omnibus ad se pertinentibus & decimis, cum omni integritate concederemus. Cujus petitioni libenter obtemperantes, digno recompensationis munere supranominato monacho ad restorationem loci, & ut geminatum die noctuque celebretur officium, canonici scilicet ordinis & monastici, diebus vitæ suæ præscriptam villam, ut libero in omnibus potiarur arbitrio, concessimus. Post ejus verò decessum, antiquam rerum suarum substantiam fratres inibi Deo militantes habeant, & præfatam villam, sicut suprà statuimus, cunctis temporibus possideant. Hanc autem testamenti paginam transcribi iussimus; per quam decernimus ut nullus successorum nostrorum Regum aut loci illius Abbatum quæ à nobis divini amoris respectu sunt ordinata violare vel auferre præsumat. Et ut verius credatur & diligentius observetur, manu propria subter firmavimus, anuloque nostro insigniri iussimus. Datum III. Idus Iunias, Indictione prima, anno XXI. regnante Karolo Rege gloriosissimo, redintegrante quidem XVI. largiore verò hereditate indepta II.

Actum monasterio sancti Arnulfi in Dei montine feliciter. Amen.

*Epistola Leonis VIII. Papæ de privilegiis
abbatiæ Montismajoris.*

Circa an.
964.

Leo Episcopus servus servorum Dei, Maurin-
go religioso Presbytero & monacho atque
Abbati venerabilis monasterii beati Petri Apostolorum
Principis, quod situm est territorio Provincie
in locoque Montemajore, & per te in eodem ve-
nerabili monasterio successoribus tuis in perpetuum.
Si semper sunt concedenda quæ piis desideriis con-
gruunt, quanto potissimum ea quæ pro divini cul-
tus prærogativa noscuntur, non sunt omnino an-
neganda, quæ sunt à largitoribus non solum poscenda,
sed vi caritatis procul dubio exigenda. Igitur quia
petiit à nobis tua religiositas quatinus confirmare-
mus vobis & vestro monasterio in honorem videli-
cet beati Petri Apostoli [fundato,] quod situm est
in Monte qui major [dicitur,] pro voto & amore
dilectissimi & carissimi filii nostri Imperatoris cum
summa reverentia nominandi Ottonis & Adalaïse
carissimæ Imperatricis conjugii ejus filie carissimæ
nostræ spirituali, ut privilegium sedis apostolicæ
largiamur, ipso namque monasterio in integro cum
Ecclesiis suis, terris & silvis, fundis & casalibus, cum
servis & ancillis, & monasterium desertum anti-
quumque Horluc cum omnibus adjacentiis vel perti-
nentiis suis, necnon & villa quæ Tunneto cum ser-
vos & ancillas, vineis seu terris, cum omnem da-
tionem & publicam functionem, quæ sita est in co-
mitatu Bedarese, pariter & cellam sancti Honorati
in integro cum omnibus sibi pertinentibus, sitam in
comitatu Aquense, ubi dicitur Rocca fraudosa, &
sunt in comitatu Tolonensi; castrum qui nuncupa-
tur septem furnos cum omnibus appendiciis suis,

id est, villis, salinariis, piscationes, salinas quæ vocant Eras, & omnia ibidem pertinentia, & sunt in comitatu Arelatenſi; terra ſancti Petri in caſtro Foſſis, vallem quæ nominatur ſancti Petri ab iſſis Eccleſiis, in primis ſancti Petri, ſancti Martini, ſancti Iuliani, ſancti Geneſii, ſancti Hermetis; & in ponte vaſo uno qui Venroſo vocatur; & in comitatu Avenionenſe, in villa quæ vocatur Caſus, ſunt manſi octo & Eccleſia diſrupta cum ſervis & ancillis; & in comitatu Regenſi curtem quæ nominatur Criſelgis, cum ſervis & ancillis, ſive etiam & aliis locis quæ à priſcis temporibus in eodem monaſterio à Chriſtianiſſimis hominibus conlata fuerunt, vel quæ amodo in antea conceduntur, per hunc noſtrum apoſtolicum privilegium vobis veſtrisq; ſucceſſoribus in perpetuum confirmamus; quatinus ſub iuriſdictione ſanctæ noſtræ, cui Deo auctore præſidemus, Eccleſiæ conſtitutum, nullius Eccleſiæ iuriſdictioni ſubmittatur, præſtante prænominato monaſterio ſanctæ noſtræ Eccleſiæ pro luminariis ſolidos quatuor. Quòd ſi propter longiquitatem itineris aut forſitan inimicorum diſcrimen, aut propter regni diſſidium, ſuperius nominatam penſionem quotannis ſolvere non potueritis, liceat vobis poſt tertium aut quartum annum de præteritis annis omnem ſimul penſionem nobis noſtræque Eccleſiæ perſolvere. Pro qua re piis votis faventis ac noſtra auctoritate id quod à tua religione expoſcitur effectui mancipamus; & ideo omnem cuiuſlibet Eccleſiæ ſacerdotem infra præfati monaſterii ditionem qualibet auctoritate, niſi ab Abbate monaſterii fuerit invitatus, Miſſarum ſollemnitatem celebrare omnino prohibemus, ſtatuentes atque promulgantes apoſtolica auctoritate ſubinterminatione futuri iudicii nulli licere noſtrorum ſucceſſorum Pontificum vel aliæ cuiſlibet magnæ parvæque perſonæ, tam Dux, ſive

Marchio, aut Comes, sive tam gastaldus, vel cuiuscunque dignitatis præditus sit homo, hæc quæ à nobis intentione decreta sunt privilegia pia in quocunque convellere, potius firma stabilitate inconvulsa manere definimus, atque anathematis vinculo, nisi resipuerit, perpetuis temporibus observanda. Qui verò pio intuitu custos & observator hujus nostri privilegii, præcepti, confirmationis paginam in omnibus extiterit, benedictionis gratiam a retributore omnium bonorum Deo consequi mereatur & vitæ æternæ particeps efficiatur. Curæ ergo tuæ sit monasterii fratres quo præses egregiis moribus ac vita inreprehensibili exornare, ut profectò juxta id quod subiectos apostolicis privilegiis maluit inconcussè dotando, desideret potius & anhelet ininviolabili cœlestis affluentiae munere diurnis disciplinæ precibus decorandos. Sit profectò communis & sincera vita, sit sobria communionis sinceritas; ut quibus mundus est mortuus ac sepultus, per incentiva contentionis vitia minimè suscitetur; quia incassum quis & frustra laborare cognoscitur si superbiæ vitiatorum auctrici colla summittere sentiat. Sit excelsa in Deo humilitas, quia per hanc electi arcem cœlestium munerum possederunt. Sit igitur ante oculos mentis & corporis traditionum regula, quam sancti quidam tradiderunt patroni, ut unusquisque prælatus noverit qualiter debeat imperare subiectis; ne dum aspersa & non unicuique, servari aptissima videntur imponi, atque ad contemptum prorumpant de imperantis indiscretionem subiecti. Sit itaque moderata vivacitas, sit sollicitudinis supereminens in fratribus serenitas; ut dum regulariter omnes qui se Deo integerrimè conferunt per obedientiæ lineam bene servientes temporalia, ad gaudia cœlestis patriæ perveniant sempiterna. Et hæc quidem quæ ad sollicitudinem pertinent dixisse sufficiunt. Ante om-

nia verò redemptoris nostri misericordiam cū in-
gemiscimus, redemptionem nostram expectantes
enixius cum singulis gentibus expectamus, ut ea quæ
pietas flagitat, fragilitas humanæ conditionis suffi-
cienter atque confidenter de sui auctoris suffraga-
tione adimpleat. Scriptum per manus.....*Cetera
desunt.*

*Litteræ Vvigfridi Episcopi Virdunensis de
Ecclesia Alieri.*

NOverit omnium sanctæ Dei genitricis Mariæ
Virdunensis Ecclesiæ fidelium clericorum &
laicorum tam præsentium quàm futurorum indu-
stria quòd ego Vvigfridus præfatæ Ecclesiæ, quam-
vis indignus, Episcopus, anno nostræ ordinationis
VIII. in sancta residens synodo, relatum est ad au-
res nostras capellam in nostro episcopio juxta Ec-
clesiam sancti Michaëlis in honore sancti Martini
sitam causa necessitatis noviter factum esse, de qua
cunctis temporibus ad sancti Syrii Ecclesiam subje-
cta fuit decima. Sed tamen ille* cui beneficium erat * cujus
Bertaldus fidelis noster inquit: Faciam eam stare per
se. Tunc verò Abbas nomine Oddo, cui prædictæ
Ecclesiæ providentia erat commissa, venit Virdu-
num ad generalem synodum, & talia nobis retulit.
Facta autem inquisitione in ipsa sancta synodo, re-
perimus eam constructam esse temporibus Hale-
vinci prælibatæ Ecclesiæ Abbatis & Harcheri, cui
beneficium tunc temporis erat. Nos denique plura
exempla a sanctis patribus sequentes, hanc nefari-
am* consuetudinem communi nostrorum clerico- * constru-
rum & laicorum consensu irritam duximus, & ne ctionem.
in postmodum fieret auctoritate nostri ministerii
omnimodis prohibuimus. Iudicio denique nostro

fideliū & consensu in plena synodo septem fideles Presbyteri secundū legem probaverunt potius subjectam esse ad præfatam Ecclesiam quā ad illud beneficium prænotatum; quorum hæc sunt nomina.

*Deest unum
nomen.*

Ermenardus, item Ermenardus, Vvinierus, Savilis, Vvagineus, Gonbertus. Post illud videlicet sacramentum, bannum nostrum, ne aliquis deinceps mutire aliquod præsumeret, indiximus, & omnes circumfidentes pari voto assensum præbere iussimus. Et ut hoc remissionis scriptum per succedentia tempora permaneret stabile & inconvulsū, manu propria illud firmavimus, manibusque nostrorum fideliū, clericorum scilicet & laicorum, roborandum esse decrevimus, stipulatione subnixa. Actum sub die v. Kal. Mar. anno vi. regnante Ottone Rege filio domni Ottonis Imperatoris Augusti. Signum Gotdefridi Comitis & Vicedomini. S. Givardi. S. Gotberti & Milonis geminorum. S. Ramberti. S. Erlebodi. S. Bertoldi. S. Rotberti. S. Folchradi. S. Eremboldi. S. Richarii. S. Sertonis. S. Rotmari. S. Riculfi. S. Oddonis Abbatis. S. Adalardi Abbatis. S. Halevinci Præpositi. S. David Decani. S. Dudonis Presbyteri. S. Milonis Abbatis. S. Berneri Primicerii. S. Hadeboldi Archidiaconi. S. Amalrici Archidiaconi. S. Richeri Archidiaconi. S. Ermunberti Presbyteri.

*Gregorii V. Papæ epistola de privilegiis
abbatiæ Montismajoris.*

An. 998.

Gregorius Episcopus servus servorum Dei. Convenit apostolico moderamini pia religione pollentibus benivola compassione succurrere & poscentium animis alacri devotione impertiri assensum. Ex hoc enim lucri potissimum præmium à conditore

conditore omnium Deo proponeremur, cum venerabilia loca ordinata ad meliorem fuerint sine dubio statum perducta. Igitur ob hoc universitati pateat credentium quoniam abbatiam in honore sanctæ Dei genitricis semperque virginis Mariæ Dominæ nostræ & sancti Petri in Monte Majoris constitutam per hujus nostræ auctoritatis privilegium integerrimè corroboramus & confirmamus in perpetuo, cum omnibus videlicet Ecclesiis, oraculis, curtibus, massariis ad ipsam respicientibus quæ ab aliquibus fidelissimis Christianis eidem sancto monasterio concessa sunt, vel quæ etiam per aliqua munimina ad eundem pium locum pertinere videntur, eo scilicet ordine ut monachi ipsius cœnobii simul cum Abbate qui pro tempore fuerint, prætaxatas Ecclesias, oracula, cortes, massarios, servos, ancillas, aldiones & aldianas, sine alicujus majoris vel minoris personæ contradictione habeant, teneant & possideant, atque in eorum usum ac sumtum prout melius præviderint distribuant, nostra apostolica auctoritate concedente. Insuper etiam ex nostro dono nostra apostolica auctoritate in usu & salario præfati venerabilis monasterii in perpetuum concedimus & confirmamus, castrum videlicet in integrum, qui vocatur Biduino cum territorio ibidem pertinente & cum omnibus adjacentiis vel pertinentiis suis quæ Ismido per donationis cartulam Domino Deo & sancto Petro sub jure nostræ sanctæ Romanæ Ecclesiæ donavit, ea videlicet ratione ut post diem obitus sui & de tres filiis suis nominativè, Bermundus scilicet, Faraldus; & Lotgerius, totum ipsum castrum nostrum in potestate de monachis ex supra dicti monasterii devenirent, & quamdiu vixerint ipsi supradicti tres filii suis medietatem de supra dicto castro teneant & possideant. Mortuo verò uno portionem illius ad monasterium.

revertat, & ita prosequentibus quando aliis obierint, similiter portionis illorum in sancto monasterio revertatur. Censu verò pro jure sancti Petri, sicut ipse Ismido constituit, infra quinque annos tres libras olibani monachi ad altare sancti Petri persolvant. Hanc omnia supradicta loca cum omnibus eorum pertinentiis per hujus nostri privilegii auctoritatem monachis ipsius monasterii tenenda & possidenda concedimur in perpetuo, ita ut nullus Dux, neque nullus Episcopus, neque Princeps, neque Marchio, neque quælibet magna parvaque persona de præfatis omnibus rebus quæ inibi pertinere videntur audeant molestare vel inquietare, necnon sub divini judicii promulgatione & confirmatione & anathematis interdictione corroborantes decernimus ut nullus Episcopus seu quilibet sacerdotum in eodem venerabili cœnobio pro aliqua ordinatione sive consecratione Presbyterorum vel Diaconorum, Missarumque celebratione, nisi ab Abbate ejusdem loci invitatus fuerit, venire ad agendum præsumat; sed liceat monachis ipsius loci cujuscunque voluerint ordinationis gradû suscipere ubicunque voluerint. Abbates namque qui consecrandi erunt de ipsa congregatione cum consilio fratrum communiter eligantur, & ad eum consecrandum quemcunque voluerint Episcopum advocent. Si quis autem temerario ausu, quod fieri non credimus, contra hujus nostræ apostolicæ confirmationis seriè venire aut agere temptaverit, sciat se Domini nostri Apostolorum principis Petri anathematis vinculo innodandum, & cum diabolo & ejus * atrocis pompis atque cum Iuda traditore Domini & Salvatoris nostri Iesu Christi in æternum ignem concremandum simulque in voraginem tartareosq; chaos demersum cum impiis deficiendum. Qui vero custos & observator hujus nostri privilegii extiterit, bene-

* sociis.

ditionis gratiam & vitam æternam à Domino consequatur. Scriptum per manum Petri Notarii & scriniarii sanctæ Romanæ Ecclesiæ in mense Aprilis, & Indictione undecima.

*Arnoldi Episcopi Halberstatensis epistola ad
Henricam Episcopum Herbipolensem de in-
stitutione episcopatus Bambergensis.*

HEinricho Episcopo Arnoldus. Diu & multum Circā an.
quæsitus, Domine mi, patere tandem ali- 1011.
quando jam te inveniri. Nescio quo infortunio
meo, quotiens in ista terrarum venero, quæ lon-
gissima tu peragrabas, & semper dum in altera
ripa fluminis te nuntiatum quæro, jam transisti in
alteram, nequaquam ut saltim litteris te conveniam
opportunitatem dans. Iacent adhuc in scriniis meis
litteræ torpentes jam dudum tibi directæ, quas le-
gatus meus postridie regressus, te non invinto,
frustra se accepisse testatus est. Haberem tamen, si
auderem, plurima tibi suggerere & de ista commo-
tione rerum tuarum, qua te ultra quam credi posset
perturbatum sentio, ac de nostra etiam, quos tibi,
infirmas res nostras Deo donante miseratus, in pa-
trocinium vindicasti, defensione. Te autem salvo,
res nostræ in portu navigabunt. Quocirca dimissis
interim nostris, rebus tuis, quod modò magis pre-
mit, si aliquo modo mederi possit invigilandum est.
Adjutorium nostrum à Domino; qui fecit cælum &
terram. Quid est hoc, Domine mi; quòd tanto te
mærore afficis? Quid contigit tibi unde torquere
te habeas? Etiam si periculi aliquid foret, esset tamen
ferendum; quia levius fit patientia quicquid corri-
gere est nefas. Istud verò unde nunc te affligis, si
diligentiùs intueri vis, Deo propitio unde jure gau-

deas non dehabebis. Tu autem, quasi aliquid insuperabile tibi evenerit, rem tuam tam enerviter tractas. In conventum fratrum tuorum venire recusas, cum quibus incommoda tua evincere debueras fugis, magnam tibi invidiam conflas; conspectum Regis, quasi aliquid in se commiseris, devitas. Quid est hoc quod tibi importas? Vbi est sapientia illa quam in te dudum satis acutè vigilasse conspeximus? Ista quæ tu facis, non videntur esse vigilantis, sed gravi quodam sopore depressi, non clarè vidētis, sed durè lippientis. Expergiscere, Domine mi, aliquantulum, & capeffe te ipsum. Nescio quibus fascinantibus extra te ductus es. Enitere quoad possis ut ad te ipsum revertaris. Loquitur vox divina: *Surge qui dormis, & exurge à mortuis, & inluminabit tibi Christus.* Tu primus aut inter primos, etiam antequam Rex fieret, dominum illum tibi prælegisti. Tu postea quantum poteras, sicut magnificè poteras, ut Rex fieret institisti. Proinde tanta in invicem suavitate conjuncti, tanta caritate devincti, te nemo in liberaliter serviendo sibi devotior, se nemo in amicabiliter accipiendo paratior, prorsus glutine quodam & vinculo amicitiae quasi inseparabiliter colligati fuistis. Postremo ubicunque vel quandocunque aut necessitas postulabat aut jucunditas, etiam in vitæ periculo fideliter sibi suffragando non deeras. Cum hæc beneficia omnia in illum prærogas, & ex his penes se magnam tibi gratiam, amicitiam, caritatem jure conflaveris, quid est hoc quod modo tibi imponis? Cur cum bona promeruisti, malis te remunerari permittis? Difficile est rerum esse majestatis. Nec litteris, ut audio, nec legatis, parcendo, promittendo, supplicando, te ad se accersire potest. Quomodo potes in regno ejus habere pontificium si ad se venire refragaris? Quid dicturi sunt judices cum

in iudicio talia ventilabuntur? Vide ne serò peius fiat quod priùs melius fieri potuit, & ne rigor iste, non fortitudo, sed duritia magis habenda sit. Aliud est autem durum esse, aliud fortem. Durus nec in bonam partem flectitur. Cur ex grato ingratum, ex amico inimicum, ex munificentissimo tibi inliberalem facis? Quicquid tibi libuerat, prout pluribus visum est, apud illum obtinere potueras. Nonne tanta tibi potestas in his regionibus ab eo concessa est ut ad nutum tuum omnia pareant? Cui nos aut ceteros qui de te præsumant defendendos reliquis? Sit animus fortis, sed usque ad temperantiam. Quod modum supergreditur immoderatum, immoderatum intemperans, intemperantia vitium est. Amplius non progredior. Si non pro te, saltem pro ovibus tuis tibi timendum est. De periculo enim agitur rei publicæ tuæ. Si ita ut cœpisti perstabis, evenire potest in tantum eam vexari vel etiam diripi ut aut nunquam aut serò reparetur. Quapropter recordare, Domine mi, Ecclesiæ sanctæ cui præsides, recordare omnium qui tibi libenter serviunt. Loquere cum illis qui tibi non aliter ac sibi consultum volunt, cum Domino meo venerabili Archiepiscopo Vv. * spirituali tuo & patre & fratre, * Vviligiso cum Domino H. * fratre tuo uterino, item venerabili Archiepiscopo, cum Domino B. * Vvanglo to. num Episcopo, aliisque fidelibus & amicis tuis. * Burchard. Consilium quod tibi dent non repudies. Quod enim de te agitur, illorum pariter est tecum. Si istorum consilio fortè delinques, illis imputabitur. Habuit quoque fortuna sæpe regressum. Quod modò imminet tibi, in proximo fortassis continget & alteri. Ideo non nimis formidandum est ut modò tibi imponant quod ipsi paulò post ferre refragentur. Sanè pluribus fidelibus tuis in conventu fratrum tuorum, ubi ordinatio facta est, te in audientiam venire nol-

le displicuit, opinantibus, si omnino infirmare velles, te præsentem magis infirmari potuisse. Sed quia te donante, quoquo modo dederis, parochia data est, & multis religiosis ac venerabilibus viris comprobantibus ordinatio facta est, quodque tantis auctoribus roboratum ac ratum factum est, difficile annullari & irritum fieri valet, cedat quæso sanctitas tua illorum sanctitati qui huic ordinationi consentientes subscripserunt; roboretur ex te uno quod jam multorum religiosorum confirmavit collectio; conscribe cum aliis coëpiscopis & confratribus tuis; ne fiat intra sanctæ Ecclesiæ parietes divisio scismatis, sed potius in omnibus regnet unitas caritatis. Sentio jamdudum te mihi contrariare velle & injustæ suasionis notare elogio hujusmodi verbis. Sanctis & justis nimis injustum videri terreni imperii potentiam magis formidare quàm divinam, dilectione temporalis suavitatis provocare in se iram absque fine punientis. Sedem quoque episcopalem cui sedes, quam reperisti amplis honoribus auctam, per longa terrarum spatia dilatam, non esse fas tuo arbitrio vel exhonorari vel artari, te nolle subire supplicium causa perditionis rerum ecclesiasticarum. Absit a me ut, nisi desipiam, hujusmodi tibi persuadeam; magis, si ullo modo sciam, in hæc ipsa te ducere velim. Procedat Apostolus; loquatur pro me ille vas dilectionis, doctor gentium. Ecce doctor noster. Non enim ex Judæis sed ex gentibus nos. Quid ait Apostolus? *Omnis anima, inquit, potestatibus sublimioribus subdita sit. Non est enim potestas nisi à Deo. Quæ autem sunt, à Deo ordinata sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem adquirunt.* Ecce quid horror, ecce in quæ duco; immo non ego, sed Apostolus; immo non ille, sed per illum Deus; ut Dei ordi-

nationi non * resistis, nec ipse tibi dominationem * resistas
 assumas. Fortassis hoc est dominationem sibi assu-
 mere, ea quæ à sublimioribus junguntur superse-
 dere. Sed quia dum tecum eras, nimis acutum te
 & clarè videntem noveram, opinor hoc quod in
 canonibus legitur, honesta præcipienti obedi-
 dum esse, vivæ adhuc memoriæ recondideris, & hoc
 mihi superinducas, ideo te præcipienti nolle ad-
 quiescere quia inhonestum videatur Ecclesiam
 tuam diocesi sua privare. Sanctis patribus præde-
 cessoribus vestris, ut audivimus, non inhonestum,
 sed valde honestum & utile visum est in locis sibi
 commissis, postquàm in tantum crevit Ecclesia ut
 ipsi eam circuire & observare non valerent, alios
 sibi substituere sacerdotes & ex uno episcopatu
 duos aut tres facere; ut quod unus minùs posset, à
 duobus aut tribus cumulatiùs suppleretur. Sed jam
 errorum plena sunt omnia. Illi totam operam suam
 pro animabus lucrandis insumebant; nos quomodo
 corpora foveamus præcipuè satagimus. Illi pro cæ-
 lo, nos pro terra disceptamus. Non esset tamen ne-
 cesse. Terra nobis satis erit. De cælo videamus si
 velimus. In his omnibus temporale lucrum, quod
 homines magis tuentur, & in quo famæ tuæ detrahi
 formidas, non imminuetur tibi. Multò enim po-
 tiora, ut audio, atque utiliora jam reddidit, atque
 etiam redderet, & adhuc forsitan reddet, si tantum
 in audientiam venies, & secundum quod tui con-
 sortes tibi consulent ages. Liceat mihi pace tua
 hoc quod super eadem re mecum ipse sermocinatus
 es tibi in aurem susurrare. Nonne recordaris quòd
 in priore anno ad eundem locum B. * nobis equi- * Bamberg
 tantibus, me advocato ad te, hujuscemodi sermo-
 nem, quasi præscires, habere cœpisti. Si Rex ibi
 facere vellet episcopatum, facilè illum Ecclesiæ tuæ
 quod tibi utilius esset posse tribuere, te parvum in-

de fructum habere, totam illam terram penè silvam esse, Sclavos ibi habitare, te in illa longinqua vel nunquam vel rarò venisse. Nonne hæc in hunc modum dicta esse recolis? Cur modò difficile videtur quod tunc facile visum est? Ecce jam, ut confido, cognoscere potes me tibi injusta non suggerere nec hortari ut plus Regem timeas quàm Deum, sed ut illum propter hunc & diligas & formides, honestaque non præcipienti sed multiplicanti ac retribuere volenti concedas; leviusque tibi erit partito in alium onere, facilius quoque de paucioribus animabus procurandis rationem Deo reddere poteris. Quòd si adhuc sedere non vis, & quia legitur Deum regnare facere hypocritam propter perversitatem populi, resistendum putas, nisi aliquo argumento subjuatur, dicam inde quod sentio. Apostolus, organum Christi in. statum à spiritu sancto, fallere nequaquam potest. Quicquid sonat, verum est, sed intelligentiam quærit. Quotiens exigente malitia nostra a potestate nequam premimur, quicquid nobis ab ea præcipitur quod à fide non abhorreat & religioni catholicæ non adversetur, vadetur mihi esse faciendum. Dura, difficilia, molesta grassentur in nobis, parendum est. Quæ enim sunt, à Deo ordinata sunt. Ibi culpanda est pravitas nostra, non ferientis iustitia. Non enim nisi perversitate nostra regnaret hypocrita. Si quando verò huiusmodi aliquid à potestate illa nobis iungatur quod vel religionem vulneret vel ad peccatum vergat, liberè resistendum censeo. quamvis hoc non propriè, sed abusivè, dicatur resistere, errata declinare, & recto itineris gressu iustitiæ cursum peragere. Errata enim non recto dictu occurrunt, sed ex transverso & devio vementia, a recto tramite depellere volunt. Quippe errata non essent nisi à recto, falsè deviant. Unde & in operibus iustitiæ præ-

cipimur neque ad dexteram neque ad sinistram declinare. Hoc ita descripto, in his quæ à Rege postulantur nihil invenies, ut ego cognoscam, quod religionem lædat vel ad delictum inducat, verùm omnia divini cultus pietatem tueantur. Hoc & ipse in synodo miserabili attamen luculenta oratione perstrinxit, quia si se Deus privaret fructu ventris sui & humana prole exheredaret, se Deum, si dignaretur, libenter sibi heredem facturum; & ad hoc nimis humiliter omnium præsentium suffragia poscit. Si interfueris, ut propitium te sentio, procul dubio misereris. Igitur mitescat, oro te, animus tuus; laxa sinum pietatis tuæ, parce tibi, miserere tuorum. Quod hypocritæ Regi facere debueras, fac huic religionem astruenti. Honestæ postulat, eadem satis & super retribuere parat. Si quid Ecclesiæ tuæ corporalis spatii subtrahitur, hoc idem spiritali ædificatione suppletur; multòque honoratior erit fœcunda in filia quam omnino absque liberis sterilis remaneret & infœcunda. Aufer rubiginem à corde, hilarem te ad hæc omnia deinceps ostende. Non veniet serò quem Deus adjuvare vult. Vnde modò tristaris, decursa ista tentatione Deo propitio multum inde lætaberis. Tentatio est vita humana super terram. Non est homo qui non bibat de calice isto. Convertat Deus luctum tuum in gaudium. Nimis angustor quòd tam dudum est quòd te nec audieram nec videram. Ideo vellem aliquid audire tuorum, sive per litteras, sive per vivam vocem. Sed sit arbitrato tuo. Satis operosus es, non audeo magis te defatigare.



*Epistola Vvalonis ad Vvidonem
Episcopum.*

Domino venerabili Vvidoni gratia Dei Episcopo Vvalo peccator, orationem, servitium. Quamvis medicus ipse non sim, novi tamen duo esse officia medicinæ, unum quo ægritudo curatur, alterum verò quo sanitas conservatur: quæ licet ex unius artis fonte oriantur & profluant, aliud tamen esse videtur appetere sanitatem, aliud ipsius sanitatis inconcussam assequi firmitatem. Illud primum temporalibus rebus, ultimam autem solis æternis innititur. In altero ergo mortalis infirmitas exercetur, ab altero verò omnis mortalitas absorbetur. Alterum nobis præbet sanctæ conversationis exemplum, alterum præstat interius incrementum. Quia enim inutilia temporalia ab amore nos æternitatis abruperant, congruum omnino iustitiæque conveniens fuit nos per utilia temporalia ad statum pristinum revocari. Venit igitur medicus ille cælestis qui ex divina virtute & infirmitate humana salutiferam nobis commiscuit potionem, ejus haustu omnium eam bibentium præcordia sanarentur. Haber quidem illud poculum divinum in se ut omnibus prosit, sed non opitulatur nisi bibatur. Bibere autem imitari est. Quisquis igitur illud antidotum amando & imitando ad inferiora transfuderit, profectò nullius imperus morbi saluti ejus poterit oblectari; quia inde super se humana est infirmitas roborata, unde sub se divina est firmitas infirmata. Quia ergo tu mirabiliter medicinæ hujus peritia, usu, officioque præpolles, volui nuper tuam adire præsentiam, multa tecum de artis hujus eminentia ejusque professoribus tractaturus. Et ego


quidem non dubito ipsam artē semper inreprehensibilem fore, semper inviolabilem, semper invictam. At cum ad professores illius mentis aciem oculosque detorqueo, tanta mihi in eis apparet absurditas ut indignum putem atque nefarium eorum manibus tanta medicamina bajulari. Denique nostris modò temporibus eorum pervicaci temeritate, non solum in dilacerationem Ecclesiæ, sed etiam in ipsius artis, quod dictu nefas est, contemptum & injuriam undique prosilitur. Quis enim parvulorum hæc jurgia fraterna conspiciens, non in ipsa fide titubet & medicinalis militiæ certamina reformidet? Quid vero potest esse miserius quàm cum ipsa medicina, quæ à modo nomen accepit, excedendo modum nimiumque sequendo quò morbi duxerint, manus vertitur in perniciem, & cujus officium erat mortem repellere, sit ipsa materia moriendi? Hæc, prohi dolor, nunc fieri cernimus, & dolemus. At magnos animos non ista concutiunt scientes oportere scismata & hæreses exoriri, ut partium adversarum conflictibus perfectorum sit fides & vita probatior. Sicut enim lumen tenebrarum comparatione fit gratius, sic nimirum discussa atque convicta amaritudine hæreticæ pravitatis fit dulcior inventio veritatis. Veruntamen omni studio & ingenti cura est providendum ne in populo Dei hujusmodi scandala oriantur, aut si exorta fuerint, summa cum festinatione & sollerti diligentia comprimantur. Omnia ergo cum caritate facienda sunt, & modestè defendenda est veritas, verbisque mitibus sunt monstra placanda: quia & Orpheus canendo ab inferis reduxit uxorem, & Arion ut marinos fluctus evaderet, fidibus Delphini terga promeruit, nosterque David refugam spiritum a Saul cohibuit modulando. Non ideo certè ista referimus quasi principibus liceat

contra Ecclesiam superbire, cum Isaias proclamee non eos debere illudere, ne fortè eorum vincula constringantur, & Hieremias arguat optimates & nobiles fregisse jugum & objecisse vincula disciplinæ. Noverint igitur principes nullis majorem necessitatem impositam studendi probis moribus quàm his qui præcellunt honoribus; quorum scilicet officium est terrori esse malis, ut corrigant, & bonis exemplo, ne corruant. Vnde obsecro ne desinas ammonere nostrum egregium Principem ut habeat pacem ad Deum, & omnes turbulentias quibus ejus temporibus conquassatur Ecclesia, correctione morum studeat consopire. Nam sicut eminentium virorum est vitium omne conspectius, multi de illo multa referunt quibus vel ipse pollui possit auditus. Sed absit à nobis de tanto viro tam nefaria credere, & eum vilissimorum spirituum captare præsidia, quem in arce regni divina misericordia collocavit. Et ipse quidem me nuper equo Seiano & auro Tolosano donaverat; sed ex cacofecis vultus ejus facile deprehendi quantum me periculum sequeretur, si sub illo vel cum illo diutius oberrarem. Nam in quodam colloquio subito miris modis expalluit; & nescio quid barbarum fremens, eo me vultu exterruit quo quondam Marius percussorem. Multa tecum familiariter, quæ modò dicenda non sunt, conferre volueram, certissimè sciens de pectore tuo quasi de quodam divino aditu me responsa si lei congrua relaturum. At ille veredarius quem præmiseram apud Sigebergense cænobium mihi anhelus occurrit, asserens te longè ab Ecclesia tua ultraque Danubium palatinis negotiis occupatum. Ingemui, fateor, & dolui vehementer non me tuis aspectibus tuisque complexibus tuisque, alloquis perfrui potuisse. Scribe ergo quid velis me facere, quidve tu agas, reddas me quæso tuis litteris certiorè. Vale.

*Charta Landulphi Episcopi Ecclesie
Taurinensis.*

DVm in Dei Christi nomine Landolphus Taurinensis Ecclesie venerabilis Episcopus in sede
 sui episcopatus resideret, & de statu suæ Ecclesie, Circa an. 1030.
 quo pacto, quibus modis, de tot periculis seu invasionibus sancti Iohannis Ecclesia liberari posset, cogitare cœpit. Hac itaque sancta atque anxia trepidatione sollicitus, Ingeriaco oppido caput Iohannis præcursoris Domini repertum audiens, dignum & maximum esse duxit, si contra persecutorum molimina ejus quæreret oracula cujus nominis honore sancta viget Ecclesia. Denique suorum clericorum seu laicorum fidelium consilio, Dei sanctique Iohannis fultus præsidio, eò pervenit ubi tanti patris caput conditum esse audivit. Dum ibi diutissimè de tranquillo suæ diocesis quæreret, lætique lacrymarum fletus ad Dominum funderentur, partem capitis dignissimi præcursoris Domini apud Vvilelmum Comitenti & Iffonem Santonensem Episcopum necnon & Abbatem * Rainaldum, qui * Arnoldus.
 tunc temporis loci illius præerat, vigili petitione præfatus Pontifex impetravit: quam alacri corde suscipiens in omnibus consultus Pontifex, tanto senatori debere aliquid intellexit. Concessit igitur Vide Catalogum Sanctorum Italiz pag. 541.
 prout potuit de suo eidem monasterio Ecclesiam sancti Secundi in territorio urbis Taurini, cum omnibus pertinentiis & appendiciis suis; eo tamen ordine ut omni tempore die noctuque Missæ matutinæ omnesque horæ pro statu loci, secundum quod potuerint, ibi solvantur pro anima prætaxati Episcopi Landulphi ejusque parentum, pro animabus etiam omnium fidelium tam vivorum quam

defunctorum. Sit tamen licitum ipsi Abbati de prædictis rebus Ecclesiæ sancti Secundi in ædificandis tectis & ad construenda quæque ædificia, seu etiam & ad concinnanda luminaria, & in quocunque loco ipsi Ecclesiæ utile esse videtur quicquid voluerit facere sine omni sua contradictione sive successorum suorum; ea tamen ratione ut omni tempore sit in potestate Taurinensis Episcopi qui tunc eo tempore fuerit emendandi & corrigendi quicquid inhonestum & inordinatum visum fuerit. Si quis igitur Marchio sive Comes, magna parvaque persona contra hoc nostrum decretum ire tentaverit, aut aliquam contradictionem facere præsumserit, sit anathematis nigra voragine merfus. Et ne quis fidelis auditor hujus decreti dubitet hoc nostræ jussionis esse paratum, manu propria subscribere curavimus. Landolphus indignè vocatus Episcopus huic decreto à se facto subscripsit. Ego Adam Notarius hoc decretum scripsi & subscripsi.



Narratio de electione Abbatis Soricinenfis.

Ann. 1071.

Quanta sit omnipotentis Domini clementia, & quàm multæ miserationes ejus lætificantes corda sperantium in eo, nulla sufficiet vel mens percipere, vel lingua eloqui: qui ubique præsens, ubique memor Ecclesiæ suæ, quam sibi salutari sanguine adquisivit, clamantium ad se preces non aspernatur, sed à præparato habitaculo suo respiciens super timentes eum, in necessitatibus consulit, in angustiis eis auxiliatur. Unde etiam Soricensi Ecclesiæ dextram adjutorii sui porrigere dignatus est. Quæ cùm patris esset orbata regimine, & quasi mariti solatio mulier destituta, per decem

ferè annos vidua permaneret, complacuit fratribus loci, monachis videlicet ejusdem cœnobii, ut fufis ad Deum orationibus precarentur quatinus ipse, qui verus fidelium consolator est, talem illis permitteret Abbatem eligere qui eos secundum regularia præcepta ad viam veritatis sciret erudire. Invenere igitur, divino disponente consilio, fratrem quendam nomine Raimundum, virum bonæ conversationis, atque monachilis ordinis amatorem; qui & morum probitate & utriusque doctrinæ legis honestissimè pollebat. Quod cum indicassent domno Froterio venerabili Nemaufensi Episcopo, qui multum eandem diligebat Ecclesiam præ magnitudine sanctarum reliquiarum quas procul dubio ibidem noverat esse, qui etiam consilio & opere plurima sæpe beneficia supradictæ contulit Ecclesiæ, respondit idem sibi multum placere, quoniam frater ille quem sibi pastorem cupiebant & regulariter commisso sibi gregi præesse sciret & esuriientibus filiorum animabus pabulum sacræ prædicationis exhibere. Electus est ergo superscriptus iste frater Raimundus, & consecratus in Abbatem in civitate Tolosa in basilica sanctæ Dei genitricis & virginis Mariæ, consilio domni Alexandri Papæ atque Hugonis Blanc Romanæ sedis Cardinalis, consensu etiam & voluntate domni Durandi Tolosæ civitatis antistitis, qui divina gratia commotus dedit & concessit & laudavit & confirmavit Domino Deo & beatæ Mariæ monasteriis Soricinenfis & Abbati Soricinenfi, Raimundo scilicet prænominato, & monachis ipsius loci præsentibus & futuris, omnes Ecclesias & possessiones Ecclesiarum quas milites & laici Tolosanæ diocesis sive nostræ potestatis quocunque modo tenent vel acquisierunt ab Abbate vel à monachis monasterii Soricinenfis aut abstulerunt, ut recuperent eas

Abbas & monachi quocunque modo potuerint, & recuperatas teneant, & possideant omni tempore cum omnibus prorsus pertinentiis suis, & regnant ad honorem Dei & beatæ Mariæ & Ecclesiæ sancti Stephani. S. Fraterius Nemausensis Ecclesiæ Pontifex. S. domni Raimundi Abbatis sancti Papuli. S. Isarni Præpositi sancti Saturnini. S. Isarni Garmalberti. S. Vgonis Escafredi. S. Isarni Guilaberti. Anno ab Incarnatione Domini MLXXI. XVIII. Kal. Septembris, regnante Philippo Rege Francorum. Ato Raimundus hanc cartam scripsit.

*Litteræ Pibonis Episcopi Tullensis de cella
Asmantia.*

QVoniam de incertis certa requirenda sunt, utile & necessarium est posteris ea litteris commendare. Ego igitur Pibo Tullensis Episcopus notum facio meis successoribus quoniam inter Sophiam Comitissam & hodiernam sanctæ Clodesindis Abbatisam controversa diu fuerat ne capella sub Asmantia sacraretur, ideo quod in territorio domni Martini constructa erat. Sophia autem multotiens non adiit, ut consilium nostrum in hoc poneremus. Denique convocato Hermanno Metensi Episcopo, consilio & auxilio ejus apud Abbatisam obtinuimus ut si censuales redditus quos habebat Comitissa Sophia apud Layez ei tribueret, & Aremfridum, Badinum, & Lampizonem cum quartariis & foresta de Eingiviler ei benignè concederet laude sua & capituli sanctæ Glodesindis capella sacraretur. Huic consilio interfuit Abbas sancti Mansueti Albricus, Evrardus sancti Apri, Hugo noster Primicerius. Post hæc, presente Her-
manno

manno Metensi Episcopo & Abbatiſſa Hodierna donum cellæ, donum capellæ caſtri in manu Abbatis ſancti Michaëlis Sophia Comitiffa poſuit cum decimis arengalium & ſtirpalium & indominicatum & decimas omnium quæ acquirere poſſet ex proprio ære. Cartam itaque fieri ſibi expetiit de libertate cellæ, quam liberam feceram laude capituli noſtri ab omni exactiōe, vicarium liberum qui utrique deſerviret & cellæ capellæ caſtri, qui etiam vicarius fidelitatem faceret Abbati ſancti Michaëlis de his quæ eſſent ſui juris, fidelitatem etiam Abbatiſſæ de his quæ ad eam pertinerent, conductum vicarii Abbati ſancti Michaëlis benigne annuens, & in perpetuum ſcripto aſtipulans. Cujus petitioni libenter annuimus, impoſito ſigillo noſtro & banno. Ut autem certiùs teneatur & ſciatur, præſens chirographum conſcribi rogavimus cum ſignis illorum qui interfuerunt. Hocque pactum firmatum eſt illo anno quo Ieroſolymam iturus eram, anno ab incarnatione Domini milleſimo LXXXV. Indictione VIII. epacta XXII. concurrente II. papante Gregorio VII. regnante Henrico III.

Signum Pibonis Tullenſis Episcopi. S. Hermanni Metenſis Episcopi. S. Albri Abbatis. S. Manſueti. S. Evrardi Abbatis. S. Apri. S. Hugonis Primicerii. Hi autem ſunt teſtes de familia, Maimboldus, Bovonius, Ernyco, Enzelinus, per quorum manus xxx. libræ Metenſis monetæ Hodiernæ Abbatiſſæ traditæ ſunt.

Præterea antecellores prædictæ Comitiffæ Sophiæ manſum infra ſuburbium civitatis juxta portam quæ dicitur Eckeardi ſancto Stephano protomartyri dederant in Raimbaldi angulo, ſed per longa tempora oblivioni traditum fuerat. Renovatum eſt ergo donum per manum noſtram, & præſenti ſcripto confirmatum, ut memoria antecellor-

rum ejus in nostra carta firmius habeatur, maximè pro libertate cellæ Asmantæ, quam liberam feceram ab omni exactiōe.

Sophia Comitissa de eadem Cellâ.

EGo Sophia Asmantæ Comitissa notum facio successoribus meis quod Theodoricus Dux capellulam sub Asmantia in suo proprio fundo construxit, quam in honore sancti Sigismundi sacrare volebat, & de suis propriis locupletare, sed mortis sorte præventus mortuus est. Post longum verò temporis ego Sophia Comitissa capellulam amplificavi & reedificavi, eamque sancto Michaëli devovi & donavi cum capella castri & decimis arengalium, & stirpalibus & indominicaturis & omnium illorum quæ acquirerem ex illa die. Rogavique domnum Pibonem Episcopum Tullensem ut eam consecraret. Sed Abbatiſſa sanctæ Glodesindis, quia in territorio domni Martini constructa erat, Piboni Episcopo vetuit ut non sacraret illam. Ego autem Sophia consilio domni Pibonis & Hermannii Episcopi Metensis, Albrici Abbatis S. Mansueti, & Evrardi sancti Apri, & suorum fidelium, censuales redditus quos habebam apud Layez Hodiernæ Abbatiſſæ sanctæ Glodesindis tradidi, datis insuper Arenfrido, Badino, Lampazino, cum quartariis & foresta de Invegiler. Et sic consilio & auxilio Abbatiſſæ & laude capituli sui donum præscriptum in manu Sigisfridi Abbatis sancti Michaelis posui. Et sic terminata controversia, consecrata est capella in honore sanctæ Mariæ Virginis, & libera facta ab omni exactiōe, sicut in carta ejusdem domni Pibonis scriptum est, ut vicarius sanctæ Mariæ liber esset, & utrique deserviret capellæ, mihi & meis successoribus conductum vicarii tribuens

& in perpetuum astipulans. Hocque pactum firmatum est illo anno quo dominus Præsul Pibo Tullensis Ierosolymam perrexerit, anno ab incarnatione Domini millesimo octogesimo v. Indictione viii. epacta xxii. concurr. ii. papante Gregorio vii. regnante Henrico iii. S. Pibonis Episcopi Tullensis. S. Hermannii Episcopi Metensis. S. Albrici Abbatris sancti Mansueti. S. Evrardi Abbatis sancti Apri. Signum Hugonis Primicerii. Hi sunt testes de familia, Maimboldus, Bovonius, Emico, Enzelinus, per quorum manus xxx. libras Metensis monetæ Hodiernæ Abbatissæ tradidi, cujus sigillo præfens scriptum insignitur. Denique ab antecessoribus meis Ecclesia Tullensis mansum infra suburbium civitatis juxta portam Ekeardi in Raimbaldi angulo habebat. Hoc donum per manum domni Pibonis renovatum est, tum pro salute animæ meæ, tum pro libertate cellæ Asmantæ, quam liberam fecerat.

De eadem causa agitur in chartis 84. 85. 86. ejusdem chartularii; ex quibus apparet Theodericum Ducem fuisse avum Sophiæ Comitissimæ, cumque successisse jure hereditario Comiti Folmaro in Almantia.



Litteræ quibus Dominus Abbas Odelricus sancti Michaëlis ad Mosam apud Apostolicum Urbanum secundum impetravit ut sepultura circa hanc Ecclesiam constitueretur, quæ ab initio congregationis usque ad tempus ejus apud vetus monasterium agebatur.

An. 1098.

VRbano sanctissimo patri, universis Ecclesiæ catholicæ filiis desiderabili, Vdelricus peccator cœnobii sancti Michaëlis minimas Abbas, plus servulis procurator, & sibi commissa congregatio, obedientiam cum devotione, subjectionem cum humilitate, orationes cum dilectione. Omnes in Christo, beatissime Papa, secundum Apostolum unum sumus; & licet tu in terris omnium nostrum caput esse proberis, in cœlis tamen sub principali capite nobiscum membrum haberis. Caput enim nostrum Christus. Quapropter tecum, sanctissime pater, diligimus quod in ipso diligis, cruciamur in quocunque pro ipso cruciaris, respuimus quicquid est sine ipso quod respuis. Vnde & pravitatem erroris hujus tyranni Heinrici & ejus sequacium respuimus; sed, proh dolor, in nostra patria valde raros respuentes socios reperimus. Omnes enim ferè qui vestris hæcenus præceptis obedire videbantur, tyranni communionem retro abeuntes socios suscipiunt, & non suscipientes damnis terrenæ facultatis & afflictionibus quamplurimis lacerare contendunt. Nos autem, quoniam te verba vitæ habere cognovimus, tecum in terra laboriosè vivere vel gloriosè mori non abhorremus. Tandem sanctitatis vestræ paternitati debemus manifestare quod à vobis per has litteras desideramus

impetrare. Tempore longo, pater dulcissime, Ecclesia nostra consuetudinem tenuit, quæ valde nobis onerosa, frequenter subvertendæ religionis generat occasionem & generavit. Fratres enim nostri morientes circa cœnobium nostrum non sepeliuntur, sed ad quandam cellulam nostram, & in alto cacumine montis statutam, à cœnobio longo miliario disjunctam, atque umbrosa nemoris densitate circumvallatum efferuntur. Hæc vetus monasterium nominatur, quoniam in exordio sui nostra congregatio primam conversationem illic habuisse memoratur. Vnde talem consuetudinem velut quodam privilegio sui prioratus retinuit, ut quotienscunque fratres nostri moriuntur, ad eandem gravi labore, sive per fervorem ætatis, sive in hyeme, per varias inæqualitates aëris, religione etiam detrimentum patiente, asportantur. Novit autem sanctitatis vestræ prudentia quàm sit utile servis Dei septa monasterii frequenter exire, seculares personas obviam habere, locum verborum seu scurrilitatis invenire. Quapropter religiosi Abbatibus nostræ religionis visum est ut circa Ecclesiam nostram, quam novam construximus, sepulturam de cetero constituamus. Et licet sola Episcopi licentia dicatur posse fieri, nos tamen absque dulcedine vestræ auctoritatis facere non adquevimus. Deprecamur igitur ut filii patrem quatinus auctoritatem quam consili de pietate vestra quærimus, eandem per litteras vestras vel per sigillum suscipere mereamur. Quod si nulla familiaritatis causa ad hoc impetrandum nos apud vos adjuvat, saltem desiderium religionis, quam sic retentare laboramus, pro nobis intercedat. Valete.



Auctoritatis apostolicæ rescriptum.

Edita lib. 6.
de Re Di-
plom. pag.
190.

VRbanus Episcopus servus servorum Dei dilecto filio Vdalrico Abbati sancti Michaelis salutem & apostolicam benedictionem. Benignitati tuæ gratias agimus, quia venerabilibus fratribus & coabbatibus, Rodulpho scilicet & Lanzoni, fraternæ caritatis sinum expandis, & persecutionis æstu laborantes tuæ quietis umbraculo protegis, sicut nos ex ipsorum relatione comperimus. Vnde & rogamus ut quod cœpisti nunc magis pro nostræ postulationis reverentia vigilantius ac devotius prosequaris. Quod verò nobis legatione petitoria suggessisti, de construendo videlicet circa novam Ecclesiam cœnobii vestri cimiterio, siquidem fratribus laboriosum & religioni contrarium est, ut scripsisti, ad veteris Ecclesiæ locum, quia longius sita est, fratrum funera deportare, nos præsentium litterarum auctoritate concedimus. Data Laterani vii. kal. Aprilis anno ab incarnatione Domini secundum Dionysium millesimo nonagesimo octavo, secundum verò certiore evangelii probationem millesimo centesimo xxi. Indictione vi. Epacta xv. concurrente iv.

*Placitatio inter Abbatem Lanzonem sancti
Michaelis ad Mosam & Abbatissam
Ioviniaci.*

An. 1118.

IN nomine Domini nostri Iesu Christi. Rerum gestarum series litteris idcirco scribenda mandatur quatinus ad posterorum notitiam veritas factorum, nulla falsitate intercedente, perveniat.

Eapropter controversiam quæ inter Abbatissam Ioviniacensem Haduidim & Lanzonem Abbatem sancti Michaëlis, qualiter mota est & terminata concordia, ego quidem Centius Scriniarius de quarta decima regione trans Tyberim stilo & memoriæ commendanda suscepi, sicut mihi à venerabilibus Vvillelmo Prænestino & Matthæo Albanensi Episcopis, necnon Iohanne Cremensi de titulo sancti Chrysogoni, & Gerardo de titulo sanctæ crucis, & Huberto de titulo sancti Clementis, atque Gregorio Diacono sancti Angeli Cardinalibus iunctum est. Quæ quidem quæstio quemadmodum inferius legitur sic cœpta & finita est. Clamavit siquidem Ioviniacensis Abbatissa super Ecclesiam de Spiregia ante Dominum Alberonem Metensem Archidiaconum, in cuius parrochia prædicta Ecclesia est, & ad cuius iudicium spectat, adversus Abbatem sancti Michaëlis, quod Ecclesiam illam à Ioviniacensi monasterio prius possessam injustè abstulerit & retinebat. Abbas è contra respondit se eandem Ecclesiam nemini abstulisse, sed in illam legitimè, dono scilicet Comitissæ Sophiæ, & concessione diocesani Episcopi, introisse. Quid plura? Data est à prædicto Archidiacono iudicii dies. Convenerunt utrinque. Clamavit itidem prolocutor Abbatissæ, & dixit se possedisse Ecclesiam illam, & injustè sibi ablatam fuisse, seseque testibus ut mandaretur probare paratam. Econtra Abbas, Non abstuli, inquit, eam tibi, sed dono Comitissæ Sophiæ, proprii etiam Episcopi assensione in eam legaliter introivi, eandemque Ecclesiam cum omnibus ad eam pertinentibus uno & quadraginta annis sine legitima interruptione possedi. Hujus negotii actioni sive discussioni interfuit Stephanus Metensis Episcopus. Interfuerunt etiam Abbates, Bertrannus sancti Arnulfi, Herbertus sancti Simpho-

riani, Theduinus Gorziensis Abbas, & Abbas Rodolfus sancti Petri de Monte, cum multis aliis sacerdotibus & clericis. Electi sunt iudices, Gislebertus, Albertus, Bartholomæus. Quæsitum est à partibus utrum aliquid amplius dicere haberent. Responderunt se nihil amplius habere. Itum est in partem. Iudicandum est ut si Abbas probare posset duobus idoneis testibus sese præscriptionem temporis, id est, unius & xl. annorum, inconcussam habere, nullam super hoc pati debere ulterius inquietudinem. Cum autem sententia proferri deberet, Abbatissa indignando recessit, & omisso fratre suo Alberto Primicerio Virdunensi sedem apostolicam appellavit, nullum tamen gravamen quod pateretur insinuans, neque adversus quem appellaret, sed neque diem ullum appellationis indixit. Postea tamen eadem Abbatissa ad Dominum Papam querimoniam suam depositura pervenit. Vocatus est & Abbas. Data est dies Dominica mediæ quadragesimæ, qua cantatur *Latere Ierusalem*. Processerunt partes. Vnaquæque jus suum in medium protulit. Cum autem utraque pars eandem quas apud Archidiaconorum pro se rationes protulerit, quæsitum est utrum novas aliquas allegationes haberent. Respondit Abbatissa de annis quos sibi Abbas præfixerat xviii. quibus Ecclesia sua vacaverat, & quatuor quibus ipsa clamaverat sese velle subtrahere; & hoc se probare testibus, si iudicaretur, asseverabat. Præterea privilegia Romanorum Pontificum, Urbani scilicet & Paschalis, quæ prædictam Ecclesiam confirmabant suo monasterio, prætendebat. Quæsitum est etiam ab ea si de interruptione illa & annis quos inutiles Ecclesiam suam habuisse dicebat in conspectu prædicti Archidiaconi & constitutorum iudicum fecerat mentionem, vel si tempore quo privilegia facta sunt Iovi-


niacense monasterium prædictam Ecclesiam possidebat. Quæ respondit, neque annorum se mentionem fecisse, siquidem credebat solum hoc quod aliquando possederat, sibi & Ecclesiæ suæ posse sufficere, sed neque cùm privilegia facta sunt, monasterium suum in illius Ecclesiæ possessione fuisse dicebat. Quæ omnia postquam Dominis Episcopis & Cardinalibus plenius intimata sunt, videlicet quomodo Mertis causa ventilata est & iudicata, quid etiam hic in præsentiarum Abbatissa superaddere voluit, tunc demum visum est Dominis Episcopis & Cardinalibus prædictum Archidiaconum secundum audita satis canonicè processisse. Veruntamen quoniam iudicium quadam parte imperfectum remansit, visum est Domino Papæ causam eandem concordia potius quam iudicio terminandam. Vnde prædictis Episcopis & Cardinalibus præcepit ut ad pacem inter eos componendam elaborarent. Qui in partem secedentes, & causam totam diligentius indagantes, cognito etiam quod Abbatissa nullam in eadem Ecclesia requirenda iustitiam haberet, laboribus mulieris & expensis potius quam iustitiæ consulentes, laudaverunt ut Dominus Abbas monasterio Ioviniacensi viginti libras Cathalaunensis monetæ terminis statutis persolveret. Abbatissæ autem præceperunt ut Ecclesiam eandem, & omnia quæ ad ipsam pertinent, in manus rufutaret Abbatis, quod & factum est. Quibus omnibus ego Cencius sanctæ Romanæ Ecclesiæ Seriniarius interfui, & sicut à prædictis Dominis & Cardinalibus mihi præceptum est, stilo & memoriæ per hoc publicum instrumentum retinenda mandavi. Actum est hoc in palatio Lateranensi coram Dominis Episcopis & Cardinalibus, Vvillielmo Prænestino, Matthæo Albanensi, Iohanne de titulo sancti Chrysogoni, Gerardo de titulo sanctæ

crucis, Huberto de titulo sancti Glementis, & Gregorio Diacono sancti Angeli, anno dominicæ incarnationis MCXXVIII. temporibus Domini Honorii secundi Papæ, pontificatus ejus anno quarto, mensis Martii die ultima, Indictione sexta. Huic concordie interfuerunt isti, Mainerus Trevirensis Archiepiscopus, Henricus Tullensis Episcopus, Alberto Primicerius Metensis, Hugo magister, Godofridus Trevirensis, Seroardus Archipresbyter Metensis, Rodolfus de Tudinio, Stephanus Cantor Virdunensis, Rodulfus magister, Rodulfus presbyter, Petrus miles frater ejus, Vvarnerus de Nonfart, Roricus Tullensis, Herbertus scholasticus sanctæ Mariæ Magdalенæ,

Privilegium Innocentii Papæ II. de prædicta Ecclesia Tyriaci.

Innocentius Episcopus servus servorum Dei dilecto filio Lanzoni Abbati sancti Michaëlis ejusque successoribus regulariter substituendis in perpetuum. Quæ ad pacem Ecclesiarum sunt debemus paterna provisione statuere & earum quieti atque utilitati salubriter providere. Proinde, in Domino dilecte fili Lanzo Abbas, decisionem controversiæ quæ inter te & Haduicem Iuviniensem Abbatissam pro Ecclesia de Tyrcio in præsentia venerabilium fratrum nostrorum bonæ memoriæ Vvillelmi Prænestini, Matthæi Albanensis Episcoporum, necnon Iohannis Cremenensis tituli sancti Chryslogoni, Gerardi tituli sanctæ crucis, Huberti tituli sancti Clementis Presbyterorum Cardinalium, & nostra ante assumptum apostolatus officium rationabiliter facta est, auctoritate apostolica confirmamus & ratam atque inconcussam futuris temporibus manere decernimus, & perpetuum silentium super hoc

eidem Abbatissæ ejusque successoribus indicimus, atque juxta ea quæ ab eisdem Episcopis & Cardinalibus exinde statuta sunt, ut præfata Abbatissa à calumnia quam pro jam dicta Ecclesia de Tyrcio vestro monasterio inferebat omnimodis conquiescat, eundemque locum cum suis appendiciis vestrum monasterium quierè possideat, præsentī sanctiōne statuimus. Nulli ergo hominum liceat te vel successores tuos super hac nostra confirmatione temerè perturbare aut aliquam vobis exinde diminutionem vel contrarietatem inferre. Si quis autem ausu temerario contra hæc venire præsumpserit, indignationem omnipotentis Dei & beatorum Petri & Pauli Apostolorum ejus incurrat, & excommunicationi subiaceat quousque à sua præsumptione resipuerit & congruè satisfecerit. Amen. Amen. Dora Laterani per manum Aimerici sanctæ Romanæ Ecclesiæ Diaconi Cardinalis & Cancellarii xii. Kal. Maii, Indictione 11. incarnationis dominicæ anno m̄cxxxix. pontificatus verò Domini Innocentii Papæ 11. anno x.



*Epistol. 1 Thomæ quondam Abbatis Mauri-
gniensis ad sanctum Bernardum Abbatem
Clarevallensem.*

Domine delectissimo & in Christi visceribus
honorando Bernardo Dei gratia Clararum val-
lium Abbati Thomas suæ sanctitatis servus & filius
salutem. Vestri loci nomen vestræ & sub signis ve-
stris militantium congruit actioni. Lucetis enim
in medio nationis prævæ atque perversæ veluti
magna luminaria, in mundo verbum vitæ conti-
An. 1144.

nentes, & habitatis in convallibus quæ frumento illo abundant quod misit Deus in Iacob & cecidit in Israël. Hæc intuens, fiduciam concepì scribendi celsitudini vestræ modicus homo & abjectus in domo Dei, de commotionem ea, quam patior licet invitus, sanctitatis vestræ reposcens antidotum. Causa autem hæc est. Albericus, vir apostolicus, Episcopus Ostiensis, cum sub Romanæ legationis officio Gallias circuitet & perambulet terram miraculo faciendo, de quorum multitudine

* Vide to.
xv. Duche-
snii pag.
385. 387.

& magnitudine reticemus, Macharium * nepotem suum, læsæ opinionis hominem, corpore pinguem, corde duplicem, ore bilinguem, de nova parvaque & paupere abbacia in antiquam, magnam, & divitem sancti Benedicti abbatiā transposuit, inaudita hac conventionē interposita, ne Cluniacensis ordo inibi intromitteretur, neve quisquam de fratribus illis ad aliquem locum Cluniaco subditum mitteretur. Cui hoc mortiferum simoniacæ hæreseos venenum non olet, profecto dono caret discretionis, & spiritualium narium foetidissimo abundat polypo. Quid enim hoc est nisi vendere religionem, justitiam, veritatem, & non ingredi per ostium? Putans igitur Episcopus quod nil sibi posset obstinere, alterum nepotem suum Lancelinum omni conatu nititur Ecclesiæ Mauriniacensi subrogare; quod Macharius, dum loco præset, non solum se facturum promiserat, sed etiam indubitanter adjuverat. Nam progenies hæc de toxicaro trunco sumens originem, squamis squamas adjungit, & Ecclesiæ culturam præoccupat, & sub umbra atque potestate viri supradicti alitur, ac invitis omnibus coalescit, pecunias & præbendas adquirendo condonatione gravium culparum & turpium redemptione personarum Clamores adversariorum audiunt quam libentissimè. At si Præsulis Albiñi &

martyris ossa Rufini discapitata rutilaverint, nox ilico vertitur in diem, niger color albescit, Protheus ludit in pelago, protinus mutantur omnia; rident qui flebant, flent qui ridebant, & ut vulgari proverbio dicitur, non evangelici, sed Sydonii piscatores aqua turbida retia mittunt, & licet multiplicia, auro & argento sua faciunt marsupia. Harum exactionū immanitas non ideo fit ut sancta Romana Ecclesia, quæ nunc populi sui seditione commovetur, auxilietur, sed ut generatio prava & perversa rapinis Ecclesiarum sustentetur, ditetur, sullimetur ad superbiam, diffluet ad luxuriam, confirmetur ad nequitiam. Sed spuria vitulamina non dabunt altas radices, quia omnis plantatio quam non plantat pater cœlestis eradicabitur. Denique in hoc quoque negotio spe sua frustrati sunt. Erat namque Lancelinus vir nequam & intractabilis, pelle rufus, facie fulmineus, mente sanguineus, nostri temporis Phalaris alter; ob idque jure meruit pati repulsam rei quam diū desideraverat, & ad quam tam turpiter * quia patenter aspiraverat. * quā De aliis quæ fama dispergit tacendum est. Nulli enim & omnibus credere; teste Seneca, vitium est. Episcopus tamen auctoritate confusus, vinci nesciens, cœptis vehementer insistit; & si me, qui diū loco præfueram, & nunc à monachis, clero, populo, militibus, proceribus expetebam, posset obruere, desiderata se credebat firmiter obtinere. Parisius igitur in palatio, in conventu venerabilium personarum, Rege præsentem simul & curia, moderatōnis abrupto fœno, in amicum absentem, qui sibi servierat, qui Macharium in Abbatem sibi subrogari fecerat, multa jaculatus est & ita dictante plurima concessit quibus veritas non consentit. At cū per hæc pulmonem non sedaret, & eadem usque ad tædium quorundam quibus sanior

& ideo clarior oculis inerat multiplicaret, cùm se nihil proficere videret & penè deficere, Priorem sancti Martini de Campis, sub quo militabam, & in privilato loco secesseram, evocat, & auctoritate qua præcellit præcipit quatinus quid de me sentiar adjuratus coram cunctis edicat. Ille verò, sicut ex condito machinatum erat, (nam & die præterita legatum quem capitulum mittebat ad me ut quantocius Parisius venirem retraxit ab itinere) asserit me sic corpore delibatum ut vel hanc vel alteram obedientiam non possem implere. Hic stilum retrahō, & impono digitum ori meo. Scriptum est enim : *Principi populi tui non maledices. Et : Mihi vindictam, & ego retribuam. & : Falsus testis non erit imputatus.* Quantum enim id devium sit à verò, propitia divinitate ipsa res indicat. Nam de infirmitate in qua me servum vestrum vestra sullimitas visitata est sanus & membris omnibus incolumis convalui, excoctis humoribus quos ex infirmitate loci ubi plus minùs quinquennio inhabitaveram, contraxeram. Mox Episcopus verbum arripit, & cum austeritate & imperio monachos jubet discedere, ac indiscussis electione & persona, aliam festinato personam præcipit eligere, de his & similibus his summo justoque judici rationem redditurus. Has propter res oculus interioris hominis mei, mi dulcissime pater, conturbatus est, & albugine præoccupante pupillam, ad intuitum veri luminis tremulus palpitat & deficit. Sciens igitur in campis amplius me pacem habere non posse, titubo fateor utrum ad Majus-monastetium redeam, ubi me juvenis dedi & in communi capitulo me fieri monachum devovi, an ad Ecclesiam Columbensē, in qua quibusdam causis emergentibus monachi vestes indui & professionem feci, & cum mitterer ad abbatiam Mauriniacensem, me Columbas rediturum,

ſi eam reliquiſſem, ſpopondi. Pluat ergo mihi Deus per vos cœleſtem rorem, & quod devotè exopto & ſupplex expeto, veſtræ conſolationis mereat habere reſcriptum. Valere.

*Litteræ Manegaudi Abbatis ſancti Michaëlis
ad Moſam de renovanda memoria
Ducis Volſandi.*

IN nomine ſancti trinitatis. Ego frater Ma- Circa an.
negaudus per Dei gratiam proviſor Eccleſiæ ſan- 1150.
cti Michaëlis, reminiſcens tam ampliſſimorum be-
neficiorum quæ nobis contulit piæ memoriæ Dux
Volſaudus fundator noſtri cœnobii, aliquam ſpe-
cialiter recompensationem animæ ipſius & Alſindæ
conjugis ejus retribuere dignum duxi. Comuni
itaque totius capituli mei conſilio & conſeſſu
omni die & in perpetuum unam præbendam
eis dare diſpoſui in cibo & potu quemadmodum
uni de Eccleſiæ fratribus. Et ut hoc firmiter teneatur,
ſub vinculo obedientiæ & anathematis roboravi
auctoritate patris & filii & ſpiritus ſancti, &
ipſius beati Archangeli Michaëlis & ſancti Petri &
omnium ſanctorum Dei, ut quicumque hoc infringere
præſumpſerit, anathematizatus & ſequeſtratus
ſit à conſortio ſanctæ Eccleſiæ & omnium fidelium
Chriſti. Fiat, fiat. Amen. Amen.



*Monachum sancti Michaëlis ad Mosam
querimonia ad Archiepiscopum Trevirensē
de injuriis Comitis Rainaldi
Barrensis.*

SVb alas vestræ protectionis, reverentissime domine & pater misericordissime, nos curæ vestræ pusillus grex & oves pascuæ vestræ à facie inimici confugimus. & ante pedes majestatis vestræ prostrati, lacrymabilem calamitatis nostræ querimoniam deponimus. Regnantibus Childeberto Sygiberti & Brunichildis filio & ejusdem filio Teoderico, Ecclesia nostra a quodam nobili Comiti Volfaudo fundata fuit; & eo sine liberis decedente, sub tuitione ipsorum Regum, quorum sedes regia Mettis erat, & succedentium Regum vel Imperatorum permansit; quorum largitionibus augmentata, privilegiis roborata, defensione protecta, libertatis suæ tenorem consecravit usque ad tempora Othonis Imperatoris. Tunc siquidem quidam Dux Lotharingæ Fridericus tutelam ipsius Ecclesiæ, quæ eatenus Regum & Imperatorum fuerat, in dominium sibi usurpavit, & de tertia parte præditorum Ecclesiæ castrum suum Barrum, quod extruxerat, casavit, nimirum faciliè subjugans terram sibi vicinam & à tutela regia longè remotam. Ex tunc ergo jam per quatuor successionum gradus tutelam vel dominium Ecclesiæ nostræ posterì ejus obtinuerunt; qui non contenti supraddicta tertiatione, etiam de duabus residuis partibus quamplures villas militibus in beneficia distribuerunt. Nostri quoq; temporis Comes Rainaldus, qui quinto illis gradu successit, quod majores sui nunquam fecerant, pecuniarum rapinas,

rapinas, quas vulgus talliatis vocat, per terram nostram primus agere cœpit, homines incarceratione, vi & suppliciis sua eis extorquere, ad firmanda castella sua cum suis sumptibus eos cogere, nimis frequenter per terram nostram dietare, nec suis sed pauperum sumptibus vivere, postremò tota terra nostra plus quàm sua omnibus modis abuti; & hanc tyrannidem filio suo Raynaldo, qui nunc est, dereliquit, contestatus tamen ei publicè se hæc omnia injustè egisse. At ille malitiam patris in tantum supergressus est ut homines nostri oppressionem ejus ferre non valentes, villas nobis vacuas relinquunt, reliqui nostra nobis solvere vel non possint vel contemnant, illum solum timentes, illi soli servientes. Cumque sedis apostolicæ justitiam superiore anno adversus eum expetissemus, super hoc ultra modum indignatus, & apostolicâ protectione nihil adhuc nobis proficiente immo officiente, & malitia oppressoris quotidie ingravescente, jam penè præ inopia rei familiaris domum vacuum deserturi, hanc unam adhuc spem suspicimus, ut quia Deo providente apostolicas vices suscipere meruistis, apostolicæ potestatis virga oppressorem nostrum coerceratis.

Vide epistolam Eugenii III. apud Vassenburg fol. 303.

*Litteræ Papæ Victoris Alberto Episcopo
Virdunensi.*

VICTOR Episcopus servus servorum Dei venerabili in Christo fratri Alberto Virdunensi Episcopo salutem & apostolicam benedictionem. Iusta postulantium desideria celeri sunt effectu prosequenda. De discretione & prudentia personæ tuæ, venerabilis in Christo frater, plurimum confidentes, petitioni tuæ, quam pro absolutione Ecclesiæ

sancti Michaëlis ab apostolicæ sedis clementia postulasti, grato tibi assensu annuere decrevimus. Inde est quod auctoritate apostolica liberam tibi potestatem absolvendi jamdictam Ecclesiam, quam ex præcepto prædecessoris nostri bonæ recordationis Adriani clausisti, concedimus, & eis qui in eadem Ecclesia divinis invigilant servitiis officia sua tam Abbati quàm monachis ex integro reddas. Ita tamen ut transactio illa quæ inter monasterium sancti Michaëlis & Ecclesiam sancti Dionysii pro bono pacis, præsentē utraque parte, assistente etiam venerabili fratre nostro Cathalaunensi Episcopo, per te rationabiliter facta est, firma & illibata permaneat. Decernimus enim utriusque Ecclesiæ paci sic providere ut omni contentione sopita, neutra de cetero super hoc laborare compellatur. Datum Papiæ xiiii. Kal. Martii.

*Alexandri III. Papæ epistolæ duæ pro
Ecclesia Albiensi.*

An 1165.

Alexander Episcopus servus servorum Dei dilectis filiis monachis Aureliacensibus salutem & apostolicam benedictionem. Causam quæ inter vos & venerabilem fratrem nostrum Episcopum & Canonicos Albienses super Ecclesia Viancii & super aliis quibusdam Ecclesiis necnon & super aliis quibusdam querelis quas adversus vos habent agitari dinoscitur venerabilibus fratribus nostris Rothemensi & Caturcensi Episcopis commisimus audientiam & appellatione remota sine congruo terminandam. Quocirca per apostolica vobis scripta mandamus quatenus cum ab eis propter hoc fueritis evocati, eorum præsentiam adeatis, & quicquid inter vos exinde judicaverint sine appellatione sus-

cipiatis firmiter & servetis. Datum apud Montempefulanum Kal. Augusti.

Alexander Episcopus servus servorum Dei venerabilibus fratribus Ruthenenſi & Caturcenſi Episcopis salutem & apostolicam benedictionem. Causam quæ inter venerabilem fratrem nostrum Episcopum & Canonicos Albienſes & monachos Aurelianenſes super Ecclesia Viancii & super quibusdam aliis Ecclesiis necnon super aliis quibusdam querelis quas adversus se habent agitari dinoscitur discretionis vestræ, de qua plenè confidimus, audiendam committimus, & remoto appellationis obstaculo sine congruo terminandam. Quocirca fraternitati vestræ per apostolica scripta mandamus quatenus, cum exinde fueritis requisiti, utramque partem ante vestram præsentiam convocetis, & rationibus hinc inde auditis plenius & cognitis, eandem causam mediante iustitia sine appellationis remedio decidatis. Datum apud Montempefulanum Kal. Augusti.

Epistola Innocentii III. de eadem re.

INnocentius Episcopus servus servorum Dei venerabili fratri Ruthenenſi Episcopo, & dilectis filiis Præposito de Montefalvio & Priori sancti Antonini Ruthenenſis diocesis, salutem & apostolicam benedictionem. Ex parte dilectorum filiorum capituli sanctæ Ecclesiæ Albigenſis gravem accepimus questionem quòd cum Ecclesiam beatæ Marciænæ canonicè fuerint affecuti, Canonici beati Salvii Albienſis pensionem viginti solidorum, quam ab eadem Ecclesia nomine procurationis percipere consueverunt, augmentare volentes, ipsos tam super hoc quàm super Ecclesia memorata contra ju-

An. 1104.

stitiam molestare præsumunt. Ideoque discretioni vestræ per apostolica scripta mandamus quatinus dictis Canonicis ut ab indebita eorum molestatione desistant, monitione præmissa, per cenluram ecclesiasticam appellatione postposita compellatis; nullis litteris veritati & iustitiæ præjudicantibus à sede apostolica impetratis. Quòd si non omnes iis exequendis potueritis interesse, tu ea, frater Episcopo, cum eorum altero nihilominus exequaris. Datum Ferentini xi. Kal. Iunii, pontificatus nostri anno vi.

*Pelagii Cardinalis tituli sanctæ Cæcilie epistola ejusdem argumenti ad Guillelmum
Episcopum Albiensem.*

VEnerabili in Christo fratri G. Dei gratia Albienfi Episcopo P. eadem gratia tituli sanctæ Cæcilie Presbyter Cardinalis, salutem & sinceræ dilectionis affectum. Intelligentes quòd Canonici Albienfis sedis adquisierunt Ecclesiam beatæ Marcianæ à quibusdam laicis, qui non consueverunt dare pro refectione quam debeant Canonici beati Salvii nisi viginti solidos, & iidem Canonici modò petant refectionem sibi & omnibus quos secum ducunt, per quòd Albienfis Ecclesia plurimum dicitur gravari, dignum videtur & rationi consentaneum ut intendatis quòd viginti solidos recipiant à Canonicis sicut à laicis recipere consueverunt. Rogamus ergo dilectionem vestram, de qua plenam spem & fiduciam tenemus, quatinus Albiensem Ecclesiam, quam nostram reputamus, quia ad honorem beatæ Cæcilie est constructa, gravari non permittatis, sed ut præfati Canonici sicut contenti nisi viginti solidis, taliter

operam detis ut vobis gratiarum actiones referre teneamur. Nos enim & capitulum Ecclesiæ nostræ ipsos in nostris orationibus recipimus, & eorum negotiis, quæ velut nostra reputamus, modis omnibus cum Deo & honestate volumus adesse.

Generatio Guillelmi Bastardi & quorundam aliorum magnorum.

Guillelmus Bastardus Rex Angliæ, Dux Normanniæ, dedit filiam suam uxorem Stephano Comiti Blesensi & Campaniæ: de qua idem Stephanus genuit Theobaldum Comitem dictarum terrarum. Theobaldus genuit filiam quæ nupta est Ludovico Regi Franciæ: de qua idem Ludovicus genuit Philippum nunc Regem Franciæ, Philippus genuit Ludovicum.

Dictus Guillelmus Bastardus genuit filium Henricum, qui post eum regnavit in Anglia. Iste Henricus habuit filium Guillelmum, qui sine herede mortuus est, & filiam habuit nomine Mathildem, quæ nupsit Henrico Imperatori Romano, qui sine herede mortuus est. Ipse Henricus Rex postea nupsit eam Gaufrido Comiti Andegavensi. Ipsa de eo suscepit filium nomine Henricum eorum mantelum, postea Regem Angliæ.

Iste Henricus genuit Henricum, quem ipse fecit coronari in Regem, & Richardum & Iohannem postea Reges Angliæ, & Gaufridum Comitem Britanniæ, & Iohannam Reginam Apuliæ; quæ, mortuo marito Rege Apuliæ, nupta est Reimundo Comiti Tolosæ. Et aliam filiam habuit, quæ nupta est Duci Saxoniz; de qua exivit Orto, qui postea Imperator factus est & depositus. Aliam filiam habuit, quæ nupta est Regi Castellæ; de qua sus-

cepit filiam nomine Blancham, quæ nupta est Ludovico filio Philippi Regis Franciæ.

Stephanus frater Theobaldi Comitis Campaniæ & Blesensis duxit uxorem Mathildim Comitissam Boloniæ; de qua genuit ipse Stephanus duos filios, qui mortui sunt sine herede, scilicet Eustachium, & Guillelmum; & filiam genuit nomine Mariam, quæ monialis facta est in Anglia, sed pro defectu heredum extracta est de abbatia, & nupta est Matthæo fratri Philippi Comitis Flandriæ; de qua iste Matthæus genuit duas filias Ydam & Mathildim, Yda est nupta Renaldo Comiti Domnismartini; de qua Renaldus genuit filiam nomine Mathildim, quæ nupsit Philippo filio Philippi Regis Franciæ. Mathildis nupta est Henrico Duci Luvaniensi, de qua suscepit filios & filias.

Dicitur Stephanus frater Comitis Theobaldi factus Rex in Anglia, qui nepos fuerat Henrici magni Regis Angliæ, cum potius regnum Angliæ spectaret de jure ad Mathildim Imperatricem filiam magni Henrici & ad Henricum filium ejusdem Mathildis. Sed quia Henricus filius Mathildis puer erat, non potuit regnum obtinere. Unde magna guerra facta est in Anglia tunc temporis. Tandem ita compositum est inter eos, quod Stephanus regnaret tota vita sua, & Henricus filius Mathildis post mortem ipsius Stephani regnum obtineret. Mortuo Stephano, Henricus coronatur.



*Sancti Anselmi Archiepiscopi Cantuariensis
Epistolæ septem.*

I.

DOmino & fratri carissimo Hernosto frater Anselmus salutem corporis quanta expediat, & animæ quanta sufficiat. Infirmittatis tuæ nimis ingravatam molestiam, mi dilecte pariter & dilector, prius quorundam narratione, deinde litterarum tuarum lectione cognovi. Qua de re ut taceam quantam assumpserim in animam meam compassionem, testis est mihi conscientia quia libenter ipsam totam transumerem in corpus meum passionem. Sed cum certum sit quia flagellat Deus omnem filium quem recipit, miro quodam modo eadem me caritas, & quia flagellis attereris, impellit ad compassionem, & quia ad hereditatem eruditus, invitat ad congratulationem. Pensandum enim nobis est, carissime, quantam secum ferant dolores illi consolationem, qui dum exterius nostra delicta purgant, quibus externi cruciatus intenduntur, ad filiorum Dei nos transferunt sortem, quibus superni regni gaudia promittuntur; ut dum exterior homo noster, quem cotidie necesse est corrumpi, flagellorum pondere pressus gemendo suspirat, interior homo noster, quem de die in diem oportet renovari, peccatorum gravamine relevatus exultando respiret. Quod nimirum tunc perveniet, si interior homo in exterioris afflictione non per impatientiam resultaverit, sed per gratiarum actionem cadentis manui consenserit. Cum enim semper placeamus omnipotenti Deo quotiens ejus dispositionibus in nullo dissonamus, tum maximè

placamus misericordem Dominum si vapulantes verberanti sponte consonamus. Cùm enim omnis ira nonnisi in adversantem se exerat, si se reus offenso per concordem de se sententiam consociet, necesse est ut irascentis motus deferbeat, quoniam jam adversarium non invenit quem feriat. Quapropter, carissime, cùm scriptum sit quia oportet nos per multas tribulationes introire in regnum Dei, cum flagellamur, inter nos & Deum beati Iob teneamus sententiam, qui nimis circumseptus doloribus dicebat: *Hac mihi sit consolatio, ut affligens me doloribus non parcat.*

II.

Venerabili dominæ regîa nobilitate, sed nobilius morum probitate pollenti Adelidi, frater Anselmus, sic cum temporali nobilitate virtutum ornamentis decorari ut in æterna felicitate mereatur Regi Regum copulari. De floribus psalmorum quod dignata est jubere dilecta mihi in Deo vestra sullimitas, nec citius nec melius potuit exequi fidelis vobis nostra humilitas. Tanto quippe obedientiâ nostra imperio vestro devotius successit quanto ipsum imperium à sancta devotione processit. Quam devotionem opto & oro ut omnipotens Deus sic in vobis conserveat & nutriet ut mentem vestram in terris suo dulcissimo affectu & in cælis suo beato aspectu reficiat. Exiguum & vile munus quod vobis mittit nostra pauper parvitas rogo ne despiciat vestra dives nobilitas. Si enim non est auro gemmisque crustatum, est certè totum caritativa fidelitate factum & fideli caritate donatum. Post flores psalmorum additæ sunt orationes septem; quarum prima non tantum oratio quantum meditatio dicenda est, qua se peccatoris

anima breviter discutiatur, discutiendo despiciatur, despiciendo humilietur, humiliando terrore ultimi iudicii concutiat, concussa in gemitus & lacrymas erumpat. In orationibus verò sancti Stephani & sanctæ Mariæ Magdalenæ quædam sunt quæ si intimo corde dicantur cùm vacat, plus tendunt ad accendendum amorem. In omnibus verò septem horrores vos ego servus & amicus animæ vestræ ut attendere dignemini, etiam si vos id melius faciatis, qua humilitate & quo affectu timoris & amoris offerendum sit sacrificium orationis. Valete & nunc & in æternum in Deo, valete, & libellum missum arram nostræ fidelitatis secundum Deum & nostrarum orationum, qualescunque sint, habete. In fine epistolæ profero quod per totam epistolam persuadere desidero. Omne quod amitti necesse est, etiam cùm habetis sullimi mente contemnite; ad id solum quod æternum beatè haberi potest, quamdiu non habetis humili mente contendite. Quod persuadere volo, ut spiritus sanctus persuadeat oſo, in quo tertio valete.

III.

Domino & patri, catholicis reverenter amando & amanter reverendo Archiepiscopo Lanfranco, frater Anselmus suus quod suus. Quoniam scienti aut tacendum aut breviter est dicendum, cùm tacere nolim nè non loquar quod & cui libenter loquor, breviter qualiter noster animus in paternæ vestræ sullimitatis fidelitate converſetur intimo. Sicut igitur cotidie desidero ut affectus amoris vestri cordi meo semper augeatur, ita nulla nostra ab invicem absentia efficere valet ut aliquo modo minuatur. De moralibus Iob mandastis. Sed dominus Abbas Cadumensis Vvillelmus & dominus

Hernostus fideles vestri invenerunt scriptorem, qui jam habens nostrum librum, vestrum, ut puto, incepit. Ut libros beatorum Ambrosii & Hièronymi habeam, ad hoc quod jussistis, laboravi & laboro. Sed eos nondum habere potui. Quàm verò citiùs potero, quod vos inde velle scio perficiam. Girardum vestrum de Flandria per vestræ pietatis largitatem Deo de mundo nostra suggestionem redemptum, unde me, si vester non essem, confiterer servum vobis emptum, die à vobis constituta sciat sanctitas vestra sine gravi jactura esse non potuisse absolutum à creditoribus suis. Venit tamen prima dominica quadragesimæ, vestram in se magnificè misericordiam prædicans, & qualiter nostræ non tam petitioni quam levi voluntatis significationi in ejus causadignatio vestra favit & semper se velle favere intimavit. Qui dixit se velle & quantum attingit ad hoc quod habet posse sic reddere quod debet ut aliquid quod secum offerret haberet, sed pro quibusdam impedimentis non potuisse secundum dictum ut oporteret. Rediit igitur, promittens se in pascha Beccum Deo assniente venturum & mansurum, si non quomodo volet, vel sic quomodo poterit. Si quid igitur peccavit quia promissionem vobis factam ad plenum non est executus, quoniam non id admisisse malitia videtur, peto securus, ut solè de vestra benignitate, quatinus filio vestro vicè patris liceat eum hoc reatu absolvere cùm nobiscum incipiet vivere. In qua re hanc certam præsumam concessionem, si nullam legero prohibitionem.

IV.

Domino & fratri Henrico frater Anselmus salutem. Cùm Romam tendentes transistis

prope nos, mirantes dolumus quia non potius per nos, donec audivimus hoc vobis prohibitum esse in eundo, sed concessum in redeundo. Expectavimus igitur domnus Abbas & ego & alii fratres & dilectores vestri adventum vestrum, spe falsa gaudentes, donec didicimus vos in Anglicam terram pertransisse, desperatione vera dolentes. Quod quamquam ego non sine aliqua rationabili causa factum esse, si bene vestram novi dilectionem, non credam, tamen ne qua, quod absit, vel contemptus vel modici amoris erga monasterium & fratres vestros de vobis maneat suspicio, mandate mihi quid aliis respondeam cur vestra nos in eundo & redeundo non visitatos præterit dilectio. Sicut enim desidero vos nihil operari quod vobis non expediat, ita nolo quemquam de vobis aliquid opinari nisi quod vos deceat. Innotescat etiam amico vestro si quid de re pro qua animum vestrum & aliorum verbis & à vestris litteris valde sollicitum ut parentes inviseretis agnovi effecistis, quatinus sciam utrum vobis debeam compati vel congaudere.

V.

Domino & patri reverendo Episcopo G. frater Anselmus dictus Abbas Becci temporalem prosperitatem & æternam felicitatem. Gratias agimus vestræ sanctitati, quæ nostras & fratrum nostrorum orationes postulando, suas nobis est dignata per dilectum fratrem nostrum domnum Riculfum concedere & suæ benivolentiæ auxilia, ubicunque opportunitas exhibebit, promittere. Ad quod quanto minus quod dignè recompensare possimus habemus, tanto magis quicquid possumus ad vestræ celsitudinis servitium & opere & voluntate

impendere debemus & Deum, propter quem nobis promittitis, orare ut ipse vobis secundum suam copiosam largitatem retribuatur quod nos propter nostram parvitatem non valemus. De filio vestro fratre nostro domino Ricoardo, quamvis honestius nobis esset & mallems prius servire quam aliquid petere, vestram tamen, quia ita res exigit, rogamus benignitatem quatinus illi propter nostrum amorem concedatis si quid de se aut de præbenda sua petierit quod vestra non dedecet honestatem.

VI.

Dilecto & patri reverendo Abbati Mainerio frater Anselmus salutem. Scitote quia quo iterum me vobis mandaveram non ibo ante octavas epiphaniæ Domini. Deinde nescio quando ibo aut si ibo. Interim si vobis placeret ut dominus Serlo ad nos, cum vobis opportunum esset, quantum juberetis moraturus veniret, mihi quidem placeret, & puto quia illi non displiceret. Precor sanctitatem vestram ut si vobis molestum non est, per vos notum fiat dominis & amicis nostris de Sagiensi monasterio quod de nostro mando itinere. Scio enim eos sicut vos sollicitè orare pro me & ejusdem itineris prosperitatem. Nec pœniteat caritatem vestram orasse pro itinere nostro, quia modò non eo. Potens est enim Deus servare mihi orationes vestras in opportunam diem. Valete.

VII.

Svo carissimo Domino Henrico gratia Dei Regi Anglorum Anselmus Archiepiscopus Cantuariæ fidele servitium & fideles orationes. Audivi quia vos Vvilelmum electum Episcopum Vvento-

nienſem præcipitis exire de epiſcopatu & de Anglia, quia non ſuſcepit conſecrationem quam illi voluit facere Archiepiſcopus Eboracenſis, & alii Epiſcopi. Vnde precor & conſulo, ſi ut fidelis Archiepiſcopus Domino & Regi ſuo, ne credatis conſilio illorum qui hoc vobis conſulunt, quia meo ſenſu non intelligo hoc eſſe ad veſtrum honorem. Nam ſatis eſt notũ quia ad me pertinet ejus conſecratio, nec alius eam debet facere niſi per me. Quod paratus ſum, ſi neceſſe fuerit, rationabiliter oſtendere, ſicut talis res oſtendi debet. Quapropter ſi illum expellitis de terra veſtra ut mihi non liceat eandem conſecrationem canonicè facere, videtur mihi quia diſſiſitis me de officio meo ſine judicio cur hoc facere debeatis. Precor itaque ut illum in pace in epiſcopatu manere permittatis, ſaltem uſque ad terminum noſtri reſpectus, ut interim mihi liceat illi facere conſecrationem quam debeo.

Aveſgoti monachi Cenomanenſis epiſtola ad ſanctum Anſelmum.

Aveſgotus cœnobii ſancti Petri Culturæ monachus Anſelmo ſalutem. Haſtenus amici atque familiares ſolummodò fuimus locutione; ſed minimè experti ſumus nos ſi neceſſe eſſet operatione. Ego jamdudum opto ut quid jubeas mihi; tuncque videres quantum de me confidere poteſ. Crede mihi, aut per me aut per meos parentes juffioni tuæ obedirem libenter. Verũ cum iſtud facere neg igit, à te hoc donum primus exigo. Habeo quendam meum nepotem jam juvenem, quem ſuper omnia curo; & ſi ferre valeres, deſidero eum manere tecum, tuo ut grammate erudiatur. Ad alios doctores ipſum mittere poſſum. Sed majorem

fiduciam in te haberem quàm in aliquo vivente? Valde securus ex eo fierem, si moraretur in loco in quo es. Cur fama Lanfranci atque Guimundi volat per orbem plus tua? Cur tamdiu lucernam recondis sub modio? Quid non recordaris poetæ dicentis: *Scire tuum nihil est, nisi te scire hoc sciat alter.* Ex te haud dubito quin annuas voluntati meæ. Verum deprecor te multùm ut mihi dicas quod servitium Abbati tuo congregationique subiectæ sibi offeram, ut hoc quod retuli permittant fieri saltem tres menses aut quatuor, si plus eis non libuerit. Igitur si verba mea, uti cupio, à vobis fuerint suscepta, manda mihi terminum quo te possim invenire; atque, incolumis fuero, illuc abibo. Vale carissime.

Responsoria Anselmi extat lib. 1. epist. 16.

Epistola Iohannis ad Anselmum.

Vide lib. 2.
ep. 41.

Suo domino & patri Anselmo frater Iohannes suus servus, quod domino servus, quod patri filius. Scimus certè, venerande pater, & verè scimus perspicacitatem vestram etiam in illis scripturarum nodis solvendo proficere in quibus plerique alii deficiunt. Quid igitur fides & simplex prudentia & prudens simplicitas vestra de tribus deitatis personis sentiat, ad communem utilitatem catholicorum diligentiam vestram mihi & quibusdam aliis scribere non pigeat. Hanc enim inde quæstionem Rocelinus de Compendio movet. Si tres personæ sunt una tantùm res, & non sunt tres res per se, sicut tres anguli, aut tres animæ, ita tamen ut voluntate & potentia omnino sint idem, ergo pater & spiritus sanctus cum filio incarnatus est. Dicit enim huic sententiæ domnum Lanfrancum Archiepiscopum concessisse, & vos concedere se disputante. Sed de tribus angulis & de tribus animabus

trinitatis & identitatis similitudini isti illa sancti Augustini trinitatis & unitatis similitudo de sole, qui una & eadem res est, & calorem & splendorem inseparabiliter in se habet, omnino resistit. A Deo, de quo agitur, trino & uno integritas vestra incolumis conservetur in præsenti & in futuro. Amen.

HVGONIS DE CLEERIIS

Militis Andegavensis commentarius de majoratu & senescalcia Franciæ Andegavorum olim Comitibus hereditaria.

Hoc scriptum fecit Fulco Comes Hierosolymitanus in Ecclesia Sepulchri de Lochis cum magna sepultus honorificentia de donis factis suis antecessoribus à Rege Franciæ.

CVM Deus voluit sublimare Rotbertum filium Ducis in Regem, Goffridus Grisagonella cum Spicilegii tribus millibus armatorum serviebat Domino suo Regi Rotberto. Ortho siquidem Rex Alemannorum cum universis copiis suis Saxonum & Danorum Montem Mortiaci obsederat & urbi Parisius multos assultus ignominiosè faciebat. In hac necessitate prælii Rex Rotbertus & pater suus ducatum primæ cohortis prædicto Comiti Goffrido Grisagonella tradidit, & ad persequendam exercitum Alemannorum ducem & consiliarium constituit. Persecutus itaque est Rex Rotbertus Regem Alemannicum, præeunte Goffrido Grisagonella, usque ad fluvium Esnæ. Comes verò Goffridus, gnarus pugnandi & assuetus, tantam stragem hostium super fluvium ediderat ante Regis Rotberti adventum quòd stagnum putares,

non fluvium. Alemannis itaque fugatis, Rex Rotbertus, congregato generali concilio, consilio patris sui & Episcoporum, Comitum, Baronum, dedit Goffrido Comiti quicquid Rex Lotharius in episcopatibus suis, Andegaviæ scilicet & Cénomaniæ, habuerat. Si quæ verò alia ipse vel successores sui acquirere pollent, eadem libertate qua ipse tenebat sibi commendavit. Nequitia Comitis Tricacensis non potuit sustinere prosperitatem Rotberti Regis. Sed ad ejus deprimendam perfidiam quàm majorem potuit exercitum Rex congregavit. Obsedit itaque Meludunum; & cum ibi diù sedisset, vidit quod nihil proficeret. Vocato itaque Goffrido Grisagonella, cum Andegavensibus suis sine mora ad consuetum properavit obsequium. Goffridus autem veniens præmisit constabularios suos, rogans ut ostenderetur ei qua parte sederet. Illi verò reversi nuntiaverunt domino suo quod tantus erat exercitus quod nullus erat eis ad obsidendum competens locus. Prædictum enim oppidum in insula Secanæ situm erat, circumdatum undique muro calce & arena composito. Videntes itaque Andegavi quod nullum poterant habere hospitium, induunt arma, prorumpunt per medium exercitum, transeunt fluctus Secanæ, dant assultum oppido virtute consueta, capiunt castrum. Quod exercitus non potuit per tres menses, illi dimidiæ diei spatio adepti sunt. Franci verò hujus gentis inauditam admirantes audaciam, ubicunque locorum ipsos omni laude magnificabant. Videns autem Rex tantam Principis strenuitatem & ipsum prævalere in regno tam armis quàm consilio, & quia hic & alibi bene meruerat, sibi & successoribus suis jure hereditario majoratum regni & regię domus dapiferatum, cunctis applaudentibus & laudantibus, exinde constituit. Hæc verba dixit Fulco

Comes

Comes Tescelino Capellano suo: Audi Presbyter
cujusmodi obsequia præstitit Comes Gaufridus
Grifagonella Domino Regi Rotberto. David Co-
mes Cenomannorum & Gaufridus Comes Corbo-
nensis dedignabantur recipere feodum suum à præ-
dicto Rege, asserentes nullo modo se posse subici
generi Burgundionum. Audiens autem Rex eorum
superbiam, & videns regni sui non parvam dimi-
nutionem, habito consilio cum Gaufrido Comite &
cum primatibus regni, tempore constituto & die
denominato decrevit obsidere castrum Moritonix.
Comes verò Gaufridus cognoscens adventum exer-
citus Regis, movens castra de Vindocino, dans as-
sultum prædicto castro virtute consueta & probi-
tate gentis suæ, Gaufridum Comitem & oppida-
nos suos minùs timentes cepit & domino suo Regi
tradidit. David verò Comes dedignans ad collo-
quium Regis venire, mandavit quòd nullo modo
se ei subiceret & quòd nullo tempore Rex Rotber-
tus Cenomannicam suam videre præsumeret. Au-
diens autem Rex arrogantiam & indignationem
prædicti Comitis, ipsum dedit & Cenomannicam
suam Gaufrido Grifagonella & suis successoribus
& dono regio tribuit jure possidendam.

Huc usque sunt scripta Fulconis Hierosolymitani.

VOs autem qui ista scripta audieritis, scitote
quòd ego Huo de Cleeris vidi scripta Ful-
conis Comitis Hierosolymitani in Ecclesia sancti
Sepulchri de Lochis de majoratu & senescalcia
Franciæ sibi & suis antecessoribus à Rege Rotber-
to collatis.

Inter Regem Lodovicum Philippi Regis filium
& Fulconem Comitem, qui postea factus est Rex
Hierusalem, magna erat dissensio. Fulco enim Co-
mes nolebat ei servire. Rex enim Lodovicus dede-

Circa an-
num 1118.

rat majoratum & senescalciam Franciæ Anselmo de Garlanda, & postea Guillermo de Garlanda, de quibus Fulco Comes suas redibitiones & sua hominia habere non poterat. Contigit autem Regem Lodovicum maximam guerram habere cum Henrico Rege filio Guillermi acquisitoris Angliæ. Ob hoc itaque Rex Lodovicus requisivit Fulconem Comitem ut de guerra ista eum iuaret. Comes verò respondit quod nullo modò ei servire debebat, eum namque de majoratu & senescalcia Franciæ exhereditabat. Tunc Rex Lodovicus per Amauricum de Monteforti avunculum Fulconis Comitis & per Gaufridum Abbatem Vindocinensem & Radulfum de Balgenciaco mandavit Comiti quòd de omnibus istis & maioribus aliis istorum consilio se versùs Comitem emendaturum. Comes igitur Fulco suos consulens homines, videlicet Rothbertum de Blo, Salinacium tunc Pincernam, Hugonem de Cleeris, Gaudinum de Vegia, & multos alios, respondit Regi Lodovico ut si hoc faceret quod mandaverat, quòd hoc & alia adjutoria quæ ab eo exigebat libenter faceret. Die autem illo quo consilium cap- tum est curia Andegaviæ erat repleta bonæ militiæ & sapientissimæ. Tunc Amauricus de Monteforti alii que qui verba Regis attulerant, laudaverunt Comiti Fulconi ut per quendam, quem Rex cognosceret, Regi responderet ac super his, antequam nuntii Regis forent reversi, festinanter grates & mercedes redderet. Consiliatores autem Comitis audientes consilium quod Amauricus dederat, laudaverunt illud consilium. Quod cùm Comitissa Aremburgis audiret consilium, laudavit quòd nullus iret nisi Huo de Cleeris. Ego itaque Huo de Cleeris perrexi Parisiis. Dehinc ad Guenoricum inveni Regem & Comitem Bellimontis. Eo itaque invento apud Guenore inter Pontesium & Bellumnon-

tem & Clavum montem, locutus sum cum Domino Rege. Primum illum salutans ex parte Comitis, reddidi ei grates & mercedes super suo mandato quod Comiti Fulconi mandaverat. Hinc ei dixi quod Fulco Comes ei suum offerebat servitium aut in presentiarum aut prius, si vellet, colloquium. Rex inde lætatus, dixit se multum prius velle colloquium. Assignatus est ergo & dies locus colloquii inter Marchesneium & Breium in Beaussam. Inter hæc mandavit Rex Comiti ut Gaufridum filium suum, qui nunc jacet in Ecclesia sancti Iuliani Cenomannensis, ad colloquium secum adduceret, illum namque multum optabat videre. Cumque dies instaret colloquii, Dominus Rex Lodovicus & Fulco Comes ad locum constitutum venerunt cum suis consultoribus; ibique recognita sunt jura Comitis, videlicet majoratus & senescalcia Franciæ. Guillermus de Garlanda tunc Franciæ Senescallus recognovit in illo colloquio hominum se debere Comiti Fulconi de senescalcia Franciæ, & inde fuit in voluntate Comitis. Post Guillerum fuit Senescallus Stephanus de Garlanda, qui fecit hominum Comiti. Post Stephanum Radulfus Comes Peronæ, qui similiter fecit hominia & servitium. Ille enim qui Senescallus erit Franciæ Comiti faciet hominum & talia servitia. Si Comes perrexerit ad curiam Domini Regis, Senescallus præcipit senescallis Domini Regis ut præparent & liberent hospitium Comiti. Cum Comes venerit, Senescallus ibit ei obviam, & conducet ad suum hospitium. Tunc Senescallus ibit dicere Regi Comitem Andegaviæ advenisse. Si Comes ad Regem ire voluerit, Senescallus ad curiam eum conducet, & de curia ad suum reducet hospitium. Si verò ad coronamentum Regis Comes ire voluerit, Senescallus præparare & liberare faciet hospitium quæ Comes habet pro-

pria & dedita. Cùm autem die suæ coronæ ad mensas Rex discubuerit, scamnum pulcherrimum fulcrò pallii aut tapeto coopertum Senescallus præparabit, ibique [Comes] & sui comites quousque fercula veniant sedebit. Cùm verò primum venerit ferculum, Comes se defibulans è scamno surget; & de manu Senescalli ferculum accipiens, ante Regem & Reginam apponet, & Senescallo præcipiet ut exinde per mensas seruiat. Et Comes retro sedebit donec alia veniant fercula; & quemadmodum de primo fecit, de aliis similiter faciet. Finita demùm celebratione mensarum, Comes equum ascendet, & ad suum redibit hospitium, Senescallo comitante. Deinceps equus ille quem Comes adduxerit ad curiam, dextrarius videlicet, coquo Regis feodaliter dabitur, pallium quo in curia affibulatus erit dispensatori dabitur, sed post prandia. Tunc Panetarius mittet Comiti duos panes atque vini sextarium, & coquus frustum carnis & unum hastum. Hæc est enim liberatio Senescalli in illo die. Hæc fercula accipiet Senescallus Comitum, atque dabit leprosis. Insuper Cùm Comes in exercitu Regis perrexerit, Senescallus Franciæ papilionem centum militum capacem ei præparabit, & summarium ad illum portandum & cordas & paxillos, & hominem equitantem ad conducendum, & duos homines pedites. Finito exercitu, Comes, si voluerit, Senescallo reddet papilionem; sed nisi reddiderit, non ideo minùs in alio exercitu papilionem habebit. Comes cum in exercitu Regis fuerit vel ierit, postutelam faciet, & in reditu retutelam; & quicquid ei acciderit, siue bonum, siue malum, ore Domini Regis inde non vituperabitur. Ego Huo de Cleeris vidi hæc servitia reddere Comiti Fulconi Regi Hierusalem in duobus exercitibus Alvernæ & in uno coronamento Bituri; & Comiti Gaufrido

do, qui est sepultus Cenomanni, vidi reddere in uno coronamento Bituri, & alio Aureliani. Item Galterius de Silvanecti Pincera recognovit ante Regem Lodovicum, me audiente, se tenere de Comite Andegavensi quicquid habebat in villa Silvanectis extra muros, & foragia totius Arbriæ esse de feodo Comitis Andegavensis, & omnia casamentata. Radulfus de Martreio & Thomas frater suus solebant servire in Andegavia de feodo suo. Et ego Huo de Cleeriis, dum loquerer cum Rege Lodovico, audivi ab ipso hæc verba: *Radulfe de Martreio, vide Huonem de Cleeriis militem Comitis Andegavensis domini tui. Vade servitum feodum tuum marescalcia, & hospitare Huonem, quia habes istum feodum à Comite.* Tunc Radulphus hospitatus est me sub nomine marescalciæ. Et adjecit Rex: *Ego Dei gratia iam sum bene cum Comite Andegavensi.* De cetero Comes appellatur Major in Francia propter postutulam & retutulam quam facit in exercitu Regis. Item quando erit in Francia, quod [spe] & curia sua judicaverit firmum erit & stabile. Si verò contentio aliqua nascetur de judicio facto in Francia, Rex mandabit quòd Comes veniat illud emendare; & si pro eo mittere noluerit, scripta utriusque partis Comiti transmittet, & quod inde sua curia judicabit firmum erit & stabile. Ego Huo de Cleeriis vidi multociens judicia facta in Francia, in Andegavia emendari; sicut fuit de bello apud sanctum Audomarum facto, & de pluribus aliis placitis & judiciis. Hoc vidi, & multi alii mecum.



*Epistola Henrici II. Regis Angliæ de
custodia abbatiæ sancti Iuliani
Turonensis.*

An 1159.

HENRICUS Rex Angliæ & Dux Normaniæ & Aquitaniæ & Comes Andegavenfis omnibus fidelibus suis salutem. Sciatis quòd Rex Franciæ Aurelianis in communi audientia recognovit quòd custodia abbatiæ sancti Iuliani Turonensis ad me perrinet ex dignitate dapiferatus mei, unde servire debeo Regi Franciæ sicut Comes Andegavenfis, ita quòd Archiepiscopus Turonensis nullam habet in ea potestatem præter episcopalia sicut in ceteris. His audientibus, Ioscio scilicet tunc Turonensi Archiepiscopo, Abbate sancti Evurcii, Abbate sancti Benedicti super Ligerim, Gaufrido & Stephano capellanis, Richardo Thesaurario, Iohanne Camerario Vend. B. fratre Regis Franciæ, Vvillelmo Sil. Ham. Roberto de Novoburgo, Hugone de Cleeriis.

Istud transcriptum attulit R. Barbou Ballinus Turonensis & procuravit sub sigillo prepositura Turonensis haberi anno Domini m c c. octogesimo octavo die Mercurii ante festum beati Georgii.

Notitia de electione Abbatis Vosiensis.

An. 1219.

CVM humana memoria mutabilitati sit subiecta, & homo, qui nunquam in eodem statu permanet, tanto memoriam habeat labilem quanto iure naturæ suæ mutabilitati sit subiectus, ideo ne diuturnitate temporis vel personarum mutatione

aliqua iurisdicctio quam Abbas & monasterium sancti Martialis Lemonicensis tam de jure quàm de consuetudine approbata obtineat in monasterio Vosiensi, possit à memoriis hominum aboleri, illam dignum duximus litteris commendare. Præsentes igitur & futuri memoriter teneant & sint certi quòd tertio Kal. Novembris anno Domini mcccxxviii. Raimundo Gaucelini Abbate sancti Martialis Lemovicensis in monasterio Vosiensi existente, qui Abbas ad mandatum Abbatis & conventus Vosiensis ibidem venerat ut resignationem R. de Longa Abbatis sui reciperet, tunc idem Abbas Vosiensis in manu dicti Abbatis sancti Martialis resignavit præsente toto conventu Vosiensi administrationem suam, & eidem reddidit sigillum suum, recognoscens publicè coram venerabilibus viris Aimerico de Longa Abbate Albæterræ & Canonico Petragorricensi & magistro Durando Archidiacono Lemovicensi & Præposito sancti Iuniani & omnibus sociis Abbatis sancti Martialis & pluribus aliis quòd ipse missus fuit in Abbatem Vosiensem ab Abbate Himsimberto sancti Martialis antecessore prædicti Abbatis R. Gaucelini tanquam à patre Abbate Ecclesiæ Vosiensis. Postmodum verò cùm conventus Vosiensis capitulum suum intrasset de eligendo Abbate tractaturus, dictus R. Abbas sancti Martialis in eodem capitulo tanquam pater Abbas sederet, recognoverunt quòd dictus Abbas sancti Martialis habebat ibidem correctionem & reformationem; & idem quædam ad instantiam eorundem monachorum auctoritate propria correxit & reformavit & de novo instituit, sicut in augmentatione vini, & in provisione decem librarum pensionis R. de Longa quondam Abbatis Vosiensis, & in collatione præbendæ G. Ademari servientis dicti Abbatis sui. Et hæc omnia ibi Abbas sancti Martialis correxit

& instituit ante electionem faciendam & post ; & petierunt omnia ista ab ipso Abbate sancti Martialis tamquam à patre Abbate sigillari & confirmari. Quod & ipse fecit ad petitionem eorundem.

Postea verò idem conventus Vosiensis sex electores elegit præsente eodem Abbate & assensum suum eis præbente : qui jurati in manu ipsius quòd meliùs facerent & utiliore personam de Ecclesia sua vel monasterio sancti Martialis eligerent, intrantes Ecclesiam Vosiensem, invocata spiritus sancti gratia , elegerunt concorditer & unanimiter P. Hugonis monachum ejusdem Ecclesiæ in Abbatem. Quo electo, venientes coram Domino Abbate sancti Martialis existente in refectorio Vosiensi , præsentibus sociis suis , scilicet Hugone Priore tunc de Suprabosco , Aymoino Priore de Malavalle , Vv. Præposito de Palmato , Geraldo de Bonavalle Præposito de Arnaco , Hugone de Charreiras Cellario sancti Martialis , Helia Cofolent Præposito de Roserio , Bernardo del Ga , Gerardo de Jaunac , Otgerio , Capellanis Abbatibus sancti Martialis , Bernardo la Vilata Præposito de Fisco , Stephano de Salvaniac Priore Vosiensi , & Iohanne de Mauren-fanas monacho, palam & in publico præsentaverunt ei dictum electum , supplicantes eidem Abbati humiliter ac devotè ut ipsum recipere dignaretur. Abbas verò cùm inquisisset plenariè tam de modo electionis quàm de persona electi, & invenisset electionem fuisse canonicam , ad instantiam eorundem dignum duxit admittere præsentatum ; ita tamen quòd in continenti capitulum subintrantes , idem electus eidem Abbati sancti Martialis sedenti ibidem , recepto ab eodem honore & administratione abbatix , sollemnem & publicam professionem fecit promittens & faciens ei obedientiam manua-lem , pacis osculo subsequente. quam obedientiam

reverentiam, & honorem tamquam domino & patri suo exhibiturum omni tempore se promisit.

Cùm autem hæc omnia ritè fuissent celebrata, astiterunt in capitulo Vosienſi & præſentes fuerunt Aimericus de Longa Abbas tunc Albæterræ & Canonicus Petragoricenſis, & Vv. de Saillac Prior de Glanderiiſ Cartuſienſis ordinis, & P. de Longa Canonicus Petragoricenſis, & omnes alii ſupra dicti.

Deinde Abbas ſancti Martialis [miſit] litteras ſuas cum ſollemne nuntio, ſcilicet He. Coſolent Præpoſito de Roſerio, ad Dominum Guidonem Lemovicenſem Epiſcopum pro confirmatione dicti electi impettanda: quam obtinuit prout à dicto Epiſcopo poſtulavit. Poſtmodum verò die dominica poſt feſtum omnium ſanctorum in Eccleſia ſancti Iuniani idem Abbas ſancti Martialis publicè cum ſollemnitate qua decuit eundem electum dicto Epiſcopo præſentavit, & petiit ipſum benedici in Abbatem. Cui petitioni dictus Epiſcopus aſſenſum præbuit & effectum. Benediſtus verò Abbas ut primò, ſicut decuit, matricem ſuam Eccleſiam, videlicet Eccleſiam beati Martialis Lemovicenſis, viſitaret, acceſſit ad eandem, & fuit ibi cum ſollemni proceſſione receptus, ſicut quælibet matrix Eccleſia de ſubjectis ſuis Abbatibus in novitate eorundem facere conſuevit.




*Testimonia de indulgentia concessa Ecclesie
sanctæ Mariæ de Portiuncula.*

IN nomine Domini. Amen. Ego frater Benedictus de Arcio, qui olim fui cum beato Francisco cùm adhuc viveret, & divina gratia operante ipse pater sanctissimus ad suum ordinem me recepit, qui sociorum suorum socius fui, & cum ipsis frequenter & in vita patris nostri & post ipsius recessum de hoc modo ad patrem cum eisdem discretis ordinis collationem frequenter habui, confiteor me frequenter audivisse à quodam sociorum supradictorum beati Francisci, qui vocabatur frater Matthæus de Marignaco, qui fuit homo veritatis & probatissimæ vitæ, quod ipse fuit cum beato Francisco apud Perusium ante præsentiam sanctæ memoriæ Domini Papæ Honorii cùm petivit indulgentiam omnium peccatorum pro illis qui contriti & confessi convenirent ad locum sanctæ Mariæ de Angelis, quæ alio nomine Portiuncula nominatur, prima die Kalendarum Augusti à vespere dictæ diei usque ad vespertas sequentis diei. Quæ indulgentia cùm fuisset tam humiliter quàm constanter à beato Francisco postulata, fuit tandem à summo Pontifice liberalissimè & gratissimè concessa; quamvis diceret ipse summus Pontifex non esse consuetudinis apostolicæ sedis talem indulgentiam facere.

Hæc supradicta confiteor ego frater Rainerius de Mariano de Arcio socius venerabilis fratris Benedicti me audivisse frequenter à supradicto fratre Matthæo socio beati Francisci; cui fratri Matthæo & ego frater Rainerius fui socius specialissimus.

Item coram fratre Angelo Ministro, fratre Bo-

nifacio Gardiano, fratre Bettolo de Perusio, & aliis fratribus, in loco Portiunculæ, Petrus Calfannus dixit quòd interfuit constructioni Ecclesiæ sanctæ Mariæ de Portiuncula, & audivit tunc beatum Franciscum plura prædicantem coram venerabilibus Episcopis; & habebat quandam cedulam in manu, & dixit: Ego volo vos omnes mittere ad paradysum, & annuncio vobis indulgentiam quam habeo ab ore summi Pontificis. Omnes vos, qui venistis hodie, & omnes qui venient annuarim tali die bene corde contrito, habebunt indulgentiam omnium suorum peccatorum. Ego volui pro octo diebus, sed non potui.



*Litteræ Ludovici IX. Regis Francorum de
fundatione Ecclesiæ Damiatæ.*

Charta Ecclesiæ Damiatæ.

IN nomine sanctæ & individue trinitatis. Amen. An 1249.
Ludovicus Dei gratia Franciæ Rex. Si ad bona Vide to. f. Duchesni
quæ de manu Domini suscepimus & nostram insuf- pæg. 354.
ficientiam mentis oculos dirigamus, profectò non
videmus qualiter pro susceptis beneficiis condignas
ei gratiarum actiones rependere valeamus aut qua-
liter pro omnibus quæ retribuit nobis respondeamus
tanto tamque magnifico largitori. Non enim
unum pro mille respondere possemus. Porro cum
nec sufficiamus ad tanta Dei magnalia dignis laudi-
bus extollenda, devotè tamen assurgimus ad gra-
tiarum actiones quas possumus exsolvendas, illud
præcipuè inter suscepta Dei beneficia recolentes
quod nostris temporibus & nobis etiam, licet in-
dignis, una cum exercitu Christiano pervenientibus

ad littora Damiatæ, anno videlicet Domini millesimo ducentesimo quadagesimo nono, sabbato ante festum sancti Barnabæ Apostoli, sic mirabiliter, sic potenter affuit divinæ propitiationis auxilium quod cùm ibi perfidorum Sarracenorum multitudo maxima convenisset, qui ne Christianorum exercitus in terram descenderet resistere nitebantur, tandem divina prævalente potentia Christiani, repulsis hostibus & in fugam conversis, terram ipsam feliciter intraverunt, quodque manifestissimum extitit divinæ miserationis indicium, crastino die dominica Rex virtutum Iesus Christus Dominus noster felicibus feliciora adiciens, eis qui in civitate erant tantum terrorem incussit quod omnes unanimiter civitatem ipsam munitissimam penitus relinquentes terga verterent nemine insequente; sicque eam de manu Domini recepimus vacuum inimicis. Vnde gaudemus in Domino plurimum & lætamur. Cùm igitur ad laudem & gloriam Iesu Christi Domini nostri & gloriosæ virginis matris ejus, per cujus intercessionis suffragia tanta fidelibus Christi beneficia provenisse creduntur, in majori Ecclesia beatæ Mariæ civitatis ejusdem, eliminata prorsus paganorum spurcitia, certi deputati sint ad reddendum divinæ servitutis obsequium servitores, nos, qui specialiter in votis gerimus ut ei qui dedit omnia ac gloriosissimæ genitrici suæ dignè & laudabiliter serviatur ibidem, concedimus in perpetuam elemosynam Ecclesiæ memoratæ duas turres cum domibus adjacentibus & domum quæ dicebatur Machomeria, & plateam prædictis domui & turribus adjacentem ad usus Archiepiscoporum dictæ Ecclesiæ, & claustrum quod protenditur à gradu lapideo quo ascenditur super muros, qui est prope minorem turrim Archiepiscopi, usque ad viam quæ est inter domum quam tenet Patriarcha & domum san-

ſti Lazari, cum omnibus domibus & plateis infra ipſam contentis ad opus Canoniorum in perpetuum poſſidendum liberè ab omni burgeſia & tributo, nihil nobis vel ſucceſſoribus noſtris reſervantes in poſterum in eiſdem. Volumus etiam & concedimus quòd idem Archiepiſcopus & capitulum percipiant decimas de omnibus appaſtis in civitate & dioceſi Damiatæ quæ ad manus domini ſeu domino- rum devenerint, videlicet de appaſtis molendino- rum, furnorum, balnearum, piſcationum, cap- tionis avium, ſalinarum, cambii, monetæ, ſi in dioceſi vel in civitate cuderetur, necnon fundæ, catenæ, peſagii, menſuragii fructuum terrarum, nutrimentorum animalium, & generaliter omnium reddituum civitatis & dioceſis prædictarum. De emendis tamen quæ pro forefaſtis levabuntur ab iis quorum erit juſtitia decima non ſolvetur. Inſuper de fructibus terrarum non appretiatis volumus & concedimus ut decimæ prædictæ Eccleſiæ integrè perſolvantur. De prædictis autem decimis percipiet Archiepiſcopus duas partes, & tertiam Canonici & dictæ Eccleſiæ ſervitores. Præter has autem deci- mas volumus & concedimus quòd quinque milia biſanciorum annui redditus Archiepiſcopo & quin- que milia Canoniciſ & ſervientibus Eccleſiæ ſu- prædictæ tam in caſalibus quàm in poſſeſſionibus infra dioceſim antedictam, poſtquam terra ipſa de manibus infidelium liberata fuit, aſſignentur. Vo- lumus etiam & concedimus quòd prædicto Archi- epiſcopo, cùm terra ipſa liberata fuerit, aſſignen- tur ſibi & ſucceſſoribus ſuis in perpetuum feoda de- cem militum, qui dicto Archiepiſcopo homina- gium ligium facient, & eidem tenebuntur ſervire juxta conſuetudinem regni Ieroſolymitani de feodis antedictis; ac idem Archiepiſcopus & ſucceſſores ſui de ipſis ſervire tenebuntur nobis in ſubſidium

noſtrum, quandiu in terra prædicta fuerimus, & ſucceſſoribus noſtris qui pro tempore dominium habuerint dictæ terræ, quando ab ipſis vel a nobis ſuper hoc fuerint requiſiti. Volumus etiam & præcipimus quòd ſi præmiſſa à nobis assignata non fuerint eidem Eccleſiæ in toto vel in parte priuſquàm à partibus receſſerimus ciſmarinis, quicunque dominium terræ habuerit loco noſtri, ea integraliter teneatur eidem Eccleſiæ prout expreſſa ſunt ſuperius assignare. Præterea volumus & concedimus quòd Archiepiſcopus & Canonici tam pro ſe quàm pro hominibus ſuis & rebus eorum ad uſus proprios in portum & in civitatem liberum ingreſſum habeant & egreſſum ſine aliqua exactiōe vel couſtuma domini temporalis. Menſuragium quoque, peſagium, & vaſa aquatica ſimiliter ad uſus proprios habeant ſine exactiōe aliqua vel couſtuma. Quod ut perpetuæ ſtabilitatis robur obtineat, præſentem paginam ſigilli noſtri auctoritate & regii rominis charactere inferius annotato fecimus communiri. Actum in caſtris juxta Damiatam anno incarnationis dominicæ milleſimo ducentefimo quadrageſimo nono, menſe Novembris, aſtantiſ in palatio noſtro quorum nomina ſuppoſita ſunt & ſigna. Dapifero nullo. Signum Stephani Buticularii. Signum Iohannis Camerarii. Signum Imberti Conſtabularii,



*Ejusdem Ludovici Regis litteræ de pensione
concessa Episcopo Damiatano.*

Litteræ Episcopi Damiatani.

Ludovicus Dei gratia Francorum Rex. Notum An 1151.
facimus quòd nos attendentes quòd dilectus
& fidelis noster E. Dei gratia Damiatanus Episco-
pus factus fuerat pauper propter Christum, & etiam
propter ejus gratum servitium quod nobis impendit
in partibus transmarinis, dedimus & concessimus
eidem ducentas libras Parisienses annui redditus,
quandiu vixerit sine episcopatu vel archiepiscopatu,
percipiendos in festo omnium sanctorum annuatim
in coffris nostris; ita quòd post ejus decessum, vel
postquam provisum fuerit ei de episcopatu vel ar-
chiepiscopatu, idem redditus ad nos & heredes no-
stros liberè revertatur. In cujus rei testimonium de-
dimus ipsi præsentibus litteras sigilli nostri munimine
roboratas. Actum in castris juxta Ioppen anno Do-
mini MCCL. secundo, mense Julio.

*Quoddam scriptum de vacatione Ecclesiæ Suef-
sionensis, & de collatione præbendarum
tempore regali.*

Anno Domini millesimo ducentesimo quadra- An. 1250.
gesimo nono, septima die intrante Aprili,
Radulphus de Castro Sueffionensis Episcopus ultra
mare viam universæ carnis ingressus est. A quo tem-
pore sedes Ecclesiæ beati Gervasii Sueffionensis di-
citur vacasse. Et eodem anno in divisione Aposto-
lorum sesita fuerunt regalia.

Item eodem anno in crastino beatæ Mariæ Magdalenæ vacavit præbenda in dicta Ecclesia de morte magistri Roberti de Silvaneto: quæ fuit collata, dicta sede vacante, à Blancha tunc Regina Franciæ, Ludovici carissimi filii sui nomine, Domino Bartholomæo Remensi Capellano Regis.

Item dicta sede tunc vacante, vacavit præbenda in dicta Ecclesia de morte Philippi Presbyteri de Castro Theodorici: quæ fuit collata à Domina Regina, dicti Regis nomine, magistro Iohanni de Sueffionis dicto Cerario.

Item dicta sede vacante, vacavit præbenda in dicta Ecclesia de morte Girardi le Bougre: quæ fuit collata à dicta Regina, dicti Regis nomine, magistro Guidoni de Norenor.

Item dicta sede vacante, vacavit præbenda in dicta Ecclesia de morte Nicolai de Hanger: quæ fuit collata à dicta Regina, dicti Regis nomine, Domino Gaufrido tunc Presbytero de Braie.

Item anno Domini millesimo ducentesimo quinquagesimo primo, die Martis post festum beati Hilarii, dicti Canonici ad mandatum speciale dictæ Reginæ per litteras patentes ejusdem Decano & capitulo dictæ Ecclesiæ se præsentaverunt ut eisdem in dicta Ecclesia in Canonicos & in fratres reciperent. Sed dictis Canonicis contemptis, die Iovis proxima sequenti præfati Decanus & capitulum ad electionem processerunt, & dicta die Dominum Neuelonem Archidiaconum in Bria in Episcopum elegerunt.

Item eodem anno, die Lunæ post octavas Purificationis beatæ Mariæ virginis, coram dicta Regina dictus electus pro se, & Iacobus tunc temporis Archidiaconus Sueffionensis, Thesaurarius verò Belvacensis, magister P. de Sontions Pœnitentiarius Belvacensis, ex parte dicti capituli & nomine procu-

procuratio Parisius personaliter comparuerunt, proponentes ex parte dicti capituli quòd collatio præbendarum sede vacante in prædicta Ecclesia ad Regem nullatenus pertinebat, hanc solam rationem prætendentes, quòd Rex nunquam contulerat. Quibus factis & dictis, extitit eisdem responsum ex parte dictæ Reginæ & ex parte illorum qui tunc erant ad consilium Regis, videlicet Archiepiscopi Bituricensis, Episcopi Aurelianensis, Episcopi Belvacensis, Episcopi Ebroicensis, fratris Reginaldi dicti Cardinalis, fratris Guidonis de Antissiodoro, magistri Odonis de Lorriaco, magistri Petri de Aurivalle, Archidiaconi Parisiensis, Decani sancti Aniani Aureliaensis, Domini Gaufridi de Capella Militis, & Domini R. de Caprosia, quòd de consuetudine regni Franciæ collatio præbendarum sede vacante in dicta Ecclesia debebat ad Regem pertinere. Et hanc responsionem dictus electus & procuratores antedicti dicti capituli nomine approbaverunt & laudaverunt in præsentia prædictorum, & dictos Canonicos nomine dicti capituli in Canonicos & in fratres receperunt & eosdem pro receptis habuerunt, promittens quòd die dominica sequenti dictos Canonicos in dicta Ecclesia per Decanum & capitulum antedictos in Canonicos & in fratres recipi plenariè facerent, videlicet stallum in choro & locum in capitulo assignando, & omnibus rebus ad dictas præbendas pertinentibus eos uti permittendo. Dicti verò Canonici pro bono pacis dictam electionem ratam & firmam habuerunt. Actum anno, die, seu diebus supradictis,



*Litteræ Præpositi, Decani, & capituli
Suessionensis.*

EXcellentissimæ Dominæ suæ B. Dei gratia Franciæ Reginæ H. Præpositus, B. Decanus, totumque capitulum Suessionense, salutem, & cum devotis orationibus paratam ad beneplacita voluntatem. Serenitati regiæ tenore præsentium notum facimus quòd nos in negotio seu quæstione quæ vel quod inter vos & nos ad præsens agitur super præbendis quas in Ecclesia Suessionensi vacante sede jure regio dicitis vos posse conferre venerabilibus viris H. Præposito, magistro P. de Sonion & P. de Bueria concanonice nostris dedimus potestatem & speciale mandatum tractandi vobiscum, compromittendi, componendi, & pacificandi negotium seu quæstionem prædictam & omnia alia faciendi quæ dicto negotio viderint expedire, & quæ facere possemus si præsentibus essemus, quicquid super præmissis vel aliquo præmissorum per prædictos H. P. & P. vel duos ex eis de consilio & assensu venerabilis viri N. Dei gratia electi Suessionensis factum fuerit ratum & gratum habituri. Et hoc omnibus volumus esse notum. Datum anno Domini mcc. quinquagesimo primo, feria tertia ante Purificationem beatæ virginis.

*Litteræ Decani & Capituli Cenomanensis de
petenda licentia eligendi.*

An. 1255.

EXcellentissimo Domino Ludovico Dei gratia Regi Franciæ illustri Robertus Decanus & capitulum Cenomanense salutem in eo qui dat salutem Regibus. Dolentes non modicum dominationi

vestræ denuntiamus bonæ memoriæ Gaufridum nuper Episcopum nostrum viam universæ carnis ingressum, petentes à vobis licentiam eligendi. Bene & diu vivatis & valeatis in Domino. Datum in festo nativitatis beatæ Mariæ anno Domini MCCCL. quinto. ●

*Epistola Capituli Valentini ad Archiepiscopos
Narbonensem & Arelatensem.*

Reverendis in Christo patribus Dominis Narbonensi & Arelatensi Archiepiscopis capitulum Valentinum se ipsos ad pedes eorum humiliter inclinatos. Vtinam nos veritas non urgeret, utinam etiam nos necessitas non induceret ad testimonium perhibendum quomodo & qualiter in iis partibus revera Christiana conditio variis præcipitata ruinis & barbaricæ gentis incurfu multiplicatis cædibus cruentata incessanter affligitur & inexplicabiliter expugnatur, quomodo etiam & qualiter ad tuitionem castrorum quæ in regno Valentini possidentur per cultores nominis Christiani maximi & immoderati sumptus vix sufficiunt, & quomodo dicta castra nihilominus cum magnis periculis conservantur. Verùm quia paternitati vestræ per has litteras præteriti temporis exponere dispendia necnon & instantis periculi exprimere nocumenta credimus multipliciter expedire, sic videlicet ut hoc omnipotenti Deo gratum & acceptabile reputemus, inclito etiam Regi Aragonum & suæ terræ Christianicis utile præterea extimemus, idcirco, etsi non dominationi vestræ vivæ vocis oraculo, quemadmodum cupimus, hujus terræ damna & pericula recitamus, attamen sub quodam generalitatis involucre dominationis vestræ tam de præsentibus blas-

An. 1277.

phemorum Christi hostilibus insultibus quàm exactis ex multis aliqua scribere utile fore animadvertimus, & ex infinitis pauca referre multùm expediens esse putamus, per celsitudinem regiam mansuetè rogati & humiliter requisiti ut pro veritatis lucerna vestræ testemur prudētiæ id quod scimus & scivimus, id quod videmus & vidimus in præmissis. Vestræ igitur paternitati vestræque discretionis per multa rerum experimenta probatæ tenore præsentium intimamus quod perfidi Sarraceni de regno Valentia oriundi, de castris regni ejusdem ab anno & quatuor mensibus citra quamplurima castra, quorum quædam sunt ferè inexpugnabilia, proditorialiter invaserunt & fraudulenter invasa hodie.....detinent occupata; cum quorum castrorum fortitudine ipsorumque paganorum multitudine perhorrenda, peccatis nostris exigentibus, trucidant orthodoxos, fideles capiunt, & eosdem miro affectu & intenta sollicitudine persequuntur, captosque inexcogitato captionis modo durè ac dirè incarcerant, & incarceratos impiè cruciant mille generibus tormentorum in Christiani cultus opprobrium & contemptum. Et licet quædam de castris præfatis Dominus Petrus nunc inclitus Rex Aragonum arte ac ingenio laudabilius recuperare summo opere sit conatus, quædam etiam virtute armorum cum multifaria Christicolarum strage, de quo est summè dolendum, & cum exercitibus quamplurimùm sumptuosius, Deo desuper donante opem, de castris recuperaverit memoratis, hodie tamen plures fortitudines quàm triginta in non modicam Christianorum confusionem & contumeliam detinent violenter. Et quid plura? Multitudo etiam Ianetorum, quos regio genuit Africana, in Valentino regno convenit, quorum etiam aliqui perfectò in quantitate non modica noviter sunt ven-

turi, per incolarum hujus regni Agarenorum promissiones & munera vocatorum: qui pluralitate ipsorum, prout eis est possibile, terram devastare non cessant & immaniter ausa tentant expugnare. Proh dolor igitur, proh dolor, quòd tam frequenter audivimus inviti jacturas renatis fonte baptismatis imminere. Cùm ergo, Patres & Domini circumspecti, Dominus Rex præfatus pro conservatione & tuitione valentini regni ad expensas inevitabiles præsentis atque futuras non sufficiat faciendas, tum quia Dominus Iacobus bonæ memoriæ Rex Aragonum pater suus regnum suum divisit, secundùm quod vos hoc non credimus ignorare, sicque Dominus Rex præfatus ferè in reddituum sui patris sit parte tertia diminutus, qui etiam pater ejus, dum vivebat, ad hanc pestem Sarracenicam coercendam sufficere non valebat, dominationi vestræ humiliter supplicamus quatenus vos, quibus est per summum Pontificem commissæ potestatis dicto præfato Regi de proventuum ecclesiasticorum decima terræ Regis Aragonum providere, his angustiis & pressuris salutare consilium & auxilium impendatis de dicta decima in persona Regis ejusdem, hujus regni statui & ruinoso salubriter & celeriter deliberatione provida consulentes. Succursu siquidem eget & certè magno succursu Rex illustris Aragonum, qui non dicamus pro expulsionem Ianetorum & aliorum plurium bellatorum, sed tantum pro conservatione ac suorum tuitione castrorum cogitur expendere quicquid habet, imo veraciùs plus quàm habet. Exurgat igitur, exurgat vestra dextera in Christianæ fidei contemptores, & præliantibus contra barbaræ filios nationis cum securis conscientiarum manum porrigat adjutricem. Et quoniam ad præsens sigillum capituli non habemus, has præsentis litteras sigillo

officialatus curiæ Domini Valentini Episcopi duximus sigillandas. Datum Valentiniæ xiv. Kal. Iulii anno Domini mcccxxx. septimo.

*Testamentum Raymundi de Cornilio Episcopi
Caturcensis.*

An. 1189.

IN nomine sanctæ & individue trinitatis patris & filii & spiritus sancti. Nos Raymundus Dei gratia Caturcensis Episcopus attendentes præsentis vitæ conditionis statum instabilem & ea quæ videntur habere visibilem essentiam tendere visibiliter ad non esse, & ideo desiderantes salubri præmeditatione diem nostræ peregrinationis extremum, tanquam incertum & dubium, testamentaria dispositione cum auxilio divinæ gratiæ, quantum ipse Deus annuit, prævenire, testamentum nostrum, ordinium, dispositionem, & nostram ultimam voluntatem, quantum de juris permissione & apostolicæ sedis concessione & consuetudine seu usu Ecclesiæ Caturcensis possumus, prout sequitur, facimus ac etiam ordinamus.

In primis commendamus animam nostram omnipotenti Deo & beatæ gloriøsæ semper virgini Mariæ, & beato Stephano protomartyri, & omnibus sanctis. Et quodocunque & ubicunque nos decedere contigerit, eligimus sepulturam nostram in capella nostra quam construximus in cathedrali Ecclesiâ Caturcensi ad honorem sancti Blasii & sanctæ Catharinæ.

Item ordinamus, legamus, & volumus quòd pro expensis funerariis exequiarum nostrarum exequutores nostri inferiùs nominandi expendant quinque millia solidorum Turonensium.

Item ordinamus & volumus quòd de bonis nostris & Ecclesiæ Caturcensis prædictæ per executores nostros infra scriptos, deductis primitus expensis funerariis prædictis, satisfiat omnibus & singulis creditoribus & conquerentibus nostris, secundum quod per ipsos sine causarum strepitu ostendi & declarari poterit & absque juris sollemnitate rationabiliter comprobari. Et specialiter præcipimus dictis executoribus nostris quòd solvant Bernardo Dolvy vel successoribus ejus sex viginti libras Turonenses nomine emendæ, item sexaginta solidos Tolosanorum Bernardo de Samata civi Tolosano, quos mutuavit nobis.

Item legamus fratribus Minoribus de Caturco quinquaginta libras Caturcenses semel solvendas. Item fratribus Prædicatoribus de Caturco quinquaginta libras Caturcenses semel solvendas. Item domibus fratrum sancti Augustini & de monte Carmeli & de Grandimonte civitatis Caturci, cuilibet illarum trium quindecim libras Caturcenses semel solvendas. Item sororibus sanctæ Claræ de Caturco quindecim libras Caturcenses. Item hospitali nostro de Sobiros quatuor lectos garnitos & viginti quinque libras Caturcenses ad reparationem dicti hospitalis. Item unicuique aliorum hospitalium ejusdem civitatis Caturci unum lectum garnitum. Item monialibus monasterii de Lesme quindecim libras Caturcenses. Item monialibus de las Boyfas decem libras Caturcenses. Item monialibus de la Peyras centum solidos Caturcenses. Item sororibus Minoritis de Monte albano centum solidos Caturcenses. Item monialibus de Obazina decem libras Caturcenses. Item cuilibet domui fratrum Minorum & Prædicatorum diocesis Caturcensis centum solidos semel solvendos ad faciendam unam refectiorem pro obitu nostro. Item monialibus d. Es-

panhiac decem libras Caturcenses. Item monialibus de la Daurada de Caturco decem libras Caturcenses. Item cuilibet abbatiae monachorum nostrae dioecesis Caturcensis centum solidos Caturcenses semel pro obitu nostro faciendo. Item legamus hospitali de Croxia quatuor lectos munitos & decem libras Caturcenses semel solvendas. Item domui leproforum ejusdem loci unum lectum munitum. Item cuilibet domui leproforum nostrae dioecesis quinque solidos. Item cuilibet reclusae nostrae dioecesis quinque solidos Caturcenses semel solvendo. Item cuilibet altari nostrae praedictae cathedralis Ecclesiae Caturcensis unum calicem unius marcae & dimidia; excepto altari domini Raymundi de Trapis, qui habet unum à nobis; & illum legamus illi altari. Item Ecclesiis seu capellis sancti Iohannis & sancti Martini juxta nostram Ecclesiam cathedralem, cuilibet unum calicem unius marcae & dimidia. Item Ecclesiis de Croxia duos calices, quemlibet duarum marcarum. Item Ecclesiae de Mercurio unum calicem unius marcae & dimidia. Item capellae nostrae domus nostrae Caturcensis unum calicem unius marcae & dimidia. Item Ecclesiae d'Ausac prope eos unum calicem unius marcae & dimidia. Item legamus quinque calices, quemlibet unius marcae, solvendo & distribuendo secundum ordinationem testamenti magistri Guillelmi Austorga quondam officialis nostri.

Item legamus clericis nostris non beneficiatis, videlicet magistro Martiali Majoris, & Guillelmo de Ponte, & magistro Geraldo la Costa, & Armando la Vidalia, Guillelmo & Aymerico de Valon, fratribus, Iohanni Torn, Iohanni la Costa, Raymundo Lafon dicto Porthuselio, Iacobo Fornierii, Petro Boverii, Stephano de Blasaco, cuilibet istorum decem libras Caturcenses.

Item nepotibus nostris monialibus, videlicet Margaritæ & Gualhiardæ monialibus Deauratæ, item & Priorissæ de Coyros, & moniali hospitalis Domina Anglinæ filia quondam Domini Rotgerii de Cornilio, & filia Domini Geraldii de Lemogos moniali de Lesme, unicuique istarum decem libras Caturcenses.

Item ostiariis nostris & marescallo nostro & coquinario nostro, videlicet Bernardo Riol & dicto Rossato, Petro Fabri, & Amaldo Lotz, cuilibet ipsorum decem libras Caturcenses.

Item tribus nostris cursoribus, videlicet Raymundo, Donato, & Brisabara, cuilibet decem libras Caturcenses. Item palafrenariis nostris, videlicet Guillelmo Baras & Anglico, cuilibet decem libras. Item saumatariis nostris, videlicet Geraldo le Lonne Mayrinhiaco, Stephano lou Bley, Petro Cameyra, cuilibet decem libras Caturcenses. Item Petro de Mayrinhiaco piscatori nostro decem libras Caturcenses. Item Bertrando nepoti Bertrandi Barras quindecim libras Caturcenses ad monachandum eum. Item legamus Almoziæ, quæ moratur apud la Boria, decem libras Caturcenses. Item Iohannæ, quæ moratur apud Mercorium, centum solidos Caturcenses. Item dicto Catala, & dicto Rapasso, & dicto Alberto, cuilibet centum solidos Caturcenses.

Nolumus tamen quod si huiusmodi prænominatæ partes sive personæ quibus legavimus præmortui fuerint & nobis non supervixerint, quod heredes vel successores eorum aliquid possint petere in legatis prædictis.

Item nolumus quod si prædicti clerici vel aliqui seu aliquis eorum essent à nobis beneficiati, quod postea aliquid possint petere in prædictis seu de prædictis legatis.

Item legamus domibus militiæ Templi & hospitalis Ierololymitani cuilibet earum decem libras Caturcenses.

Volumus etiam quòd de residuis bonis nostris dicti executores nostri infra scripti possint remunerare alios familiares seu servitores nostros secundum quod fuerit rationis & eis videbitur expedire. Ita tamen quòd per generalitatem istam ratione legati nihil possit exigi vel peti ab aliquo, quacunq; causa seu auctoritate, ratione legati. Et si quid peteretur ratione incerti legati, dictum legatum quoad generalitatem illam penitus revocamus ac etiam annullamus.

Prædictos verò executores nostros in præmissis & quolibet præmissorum esse volumus, facimus, statuimus, & ordinamus discretos & religiosos viros, dilectum nepotem nostrum B. Archidiaconum Caturcensem, & magistrum Petrum Martini Cantorem, & magistrum Raymundum Pauchelli Canonicum Ecclesiæ Caturcensis, & Priorem Prædicatorum, & Gardianum fratrum Minorum, domorum & conventuum de Caturco: quibus executoribus nostris prædictis damus & concedimus plenam & liberam potestatem ac speciale mandatum omnia bona nostra & nostræ Ecclesiæ mobilia accipiendi, vendendi, & alienandi, tenendi & conservandi, solvendi, petendi & exigendi in iudicio & extra, declarandi, specificandi & disponendi in præmissis & quolibet præmissorum, ubi eis dubium videbitur vel etiam expedire; & quòd omnes executores prædicti simul, vel quatuor aut tres, duo aut unus ex ipsis, aliis absentibus vel nolentibus, prius tamen requisitis, prædicta omnia & singula possint exequi, facere, attendere & complere.

Hanc autem dispositionem, testamentum, or-

dinium, seu ultimam voluntatem nostram valere volumus jurè testamenti, dispositionis extremæ, seu ultimæ voluntatis, & alio codicillorum jure, quacunque ratione seu causa quo vel qua meliùs valere poterit & debebit.

Actum & datum apud Mercurium in camera nostra die Mercurii in festo beati Mathæi Apostoli, mense Septembris, Indictione secunda, anno Domini millesimo ducentesimo octuagesimo nono; præsentibus venerabilibus viris, Domino Guirberto Iohannis Milite, & Domino Bernardo de Portu Archipresbytero Montispenfati, & Domino Guilhelmo Boscoti rectore Ecclesiæ de Suris, & magistro Geraldo Ademaro rectore Ecclesiæ de Senzelas, & Domino Hectore de Turentia rectore Ecclesiæ de Saurz, & magistris Helia de Calomonte & Hugone de Vernolio, & Domino Petro Sacrista testibus ad hoc per nos adhibitis specialiter & rogatis.

Es ego Martialis Maioris de Belloloco clericus Lemovicensis diocesis publicus apostolica & imperiali auctoritate Notarius, præmissis ordinationibus, dispositionibus, legatis, & aliis omnibus unà cum dictis testibus in dicto loco præsens interfui, & prædicta omnia de mandato dicti Domini Caturcensis Episcopi scripsi & publicavi, meoque signo unà cum sigillo ipsius Domini Episcopi signavi rogatus.



*Litteræ Clementis VI. de episcopatu Ostiensi
collato Stephano Cardinali tituli
sanctorum Iohannis & Pauli.*

Clemens Episcopus servus servorum Dei venerabili Fratri Stephano Episcopo Ostiensi & Vvelletrensi salutem & apostolicam benedictionem. Decens reputamus & congruum ut sanctæ Romanæ Ecclesiæ Cardinales, quos Dominus tamquam præcipuas & sublimes Ecclesiæ prædictæ columnas prærogativa sublimavit honoris, quique in Ecclesiarum, monasteriorum, & personarum ecclesiasticorum defensione & ipsarum conservatione libertatum & iurium indefinenter studia & labores impendunt, in eisdem Ecclesiis; monasteriis, & personis percipiant in suis opportunitatibus relevamen. * Hodie siquidem Ecclesiis Ostiensi & Vvelletrensi invicem canonicè unitis per obitum bonæ memoriæ B. Episcopi Ostiensis & Vvelletrensis pastoris solatio destitutis de te tunc tituli sanctorum Iohannis & Pauli Presbytero Cardinale, qui olim existens Episcopus Clatomontensis, fuisti ad cardinalatus honorem assumptus, duximus providendum, præficientes te illis in Episcopum & pastorem. Attendentes igitur quòd licet præemineas cardinalatus honore, ad supportandum tamen onera expensarum quæ jugiter te oportet de necessitate subire, decenti non affluis abundantia facultatum, ac volentes tuis in hac parte opportunitatibus providere, auctoritate apostolica decernimus monasteria, prioratus, dignitates, personatus & officia, canonicatus & præbendas, aliaque beneficia ecclesiastica quæ huiusmodi promotionis tempore per

* 13. Febr.
1352.

nos de te factæ ad easdem Ostiensem & Vvelletrensem Ecclesias ex dispensatione apostolicas vel aliàs canonicè obtinendas, & ad quæ vel in quibus justibi competebar, quæ omnia, quæcunque, quoruncunque, & qualiacunque fuerint, cum cura vel sine cura, præsentibus haberi volumus pro expressis & singulariter nominatis, per promotionem hujusmodi ad easdem Ostiensem & Vvelletrensem Ecclesias, vel per adeptionem pacificam administrationis bonorum earundem Ostiensis & Vvelletrensis Ecclesiarum, seu per decursum temporis de consecrandis Episcopis à canonibus diffiniti aliquatenus non vacare nec fore etiam vacatura, nec etiam jura tibi in eis competentia tibi diminui seu quomodolibet deperire, tecum nihilominus quòd Ecclesias, monasteria, prioratus, dignitates, personatus & officia, canonicatus & præbendas, aliaque beneficia ecclesiastica supradicta unà cum Ecclesiis tuis Ostiensi & Vvelletrensi, non obstantibus præmissis ac Lateranensis & generalium conciliorum & aliis quibuscunque constitutionibus contrariis, licitè valeas retinere, auctoritate apostolica de uberioris dono gratiæ dispensamus; proviso quòd Ecclesiæ, monasteria, prioratus, dignitates, personatus & officia, canonicatus & præbendæ, aliaque beneficia supradicta debitis non fraudenter obsequiis & animarum cura in eis quibus illa imminet nullatenus negligatur. Nulli &c. Datum &c.





EPISTOLA LVCII COLVTII

Salutari de Stignano quondam Florentinorum Cancellarii ad Nicolaum de Auximo.

Venerabili Patri & Domino meo Domino Nichole de Ausimo Ecclesie Romanæ Protototario Domini nostri Papæ, singularissimo Domino meo.

An. 1368.

IVisti, pater optime, ut in laudem bonæ memoriæ Domini Nichole de Capoctiis olim Episcopi Tusculani atque Romanæ Ecclesiæ Cardinalis versiculos suo sarcophago inscribendos perficerem, in quibus non solum communes prælatorum laudes conciperentur, verum etiam singularia quamplurima resonarent; & ego id efficiendi avidus, onere injecto non librato, velociter nimis me obtuli, tamen potui diligentia laudes ejus atque tempus ætatis & mortis * decem septem versibus cumulavi, non inscius tanti viri laudem, quæ pro virtutum meritis infinitæ sunt, me non satisfacisse prout decuit. Sed ille non de meis versibus famam æternam mutuabitur, sed exactæ vitæ sinceritate & meritis. Quis enim obsecro posset, nedum parvo epitaphio, sed etiam longa metrorum serie tanti viri explicare virtutes, quali ab infantia fuerit indole, ab adolescentia maturitate, à virili ætate perfectione, in senectute verò divinitate, quantus fuerit ejusdem viri ad Ecclesiam fervor, in fide constantia & puritas, in justitiæ ministracione severitas, præteri-

* Extant apud Ciacconium.

LIBER QVARTVS.

torumque fidelis memoria, quæ præsentium ordinatio, quæve prævisio futurorum, quanta fuerit ejus in victu sobrietas, in vestitu mediocritas, in moribus comitas, qualis in adversis constantia, in prosperis moderatio, quanto fuerit caritatis igne succensus, qualis in orando devotio? Crede mihi, hæc si de illo verè prædicari velint, deficiet stilus, & eloquentia vix ipsa sufficeret. Non enim fuit ipse prælatus, sed monachus, non vir humanus, sed divinus. Et quod ego non plenè collegeram excusabit me ingenii ruditas & præfixus metrorum numerus, quem transire marmoris spatia non permittunt. Accipe ergo versus non capientes tanti viri virtutes, sed qui marmore capi poterunt, ut me tuorum jussuum potiùs rusticum perfectorem quam neglectorem dicas. Et si quid aliud possum, injungito tanquam servo. Vale. Viterbii die nono Iunii.

EIVSDEM EPISTOLA AD
Franciscum Bruni.

Venerando Patri Domino meo Domino Francisco Bruni summi Pontificis Secretario.

Pater & Domine mi plurimùm venerande, Postquam de obitu sanctæ ac optimæ recordationis Patris & Domini nostri Urbani quinti, (quem utinam nunquam pro nominis sui celebritate vel Italix satietas vel Galliarum affectio tenuisset, ut qui in sedem propriam apostolicum thronum retulerat, in Ausonia moriens constanti proposito dimisisset) tecum conquestus sum, novit Deus ut pluries mecum agitaverim tibi de assumptione tam

An. 1371.

benigni tamque tibi singularis domini gratulari. Sed instant occupationes; & nedum ad scribendum amicis facultas suppetit, sed ad satisfaciendum officio vix tempora conceduntur; & nunc ægerrimè hæc quantulacunque, ut dici solet, exaro. Ut tamen priùs ad Vrbani redeam, me miserum! Ille superfluitatum Clericorum severissimus circumcisor, gregisque sui ad propria non ad precaria septa compulsor, qui pecus diù errans & ab Italicis pabulis defuētum ad urbem orbis arcem, unde quasi de cælo et si per cetera in lutum & cinerem illa olim Romæ penè hodie credita, sed jam fabulosa formositas attrita defluerit, adhuc tamen, ne omnia Gallis insolentibus concedamus, duo illa luminaria totius orbis ornatus & si famæ faveret opranda directio omnium gentium & nationum cunctarum assensu prodeunt & sublimium sedem proveniunt dignitatum, ad urbem inquam quam Deus Ecclesiæ suæ & apostolicæ sedis sedem constituit & primi clavicularii martyrio confirmavit. Populus enim ille sanctus & circumcisos occiso Christo, sicuti & hodie Ecclesiæ ritu in populis quorum furor contra pastores Episcopos occidendo surrexerit, observatur, dignus fuit privari sacerdotii dignitate, de quibus cùm hæc celsitudo transferretur ad gentes, ubi fuit caput Ecclesiæ statuendum nisi ubi procul dubio dispositione divina, licet armorum viribus gentium omnium princeps erat, & idolorum superstitiosa cultura; ut cùm militans Ecclesia in urbe urbium omnium domina triumphasset, per universum orbem faciliè vincendo percurreret. Ad hanc igitur urbem Ecclesiam diù vagam & currentem reduxerat, & confratrum suorum tanta indignatione detinuit ut videretur hoc sanctum propositum nonnisi mortis tempore dimissurus. Et ecce, seu Italiæ fato, seu Gallorum

lorum fortuna, siue gentis illius mutabilitate nativa, omnium admonitione subita relinquere Latium destinavit, puto, & sic fama est, ut, sicque credi volebat, Angliæ ac Francorum Reges conciliaret, & fortè, ut fas est de tanto viro præsumere, & ut ad Italiam quandoque rediret. Sit hoc tamen ut velit. Secessit hinc pastor, istuc tantæ curiæ & vix relinquens vestigia properavit, execrantibus cunctis Italicum solum, & quasi Syrtis vel Babylonis deserta profugiens. Postquam navem ascendit, exosa etiam Italiæ litora non calcavit, Sed non possumus cum Deo ludere. Sive enim occasionem siue causam de præstitæ pacis tractatione ad iter assumpserit, utrumque enim ambiguum est, non reversurus visus est ex Italia demigrasse; nisi quia ut erat naturaliter peragratior, suapte more & recessus sicuti accessus spem tradere videbatur. Ego verò eum de reditu non sensisse conjecto; ob quod ille iustus omnium iudex, qui scrutant renes & corda, ipsum & honestatæ causæ, privavit gloria, & protectionis diù non est passus lætitia frui, ac facultatem abstulit de regressu. Debemus itaque, si divini favoris gratiam cupimus promereri, non pro cupidine voluntatis nostræ, sed juxta recti æquique justitiam, quicquid agimus moderari. Scriptum est enim psalmo quadragésimo quarto: *Dilexisti injustitiam, & odisti iniquitatem. Propterea unxit te Deus oleo lætitiæ præ consortibus tuis.* Sed jam hæc reprehendere desinamus. Eò enim deductum est ut damnari, mutari verò non possit. Ascribimus, si placeat, Italiæ fato, & quicquid ille omnium gubernator & rector cum ipso egerit in melius assumamus, & ad te redeamus, cui nescio an æquius sit gratulari quam consolari, De illo enim qui te de patria omnium admiratione vocavit ad sua secreta, de conjugali thoro præter consuetum elegit, totque cumulatis ho-

noribus exornavit, tam repenti substracto pro materia satis conlacrymare difficile est. Pro tam benigni patris verò tamquam amici tibi sublimatione quis tecum quantum decet exultet? De minoribus enim ejus ne parum dicam, consilium puto silentio pertransire, dummodo pauca verba subnectam. Quòd totus vir iste, nunc patrum parer prudentia, circumspectio, modestia, fides, caritas, amor, benignitas, & quod in principe tali splendidissimum approbatur, veritas & constantia dictorum factorumque; quæ cùm in eodem adhuc Cardinali celebriter elucerent, ita ut ex iis divino miraculo de tam juvenili ætate videatur ad apicem apostolatus assumptus, quid debemus nunc de illo ad Christi vices erecto cum tanta virtutum suppellectile judicare? Vt enim dici solet, habet hoc apostolica sedes innatum quòd vel sanctum inveniat hominem vel sanctificet jam inventum. Ego unum audacter adiciam, quòd cùm sanctum invenit, nedum confirmet, sed efficiat sanctiorem. Si enim naturali quodam vinculo etiam privari officio & moribus obligamur quòd rationis participes nos divina bonitas fabricarit, quidnam debemus honoribus illustrati rependere? Nonne tenemur omnibus mentis viribus insudare ut tanto reddamus furura vitæ nostræ tempora virtutibus clariora quanto nos vel virtus vel fortuna vel Dei donum præminentius sublimarit? Hoc autem dignitarum culmen nec virtus tribuit nec fortuna concedit, sed sola divina dispositione noscitur provenire. Quis enim virtute propria mercatur Christi vices mortalibus exhibere? Quis etiam, licet Democritus ille aut Epicurus vivat, qui cuncta sorte fieri etiam in naturalibus affimabant, fortunæ tribuat potestati quem effici Ecclesiæ Dei principem & monarcham? Magna fuit apud veteres & laboriosa dissensio an Deus

res hominum suæ dispositionis ordine regularet ; & quamvis de singulis ad universitates & hominum genera ratiocinando procederent , multaque casibus fieri videbatur pertinaciter asserendo , paucis tamen dubium videbatur quin totum genus humanum , ut corpus unum est , à superis regeretur , quamvis per individua & species hoc negare quodammodo conarentur. Nos autem , ut fas est credere , teneamus cuncta divini numinis arbitrio gubernari ; ut cùm ad istud notabilissimum opus assumptionis apostolicæ pervenerimus , nedum à Deo fieri , sed maxima & singulari providentia dispensari credamus. Quo fit ut Deus ille qui totus bonus est , aut ipse idem hominem secundùm cor suum ad apicem tantæ dignitatis assumat aut former & efficiat jam assumptum. Et cùm par sit credere illam Dei providentiam in iis quæ majora sunt efficacius aspirare , qua ad volendum bona potenter impellimur , & ad operandum efficaciter adjuvamus , cui dubium fiat vicarium suum spiritus Dei gratia repletum in virtutum perfectionem ascendere , tantoque ab hac communi virtutum sede , in qua etiam virtuosos ducimus , ascendendo digredi quanto eum contingat dignitatis culmine ac honoris statu à ceteris elongari ? Sed ego in re notissima diutius moror ut id exprimendum assumpsi ad quod sigillandum nulla videatur eloquentia posse sufficere. Finem igitur faciam. Iam enim longius progressus sum quàm opus foret. Laus igitur illi summo bono , qui & Ecclesiæ suæ dignum caput præfecit , & tibi in rebus dubiis & quodam quasi naufragio ad portum salubrem non nudum in tabula , sed cum navi tota feliciter applicavit. Ego autem bene valeo , & in dies novam primamque prolem de conjuge cara lætabundus expecto. Iam Brunum & Loisium benedici jubeo , & ipsos quatenus

valeo benedico. Lucæ quarto Kalend. Februar
rii.

*Regi Francorum commune Florentiæ, manu
Colucci Cancellarii.*

An. 1404.

Serenissime & Christianissime Principum, me-
Stuendissime Domine, & hujus regii populi
spes unica & præsidium singulare. Quoniam nul-
la tam sublimis sapientia fuit unquam quam ig-
norantia facti sæpe faci'èque non fallat, oportet
devotionem nostram de conditoribus Italiæ pauca
præmittere; quæ si diligenti ponderentur examine,
dabitur ea scientibus sine dubio non errare. Est igi-
tur in hac orbis parte & antiquitus diu fuit detesta-
bilis factio quæ dicitur Gebellina. Hæc quondam
Ecclesiæ Romanæ persecutoribus Imperatoribus &
aliis semper favit. Est & altera quam Guelfam vo-
cant, quæ summis Pontificibus semper adhærens,
contra persecutores hujusmodi se objecit. Hujus
sanctæ catholicæque sortis hic devotissimus maje-
statis vestræ populus se caput & pugilem semper
gessit. Restituta quidem hæc civitas, quam Totila
Dei flagellum crudeli prodicione deleverat, resti-
tuta quidem dicimus à gloriosæ memoriæ Karolo
magno progenitore vestro, cum eodem auctore suo
per Dei gratiam sic incepit Ecclesiæ Romanæ fave-
re quod capto depositoque Desiderio virtute Prin-
cipis antedicti, favores Ecclesiæ tunc inceptos
nullis temporibus dereliquit. Quæ res causa fuit ut
illius diabolicæ factionis principes semper habuerit
noster populus inimicos. Vnde factum est ut in Tus-
cia jugiter contenderimus cum Pisanis & infauis-
simam progeniem Vicecomitum in Lombardia,
postquam turpi sævaque tyrannide Mediolanum

patriam suam exemplo turpissimo subegerunt, ad nonaginta & ampliùs annos semper oppositam habuerimus & infestam. Cum his antiquis & naturalibus, ut ita loquamur, hostibus infinita bella gessimus, & à quindecim annis citra dum ligas & fœdera rumpunt, paces violant, nostramque quærunt opprimere libertatem auctore detestabilis memoriæ Comite Virtutum eodemque Medionali Duce, jam ter bello publico compulsi sumus in defensionem nostram arma movere. Nunc autem hoc ultimo bello, quod ejus heredes contra nos infestis animis prosequiebantur, per Dei gratiam abstulimus eis plurimas civitates, Senas videlicet, Perusum, & Assisum in Tuscia. In Æmilia, verò, quam Lombardiam vulgò dicimus, tyrannidem istam depulimus ex inclita civitate Bononiæ, quam ipsorum pater infideliter occupaverat; & in eadem provincia potentissimam urbem Parmensem atque Placentiam & oppida infinita citra flumen Padi fecimus contra dictam tyrannidem rebellari. Trans Padum autem in regione Liguria exemimus ab illius servitutis jugo Cremonam & Laudem oppidumque quod Cremma dicitur, & finaliter urbem munitissimam Veronensem. Omittamus Pergamum, Brixiam, Alexandriam, atque Cumum, & castra quorum infinitus est numerus, quæ vel attentatis rebellionibus penè destructa sunt, vel in statum libertatis se completis inceptis viriliter redegerunt. Nec hæc tam magna, quæ supra potentiam quidem humanam sūt nobis arroganter ascribimus, sed, sicut decet, à divina solùm clémentia reputamus. Accedunt felicitati nostræ motus incredibiles. Mediolani populus quidem ille in tumultum multociens concitatus magna gessit, plures tyranni officiales atque satellites interfecit, stipendarios & mercenariam manum urbe depulit, custodiam portarum

assumpsit, & tandem præsidium quod cittadella dicebatur, gentium armorum tutum hospitem & receptum, solo violentis manibus diruentes æquarunt. Omnia post ruinam inceptam titubant atque nutant. Et denique summa tyrannidis hujus dies & irreparabile fatum venit impetu tam præcipiti tamque proclivi quòd nisi Deus deserat causam suam, mox nihil supererit ad vincendum. Huic tantæ securitati & gloriæ nostræ sola restat in Tuscia urbs Pisana, quam perfidus ille tyrannus de manu

* *Supra lineam minuat ori charactere, Iacobi de Apiano.*

* tyranniculi quem ibidem foverat, tamquam iustissimus esset dominus, pretio non modico fuit mercatus. Nec eum latebat tali venditore se prorsus non posse dominium aliquod adipisci. Sed voluit, cum illa civitas portus noster sit, unde solet penè quicquid mercanciarum & rerum recipimus advehi & alimentum nostro populo ministrari, sicque permixtis oppidis conjunctissima finibus nostris, nos tam opportuna commoditate privare & velut obsessos in suam nos compellere voluntatem. Dicitur autem hanc urbem testamento singulariter, proh nefas, filio suo spurio reliquisse. Quæ quidem abominatio tanta est quantam vix possunt homines sustinere. Quid enim est videre miseram illam antiquissimam civitatem oppressam tyrannide vix adolescentuli spurii Ducisque mortui adulteræ concubinæ? Quæ quidem omnia præfatum esse volumus ut quantum epistolaris brevitatis patitur, videre possit regia celsitudo statum rerum & conditionem Italiæ meliusque de ceteris quæ scribere non oportet & convenientius judicare. Cum hoc itaque, proh pudor, adultero filio matreque sua turpissimo Ducis scorto, certi venenosam viperam Tuscia pellere, bellum continuum gerebamus. Nec dubium est quin necessarium foret ipsos vi vel fœdere dimittere Pisas, liberare tanta peste

tantoque dedecore Tusciam, & secum venenosum anguem suum in Liguriam reportare. Inter hæc autem, quod nunquam potuit nostra devotio cogitare, illustris & magnificus Dominus Dominus Iohannes Bouciquaud regius civitatis Ianuæ gubernator ad nos suum destinat oratorem, per quem apertè denuntiat se vice vestræ celsitudinis illum spurium civitatis Pisanæ tyrannum & adulterum tyranni filium in protectionem & clientelam cum omnibus quæ possidet recepisse, monens quòd ob reverentiam regiam à bello debeamus & offensionibus abstinere. Et quid putat vestri culminis altitudourbationis fuisse in hoc toto populo nostro, videntibus cunctis hostem antiquum, cum quo pro libertate, quam nobis tradidit auctor noster inclitæ memoriæ Karolus magnus Francorum Rex, nonaginta jam annis dimicavimus, nomine vestro protegi, cumque ruiturus esset paratis omnibus & exercitu valido quibus eum aggredi volebamus, solum in nostrum exitium præservari. Quid autem gravis in nos committi potuit etiam ab inimicis quàm huius stirpis germen in libertatis nostræ periculum, cum in ruinam pergeret, juvari, foveri, defendi. Parcat Deus hanc talem injuriam nostram Bouciquaudo. Parcat siquidem sibi Deus, quoniam in puritate maxima non in offensionem nostram hoc credimus eum fecisse. Sed non parcat illis qui cogitaverunt manu regia nos confundere & hoc periculosum nostræ libertatis objectum diabolicæque factionis Gebellinæ fontem & fomitem conservare; cogitaveruntque inter nostræ devotionis habitum & benivolentiæ vestræ clementiam, quæ profectò nec hinc nec inde comminui possint nec aliquod generare dissidium vel malivolentiam excitare. Sed ad principale propositum redeamus. Certi sumus hæc omnia non solum præter, sed contra vestræ se-

renitatis vestrique gloriosi consilii conscientiam processisse. Quis enim sanæ mentis putare debet quòd tanta majestas fœdissimam tyrannidem tyrannosque, quos persequi & extinguere debeat, contra suos devotissimos filios protegat vel defendat? Ergo temporibus nostris videbimus conspicuum & gloriosum regni Franciæ diadema tam abominabilis operis infamia maculari quòd per orbem terrarum defensor & clipeus turpis & sævæ tyrannidis appelletur? Regale quidem officium est scelera persequi, nefanda corrigere, sed tyrannos super omnia conculcare. Regum opus esse dinoscitur oppressis succurrere & de libertate laborantibus, ne perire valeant, subsidium ministrare; ut quotiens contrarium cernitur, nullo modo factò vel consilio regium opus apud eos qui rectè sentiant judicetur. Dolemus ergo, clementissime Princeps, victoriam quæ in manibus nostris auferri & prætextu vilissimi census erat contra perfidum inimicum hoc nescimus quo fœdore de manibus nostris auferri & prætextu vilissimi census & tamquam regius honor sit, non dedecus & infamia, tyrannidem alterius in protectionem suscipere, vestris & nostris hostibus postponi. Semper enim detestabilis Vicecomitum ista progenies, cunctique quos habet Italia Gebellini tam Ecclesiæ Romanæ quàm pugilum ejus, inclitæ videlicet & Christianissimæ domus Franciæ, fuerunt, quicquid plerique blandiantur, & quandoque simulent vel dissimulent, inimici semper fuerunt & nostri. Non enim diligere possunt filios qui partes & auctores nostros semper odiosissimos habuerunt. Sciunt enim quoniam ipsos dilectione prosequi non possemus. Quamobrem sublimitatis vestræ benignitati solitæque clementiæ supplicamus quatinus hæc omnia quæ contra nos facta sunt dignemini revocare, si fortè per erro-

tem recepta sunt, vel si recipienda mittantur, sicuti sperat nostra devotio, reprobare, gubernatorique vestro præcipere quòd ab inceptis resiliat, & in pristinum statum cuncta reponens, hæc quæ facta sunt nullatenus prosequatur, & nos sicut de vobis & filios majestatis vestræ debeat in omnibus confovere; quò totum cernere possit Latium nos vobis tales esse filios quales semper fuimus ab omnibus reputari. Parcat nobis vestra serenitas si debito fuerimus longiores. Nondum enim quantum oportuit dictum est, & ob id quæ restant per nostros supplebimus oratores, quos per Dei gratiam è vestigio transmittemus. Serenitatem vestram, cui nostram & totius populi nostri devotionem, quæ quidem summa est, cum reverentia commendamus, incolumen & felicem dignetur altissimus pro defensione Christianitatis & unione sanctæ matris Ecclesiæ conservare. Datum Florentiæ die xxiv. mensis Aprilis, nativitate gloriosissimi sancti Georgii, duodecimæ Indictionis, millesimo quadringentesimo quarto. Ceterum dignetur vestra clementia nobis per latorem præsentium respondere, concedendo devotioni nostræ licentiam quòd citra vestræ majestatis indignationem incepta nostra viriliter prosequamur. Datum &c,

An. 1404.



PHILIPPI ARCHIEPISCOPI
Arelatensis epistola ad Capitulum Ecclesiæ
Arelatensis.

*Venerabilibus & egregiis viris Dominis Præ-
posito & Canonicis venerabilis capituli
sanctæ Arelatensis Ecclesiæ, fratribus
& amicis meis præclarissimis.*

Venerabiles & egregii viri, fratres & amici
mei p æstantissimi, salutem. Posteaquam Deo
permittente & Pontificis maximi indulgentia ira fa-
ctum est ut ego, qui tot annis Ecclesiæ Auxitanæ ea
quam Dominus dederat cum moderatione præla-
tus fui, ad vestram Arelatensem transferret Eccle-
siam, nihil fuit in quo magis consolaretur quàm cele-
bre ipsius Arelatensis Ecclesiæ nomen religionis-
que conformitatem. Non enim videor Ecclesiam
dimisisse priorem, cùm idem ordo eademque ob-
servantia apud vos sit. Aliquid tamen longè majus
me nactum existimo, dum ad quietiorem beatio-
remque vitam translatus sum, vos mihi fratres ha-
biturus, quibuscum summa caritate & benevolen-
tia omnia agere tractareque licebit. Moregeren-
dum præterea fuit majoribus nostris, atque omni
ex parte obsequendum in quo etiam animus meus
voluntasque consuevit. Itaque gratam hanc susci-
piens translationem, licet illam antea scire po-
tueritis, de ea tamen vos meis litteris certiores
facere decrevi, arbitratus id pro vestra in me hu-
manitate & benivolentia vobis satis placere, Nam
etsi de me polliceri non possim quod plerique ve-
stri Præsules dignitate, excellentia, religione, &

sanctimonia longè me majores præstiterunt, in primis autem reverendissimus Dominus meus Dominus Cardinalis de Fuxo apostolicæ sedis Legatus, conabor tamen pro virili mea parte sic efficere ut Ecclesiæ meæ vobisque non inutilis videri possim. Neque verò ut novus tyro ad hanc accedo dignitatem. Vos igitur ut eximios probatosque viros, mihi autem carissimos fratres, oratos velim ut grato animo hilarique vultu hanc nostram suscipiatis translationem, meamque juvetis infirmitatem, si quando humanæ naturæ imbecillitate, non ea omnia præstare potero, quæ vellem ad felix Ecclesiæ vestræ sponsæque meæ regimen vestrorumque omnium amplitudinem & conservationem. Confidens tamen immortalem Deum, cui supplex humilisque esse conabor, sua bonitate ac immensa pietate ea vobis mihi que largè præbiturum quæ suæ divinitati grata fuerint, ut Ecclesiæ obsequiis insistentes, & nos mutua caritate confoventes, sibi in odorem suavitatis ac omnibus bene sentientibus mortalibus placere possimus, quò ad beatas sedes bene agentibus promissas spes nostra diffundatur. Valete mei amantissimi fratres; meque summa cum benivolentia suscipite, ut omnibus in rebus vobis libero animo rem gratam efficere possim, expectantes me ad paucos menses, infra quos apud vos esse constitui, semper paratus ad omnia vestrorum omnium obsequia. Romæ die xxvi. Martii 1463. *Philippus Archiepiscopus Arelasensis frater vester.*

PHILIPPI ARCHIEPISCOPI
Arelatensis epistola ad Capitulum Ecclesiæ
Arelatensis.

*Venerabilibus & egregiis viris Dominis Præ-
posito & Canonicis venerabilis capituli
sanctæ Arelatensis Ecclesiæ, fratribus
& amicis meis præclarissimis.*

Venerabiles & egregii viri, fratres & amici
mei præstantissimi, salutem. Posteaquam Deo
permittente & Pontificis maximi indulgentia ita fa-
ctum est ut ego, qui tot annis Ecclesiæ Auxitanæ ea
quam Dominus dederat cum moderatione præla-
tus fui, ad vestram Arelatensem transferret Eccle-
siam, nihil fuit in quo magis consolaretur quàm cele-
bre ipsius Arelatensis Ecclesiæ nomen religionis-
que conformitatem. Non enim videor Ecclesiam
dimisisse priorem, cum idem ordo eademque ob-
servantia apud vos sit. Aliquid tamen longè majus
me nactum existimo, dum ad quietiorem beatio-
remque vitam translatus sum, vos mihi fratres ha-
biturus, quibuscum summa caritate & benevolen-
tia omnia agere tractareque licebit. Moregeren-
dum præterea fuit majoribus nostris, atque omni
ex parte obsequendum in quo etiam animus meus
voluntasque consuevit. Itaque gratam hanc susci-
piens translationem, licet illam antea scire po-
tueritis, de ea tamen vos meis litteris certiores
facere decrevi, arbitratus id pro vestra in me hu-
manitate & benivolentia vobis satis placere, Nam
etsi de me polliceri non possim quod plerique ve-
stri Præsules dignitate, excellentia, religione, &

sanctimonia longè me majores præstiterunt, in primis autem reverendissimus Dominus meus Dominus Cardinalis de Fuxo apostolicæ sedis Legatus, conabor tamen pro virili mea parte sic efficere ut Ecclesiæ meæ vobisque non inutilis videri possim. Neque verò ut novus tyro ad hanc accedo dignitatem. Vos igitur ut eximios probatosque viros, mihi autem carissimos fratres, oratos velim ut grato animo hilarique vultu hanc nostram suscipiatis translationem, meamque juvetis infirmitatem, si quando humanæ naturæ imbecillitate, non ea omnia præstare potero, quæ vellem ad felix Ecclesiæ vestræ sponsæque meæ regimen vestrorumque omnium amplitudinem & conservationem. Confidens tamen immortalem Deum, cui supplex humilisque esse conabor, sua bonitate ac immensa pietate ea vobis mihi que largè præbiturum quæ suæ divinitati grata fuerint, ut Ecclesiæ obsequiis insistentes, & nos mutua caritate confoventes, sibi in odorem suavitatis ac omnibus bene sentientibus mortalibus placere possimus, quò ad beatas sedes bene agentibus promissas spes nostra diffundatur. Valete mei amantissimi fratres; meque summa cum benivolentia suscipite, ut omnibus in rebus vobis libero animo rem gratam efficere possim, expectantes me ad paucos menses, infra quos apud vos esse constitui, semper paratus ad omnia vestrorum omnium obsequia. Romæ die xxvi. Martii 1463. *Philippus Archiepiscopus Arelatensis frater vester.*

LIBER QVARTVS.

33

tionem & cunctationem meam nuper tu sustulisti.....tibi que non modò ad te scribendi facultatem, verùm etiam te laudandi & in cælum efferendi, si tempus & epistolaris breuitas pateretur, materiem uberrimam attulisti. Nam cùm superioribus diebus & nuntiis plurimis & litteris nobilis Veneti Hieronymi Michaëlis factus essem certior te admodum sculpturis ac cælaturis ductilibus in memoriam præteritorum excellentium virorum & illustrium ducum ac imperatorum, quorum effigies admirari simili modo persæpe cogor, cùm rem mutam.....loquentem præsentibus reddant & posteris, præclara sanè res mihi visa est tantoque Principe digna ad immortalitatem comparandam; & quamvis cuipiam forsan levior videatur, eam tamen ego magni momenti magnique ponderis tecum sentiens fore iudicem quamquam video Ciceronem..... nostrum harum rerum cura scribere ad Atticum ut signa perquirat quibus ornet academiam suam, ingenui & generosi quoque animi esse puto delectari illis rebus in quibus artificum manus spirantis ferme naturæ similitudinem quasi virtutum incitamenta quædam expresserunt. Quod Alexandrum magnum Macedonum Regem in..... aliter ac tu in huiusmodi fecisse percelebre est. Hic enim..... quas modò diximus cupidissimus rerum, non ab omnibus pingi se vel fingi voluit. Quinimò edicto vetuit ne quis se præter Apellem pingeret aut alius Lisippo duceret æra fortis Alexandri vultum similitia. Neque id ab re, sed consultè quidem. Nam eodem teste auctore, nec magis expressi vultus per ænea signa quàm per vatis opus mores animique virorum clarorum apparent. Qua in re cùm Matthæum pastum Veronensem plures jam annos contubernalem & comitem meum, mirificum harum re-

quod obsecro pro tua divina humanitate gratissimis ulnis & . . . mente benignè suscipias. Non enim aurum aut gemmas pollicemur, quæ nobis nulla sunt, & tu minimè expetis; sed quod unum possumus, unum hoc opus, multorum nobilium ducum dictis factisque refertum, unum cujus præter hunc animum & ingentem hancque totam quæcumque est facultatem meam ad te, si mori me etiam tibi libeat, ornandum illustrandumque devotissimè confero. Vale ad vota, Princeps serenissime; & si non indignissimum judicas, inter tuos me tibi obsequentissimos deditissimosque annumeres.

Hæc epistola scripta fuit ante annum 1463. Nam ex nota in calce codicis apposita pater illum eo anno scriptum esse.

*Epistola Sixti IV. ad Karolum Ducem
Burgundiæ.*

Dilecto filio nobili viro Karolo
Burgundiæ Duci.

SIXTUS Episcopus servus servorum Dei. Dilecte An. 1471.
fili nobilis vir, salutem & apostolicam benedictionem. Intelleximus ex litteris tuis, quas nuper accepimus, & admiratum te satis & animo commotum fuisse quòd duos Cardinales nobis secundùm carmen conjunctos, posthabito dilecto filio Ferrico de Clugnaco Notario nostro, pro quo tot tuæ preces intercesserant, de novo creaverimus, quòd prioratum de Gigny ordinis Cluniacensis ei qui tunc erat Carpentrasensis Episcopus commendaverimus, & demum quòd te inscio ad istas partes nostrum & apostolicæ sedis Legatum

deputaverimus. Quod etiam dilectus filius Philebertus Hugoneti Notarius noster, tuus in Romana curia procurator, nobis tuo nomine retulerit, diligenter audivimus. Molestè profectò tulimus suscepisse te ex hujusmodi rebus anxietatem aliquam. Neque enim potest paterna pietas mœrorem filii sine molestia audire. Et certè nos quoque commoti non parum animo fuisset, nisi statim nobis occurrisset excellentiam tuam intellecta ratione consiliorum nostrorum mutaturam statim mentem in melius, & omnem admirationem, omnem suspicionem ex animo ejectionem. Quod igitur ad duos Cardinales attinet, sciat celsitudo tua nos non tam benivolentia & conjunctione sanguinis ad id adductos quàm manifesta necessitate. Magna res est gubernaculum Romanæ & universalis Ecclesiæ, & ingens est sarcina quam Romanus sustinet Pontifex, ac nisi ad eam gerendam coadjutores habeat idoneos, omnino intolerabilis. Quamvis autem nos venerabiles fratres nostros sanctæ Romanæ Ecclesiæ Cardinales haberemus, cum quibus & partiti onus nobis injunctum poteramus, necesse tamen erat habere aliquos domesticos, qui nobis die noctuque assisterent, negotia præsertim temporalitatis Ecclesiæ continuè referrent, & nobis in cor actum continuis occupationibus promptè & diligenter servirent. Hac igitur ratione adducti creavimus duos Cardinales, qui licet nobis secundum carnem sint conjuncti, tamen & boni sunt & graves: quorum alter artium & sacræ theologiæ professor est, alter pontificii juris antistes. Ferricum verò non ideo posthabuimus quòd aut meritorum ejus aut intercessionum tuarum essemus obliti. Sed cum necesse esset eum de novo creare, non poterat hoc fieri nisi simul quibusdam aliis Principibus ac nationibus in re simili satisfaceret. Quod
bonis

bonis rationibus differendum aliquantisper fuit, parvo tamen temporis intervallo, quemadmodum apertius propediem à Legato apostolicæ sedis intelliges. Quo intellecto, non dubitamus te bono animo futurum & à nobis id expectaturum quod & tua & ejus pro quo supplicas merita exposcunt, & nostra in te caritas ac benivolentia exigit. De prioratu verò nepoti nostro secundum carnem commendato tantum abfuit ut id tibi molestum futurum existimaverimus ut potius rem nos tuæ excellentiæ gratissimam speraverimus fecisse, quod & de rebus tuis fiduciam, quod amoris & benivolentiæ signum est, cepisse videamur, & hominem nobis carissimum tibi dedisse in eo loco constitutum qui & posset & vellet, prout certè volet, omnibus rebus tuis favori atque adjumento esse. Tuæ itaque celsitudinis erit rem hanc non modò æquo animo ferre, sed gratissimam habere, cum præsertim non sit amplius Carpentrasensis sed ^{*Lau-} Lau-
danensis Episcopus; & nos ita in ceteris devotio-^{sis.} ni tuæ satisfacere conabimur quod te à nobis paterno amore diligi faciliè intelliges. Quod autem ad Legatum spectat, si is ad te solum ob aliquod particulare negotium decretus esset, justam fortasse admirationis causam haberes. Sed longè diversa instituti nostri ratio fuit. Videbamus vide-
musque, quod vix sine lacrymis possumus scribere, labantem tempore nostro rempublicam Christianam, hostem fidei nostræ potentissimum cervicibus nostris imminentem, Princeps verò Christianos, à quibus sperari aliquod præsidium potuisset, inter se ipsos proh dolor dissidentes & arma inter se mutuò convertentes. Cupientes igitur huic rei, quantum fragilitati nostræ divina bonitas suggeret, omni studio viribusque consulere, decrevimus Legatos ad omnes Principes nationes.

que Christianas, qui intestina odia tollere, discordias pacare conarentur, deinde illorum animos ad defensionem Christianæ fidei in tanto periculo & tam atroci persecutione excitarent; inter quos ad carissimum in Christo filium Francorum Regem & excellentiam tuam elegimus venerabilem fratrem Cardinalem Nicænum Patriarcham Constantinopolitanum, qui, ut præstantiam & virtutis ejus ac summum fidei fervorem omittamus, jam triginta duobus annis bonæ memoriæ genitori tuo sibi ac omni familiæ tuæ deditissimus fuit, negotiis tuis & dominiorum tuorum semper favit, te verò ita amat & colit ut non dubitemus excellentiam tuam solo ejus nomine audito & deputationem nostram gratissimam habuisse & adventum ejus summo cum desiderio expectare. Intellexit igitur celsitudo tua relationem deputationum Legatorum, ad quod non erat tua vel aliorum Principum intentio requirenda. Nunc, quod superest, te omni animi affectu, quemadmodum per alias nostras litteras fecimus, hortamur ut res inter Christianissimum Francorum Regem teque & alios Galliarum Principes tua singulari prudentia ita dirigas atque componas ut Legatus noster in suo adventu omnia parata inveniat, solaque sigilli impressio & auctoritatis apostolicæ interpositio supersit; quò compositis provincialibus rebus, tractari statim de negotiis Christianæ reipublicæ possit; in quibus omnibus ad sis & consilio & favore, cum tu & propter præsentia & propter prudentiam tibi à Domino datam ac rerum experientiam omnia media intelligas quæ ad hujusmodi nostrum piissimum desiderium conducunt. Magna sunt monumenta meritorum quæ genitor & progenitores tui in sanctam Dei Ecclesiam & hanc sacratissimam sedem contulerunt. Non minor in te

est virtutum præstantia, nec minor animus, nec per Dei gratiam minor potentia; devotionem quoque in Ecclesiam Dei & ardorem animi in his quæ ad defensionem Christianæ reipublicæ pertinent, non minorem immo maiorem fore & optamus & speramus. Auge spem nostram, fili dilecte, & ad tam necessarium opus omnes vires tuæ bonitatis effunde. Te verò & dominia tua ac res tuas omnes semper hæc sedes omni caritate ac benivolentia complectetur, & quantum cum Deo poterit, honori tuo & statui favebit. Datum Romæ apud sanctum Petrum anno incarnationis dominicæ millesimo quadringentesimo septuagesimo primo, duodecimo Kal. Aprilis, pontificatus nostri anno primo.

Sequentes articulos miserunt nominales Vniuersitatis Parisiensis ad Regem Franciæ Ludovicum VI. qui ad requisitionem magistri Iohannis Boucard & Thomistarum iusserat doctrinam Okam & Nominalium condemnari & ulterius ibi non doceri neque legi.

Illi Doctores Nominales dicti sunt qui non Aa. 1473. multiplicant res principaliter signatas per terminos secundum multiplicationem terminorum, Reales autem qui è contrà res multiplicatas esse contendunt secundum multipliciter terminorum. verbi gratia. Nominales dicunt quòd deitas & sapientia sint una res & eadem omnino, quia omne quod est in Deo Deus est. Reales autem dicunt quod sapientia divina dividitur à deitate.

Item Nominales dicti sunt, qui diligentiam &

studium adhibuerunt cognoscendi omnes proprietates terminorum à quibus dependet veritas & falsitas orationis, & sine quibus non potest fieri perfectum iudicium de veritate & falsitate propositionum. Quæ proprietates sunt suppositio, appellatio, ampliatio, restrictio, distributio exponibilis. Cognoscunt præterea obligationes & insolubilem naturam, vera fundamenta argumentorum dialecticorum, & omnes eorum defectus. Quibus rebus instructi de unaquaque argumentatione faciliter cognoscunt an bona sit, an mala. Reales autem hæc omnia negligunt & contemnunt dicentes: Nos imus ad res, de terminis non curamus. Contra quos magister Iohannes de Guersunno: *Dum vos ad res itis terminis neglectis, in totam rei caditis ignorantiam.* Hæc ille in tractatu tuo super *Magnificat*; & subjungit idem quòd dicti Reales se involvunt difficultatibus inexplicabilibus dum difficultatem quærunt ubi non est nisi difficultas logicalis.

Item inter Nominales primus qui legitur fuisse condemnatus fuit Guillelmus Okam, quem Iohannes xxii. persecutus est, primò quia dictus Guillelmus Okam fuerat eidem Papæ contrarius in hæresi de animabus beatis, quas idem Papa dicebat non videre Deum facie ad faciem ante diem ultimi iudicii, & similiter dicebat animas damnatorum ante diem illum non cruciari in inferno. Et eundem Papam compulit dictus Okam hæresim suam revocare. Et contra eandem hæresim scripsit pulcherrimum tractatum, in quo omnes errores dicti Iohannis xxii. & omnium sibi adhærentium lucidissimè dissolvit. Scripsit præterea alium tractatum in quo ejusdem Iohannis xxii. errores aliquos supra hoc collegit.

Secundò Papa Iohannes xxii. eundem Okam

persecutus est quòd in dialogo suo per scripturam sacram & per dicta summorum Pontificum & Conciliorum generalium & Doctorum Ecclesiæ defendit auctoritatem regiam, ostendens & potissimè Regem Franciæ habere regnum suum immediatè à Deo, & non à Papa, neque Papæ Regem esse subiectum in temporalibus, neque Papam pro libito suo posse Regem Francorum deponere à regno, neque regnum posse transferre de gente in gentem, sicut dogmatizare visus fuerat Bonifacius VIII. per quandam decretalem quam super hoc promulgavit, asserens esse de necessitate salutis credere omnem Principem mundi Papæ plenè subiectum tam in spiritualibus quàm in temporalibus. Et incipit decretalis *Vnam sanctam.*

Propter has causas idem Iohannes XXII. multa privilegia dedit Vniversitati Pariensi ut ipsam doctrinam Guillelmi Okam condemnaret. Dicta tamen Vniversitas noluit eam condemnare. Sed facultas artium importunitate victa fecit statutum in quo cavetur dictam doctrinam non esse dogmatizandam, quia nondum erat approbata & examinata. Et postmodum instituit iuramentum quò juraverunt omnes dictam doctrinam non dogmatizare in casibus in quibus est contra fidem. Et expressè habetur in libro Rectoris. Et in eodem libro notantur quatuor articuli in quibus assererat dictum Okam errasse; quorum nullus, ut clarè patet intuenti, est contrarius fidei. Et primus articulus in nullo librorum reperitur. Immo contrarium ejus habetur frequentissimè & in logica & in rheologia ejus. Et ita est ibi error facti, qui non est tolerabilis.

Iussit etiam idem Papa doctrinam hujus Okam examinari per quendam Cardinalem. Qui licet multa disputaverit contra eundem Okam, nihil

tamen repererunt quod ausi fuerint condemnare. Neque secuta est aliqua damnatio articulorum per eundem Cardinalem examinatorum.

Item secundò legimus Nominales expulsos de Bohemia eo tempore quo hæretici voluerunt Bohemicum regnum suis hæresibus inficere, ut colligitur ex historia Pii Papæ quam de Bohemia conscripsit, ita quòd cùm dicti hæretici non possent supradictum disputando superare, impetraverunt ab Abbisseflao Principe Bohemiæ ut gubernarentur studia Pragensia ritu Parisiensium. Quo edicto, ut ibidem habetur, coacti sunt supradicti Nominales Pragam civitatem relinquere, & se transtulerunt ad Lipzitam civitatem, & ibidem Vniversitatem erexerunt solemnissimam. Quibus expulsis, hæretici per regnum Bohemicum suas hæreses seminaverunt.

Eo tempore Deus ita providit fidei Ecclesiæ suæ ut cùm apud Bohemiam regendo studia secundùm ritum Parisiensium suscitavit Deus Doctores catholicos, Petrum de Allyaco, Iohannem de Gersonno, & alios quamplures doctissimos viros Nominales, qui convocati ad Concilium Constantiense, ad quod citati fuerant hæretici, & nominatim Hieronymus & Iohannes, in fidem Christi defenderunt, & dictos hæreticos publicè per quadraginta dies disputando superaverunt ita & confuderunt ut dicti hæretici se argumentis Petri de Allyaco victos confiterentur.

Item tertia persecutio Nominalium fuit post occisionem Ducis Aurelianensis. Nam propter guerras quæ inde supervenerunt dispersi sunt per varias regiones & provincias doctissimi viri Vniversitatis in via Nominalium eruditissimi, quorum doctrinis sic floruerat dicta Vniversitas ut jure optimo lumen orbis ipsa diceretur. Qua dispersio

facta, supervenerunt quidam Albertistæ, qui nullo resistente doctrinam Nominalium ejecerunt. Sed posteaquam Anglicis expulsis cœpit hæc Vniversitas refflorere, viris ingeniosissimis referta est, & ab eis dicta doctrina Nominalium resumpta & resuscitata est. Et quicquid dicant hujus viæ & veritatis æmuli, sic à viginti annis usque in hoc tempore incrementa laudis & gloriæ suscepit, ut manifestè apparet omnibus rectè judicantibus, non favore, non invidia, aut odio affectus fructus hujus eruditionis & quanta sit utilitas in his doctrinis.

Quarta persecutio fit his diebus, scilicet 1473. Cujus potissimum tres causæ reperiuntur. Prima est laus & gloria eorum qui huic doctrinæ insudant. Secunda causa est, quia qui dicuntur Nominales, ita aliquos & maximè Thomatistas superant disputando ut nullo modo eis resistere possint, & ob hoc eos penitus exterminare nituntur. Tertia causa est ex quadam hæresi confixta in Vniversitate Lovanii. Quidam enim Lovaniensis Regens tractatum composuit in quo negabat certitudinem & præsentiam divinam de contingentibus, asserens propositiones de futuro contingenti, etiam contentas in Biblia & à Christo prolatas, non esse veras. Quem tractatum his hæresibus plenum approbavit Lovaniensis Vniversitas, promotoremque suum Parisius misit sollicitare facultatem Theologiæ quatinus dictum tractatum approbarent. Cui cum multi dictæ facultatis Doctores, & illi maximè qui doctrinæ Nominalium exterminationem procurant, faverent, se viriliter objecerunt & opposuerunt illi qui dicuntur Nominales, nullum periculum pro defensione fidei formidantes, impedieruntque ne Theologiæ facultas dictum tractatum approbaret. Quod molestissimè illi qui di-

cuntur Reales tulerunt, & usque ad xxiv. se dicto tractatui subscripserunt & illum approbaverunt.

Citatus est autem dicti tractatus compositor ad sedem apostolicam, accusante magistro Henrico de Zomoren Doctore Parisiensi inter Nominales doctissimo, & Romam pro sui defensione profectus rationes suas, causas, & motiva allegavit, produxitque ad suam justificationem signaturas xxiv. Doctorum Parisiensium. Nomina Petrus de Vaucello, Rolandus le Couzich, Iohannes * Boucart, Guillelmus de Castrosforti, Guillelmus Bo-ville, Petrus Caros, Iohannes Colfart, &c.

* Vvatar.

Quibus nonobstantibus condemnatus est dictus Lovaniensis compositor tractatus, & tractatus suus hæreticus declaratus. Propter quam condemnationem supradicti approbatores hæresum illarum accensi ira & odio, defensores fidei inquietant, molestant, & perturbant.

Item & post dictas signaturas quidam Regens artium Parisius de partibus Almanix in vico straminis supradictas hæreses Lovanienses publicè sustinuit, asserens Christum potuisse non dicere verum cum Petro diceret: *Ter me negabis*. Quem cum accusassent apud facultatem Theologiæ quòd dixerit Christum fuisse mentitum, per Doctores approbatores prædictarum hæresum Lovaniensium defensus est.

Ad illud autem quod contra Nominales allegatur, quòd scientia eorum perversa & plena hæresibus, responderetur primò quòd in his qui nominalitatem & realitatem concernunt, pars Nominalium semper est fidei confirmior & ab Ecclesia frequenter approbata, pars autem realium periculosa & in multis ab Ecclesia reprobata, ut patet in materia universalium de æternitate propositionum & multitudine entium sine causa.

Respondetur secundo quod in his impertinentibus ad nominalitatem & realitatem Nominales sine comparatione minùs erant quam alii, & semper pro uno errore reperto in doctrina Nominalium, si aliqui reperiantur, ostenduntur quatuor aut quinque in doctrina Realium. Et ad hoc probandum se offerunt Nominales.

Nolumus tamen dicere Nominales esse omnino immunes ab erroribus. Si enim dixerimus quia peccatum non habemus, veritas in nobis non est. Neque enim possunt hoc asserere Thomistæ de beato Thoma, contra quem etiam viventem facti sunt articuli multi Parisius; contra cujus errores nomine facultatis theologiæ tractatus quidam factus est & Romam missus. Neque lectores sententiarum hoc de magistro Petro Lombardi asserere possunt, cum communiter contra eum annotentur xxvi. articuli in quibus non est tenendus. Sed volumus eos dicere inter omnes Doctores minùs errasse & magis ceteris integram fidei veritatem secutos. Quod aperte constabit si publicentur propositiones contra eos datæ. Ostendetur enim multas earum esse contentas in doctrinis realibus, & illarum nullas vel paucissimas esse erroneas.



Opiniones sive signaturæ Doctorem Parisiensium quarum mentio fit supra pag. 536.

An. 1471.

Videtur mihi, salvo semper doctorem ac peritiorum meliori iudicio, quod ordinatio facta per venerandam theologiæ facultatem universitatis studii Lovaniensis super quibusdam propositionibus & earum similibus quæ videntur piarum aurium offensivæ, & postmodum per facultatem artium ejusdem universitatis acceptata & per modum statui in suis registris descripta, quod scilicet tales propositiones omnino sileantur, (quæ quidem ordinatio sic incipit: *Cupiunt juxta consilium Apostoli venerabilis artium facultas &c.* & finitur. *& similes, hoc est, aequè offensive vel magis periculose, sileantur omnino*) providè, sapienter, & fructuosè sunt edita, facta & instituta ad honorem ipsius universitatis, vitationem errorum, & ad falsorum dogmatum periculosas inventiones supprimendas, ad profectum etiam scholarium seu auditorum, præsertim ad veriore seu securiorem eruditionem illorum qui studio theologiæ intendunt. Præterea videtur mihi quod positio seu doctrina Aristotelis in libro primo periermenias de futuris contingentibus non repugnat nec adversatur sacræ scripturæ nec revelationibus in eadem contentis, quodque cum veritate scripturæ & dictis seu expositionibus sanctorum Doctorem sustineri potest ac defendi. Contraria verò assertio mihi videtur periculosa, dissona veritati, non dogmatizanda, sed potius silenda; ne longius divulgata plurimos à veritatis rectitudine & doctrina sancto-

rum Doctorum deviare faciat. Insuper mihi videtur quòd contenta in quodam codice, ut fertur, per magistrum Petrum de Rivo, quoad primam partem incipiente *An in potestate Petri &c.* quoad aliam partem *Sicut Tullius testatur libro de fato &c.* quoad aliam partem incipiente *Ponentes in propositionibus &c.* & quoad aliam *A quolibet catholico &c.* & quoad aliam decem capitula continentem *Verum philosophi tres virtutes &c.* & quoad aliam novem capitula continentem incipiente *Finalis particula*, si hujusmodi contenta & scripta diligenter inspiciantur & examinentur, non dissonant veritati, nec suspecta haberi debent in fide & doctrina sanctæ matris Ecclesiæ, sed magis ut ex dictis Doctorum approbatorum elicita & conspilata. *Sic subscriptum & signatum.* De Vaucello.

Et mihi Guillelmo Burgensi sacre theologiæ Doctori actu in prædicta facultate regenti videtur conformiter ad prædictam opinionem magistri nostri de Vaucello; qui etiam est opinionis Aristotelis in fine primi periermenias. *Sic subscriptum & signatum* Bourgenfis.

Et mihi Antonio Vrsi sacre theologiæ professori actu regenti Parisius in dicta facultate ita videtur sicut continetur in prædicta determinatione magistri nostri de Vaucello. *Sic subscriptum & signatum.* Vrsi

Et mihi Petro Caros sacre theologiæ professori ita videtur ut in prædicta determinatione magistri nostri de Vaucello superscripto. *Sic subscriptum & signatum.* Caros.

Et mihi Stephano Gervasii sacre theologiæ professori ita videtur ut in prædicta determinatione magistri nostri de Vaucello superscripto. *Sic subscriptum & signatum.* Gervasii.

Et mihi fratri Rolando le Cozie ordinis fra-

Cum nihil inter humana salubrius fore censeatur inquisitione atque manifestatione catholicæ veritatis, ipsa sapientia divina attestante, quæ dicit, *Qui me elucidant, vitam æternam habebunt*, & ad hoc tam strenuum atque laudabile & fructuosum opus sacræ professores veritatis astringi & teneri maximè videantur, & signanter ubi materia occurrat & reddenda ratio exigitur, hinc est quòd ego Guillelmus de Castroforti inter sacræ theologiæ studii & almæ universitatis Parisiensis clarissimos professores minimus, ac regalis collegii Campaniæ aliàs Navarræ in eodem Parisiensi studio fundati indignus magister, à nonnullis egregiæ litteraturæ ac eruditis viris opinari ac opinionem propriam super quibusdam materiis ac quæstionibus inferiùs descriptis signare requisitus, requisitioni mihi factæ satisfacere cupiens, ad easdem quæstiones quæ mihi fore dicenda videbantur quantum Dominus suffragari meisque aspirare conatibus dignabitur edicere atque scribere conabor.

Prima quæstio in ordine. Vtrum opinio vel doctrina philosophi primo periermenias sententialiter dicetis quòd in propositionibus de futuro contingenti non est determinata veritas quemadmodum in illis de præsentis & præterito stare possit cum fide catholica, vel utrum sacræ fidei adversetur & repugnet, attento quòd Deus omnia futura evidenter & determinatè cognoscit. Salvo semper peritorum iudicio, mihi videtur quòd prædicta philosophi opinio veritatem continet quam sequuntur Doctor sanctus & plures alii in sacris litteris famatissimi atque clarissimi Doctores & in fide firmissimi ejusdem fidei strenuissimi defensores, dictamque philosophi sententiam tenuerunt huc usque Parisius omnes illi communiter qui doctrinam realium insequuntur. Vnde & prænominatus

sanctus Thomas de Aquino in omni passu in quo de futuris contingentibus loquitur nullam ponit in eis determinatam veritatem prout futura sunt aut in futuritione considerata. Repugnat enim futuro contingenti, ut tale est, determinatio veritatis aut falsitatis. Alias enim contingens non esset. Eo enim contingens esse dicitur quia potest evenire & potest non evenire. Ergo ad nullum est determinatum. Quapropter ponere propositiones de futuro contingenti esse determinatè veras aut determinatè falsas sicut illas de præsentī aut de præterito, quæ sunt inimpedibiliter veræ aut falsæ, est favere errori dicentium omnia de necessitate evenire, sic quod non possunt impediri. quod repugnat fidei & libertati voluntatis, & concilia destruit, & merita dissolvit. Obsequitur itaque fidei dicta philosophi opinio, nec eidem adversatur aut repugnat, si rectè intelligatur.

Secunda quæstio est de quodam statuto à Doctoribus sacræ theologiæ studii ac famosæ universitatis Lovaniensis quondam instituto & ordinato, & consequenter per facultatem artium dictæ universitatis accepto, & per modum etiam statuti & ordinationis recepto, & in suis registris seu libris scripto: cujus quidem statuti vel ordinationis vigore reprimuntur tamquam sub silentio ponendæ quædam propositiones quæ pro tunc eis videbantur nullatenus communi doctrinæ convenire, sed potius inutiles aut piarum aurium offensivæ: cujus etiam statuti vel ordinationis exordium tale est: *Cupiens juxta consiliū Apostoli venerabilis artium facultas se ipsam Deo probabilem & inconfusibilem exhibere &c. statuit &c. In primis quidem ut disputatio de potentia divina & ceteris theologicis veneranda facultati theologia relinquatur.* Et sic de alijs. Vtrum scilicet præfata ordinatio sit injusta & tamquam ra-

tionabilis tenenda & observanda. In hac autem materia, sicut in præcedenti ac etiam sequenti, opinionem insequendo clarissimi & famatissimi sacre theologiæ professoris magistri Petri de Vaucello ac etiam theologiæ facultatis almæ universitatis Parisiensis Decani meritissimi atque doctissimi, puto dictam ordinationem perutilem atque fructuosissimam esse, cùm & exhortationibus & præceptis Apostoli conveniat, quibus Timotheo scribebat, *Stultas autem & sine disciplina questiones devita sciens quia generant lites*, & conformiter ad Titum tertio capitulo, *Stultas autem questiones & contentiones & pugnas legis devita, sunt enim inutiles & vana &c.* Vnde propositiones quæ per statutum præfatum silendæ præcipiuntur, non tantùm vanæ & inutiles videntur, quin etiam ut in pluribus sanæ doctrinæ subversivæ, & nonnullæ earum de hæresi suspectæ. Proinde ordinatio facta ad honorem cedit prædictæ universitatis Lovaniensis, ad suppressionem falsi & periculosi dogmatis, & ad commendationem doctrinæ veritatis catholicæ, profectui studentium deservit, & alias affert quamplurimas notabiles commoditates propter quas amplexanda est prædicta ordinatio & jugiter observanda.

Tertia quæstio quendam tractatum continet à quodam venerabili & profundæ litteraturæ viro, scilicet magistro Petro de Rivo, editum atque compositum signanter & præcipuè ad elucidationem veritatis dictæ sententiæ seu opinionis philosophi de futuris contingentibus, & ad confutationem opinionis contrariæ. Qui quidem tractatus quoad primam partem incipit *An in potestate Petri &c.* quoad aliam partem *Sicut Tullius testatur in libro de fato &c.* quod aliam partem incipit *Ponentes in propositionibus &c.* & quoad aliam *A quolibet*

catholicæ &c. & quoad aliam decem capitula continentem *Virum philosophi tres virtutes &c.* & quoad aliam novem capitula continentem incipit: *Finalis porticula &c.* Vtrum præfatus tractatus debeat vel in toto vel in parte de hæresi aut falsitate notari, aut possit probabiliter tamquam veritatem continens sustineri, & tamquam probabilis sanæque doctrinæ conveniens dogmatizari & defendi. Quamvis autem hæc quæstio non parvi sit ponderis, & grandi egeat discussione propter arduas subtilesque difficultates quæ in prædicto continentur tractatu, attamen pro modulo facultatis meæ, probabiliter tantum loquendo, ac etiam me submittendo determinationi Ecclesiæ sacrosanctæ, si quandoque per eam aliter definiti contingat, mihi pro nunc videtur quòd tractatus ille subtiliter, ingeniosè, & multum scientificè conditus est, nihilque erroris aut falsitatis fidei contrariæ includit vel continet, sed si attentè & per singula discutiatur & ad sensum quem exprimit capiatur, catholicis & sinceris ventilibus & dictis sanctorum Doctorum consonat & conformatur. Non enim, sicut adversarii obierunt, negat veritatem à propositionibus de futuro contingenti quæ in sybollo fidei aut canonæ sacræ scripturæ continentur, quin potius eas verissimas fatetur ab omni catholico firmiter & usque ad mortem credendas, sed loquendo de veritate propositionis creata & inhærente formaliter & actualiter ex præsentia rei significatæ existente, dicit quòd in talibus propositionibus de futuro contingenti non est veritas determinata sicut in illis de præsentia & præterito; ita scilicet quòd sicut illæ de præsentia & præterito quæ sunt veræ, sunt inimpedibiliter veræ, & quæ falsæ, inimpedibiliter falsæ sic se habent illæ de futuro contingenti, quoniam postquam ponuntur esse de futuro contingenti,

gēti, ponuntur esse impedibiliter, & per consequens possūt dici neutra, sic quòd non sunt veræ inimpedibiliter nec falsæ inimpedibiliter eo modo quo veræ sunt determinatè & inimpedibiliter illæ de præsentī & de præterito. Et ipse sensus exprimitur evidentet in tractatu prælibato. Qui quidem sensus sic verus & conformis doctrinæ communi videtur ut non possit nisi fallaciter calumniari. Et iste modus dicendi præfatam philosophi sententiam clarissimè discutit, eam cum sacra fide concordat atque salvat. Et hic etiam sensus videtur esse de intentione philosophi, si bene & attentè verba sua considerentur quibus dicit: *In iis ergo quæ sunt & quæ facta sunt necesse est affirmationem vel negationem esse veram vel falsam &c. In singularibus verò & futuris non similiter est &c.* Manifestum est enim quòd per ea quæ sunt philosophus intelligit præsentia, quæ necesse est esse dum sunt, & per ea quæ facta sunt intelligit præterita, ad quæ non est potentia. Et sic non vult philosophus aliud dicere nisi quòd præsentia & præterita sunt inimpedibiliter vera aut falsa. Sed non similiter est in singularibus & futuris contingentibus, quia non sunt inimpedibiliter & determinatè vera, aut inimpedibiliter & determinatè falsa: quia sic non essent ad utrumlibet, si essent inimpedibiliter sicut præsentia & præterita. Et hoc etiam declarat philosophus consequenter dicens: *Quare quoniam orationes similiter vera sunt quemadmodum & res, manifestum est quoniam quæcunque sic se habent ut ad utrumlibet sint & contraria ipsorum contingere queant, necesse est similiter se habere & in contradictione, scilicet ut altera pars contradictionis in iis quæ sunt ad utrumlibet non sit determinatè & inimpedibiliter vera, & altera determinatè & inimpedibiliter falsa, sicut in contradictoriis de præsentī & præterito.* Et sequitur iterum: Ni-

que enim quemadmodum in iis que sunt sic se habent, & in iis que non sunt, possibilibus tamen esse vel non esse. Pater enim evidentissimè quòd philosophi sententia est quòd in iis quæ non sunt, possibilibus tamen esse vel non esse, (& hæc sunt futura contingentia ad utrum libet) non sic est sicut in iis quæ sunt, id est, præsentibus: quia talia dum sunt, necesse est ea esse, & sic sunt inimpedibiliter & determinatè vera.

Et hæc mihi ita fore dicenda pro nunc videntur, cum protestatione addendi vel diminuendi, etiam mutandi & corrigendi, si aliter, ut præmissi, per Ecclesiam sacrosanctam determinatum extiterit, cui me & omnem scientiam meam cum omnibus dictis & scriptis meis humiliter & devotè submitto. In testimonium approbationis præmissorum, probabiliter tamen & gratia profectus tantùm, signum meum huic scripto inferere decrevi die XVI. mensis Maii anni Domini MCCCC. septuagesimi primi *Sic subscriptum & signatum.* G. Castroforti.

Mihi autem fratri Iohanni Canuti ordinis fratrum Prædicatorum in facultate theologiæ minimo magistro, ut Decanus, videlicet magister Petrus, declarat, videtur asserendum & tenendum in suprâ contentis & declaratis, teste signo manuali. *Sic subscriptum & signatum.* Canuti.

Ego frater Iohannes Patini in sacra pagina humilis professor & actu regens Parisius Prædictis asseritionibus cum modificationibus assentio, teste signo meo manuali, anno quo suprâ. *Sic subscriptum & signatum.* Patini.

Ego frater Iohannes Vvatat humilis sacre pagine professor prædictis assentio, teste signo meo manuali hic apposito, ix. Iulii, anno quo suprâ. *Sic subscriptum & signatum.* Vvatat.

Mihi Ivoni Porcelli in facultate theologiæ re-

genti immerito videtur quod habito respectu ad causas secundas tantum, non potest dici quod propositionum de futuro contingenti ad utrumlibet hæc pars est determinatè vera & illa falsa vel è contra. in aliis autem determinatis circa prædictas materias per disertissimum virum atque honorandissimum magistrum nostrum magistrum Petrum de Vaucello prædictæ facultatis Decanum dignissimum sto in ejus determinatione, cujus opinio mihi videtur probabilis & probabiliter posse sustineri, tamquam dictis & opinionibus Doctorum approbatorum consona, & innixa veritati, prædicanda & dogmatizanda. *Sic subscriptum & signatum.* Porcelli.

Ego frater Dionysius Pitae humilis professor in sacra pagina ita sentio cum præcedentibus substantialiter, scilicet tam cum Domino Decano facultatis magistro Petro de Vaucello quam cum honorando magistro nostro Guillelmo de Castroforti. *Sic subscriptum & signatum.* Pitae.


Et mihi Ægidio de Alvetis ita videtur & sentio cum præcedentibus; & isto cum Domino Decano facultatis magistro Petro de Vaucello, necnon cum honorando magistro nostro magistro Guillelmo de Castroforti. *Sic subscriptum & notatum.* Ægidius de Alvetis.

Et mihi Radulpho Boyssel, in primis salvo semper peritiorum judicio, mihi videtur doctrinam Aristotelis in primo periermenias de veritate & falsitate propositionum de contingenti per omnia sanam esse & veram, in nullo catholicæ veritati repugnantem aut dissonam. Præterea rationabile & pernecessarium mihi videtur quæstiones theologales non debere terminari aut disputari in scholis artium, & propositiones illas debere dari silentio quæ in statuto Lovanii edito incipiente *Cupient juxta illud Apostoli* signato manu Adriani Petri

conformiter videtur fore sentiendum de propositionibus propositis secundum quod sentiunt præstantissimi patres nostri & magistri nostri magistri Petrus de Vaucello & Guilhelmus de Castroforti, cum qualificationibus, modificationibus, & protestationibus ipsorum. Quapropter eisdem adhærendo & conformando, huic præsentī scripto signum meum manuale apposui in testimonium prædictorum, anno quo suprà, die verò xiiii. Novembris. *Sic subscriptum & signatum.* Martini.

Videtur mihi Petro de Has in theologia magistro, codice magistri Petri de Rivo & aliis perlectis, quòd ea quæ circa hanc materiam de futuris contingentibus diffinivit atque in iis dicenda declaravit & firma fide tenenda colendissimus magister noster magister Guillelmus de Castroforti regalis collegii Navarræ rector & magister summus, catholicè & ingeniosè multùm diffinita sunt & optimè determinata. Et pro hujus meæ opinionis assertionē signum meum manuale hic apposui xxi. mensis Septembris anni mcccc. septuagesimi primi, *Sic subscriptum & signatum.* P. Has.





CARMINA.

ALCVINI.

In fronte codicis isti versus scribentur ubi imago Christi & quatuor Evangelistarum & quatuor Prophetarum imagines continentur.

O Rdine quadrato variis depicta figuris
 Agmina sanctorum gaudia magna vident,
 Ex quibus Isaias præcelso dogmate fretus,
 Ieremias pariter, Domini miracula psallunt.
 Iezechiel sedemque Dei describit & ista,
 Et Daniel Christum narrat de monte recisum.

Isti in altera pagina, ubi agnus pictus & XXIIII. seniores & terra & mare.

Omnia quæ præsens tellus producit alendo,
 Et maris hæc facies limbo circumvenit amplo,
 Agne Deum folio semper venerantur in alto.
 Sanguine qui fuso terdisti crimina seculi
 In cruce, tu Karoli detergas vulnere Regis.

Item in alio loco, ubi agnus solus pictus habetur.

Hunc Moyles agnum monstravi lege futurum
 Cunctis pro populis perferri vulnere mortis.

Vbi dextera Christi est picta.

Dextera quæ patris mundum ditione gubernat,
Et natum cælos proprium tranſſexit in altos.

In finem Iohannis Evangelistæ.

Et Princeps Karolus, sancto qui more benignus
Illius hic codex enitet actus ope.

In fine libri loquuntur scriptores.

Hactenus in sanctum sulcando novimus æquor.
Littoris ad finem nostra carina venit.

VVALFRIDI STRABI.

In Basilica sancti Petri & Pauli.

Hic Petrus & Paulus, quadrati luminaria mundi,
Absidam gemino tutantur numine lautam,
Necnon Andreas, qui quondam funera lætus
Passus & in patibulo sancta cum carne pependit.
Hoc templum Bugge pulcro sacro molmistruct,
Nobilis erexit cenvium filia Regis
Qui prius imperium Saxonum jure regebat,
Donec præsentis contemnens culmina regni,
Divitias mundi rerisque reliquit abena,
Plurima basilicis impendis rura novellis,
Quà nunc Christicolæ servant monastica jura.
Exin sacratam perrexit quærere vitam,
Dum proprium linquit Christi pro nomine regnum,
Qui tamen ante tribus gessit certamina pugnis,
Et ternis pariter confecit bella triumphis.
Post hunc successit in bello famosus & armis

Rex Caeijunalla potens, regnique possessor & heres.

Set mox imperium mundi sceptrumque relinquens
Alta supernorum conquirens regna polorum,
Clarum stelligeri conscindens culmen olimpi,
Sed his principibus cælum penetrantibus altum
Quorum descripsi jam bina vocabola dudum,
Tertius accepit sceptrum regnator opimum,
Quem clamant ini certo cognomine gentis,
Qui nunc imperium Saxonum jure gubernat,
Quo regnante novum præcellsa mole sacellus
Bugge construxit supplex vernacula Christi.
Præsentem ergo diem cuncti celebremus ovantes,
Et reciproca Deo modolemur carmina Christo,
Sic rexit getmini plures feliciter annis,
Donec conversus cellam migravit in alium,
Inde petit superas metitis splendentibus arces,
Angelicis turmis ad cæli culmina ductus,
Celicolis junctus lætatur sorte superna.
Turgida cum ratibus sulcabat cerula curvis,
Et maris equoreas lustrabat semige capos.
Algida ventosis crepitabant carbassa flabris,
Donec barca rudi pulsabat littora rastro.
Exin nimbofas transcendit passibus Alpes
Aggeribus niveis & montis vertice septa;
Cujus in adventu gaudet clementia Romæ,
Dum mergi meruit baptismi gurgite felix.
Post Abbas igitur morbo correptus egrescit,
Donec mortalis clausit spiracula vitæ.



RHABANI MAVRI,
AD HEISTVLFVM ARCHIEPIS-
COPVM.

In fine librorum de institutione Clericorum.

HÆc tibi, sancte pater, devotè munera trado,
Quæ tu dignanter qualicumque cape.
Tu decus es nostrum, doctor, summusque sacerdos,
Dux sacer, & princeps, lux, via, pastor, ho-
nor.

Nam quia tu templum dedicaſti martyrīs almi,
Per ſervum donum hoc martyr & ipſe dedit.
Nam eſt nonus & decimus octingentelīmus annus
Ex quo ſalvator venit in arva pius,
Qui te perfectum tribuat, faciatque beatum,
Inſerat & lætum cœtibꝫ angelicis.
Abbas namque meus veſterque fidelis amicus
Ægil hæc voluit reddere dona tibi.
Se totum atque offert, ſuaque omnia ſponte mi-
niſtrat;
Quem tecum ſuimus ſalvet in arce Deus.

EPITAPHIA.

Flodoardi Presbyteri Remenſis.

Hic jacet indignus Flodoardus honore ſacerdos,
Arbiter expectans calicis ut redeat,
Hoc ſibi conſiſus veniam miſerante ferendam,
Sit licet admiſſis obſitus innumeris.
Quiſque legis titulum, ſatis memor ipſe futuræ;
Expete ſic Dominum propter humi poſitum,

Chrisle, tuo servo Flodoardo parce benigne;
Et pro iudicio da veniam famulo. Amen.

Theodorici I. Episcopi Metensis.

Obiit anno
984.

Hic Deodericus generoso sanguine natus,
Regum progenie nomen habens celebre,
Cæsaris Ottonis tetigit quem linea carnis,
Cujus consiliis jura dedit populis.
Luxit enim mundo ceu sydus lumine pleno,
Actibus eximiis, moribus egregiis.
Vnde Mettensem meruit conscendere sedem,
Quam rexit digno Præsulis officio.
Aulam hanc cælesti struxit pro munere Regi,
Rebus quam miris compluit & innumeris.
Idibus ebdenis Septembris jam revolutis
Decessus sorte clauditur hac silice.

Adalberonis II. Episcopi Metensis.

Obiit anno
1004.

Lector fuge gradum qui voto tendis in altum,
Istic & cautè scripta notando lege;
Taliter ut vitam studeas servare quietam
Qualiter hic gessit quem brevis urna capit.
Hic cinis egregius regali stirpe decorus
Servatur tumulo usque resurgat humo.
Hic pater & pastor mitisque per omnia doctor
Nomine Adalbero fulserat eximio.
Annis hic binis feliciter atque vicens
Mettensi domine præfuit Ecclesiæ.
Sectator legum, rectissima norma minorum,
Præcessit facto, suavit & eloquio.
Gemmis virtutum discretum duxerat ævum.
Tractavit cunctos ut proprios genitos.
Virgineos cœtus monachorum hic pater almus
Dilexit, lubricis prætulit & laicis,

Pes fuerat claudo, lucens & semita cæco,
 Consolans tristes, & refovens inopes.
 Nulli difficilis nisi fortè per avia pronis.
 Hos tamen ipse prius rexerat in melius.
 In Domini laudem sibi mercedemque perennem
 Erexit multas struxit & Ecclesias
 Hoc templum fundans multo & sudore laborans
 Servitium Domini hic statuit peragi.
 Sed non ut voluit, quia mordax finis ademit.
 Heu fors dura nescis, quæ tulit hunc superis.
 Quem plangit populus, quem luxit multa juvenus,
 Patres & nati, servulus & domini.
 Hic quarto decimo mensis sub sole Decembris
 Decedens mundo, se dedit altithrono.
 Lector hujus culpæ Deus auctor dic miserere.
 Vivat & in Christo clamitet omnis homo.

*Gauzlini Archiepiscopi Bituricensis & Abbatis
 Floriacensis.*

PRæfulis officio simul, Abbatis quoque functus Obiit anno
1029.
 Gauzlinus meritò hæc requiescit humo.
 I soli vivens, statuit, delegit, amavit,
 Virgo Mariæ tuo confer opem famulo,
 Cum Bene patre pio dicto, sanctis quoque cunctis,
 Quò pœnis careat jam sine fine malis.
 Hac ope dignus erat. Nam cuncta novavit, ut ipse,
 O lector, cernis, igne vorata prius.
 Proh dolor! octavas dum Marcus idibus intret,
 A carnis vincolo tollitur ecce suis.
 Tu quicumque legis, patris remniscito cari,
 Cordeque de puro dic Miserere Deus.
 Sancte Deus, sanctorum suscipe vota precantum,
 Gauzlinique tui sat memorare velis,
 Ignibus eripiens terri miseranter Averni,
 Iudex dum venies reddere digna piis.

Vitalis conditoris & Abbatis monasterii Savigniacensis in diocesi Abrincensi.

Obiit anno
1122.

Vitalis vita puer & vir vixit honesta.
 Canonicus primò, post heremita bonus;
 Cœnobium Savignei construxit, & Abbas
 Primus in hoc sanctè vixit & utiliter.
 Iejunans, vigilans, orans, sic membra subegit
 Quòd caro spiritui subdita jure fuit.
 Vox clamantis erat spargendo semina verbi,
 Verus præco Dei sedulus atque libens.
 Ipse die postquam decessit nocte secunda
 Optulerat Domino sacra sacer sacrificex.
 Psallebant Domino fratres, psallebat & ipse.
 Psallens ascendit psallere dulce Deo.
 Hospitium carnis cœli novus incola liquit
 Cum sol egreditur virginis hospitium.

Cononis Episcopi.

Incetti
temporis.

Inter Pontifices summus plerosque cœvos;
 Non vitæ meritis Cono sed nomine Præsul,
 Quæ fugiunt cupiens, quæque manet fugiens,
 Hoc tegitur tumulo Cono refusus humo,
 Hoc teneor tumulo, virgo Maria, tuus,
 Nunc cinis exiguus, mortalia membra solutus,
 Qui sibi commissi populi bene jura capeffens.
 Cetera terrificant, hoc solum spem mihi præstat;
 Nuper quartus eram gaudia vana legens,
 In commune bonum plurimus invaluit
 Quòd fuerim Præsul, virgo Maria, tuus.
 Dicebat magnus Cono pro tempore Præsul,
 Moribus eximius, sæcli splendore verendus.
 Terra suum repetit, sua deprecor ingero cælis,
 Integritate nimis Præsul is exiguus

Exitit Ecclesiæ murus & artha suæ.
 Vt cedant propriis singula principiis
 Gaudebam dici quod oportuit, esse neglexi
 Iustitiæ cunctis & honesti forma sequendi.
 Qui legis ista precor pia fundere vota memento;
 Cælica dissimulans, terrea quæque sequens,
 Decedens mundo cælica regna adiit
 Christificus famulum virgo beata suum.
 Sed tu, summe Deus, precor hoc dimitte benignus
 Quantum mœstitia populo verique doloris.

Carmen in laudem sancti Anselmi Archiepiscopi Cantuariensis.

HAud habituræ parem sumas pater alme salutem
 Quam mea disparibus musa vehit pedibus.
 Quod mea musa pedes tibi scribens non habet
 æquos,
 Paupertate mei contigit ingenii.
 Laudari proles procerum pede debet Homeri.
 Da veniam, timui pondera tanta pati.
 Materiæ, fateor, sum tantæ pondere pressus,
 Nec mea musa rei sustinet hujus onus.
 Indefectivè jam si mea pectora clament,
 Et mea centenis vocibus ora sonent,
 Fonte caballino si me respergat Apollo,
 Ad te laudandum non satis unus ero.
 Tugenerosus homo, magnisque parentibus ortus,
 Exuperas morum nobilitate genus.
 Iam tua fama domum solis replevit utramque,
 Et talem mundus gaudet habere patrem.
 Axis & australes te novit hyperboreusque,
 Parsque tuis mundi nulla caret meritis.
 Fulta tuis meritis si non foret Anglica terra,
 Corrueret vitii pondere quassa sui.

Illā tuis meritis, fateor, valet atque valebit,
Atque tuis precibus ne cadat efficitur.
Quis te non norit mensura vivere recti?
Quis te sanctorum nescit habere fidem?
Tu delinquentes castigas verberare dulci;
Ne peccare velint, ipse mones homines.
Arguis ut debes homines peccata lucrantes.
Te mercede caret iudice curta fides.
Iudice te dives peccator vivit egenus,
Et dominus nequam sat miser est famulus.
Solutus in hoc ævo pater es laudabilis ævo.
Solutus habes vitæ, vir venerande, modum.
Solutus es in terris deflens peccata malorum.
Tu solus timidus es medicina reis.
His quoque pro meritis meritò, pater optime, toto
Est propagatum nomen in orbe tuum.
Intereunt calu quæ primùm magna fuerunt,
Nec quemquam certo limite fata regunt.
Qui modò dives erat, fortunæ corruit ictu.
Atque modò cùm sim, non reor esse diu.
Hoc non attendunt quos mundi gloria ducit,
Quosque fefellit amor non satiatum opum.
At tu, præterita qui spectas quod sequiturque,
Scis quia quæ modò sunt, interitum capient.
Hæc quæ per spatium vix durant unius horæ
Credis perpetuis æquiparanda bonis.
Naturæ patet quicquid mortale creatur;
Quodque fuit quondam, desinit esse modò.
Tu quoque parebis morti, sed dispare tractu;
Nec tu cum reprobis ipse locandus eris.
Tu cùm mutabis terram, cælo poteris,
Et tamen in terris ipse superstes eris.
Excipiet primò quoniam te gaudens curia cæli,
Et tibi promissa sede locatus eris.
Credo tuis hominum nullus succedet habenis,
In bonitate tua qui moderetur eas.

Cum Deus omnipotens protoplastum fecit abylo,
Te nostris nasci temporibus voluit.
Cur tamen hoc voluit, nisi quod te noverat antè
Posse cruentatis frena parare lupis?
Ecce cruentatus lupus assilit, aggrediturque
Caulas, quæ firmæ te vigilante manent.
Si quam crudus ovem casu lupus ore cruentat,
Evadit fauces te properante lupi.
Mundi tempestas aliquem si depulit ad te,
Armamenta ratis, ne pereant, reficis.
Divinis armis instantem periculis hostem.
Divinis armis territus hostis abit.
Divinis armis ovibus muminima præbes.
Divinis armis tuta quiescit ovis.
Quod nolles, ovium periit tamen una tuarum;
Nec perit ex toto, si vigilare velis.
Hæc de qua dico, Bahalans est presbyter Hugo;
Abstulit in scopulos quem sua stultitia
Sed quoniam, pater, est miseris pietas tua vallum,
Auxilium, quæso, sentiat illè tuum.
Hoc quod vivit adhuc, quod non est lumina
fossus,
Effectum cura quis neget esse tua?
Nam nisi te rabies timuisset sæva luporum,
Quem non carcer, habet, crux habitura foret.
Est grave, confiteor, quod commisit miser ille.
Sed non excedit culpa gravis veniam.
Quis quam primus homo peccavit acerbius un-
quam?
Illius interiit culpa tamen venia.
Altiùs incipiam; quis erit Iudæ sceleri par?
Huic, reor, esse comes nulla potest venia.
Cædo tamen sacra madidus si pœnitivisset,
Qui pius est cunctis, non ferus esset ei.
Tu debere manum dicis supponere nanti,
Ne demergat eum quæ venit unda maris.

Mergitur hic, puppim magna feriente procella,
 Et ni jam properes, vita relinquit eum.
 Ex illo toto solum caput eminet undis:
 Quod si mergatur, hei mihi! vita fugit.
 Illius ergo precor fracto succurre phaselo,
 Quæ nullum, nisi des, litus habere potest.
 Aut igitur properans tua cura medebitur illi,
 Aut nullo certè tempore sanus erit.
 Ille fuit multis & magnis fultus amicis,
 Dum ridebat ei quæ stat in orbe dea:
 Quæ postquam risum subitam contraxit in iram,
 Illos non puduit quin retro terga darent.
 Illum nonnulli non cum ratione remordent,
 Nec, quia desipuit, nosse fatentur eum.
 At, puto, cùm poterat sanus vitare ruinam,
 Hac incede via, dicere debuerant.
 Nunc illi fracta navi quid dicere prodest,
 Currere cautiùs hoc per mare debueras.
 Ergo communis cùm sis tutela reorum,
 Illum, sancte pater, quæso tuere reum.
 Sancte Dei cultor, fidei fons, pecus amator,
 Spes, decus, auxilium, vita, salus hominum,
 Vsq̃ue quod est dicam, patriæ totius asylum,
 Vnica scala poli, nec ruitura, vale.

Epicedion in obitum ejusdem.

PRæfulis Anselmi, quem nuper obisse dolemus,
 Laudibus aptari littera nostra cupit.
 Est tamen à tanto quod me deterreat ausu,
 Ne res cara meum non amet ingenium.
 Aggrediar verò, de Christi munere fidens,
 Dicere quod possum de bonitate viri.
 Res pretiosa nimis, res utilis, atque decora,
 Vir clarus, sapiens hic, & honestus erat,
 Notus & ignotus, sapiens simul insipientive,
 Et totus pariter mundus amabat eum.

Ejus

Ejus amor dulcis fastidia nulla gerebat.

Cuique parum fuerat quicquid amaret eum ,
Quòque magis virtutis opem mireris in illo ,
Carus habebatur hostibus ipse suis.

Nempe fuere viri quos ejus causa gravabat ;
Laudabantque tamen quòd bonus ipse foret.

Quicquid erat quod eis super illo displicuisset ,
Illorum planè , non suus error erat.

Tota quidem (quid enim vir pravi tantus haberet?)

Ejus odore bono vita suavis erat.

Difficile credas quantum vitæ claruit ille ,
Nec tibi lingua potest ulla referre satis.

Ipse Deus novit quia spero vera fateri.

Nec laudando virum fallere quemque volo.

Testor enim lesum , nec inanis opinio fallit ,

Quòd satis innocuos duxerat ille dies.

Quem læsit verbo , nisi quem peccasse putaret ?

Hoc quoque , ô , quàm sobriè facerat atque piè !

Opprobrium durum quis ab illius ore recepit ?

Quòd rideret eum dicere quis potuit ?

Quem malè tractavit , vel unquè movit ad iram ?

Quem vivens hominum fraude sua nocuit ?

Nec multum fuerat sine crimine ducere vitam ,

Si non virtutis plena decore fuit.

Si placet , audito sanctissimus ille virorum

Virtutum merito quàm pretiosus erat.

Est tamen incertum , quia plurima copia fallit ,

Quid priùs incipiam , posteriùsve loquar.

Ceu videas aliquem qui tempore veris amœnum ,

Lecturus flores , ingrediatur agrum.

Cogitat , hunc carpam ? sed valde pulchrior iste est ,

Illum decerpam ? sed superant alii.

Ignoransque diù quid agat , desiderat omnes ,

Miratur , nescit quem magis accipiat.

Sic ego multa diù mecum dicenda revolvens ,

Cogito de multis quæ rectitate velim.

Rex &
complices
ejus.

Denique si referam quanto splendore sophia

Ille niteret homo, quis mihi credet homo?

Omnes, ni fallor, quos tempore cernimus isto

Vicerat electos egregiosque viros.

Si mihi non credis, illius opuscula saltem

Non mihi non poterunt visa negare fidem.

Qui legisse volet quos scripserat ille libellos,

Illic perspiciet quàm sapiens fuerit.

Et rectè sapuit qui Christum semper amavit,

Qui nunquam sceleri præbuit obsequium.

Talis quippe Deo sapientia grata probatur

Quæ vitium prohibet justitiamque docet.

Sed de justitia, qua plenius ille vigebat,

Quiddam dicendi tempus adesse reor.

O quàm justus erat qui non adversa timeret,

Nec plus quàm satis est prospera diligeret.

Non erat in rebus quicquam, quasunque videmus,

Quod levitatis eum cogeret in vitium.

Inter divitias, quas sufficienter habebat,

Virtutum plenus, rebus egenus erat.

Sic sibi vivebat ut nil habuisse putares.

Hærebat mundo corpore, non animo.

Omnia prudenter & fortiter omnia pensans,

Nolebat sibi displicuisse Deo.

Inter utrumque manens, modoratè cuncta gerebat,

Odivit nimio quicquid erat nimium.

Sunt autem quidam qui me fortasse notabunt

Quòd tantis illum laudibus extulerim.

Nam dicent: Adeo non debuit ille levari,

Qui nimium simplex atque remissus erat,

Qui, sicut legitur, seductæ mote columbæ,

Quæ citò decipitur, sic sine corde fuit,

Qui prohibere nefas ut Præsul non satagebat,

Nec populi miserum corripiebat opus,

Qui dignos sapido non protulit ore latratus,

Sed sese mutum protulit esse canem,

Qui sibi commissum non custodivit ovile ,
Immo locum sceleri dissimulando dedit.
O nimis insanæ præceps audacia mentis ,
O cæcus tumida pro pietate furor !
Tu quis es ut servum damnare queas : lienum ?
Non tibi , sed Domino , subditur omnis homo.
Quid prodest alios si lumine cernis acute ,
Cum tamen ipse tuam non videas nebulam ?
Respice cor proprium qui sic aliena remordes.
Nigra videbuntur quæque geruntur tibi.
Difficile propriam poteris dinoscere vitam ,
Qui solus damnas quicquid agunt alii.
Otia lætantes nil impedit esse loquacem.
Pugnantis vitium plangere novit iners.
Parce , miser , justum morfu lacerare carino ;
Nec dabis infanti quod nocuere mali.
Fœdera , jura , fidem contemnit nescia veri.
Odit majorem , non amat illa parem.
Hos igitur quando delectet habere magistrum ,
Qui mores hominum corrigat indomitos ,
Qui doceat non esse bonum contemnere legem ,
Qui mandata Dei prædicet ac teneat ?
Porro timere Deum quando non ille monebat ?
Aut quando latuit ejus in ore Deus ?
Si misit vacuum quem sciret velle doceri ,
Tunc justè potuit displicuisse tibi ,
Si cuiquam verbum de re quacunque petenti
Non statim plenam reddidit ipse vicem.
Indignum nimis est , si te reprehendere frustra ,
Aut illum falsò magnificare velim.
Verùm quid noceat rem si descripsero gesta ,
Quæ verè meritum pontificale probet ?
Multis quippe liquet quòd regia jussa volebant
Ut quiddam fieret quod minus esse bonum
Lex divina docet. Sed præsul fortiter idem
Restitit , & fieri multotiens vetuit.

Vnde et tum tandem præcepto legis habetur

Quatinus exilii debeat esse reus.

Quid faceret post hæc sanctæ prudentia mentis?

Regis ob imperium despiceretne Deum?

Maluit ergo loco secedere quàm vitioso

Contra velle Dei subdere colla viro.

Quid moror? E patria depellitur, exiliumque

Passus, longinquas cogitur ire vias.

Hoc semel, hoc iterum, virtutis amore coactus,

Felicem pugnam ducere promeruit.

Est etiam, fateor, dictu mirabile quiddam,

Quod titulum nostri præsulis amplifcet.

Nam cui non placeat quòd quamvis dignior esset,

Omnibus esse tamen maluit inferior?

Inferior nemo quàm subditus inferiori,

Qui se nec minimò iudicat esse parem.

Sic bonus ille suæ cultor custosque salutis,

Quot servos habuit, tot dominos habuit,

Vt ius reputans, proprium si velle relinquens,

Pronus ad alterius curreret arbitrium.

Laus soli Domino, de cuius munere tantæ.

Gratia virtutis venit in hunc hominem,

Quem laudare pium, de quo meminisse salubre:

Nam pietatis opus, mentio talis erit.

Sed fateor culpam, quia sensus manusque,

Quæ novi saltem, scribere deficiunt.

Me quoque multa latent. Quis enim se nosse putaret

Omnia quæ vita gesserat ille sua?

Carus ille quidem certa ratione valebat

Quàm plenè quisquam cernere possit homo,

Nec meritò dignus privari laude videtur

Qui tantæ meruit laudis habere fidem.

Quid porro miraris eum, si plebis iniquæ

Non statim potuit pelleri grande scelus?

Desine mirari. Deus est qui iudicat orbem.

Non homo cor nostrum, sed Deus ipse trahit,


Corripuisse malum, vel verba dedisse salutis
Erranti, passim quisque potest hominum.
Sed plantasse nihil, nihil est plantata rigasse,
Incrementa nisi conferat ipse Deus.
Quem Deus indurat, nullius cura levabit.
Absque Dei natu nil valet omnis homo.
Arida semper erunt humanæ germina mentis,
Si non rore suo compluat illa Deus.
Hic ergo talis, tam fidus amator honesti,
Hic fidei princeps, & decus Ecclesiæ.
Hic aries geminis depellens cornibus hostem,
Hic vitis palmes, hic pietatis odor,
Hic lapis æterni rutilans in imagine Regis,
Corporis exuvias grande reliquit onus.
Heu quàm flebiliter, quàm multo fusa dolore,
Mens tanti recolit præsulis exequias!
O quàm pretiosus erat, ô quàm pluribus utilis!


Ergo

Illius multos aggravat interitus.
Felix Italia præ cunctis partibus orbis,
Quæ meruit talem progenuisse virum.
Infelix iterum quæ talem perdit alumnum,
Infelix planè pignoris orba sui.
Tu quoque cœnobium quondam Beccense vigebas,
Dum tuus Anselmus dux fuit & monachus.
Amisit veterem facies tua penè decorem,
Dum tuus Anselmus desuit esse pater.
Cantua tu quondam totum venerenda per orbem,
Præsulis Anselmi tempore signa dabas.
Te minor orbis erat; populos tua fama per omnes
Fluxit amica bonis, invidiosa malis.
Te monachus, clerus, populusque docendus adibat,
Dum tuus Anselmus vixerat ille bonus.
Non erat in terris quisquam qui dicere vellet:
Me minor Anselmus est, similisve mihi.
Nunc tua frons trahitur scabrosis obsita rugis.

Nunc patitur miseram cervix demissa ruinam;
Quæ quondam celsæ turris ad instar erat.
Nunc inculta jaces tanto viduata pastore,
Quantus nemo quidem divus in orbe manet;
Quo moriente, simul dispendia multa recepit
Ecclesiæ matris religiosa fides.
Nullus enim sexus, non ætas ulla videtur,
Cui bonitas ejus ferre nequisset opem.
Felix quem populi tot dulcia vota sequuntur,
Quem tot commendant, tot redimunt lacrymæ.
Multis communem mors intulit ista dolorem.
Unius casus publica pœna fuit.
Quid nos, quid miseri monachorum nomen habentes;
Nobis semper erit proprius iste dolor.
Ordinis ille decus, princeps, & semita nostri,
Currus & auriga, portus & aura fuit.
Maxima spes vitæ nobis evasit in illo,
Nec superest alius qui sit ei similis,
Qui velut ille pari nos possit honore beare,
Erigat & nostrum sicut & ille caput.
O Anselme pater, ô gloria pontificalis,
O decus, ô lumen, ô pie pæsul ave.
Iam mundi varios meruisti vincere motus.
Securus placida jam statione manes.
Currus in amplexus cælestis & oscula Regis.
Nullus portò tui finis honoris erit.
Semper habes Christum, quem semper habere volebas:
Vna tibi semper portio Christus erit.
Cantica lætitiæ nullo tibi tempore defunt,
Et sine fine canis, Gloria magna Deo. Amen.

FINIS.





I N D E X.

LIBRI QUARTI.

A

	norum.	108
	Aimericus Diaconus Cardi-	
	nalis.	<u>459</u>
A B s qualis debeat ef-	Aimericus de Longa Abbas	
fe.	Albæterræ.	<u>487</u>
Abbates, homines sancti &	Aimericus monachus Obazi-	
honesti.	nenfis.	152
Abbiffelaus Princeps Bohe-	Albæpetræ abbatia.	273
miz.	Albericus Epifcopus Oftien-	
Absolutio defuncti.	fis.	<u>460</u>
Accipiter, caufa magnæ dif-	Albero Archidiaconus Me-	
cordiæ.	tenfis.	<u>455</u>
Adalaifa Imperatrix.	Albertiftæ ejecerunt doctri-	
Adalbero I. Epifcopus Me-	nam nominalium.	<u>535</u>
renfis.	Albertus Epifcopus Virdu-	
Adalbero II. Epifcopus Me-	nenfis.	<u>465</u>
renfis.	Albiac prioratus.	344
Adalfinda uxor Volfandi Co-	Albientis civitas.	<u>321. 363</u>
mi i.	Albientis Ecclefia.	<u>466.</u> &
Adelidis Regina.	seq.	
Adminiftratorii fpiritus.	Albignet prioratus.	<u>287</u>
Adrianus I. Papa.	Albigniacum prioratus.	<u>394</u>
Adulatores Regum deteftatur	Albigniacum fuper Verram.	
fcriptura.	395.	
Adulteræ fi quis fidem polli-	S. Albini Epifcopi reliquiæ.	
ceatur.	<u>460</u>	
Ægidius de Billone electus	Albrius Abbas S. Manfueti.	
Narbonenfis.	448. <u>450</u>	
Affort prioratus.	Albuconium prioratus.	<u>371</u>
Agedunenfis abbatia.	Albuinum prioratus.	<u>326</u>
Agele prioratus.	Alcuini epiftola.	<u>413.</u> Carmi-
Agennenfis civitas.	na.	550
Agonenfis prioratus.	Alexander Abbas Cifterci-	
Aguillon portus.	fis.	<u>107</u>
Aimericus Epifcopus Arver-	Alifcampus.	<u>256</u>

N n iiii

I N D E X.

Altaris sacramenta.	54	Appellatio ad Officialem Bi-	
Amalricus de Monteforti.		turicensem.	235
482		Apes prioratus.	355
S. Amandi abbatia	248	Apostolorum locum tenent	
S. Amantii prioratus.	321	Episcopi.	395
S. Amantii prior.	327	Apostolos petere & concedere	
Ambazac prioratus.	302	243	
Anbert prioratus.	268. 350	Aqualparfa.	336
Anibiletum prioratus	321	Aquitania regio.	71
Ambrosius Episcopus Medio-		Albertus Abbas Casæ Dei.	
lanensis.	10. 54. 56	270	
Anachoreta falsus.	77	Aibæ foragia.	485
Anathematizare capellam.		Archambaldus Vicecomes	
423		Combornensis.	148
S. Andreæ Claromontensis ab-		Archipræbiter regionis.	172
batia.	261	Archeusis prioratus.	379
S. Andreæ Lemovic. priora-		seq.	
tus.	296	S. Atedii Ecclesia.	288
S. Andreæ prioratus.	341	Arenburgis Comitissa Ande-	
Angeli sunt spiriti admi-		gavensis.	482
nistratori.	16	Argentac prioratus.	284
S. Angeli prioratus.	281. 373	Argentonium prioratus.	388
Angeliacensis abbatia.	221.	Argerolis prioratus.	267
225.		Aigiacum prioratus.	399
Anglia, abbatia Pictavenfis.		Aribertus Rex Francorum.	54
207. & seq.		Ariminenfis Princeps Mala-	
Angliæ Regum genealogia.		testa.	524
469		Arnacum prioratus.	288
Angolismensis civitas.	248	Arnoldus Episcopus Halber-	
Animarum cura committen-		statis.	435
da ab Episcopo.	22. & seq.	Arragoniæ negotium.	211.
Anselmus Archiepiscopus Can-		219. & seq. 228. 245	
tuariensis.	471. 557. & seq.	Arrii divisio, s. Ejus mala	
Anselmus de Gatlanda Senef-		secta fugienda.	3
callus.	432	Artigia prioratus.	293
Antiochena Ecclesia fundata		Arthona.	299
à Petro.	51	Asmantæ cella.	448. & seq.
Antiquitatis auctoritas.	70	Aspreniarum prioratus.	325
S. Antonini prioratus.	317	Athletarum vocabulum Græ-	
358. & seq.		cum.	418
Anulus manu Regis.	23	Audoenus Archiepiscopus Ro-	
Appellatio Romana.	125. 242.	tomagensis.	56
280		Avenionensis comitatus.	429

I N D E X.

Avesgotus monachus Ceno-	Berlhoncle prioratus.	338
manensis.	477	
Augerius Motet Senescallus	Bernardus Abbas Clareval-	
Agennensis.	sis	70. 72. 117. 459
Aureliacum prioratus.	Bernardus clericus, discipulus	
Aurelum prioratus.	Stephani Obazinensis.	79
Aurum Tolosanum.	Bertrannus eremita.	75
Auzisna prioratus.	Bertrannus Abbas S. Arnulfi.	
Azarac prioratus.	455	
Azeracum prioratus.	269	
	Bessarion Cardinalis Nicænus.	
	530	

B

Baculus à manu Regis.	23	
Bambergenſis epiſcopatus		
initia.	435	
Bannus epiſcopalis.	432	
Barbarica perſecutio. 140. &		
ſeq. 186.		
Barrenſis pagus.	411	
Barnay prioratus.	334	
Barrum caſtrum.	464	
Baſſus accuſat Papam Sixtum.		
57		
Baſtida S. Fidei. 243. & ſeq.		
Bayvars prioratus.	329	
Bego Abbas Bellilocenſis.		
285		
Bella aqua abbatia. 346. 368.		
& ſeq.		
Bella gerenda diſtante æqui-		
tate.	42	
Bellum regardum.	317	
Bellus locus abbatia 274. 324.		
366		
Benedictini non debent come-		
dere carnes.	240	
Benedictio epiſcopalis.	236	
Benedictus Papa iudicio ſyno-		
dali depoſitus.	58	
Benedictus de Arcio.	490	
Beray prioratus.	351	
Bernacum prioratus.	393	
Beux abbatia.	302	
Biliomum.	352	
Bituricenſis primatia. 205. &		
ſeq.		
Blancha Regina Franciæ.	470	
Blavia, ubi abbatia S. Roma-		
ni.	230	
Boerece prioratus.	253	
Bortum prioratus.	250	
Bona aqua abbatia. 139. 280.		
372		
Bona multa invitis præſtan-		
tur.	41	
Bonæ-Combæ abbatia.	327	
Boni in hac vita multa pa-		
tiuntur adverſa. 67. Non		
ſunt contempnendi propter		
malos.	40	
Bonus locus abbatia. 275. 320		
Boort prioratus.	373	
Borneſellum prioratus.	282	
Bricium prioratus.	395	
Brifont prioratus.	284	
Brivate vetus.	340	
Brivenſis prioratus.	287	
Broo prioratus.	334	
Bruel, locus diœceſis Bituri-		
cenſis.	215	
Bugge filia Regis Angliæ.	512	
Bullatum prioratus.	320	
Bullon prioratus.	263	
Burchardus Epiſcopus Vvor-		
maticenſis.	417.	

I N D E X.

Burdegaleses obedire recu- sant Primati Bituricensi. <u>230.</u>	Capiti omnia membra subja- cent <u>12.</u>
& seq.	Capitulum tenere. <u>167.</u>
Buxeria prioratus. <u>300. 355</u>	Catana prioratus, vulgò <i>la</i> <i>Carme.</i> <u>321.</u>
Buylon prioratus. <u>337.</u>	Cardellactum prioratus. <u>311.</u>
C	Cardinales cur instituti. <u>128.</u>
Cadurcensis civitas. <u>312.</u>	Bis tributa auctoritas eli- gendi Papam. <u>62.</u>
<u>320</u>	Carenac prioratus. <u>304.</u>
Ceracum prioratus. <u>316. 318</u>	Caristia incomparabilis. <u>303.</u>
Calceatensis prioratus. <u>316.</u>	<u>316.</u>
<u>358.</u>	Carnium esus infirmis con- cessus. <u>121.</u>
Callonium prioratus. <u>392.</u>	Carnes non comeduntur in corpore abbatiæ Sylvæ ma- joris. <u>140.</u>
Callovium abbatia. <u>393.</u>	Carobrias. <u>390.</u>
Calucium castrum. V. Cassu- cium.	Carosum, Ecclesia Templa- riorum. <u>335.</u>
Calviacensis Prior. <u>330</u>	Carovice prioratus. <u>190.</u>
Calvimontensis prioratus. <u>392.</u>	Cartusienſium monachorum fama. <u>96. 98.</u>
Cambonenſis abbatia. <u>276. 347.</u>	Casale benedictum. <u>156.</u>
Camboniensis præpositura. <u>369.</u>	Casæ Dei monasterium. <u>118.</u>
Cambrelincus Angeliacensis. <u>225.</u>	Ejus privilegia. <u>261. 268.</u>
Cambuca sive baculus pasto- ralis. <u>208.</u>	& seq. <u>271.</u>
Canaberes, domus Hospita- lariorum. <u>317.</u>	Cassucium castrum. <u>190.</u>
Candelienſis abbatia. <u>320. 362.</u>	Prioratus. <u>317.</u>
Canis vivus melior est leone mortuo. <u>30.</u>	Cassucium Cheverel. <u>355.</u>
Canonica regula. <u>80.</u>	Callegrolium prioratus. <u>311.</u>
Canonici regulares Lugduni. <u>97.</u>	Castellio ad Marſupiam. <u>404.</u>
Canonicorum residentia. <u>255.</u>	<u>410.</u>
Canonizatio sanctorum. <u>71.</u>	Castrenſis abbatia. <u>320. 362.</u>
Cantellæ prioratus. <u>396.</u>	Caruſium prioratus. <u>314. 380.</u>
Cantillocus. <u>5.</u>	Caumacum prioratus de S. Gildasio. <u>249.</u>
Cantores Clarevallenses. <u>120.</u>	Cellenſis abbatia. <u>222.</u>
Capdenatum prioratus <u>311.</u>	Celsinarum prioratus <u>342.</u>
Cappellæ Gilonis prioratus. <u>395.</u>	Celville prioratus. <u>344.</u>
Capillorum reliquiæ. <u>177.</u>	Cencius Scrianius R. E. <u>455.</u>
	Cenomannica civitas. <u>481.</u>
	Ceræ mixtura in pictura. <u>419.</u>

I N D E X.

Ceroma quid sit.	437	Clausura monialium.	103
Chalas prioratus.	288	Cleinius Papa, Petri succel-	
Chalure prioratus.	268	for.	51
Chamaleria.	262	Clemens II. expulsus à Ro-	
Chambarande prioratus.	325	manis.	55
Chambonet prioratus.	347	Clericus religiosus quis.	12
Charentenensis abbatia.	257	Clerici ad omnibus sunt ho-	
Chasselles prioratus.	389	norandi, 39. iudicandi ab	
Chavahac prioratus.	341	Episcopis.	35
Chavaros prioratus.	339	Cœnobialis professio.	99
Chavevent abbatia.	260	Columba, species Spiritus	
Cheronac prioratus.	338	sancti.	1
Chensalade abbatia.	247	Columbenfis abbatia 353. Ec-	
Chiriactensis Prior.	330	clesia.	462
Christianus non debet obedi-		Colutius Salutatus.	510
re legibus contra Deum. 44		Combornensis Vicecomes Ar-	
Christiani cœperunt in An-		chambaldus.	148
tiocchia.	51	Commutatio locorum.	409
Christianus Episcopus Ne-		Conchenfis abbatia.	326
mausensis.	420	Concilium Bauricense. 243.	
Christus natus ex Deo incom-		329. Constantiense. 534. Lug-	
prehensibiliter. 13. Pastor ani-		dunense. 319. Remense. 117	
marum nostrarum. 39. Sum-		Concordia sacerdotii & regni.	
mus Pontifex. 51 Rex simul		10. 46. 48	
& Sacerdos 10. 14. 46. 48.		Concoret prioratus. 305. 327.	
Cilicium intrinsecus ad car-		379. & seq.	
nem gestare.	71	Condatum villa in pago Bar-	
Cimiterii consecratio. 130.		rense.	410
reconciliatio. 255. 257. &		Cono Episcopus.	556
seq. 262. 365. & seq.		Consensus Regis in electione	
Circenses ludi.	418	Episcopi.	22
S. Cirici Exoldunensis Eccle-		Consilia sapientium nequeunt	
sia.	255	exauriri.	28
Cisterciensium laus. 99. Eo-		Constabularii.	480
rum libri valde corrupti ac		Constantini Imper. edictum	
vitiosi fuerunt.	120	pro Christianis.	52
Cisterciense capitulum.	154	Corona monachi.	177
Clararum vallium prioratus.		Coronamenta Regis.	483
127		Correzia fluvius.	76
Claramontensis civitas. 337.		Conz prioratus.	170
349. Ecclesia. 260		Coyrohienses moniales.	103.
Clavicularii regni celestis.		109. & seq. 157. 176. 189.	
55. 55.		& seq. 374	

I N D E X.

Creatori nihil æquatur.	5	Deorum multorum opinio p ^{ar} ganica.	3
Creatura omnis militat Deo.	67	Dei omnipotentia omnia gubernat.	16
Cresto prioratus	338	Dei iudicia nunquam sunt iniusta.	21
Criminosi cur lege perimuntur.	41	Deus est Trinitas. i. & seq.	13
Crux ab Episcopo data ad construendum monasterium.	72	S. Desiderii prioratus.	349
Crux deportata ante Archiepiscopum.	208	Deuvre prioratus.	390
Cruce signare.	149	S. Dionysii prioratus.	394
Crucis signum recipere.	211	Disciplinæ terrior.	15 65
219. & seq.		Disciplinæ ecclesiasticæ iugum.	54
Cuciacenſis abbat a.	310	Disciplinæ monasticæ solennia.	91
Cullac prioratus.	267	Disciplina data monacho discedere volenti.	166
Cumilhac prioratus.	349	Discipuli Christi fuere geruli præceptorum eius.	51
Curreia fluvius.	76	Discretionis modus observandus à iudicibus.	41
Curia cœlestis. 12. & seq.	29	Dispensatio incarnata unius de trinitate.	4. 6
Curia secularis.	34	Divinitatis tres personæ. i. & seq.	13.
Curia B tuſicenſis.	217	Doctores superbi & iracundi.	38
Curtius ecclesiasticus.	74	Doctrina divina non debet vileſcere vitio Episcopi.	39
Cusſeyenſis abbatia.	264	Doctrinæ non omnia tempora congruunt.	43
Custodia abbatiz S. Juliani.	486	Dominatio temporalis damnata in Episcopo.	57
S. Cypriani Pictav. abbatia.	219	Domini omni honore digni.	19
D		Donatio Constantini.	52
D Alonenſe monasterium.	95. 108. 288.	Dordonia fluvius.	143. 193. 197. 201. 242.
Damiatanz Ecclesiæ fundatio	491	Doutre prioratus.	347
Dapiferatus Franciæ.	486	Drageia.	235
David Comes Cenomanorum.	481	Dreuxay prioratus.	351
Dauratenſis abbatia.	296. & seq.	354	Diogo Episcopus Metenſis.
Deauratz Ecclesia.	311	423.	
Decima concessa Regi Aragonum.	501	Dunum Regis.	390
Defunctis preces vivorum profunt.	40		
Defunctorum ordo.	80		

I N D E X.

Durandus electus Miratensis.
338. 344. 347.

Durandus Episcopus Tolosan-
nus. 447.

Duravellum prioratus. 399.
¶ & seq.

E

EBolus Abbas Tutelenfis.
148.

Ebrolieſe monaſterium. 336.

348

S. Ebi Iſi caput. 266

Eccleſiam defendere debent
Reges. 24

Eccleſia indiget bonis princi-
pibus. 56

Eccleſiam novam conſtruere
non licet abſque aſſenſu re-
ctoris antiquæ. 423

Eleemoſynæ laus. 102

Eleemoſynarius Archiepiſco-
pi. 243. 227

Electi in Papam auctoritas. 63

Electio Episcoporum in potes-
tate Regis. 22

Eligius Episcopus Noviomen-
ſis. 16

S. Eminiæ prioratus. 328

Engolmenſis civitas. 248

Episcopatus, gradus ad mar-
tyrium. 52

Episcopatus pecunia acquiſi-
tus. 37. 57

Episcopi gerunt imaginem
Chriſti. 14. Sunt ejus um-
bra. 55. & ejus vicarii. 34

¶ & seq. Tenent locum Apo-
ſtolorum. 39. 55. Ab om-
nibus honorandi 39 Boni
non ſunt contemnendi prop-
ter malos 40. Eis conceſ-

ſum eſt aperire & claudere
cælum. 33. 53. Quomodo
eligendi. 37. Eorum ele-
ctio pendet à Rege. 20.
Episcopi ſancti facti à Re-
gibus. 56. Debent eſſe me-
diatores inter Regem & po-
pulum. 34. Ordinant Re-
ges. 30. Ipsi tamen ſubje-
cti ſunt Regibus. 10. 14.
38. Itaque contra eos pug-
nare non debent. 20. Iudi-
cantur in Synodis. 34

Episcopi indigni. 37. Simo-
niaci. 57

Equus Seianus. 444

Bremica vita. 80

Erlant prioratus. 268

Error in omnibus rebus vi-
tandus. 10

Eſcuria prioratus. 323

Eſcuroliarum prioratus. 335

Eſna fluviuſ. 479

Eſpaniacum prioratus. 350

Eſpinace, domus Templario-
rum. 324. 365

Evaſonienſis abbatia. 276.

Præpoſitura. 369

Evangelicæ paginæ. 74

Evangeliorum textus. 208

Eugenius III. in Galliam ve-
nit. 117

Eugenius Episcopus Tolera-
nus. 397

Eulogias fratribus exhibere. 93

Evrardus Abbas S. Apri. 443.
410

Euſtorgia monialis Coyro-
ſienſis. 192

Euſtorgius Episcopus Iemo-
viculis. 79

S. Eutropii prioratus. 228. ¶
seq.

I N D E X.

Excommunicati vitandi à Re-	<u>451</u>	Fontenay prioratus de Ange-	
gibus.	<u>35</u>	liaco.	<u>249</u>
Excommunicatio facienda cum		Fontis Gombaudi abbatia	<u>208.</u>
censura iustitiæ.	<u>43</u>	112. <u>388.</u>	
Exhortatio blanda quosdam		Fontes prioratus.	<u>311</u>
corrigit.	<u>43</u>	Fontis Morigniaci abbatia.	
Exoldunensis abbatia. 355. <u>395</u>		<u>393.</u>	
Extrema unctio data ante via-		Foragia Arbrizæ.	<u>485</u>
ticum.	<u>177.</u>	Forma in choro.	<u>90. 22.</u>

F

F acies jejuniorum pallore		Fortaneri de Gordonio. <u>378.</u>	
confecta.	<u>29</u>	<u>382</u>	
Ferricus de Clugnaco.	<u>527</u>	Fossatensis prioratus.	<u>351</u>
Ferula Episcopi.	<u>36</u>	Frainediz abbatiz initia.	<u>122.</u>
Fidei sinceritas non est vio-		Abbas Robertus.	<u>187</u>
landa.	<u>31</u>	Francia, asylum Paparum.	<u>15</u>
Fidei nodus.	<u>33</u>	Franciscus Buni.	<u>511</u>
Fidelitatis sacramentum solvere		Fridericus Dux Lotharingiz.	
non possunt Episcopi.	<u>37</u>	<u>464.</u>	
Figiacensis abbatia.	<u>311</u>	S. Frontonis Ecclesia.	<u>247</u>
Filius non est pater neque spi-	<u>1</u>	Froterius Episcopus Nema-	
ritus.		sensis.	<u>448</u>
Filius est incarnatum Verbum.	<u>2</u>	Fulco Comes Hierosolymita-	
<u>1</u>		nus.	<u>479</u>
Filius est subjectus patri.	<u>58</u>	Fulco Rex Hierosolymita-	
Firmitas super Aligerim. <u>258</u>		nus.	<u>481</u>
Firmitas monialis, prioratus.		Funus, id est, corpus mor-	
<u>334.</u>		tum.	<u>180.</u>
Flaviana vallis.	<u>420</u>	Futurorum nihil latet Deum.	
Fleury prioratus.	<u>158</u>	<u>21</u>	
Flodoardus Presbyter Re-		Futura contingentia. <u>535. 543</u>	
mensis.	<u>513</u>		

G

Florentinorum preces oblatae		G Agia garcionum. <u>210.</u>	
Carolo VI. Regi Franco-		& seq.	
rum.	<u>516</u>	Gairbardus Episcopus.	<u>408</u>
Flurac prioratus.	<u>329</u>	Gallia, asylum Paparum.	<u>435</u>
Fluret prioratus.	<u>351</u>	Galmianense castrum.	<u>197</u>
Fluviahac prioratus.	<u>326</u>	Galliacensis abbatia. 319. <u>361</u>	
Foilleuse, domnus Templario-		Galterius de Silvaneeti.	<u>485</u>
rum	<u>263. 242</u>	S. Galteri prioratus.	<u>188</u>
Folmarus Comes Alimantiz.		Galterus Episcopus Picta-	

INDEX.

venfis.	209	Germanus Episcopus Parisien-	
Gannac prioratus.	336	sis.	54
Garcionum gagia 110. & seq.		S. Gervasii prioratus.	322
Garectum prioratus.	275	Godefridus Comes.	432
Garda Dei abbazia.	317	Goffridus Grisagonella Comes	
Gauberta, mater Stephani		Andegavenfis	479
Obazinensis.	72	Gordonium prioratus.	305. 378
Gaufridus Abbas Vindocinen-		Goson prioratus.	276
sis.	482	Giac prioratus.	348
Gaufridus Comes Andegaven-		S. Gilvasii Ecclesia.	247
sis.	469	Girondæ portus.	216
Gaufridus Comes Britaniæ.		Grandimontense monasterium.	
	469		302
Gaufridus Comes Corbonen-		Grangia monasterii.	163. 180
buis.	481	Gregorius M. consecratus est	
Gaufridus Episcopus Carno-		jussu Mauricii Imp. 56. Ejus	
tenfis.	87	epistola sapiens. 44. Ejus	
Gaufridus Episcopus Ceno-		laudes.	399
manensis.	499	Gregorius VII. reprehensus.	
Gaufridus Episcopus Xanto-		58. & seq.	
nenfis.	215	Gregorii XI. laudes.	314
Gauzlinus Archiepiscopus Bi-		Gregorius Diaconus S. Angeli.	
turicensis.	555		455. 458
Gauzlinus Episcopus Tullen-		Gresi prioratus.	340
sis.	423	Grossi boschi monasterium.	
Gebellina factio.	319		138
S. Gelay prioratus.	250	Guelfa factio.	516
S. Geleberti abbazia.	250	Guenoricum.	482
Gelleiguy prioratus.	258	Guido de Noyalhes Capice-	
S. Genesius Claromontensis,		rius Pictavenfis. 296. 125.	
	262.		375
S. Genesii prioratus. 336. Ec-		Guido Abbas Versionis. 303.	
clesia.	337		322
S. Genulphi monaster. 347. 389		Guido de Turre Episcopus	
Geraldus Abbas Obazinensis.		Claromontensis.	348
	105. 107. 122. 176. 183.	Gu do Episcopus Lemovicen-	
Geraldus Episcopus Lemovi-		sis.	489
centis.	108. 116. 130	Guillelmus Episcopus Albi-	
Gerardus de Malomonte. 274.		fis.	468
	290. 350. 315	Guillelmi Bastardi generatio.	
Gerardus Cardinalis S. Cru-			469
cis.	455. 458	Guillelmus Okam.	532
S. Gerberti abbazia	335	Guillelmus de Garlanda Se-	

I N D E X.

neſcallus.	482	Hodierna Abbatiffa S. Glo-
Guimundi fama.	478	defindis. 448 350
Gymnicus ludus.	418	Hoſtein decipere ſacramento.

H

H Aduidis Abbatiffa Jovi-		Hubertus Cardinalis S. Cle-
niacenſis. 455. 458		mentis. 455. 458
Haentenſe monaſterium. 293		Hugo de S. Maria monachus
Hæretici vitandi. 30		Floriacenſis. 9
Haſtulfus Rex Italiæ. 55		Hugo Blanc Cardinalis. 447
Hallainvilla prioratus. 248		Hugo de Cleeris. 472
Halevincus Abbas S. Michae-		Humilia Deus reſpicit ut at-
lis. 431		tollat. 61
Heannes oneratus dedacis. 250		Humilitas, magiſtra reſtitu-
Heiſtulfus Archiepiſcopus		dinis. 17
Moguntinus. 553		I
Helias Abbas S. Aſterii Pe-		I acobus de Appiano. 518
tragoniſenſis. 206. 235		J acobus Epicoſcopus Præne-
Henricus dominus Soliaci. 341.		ſtinus. 212
389		Jacobus Rex Aragonum. 501
Henricus Epicoſcopus Herbipo-		Ialeigin prioratus. 351
lenſis. 435		Ianeti. 500
Henricus V. Imperator. 452		Iarnage prioratus. 274
Henricus Epicoſcopus Tullenſis.		Iauzec prioratus. 335
458		Iejunium perpetuum Obazi-
Henricus I. Rex Angliæ? 469.		nenſium. 82
476. 482		Ignis paratus diabolo & ſateli-
Henricus II. Rex Angliæ. 469.		titibus ejus. 59
486		S. Illidii abbatia. 344. 349
Henricus Dux Lovaniſenſis.		Imago ſervat ſimilitudinem
479.		ejus cujus eſt imago. 6
Henricus de Zomoren 536		Imperator nodo fidei tenetur
Herbertus Abbas S. Sympho-		adſtriſtus. 33
riani. 455		Imperatorum auctoritas in
Heribertus Archiepiſcopus Co-		electione Papæ. 63. & ſeq.
lonienſis. 437		Imperialia ornamenta conceſ-
Herlencum Burgi. 349		ſa Papæ. 53
Hermanus Epicoſcopus Me-		Inæqualitates aëris. 413
tenſis. 448. 450		Incarnatum Verbum. 2
Herimatum. 348		Inchoata malè non habent
Hilmbertus Abbas S. Mar-		bonum exitum. 30
tialis. 487		Increpaſio dura quorſdam cor-
		rigit. 43

Indiſci-

I N D E X.

Indisciplinationes.	82	Iudicia non sunt pervertenda.	33
Indivisibilitas trinitatis.	6	Iugum ecclesiasticæ disciplinæ.	54
Indulgentia centum dierum.	111	S. Iuliani prioratus.	325
Indulgentiæ ad ædificationem		S. Iuliani Turen. abbatia.	486
Ecclesiarum.	131	S. Iuliani Ecclesia.	301
Indulgentia Ecclesiæ de Por-		Iuramentum incautè prolatum	
runcula.	490	non est servandum.	38
Infirmus concessus carni- clus.	121	Isti in hac vita multa patien- tur adversa.	67
Insula sacerdotalis.	37	Iustina Imperatrix, Adriano-	
Innocentia debetur Deo	11	rum fauoris.	20
Investitura rerum secularium.	23	Iuvenus scholasticus.	416
Investituram non licet acci- pere de manu Regis.	59	K	
Ioanna domina Soraci.	341	K arolus Dux Burgundiæ.	527
Ioanna Regina Apuliæ & Co-		Karoli M. munificentia erga	
mitissa Tolosæ.	469	sedem apostolicam.	55
S. Iohannis Baptistæ caput.	475	Kerinum.	373
Ioannes Abbas Catalis bene-		L	
dicti.	256	L abor indictus.	82
Ioannes Abbas S. Sulpitii Bi-		L abor manuum.	80
turicensis.	205. 273	seq. 88. 134. Nullus in Ca-	
Ioannes Bouciquaud Ianuæ		nonicis.	80
gubernator.	519	Lacrymarum donum.	92
Ioannes Cremenfis Cardinalis.	455. 458	Lacus tubæ, prioratus.	345
Ioannes de Gersono.	514	Lanbion.	340
Ioannes de Greilly Senescallus		Lancelinus nepos Alberici E-	
Aquitaniæ.	218	piscopi Ostiensis.	460
Ioannes de Soliaco Archiepi-		Landm prioratus.	320
scopus Bituricensis.	228. 317.	Lande prioratus.	389
	348	Landesh abbatia.	339
Ioannis xxii hæresis.	132	Landolphus Episcopus Tau-	
Ioscius Archiepiscopus Tu-		rinensis.	445
ronensis.	486	Lanfrancus Archiepiscopus	
Isarnus Præpositus S. Satur-		Canuariensis.	473. 478
nini.	448	Lanzo Abbas S. Michaelis.	
Iso Episcopus Santonenfis.	441		414. 458
Iudaizans Sabellius.	3	Lateranense palatium.	53
Iudices debent observare mo-		O o	
dum discretionis.	42		

I N D E X.

Laudosum.	265. 351.	Luseillac prioratus.	263
S. Launomati caput.	266	Luser caltrum Episcopi Ca-	
Laurentius schismaticus.	38	durcenfis.	318
Lauricum prioratus.	363	Lusillac prioratus.	336
Legem non implet nisi caritas.			
66		M	
Lemosain, domus Templatio-		M Acharius Abbas Mau-	
rum.	327	rigniacensis & Fossa-	
Lemovica urbs. 79	146. 396.	tensis.	460
356		Magistri instituta pro lege.	90.
Lemovicum territorium.	71	107	
Leo III. expulsus à Romanis.		Magnus locus abbatis.	342
55		Mahometus II. Rex Turco-	
S. Leonardi prioratus.	295	rum.	524
S. Leopardini prioratus.	392	Mainiacensis abbatis.	281
Lerin prioratus.	269	Maincap prioratus.	266
Letanias decantare.	177	Mainerius Archiepiscopus Tre-	
Lezigniaci prioratus 221.		virensis.	458
fig.		Mainerius Abbas.	476
S. Liberatæ prioratus.	245	Maiolium, prioratus mona-	
Libros veteres radere ut novi		chorum nigrorum.	247
exhibantur.	120	Major Burdegalenfis.	235. 6
Linenfis prioratus.	256	fig. 240. 243	
Lipzita civitas.	534	Major Franciæ.	285
Loci Dei abbatis.	366	Major Rupellenfis.	249
Locus regius.	390	Majoratus Franciæ	481
Lotharius Rex Franciæ.	480	Majus monasterium.	462
Lucii prioratus.	253	Malachias Episcopus Hiber-	
Ludermus Episcopus Tullenfis.		nenfis.	70
423		Malè inchoata bonum exitum	
Ludi Circenses.	418	non habent.	30
Ludovicus VI. Rex Franciæ.		Maledictionum formulæ.	64
481		Mali magnis prosperitatibus	
Lugdunenses Canonici tula-		gaudent in hac vita.	67.
res.	97	Tolerandi.	21
Lugudiacus prioratus, olim		Malver, prioratus.	383
abbatis.	253	Malum responsum.	390
Luminaria duo magna in Ec-		Maneyum abbatis.	394
clesia.	43	Maneria Episcopi Pictaven-	
Iunæ & Christianorum com-		lis.	210
paratio	70	Manegaudus Abbas S. Mi-	
Lunaticus sanatus	155	chaelis.	463
Lurciatensis prioratus.	392	Manicac prioratus.	278. 352

I N D E X.

Marthac prioratus.	372	Mathildis Comitissa Bononiæ.	
Maptes prioratus.	348		470
Manumissio centum puellarum.	383	Mattis fluvius.	423
Manuum labor commendatus.		Mauææ portus.	236
80. & seq. 88. 131. Nullus in Canonicis.	80	Maurigniense monasterium.	460
Marcat prioratus	350	Mauringus Abbas Mentis majoris.	428
S. Marcelli abbatia.	316	Mauittania villa.	209
Marcelliacensis abbatia.	312	Mauziacensis abbatia.	344
Marcellus Papa ubi mortuus.	51	S. Maxentii abbatia.	251
S. Marci anæ Ecclesia.	467	Maymacensis abbatia.	373
Marcilhac prioratus.	327. 346	Mazarat prioratus.	272
Marcus Abbas Lugudiacensis.	213	Meignac prioratus.	279
Marcusium castrum Episcopi Caduacensis.	380	Meillanc prioratus.	393
Marengue prioratus.	337	Melcolum prioratus.	331
Mareicalli Regis.	485	Meludunum.	480
Margareta Vicecomitissa Combornensis.	180	Memacensis prioratus.	370
Marmanda.	244	Menatensis Abbatia.	345
Maroac prioratus.	343	Mentis, sedes regia.	464
Mastriaci capellæ destr. & c.	423	Metropolitani auctoritas in ordinatione Episcopi.	57
Marciliacensis abbatia.	366	Metullum, prioratus S. Hilarii.	221. & seq.
Marfupia locus.	404. 409	S. Michaelis castrum.	145
Marfupia fluvius.	404	S. Michaelis abbatia ad Mosam.	404. 422. & seq.
Martach prioratus.	268	Mimatensis civitas.	329
Martellum vicus.	135. 141.	Mimatensis electus.	338. 344
144. 303. 374.		Ministri altaris honestè induantur.	169
S. Martialis abbatia.	297	Ministri Regis debent esse modesti.	28
Martius Episcopus Turonensis.	105. 171	Mirabellum.	229
S. Martini de ponte prioratus.	229	Miracula hodie requiruntur in sanctis.	69
Martyr non est qui rebellis est potestatibus.	41	Mombazim prioratus.	329
Martyrium an expetendum.	83	Monachi sunt ministri Ecclesiæ.	39
Mathæus de Marignano.	420	Monachi facti Episcopi.	56
Mathæus Pastus pictor Veronensis.	524	Monachorum detractio diabolica.	65
Mathildis Impetratrix.	469	Monachus sit contentus omni	

I N D E X.

vilitate.	94	pi Bituricensis. 335.	& seq
Monasteria fundata à Regibus.	56	Nazac Ecclesia collegiata.	342
Monasterii novi constituendi solennia.	80. 116	S. Nectarii prioratus.	339
Monialium Obazinensium laus.	103	Negligentias emendare.	163
Mons Ferrandi.	338	Nevelo Episcopus Sueffionensis.	496. 498
Mons Fremin prioratus.	347	Nicæna Synodus. 53. Ejus decretum de ordinandis Episcopis.	57
Mons Mortiaci.	379	Nicolai II. decretum de Papa ordinando.	61
Montem prioratus.	392	Nicolaus de Capociis Episcopus Tusculanus.	510
Montis acuti prioratus.	399.	Nigri lacus abbatia.	256
346		Nigrum stabulum prioratus.	257
Montis Ibbani abbatia. 315. 357		Niortensis prioratus.	229. 250
Montis majoris abbatia. 428		Nobiliacensis abbatia.	213
432		Nolarium.	423
Mons marilis.	353	Nominalium articuli.	511
Montis Pancerii prioratus.		Nonæ & decimæ.	412
336		Nonnera prioratus.	541
Montis petrosi abbatia. 265		Natarii S. Gregorii.	399
350		Nova spernuntur.	70
Minutium Prior. 336. 351		Noviacum prioratus.	394
Moralia S. Gregorii.	400	Nozerinarum prioratus.	273.
Moritonæ castrum.	481	& seq.	
Mortificare non morientem.		O	
39		Bazinensis abbatia.	283.
Mortuis preces vivorum profunt.	40		
Mortuum mare.	214		
Moyssiaccensis abbatia.	315.		
317			
Mozac monasterium.	343		
Mulier facta est de viro.	13		

N

N Aiarum prioratus. 324	Obliquum prioratus. 388
Nancronum prioratus.	Octavianus Papa à sede sua expulsus. 58
³⁰⁰ Nantronum prioratus. 355	Odelricus Abbas S. Michaelis. 452
Natura & lubitantia non differunt nisi nomine. 4	Oddo Abbas S. Michaelis. 431
Navis, castrum Archiepisco-	

INDEX.

[illegible]

I N D E X.

- Rainardus Abbas Cisterciensis. 117. 119
 Rainerius Canonicus Aretinus. 403
 Rainerius de Mariano. 490
 Rainhac prioratus. 315
 Rasuræ tempus. 177
 Ratio non est mens. 6
 Raymundus de Cornilio Episcopus Cadurcensis. 287. 304. 367. 376. 381. 502.
 Regalia seſita. 495
 Regiæ poteſtatis excellentia. 9. Poſita eſt ſub diſciplina religionis. 29. Spernenda non eſt. 65
 Regni terreni diſpoſitio ordinata eſt à Deo. 9. 12.
 Regni & ſacerdotii concordia. 10. 46. 48.
 Regnum cœleſte ſæpe proficit per terrenum. 15. 65
 Regulæ abbacia. 297
 Reliquæ delatæ in proceſſione. 208
 Retutelaſ facere. 484. & ſeq.
 Rex in regno ſuo Dei imaginem gerit. 12. 14. Cur eum Deus hominibus præſſe voluit. 40. Ejus miniſterium. 15. 24. 28. Debet eſſe literis eruditus. 24. Debet defendere Eccleſiam. 24. 66. & aurem accommodare episcopaliſ admonitionibus. 31. & Episcopos diſſidentes reconciliare. 57. Non eſt ſubjectus Papæ in temporalibus. 333. Hereticus excommunicatur. 30. Ejus poteſtas in electione Episcoporum. 56
 Reges ordinantur ab Episcopis. 30. Multi pravi fuerunt. 66. Tamen tolerandi à ſubditis. 17
 Regum elogia. 55. & ſeq.
 Riomenſis abbacia. 343
 Riſus modeſtus. 28
 Rivus petroſus prioratus. 324
 Rix prioratus. 351
 Robatores. 321
 Robertus Abbas Obazinienſis. 74. 107. 122. 187.
 S. Roberti prioratus. 288
 Robertus Archiepiſcopus Trevirenſis. 423
 Robertus Rex Alamannorum. 479
 Robertus Rex Franciæ. 479
 Robertus Valturrius. 524
 Rocelinus de Compendio. 478
 Rodulfus Abbas S. Petri de Monte. 456
 Romana Eccleſia ſubjaciit venalitati. 62
 Romana ſedes ſuper ſe Metropolitanum habere non poteſt. 62
 S. Romani abbacia. 230
 Roſolienſe monaſterium. 278 & ſeq. 293. 371.
 Rotbertus Abbas de Frainedia. 187
 Roumanour prioratus. 361
 Rueillacum prioratus. 329
 Ruſec prioratus. 388
 Ruſini martyris oſſa. 461
 Rupella prioratus de Clugniasco. 249
 Rupes Cavardi. 100. 354
 Rupes Amatois. 304. 375. 377
 Rupes Dagon prioratus. 347
 Ruſhenenſis civitas. 327
 Ruygnac prioratus. 178

I N D E X.

S

	Schola Ecclesiæ.	71	
	Scholasticus	416	
	Scientia vana est quæ literarum		
	notitia non fulcitur.	24	
S Abbatum solemnizare ob	Scriptores librorum in monas-		
honorem Deiparæ.	tetius.	89	
Sabellius insensatus arguitur.	5	Scuria prioratus. 364. & seq.	
Sabelli confusio.	44	Secana fluuius.	480
Sabinus Diaconus.	9. 33	S. Secundi Ecclesiæ.	445
Sacerdotalis dignitatis excel-	50	Securitas perniciofa.	42
lencia.		Securum prioratus.	364
Sacerdotes retinent vicem pro-		Senescalcia Franciæ.	481
phetarum.		Senescallus Franciæ.	483
Sacerdotii & regni concordia.	10. 46. 48	Sententia pastoris timenda,	
Sacramentum fidelitatis solvere		etiam iniusta.	36
non possunt Episcopi.	37	Sepultura monasterii S. Mi-	
Sacram-nto decipere hostem.	38	cha lis.	453. & seq.
Sacramenta altaris.	54	Sermones vita illustrans.	74
Sagienfe monasterium.	426	S. Severini abbatia.	223
Salas prioratus.	301. 355.	Sexterolium prioratus.	361
Sallane prioratus.	168	Sigeburgense cœnobium.	444
Sanguine prioratus.	331. & seq.	Sigibaudus Episcopus Meten-	
Salinbac prioratus	267	sis.	409
Salis prioratus.	334	S. Sigirenni abbatia.	389
Saliniarum prioratus.	340	Sigistrudus Abbas S. Michaë-	
Salvich prioratus.	350	lis.	450
S. Salvii monasterium.	323	Sigismundus Pandulfus Ma-	
Sancti an possint esse sine mi-	524	latesta Princeps Ariminensis.	
raculis	69	Apostolicus.	58. 117
Santonensis Archidiaconus	124	S. Sigismundus.	450
doctus.	217	Silva, domus Templariorum.	
Santonensis civitas.	217	Silvigniacum prioratus.	257.
Sapientia melior est negotia-	28	333	
tione auri & argenti.	28	Silentium monasterii.	82
Sapientum consilia nequeunt	28	Silentium interdum frangen-	
exauriri.	83	dum.	96
Sarraceni.	262	Sinon Archiepiscopus Bituri-	
Sarellac prioratus.	393	censis.	205. & seq.
S. Satiri abbatia.	339	Simonia in Ecclesia Romana.	
S. Saturnini prioratus.	62	Simoniaca hæresis.	406
S. Savini abbatia.	212. & seq.		
Scapulare monachorum.	163		

I N D E X.

Theodoretī fragmentum de Vareuh prioratus.	365	
Trinitate 1. contra Sabel- lium.	2	lis. 451
Theodoricus Rex Italiæ.	57	Vedrinas prioratus. 281. 373
Theodoricus Dux. 410. & seq.		Velcia prioratus. 341
Theodosius Imp. excommuni- catus à S. Ambrosio.	54	Venalitas in electione Papæ. 61
Thiernenfis abbatia.	350	Verbum factum secundum si- militudinem nostram præ- ter peccatum 1
Thoiseliacum prioratus.	389	Verganterior prioratus. 380
Thomas Abbas Maurignia- censis.	459	Verinos prioratus. 251
Thomistæ superantur à nomi- nalibus.	535	Veritas tutius auditur quàm prædicatur. 11
Thuniacum prioratus.	264	Vernolum 334
Tiraneusis abbatia.	267	Verennes super Aligerim. 258
Torta panis.	97	Versionenſis abbatia. 390
Tolosanum aurum.	444	Via regalis. 3
Transgressiones monachorum arguere.	81	Vianenſis Ecclesia. 466. præpo- ſita. 361. prioratus. 318.
Triduum ventorum villa.	210	& seq.
Tricacensis Comes.	480	Viaticum post extremam unc- tionem. 177
Trinitatis indivisibilitas.	6	
Trinitas quomodo intelligen- da.	473	Vic prioratus. 342
Türennenſis Vicomes Rai- mundus.	150	Vicanenſis prioratus. 290.
Turenneſe caſtrum.	203	305. 377. 382.
Turris S. Austregiſſi priora- tus.	275	Vicedominus. 431
Tutelaſi Abbas Eboſus.	148	Vichiacum prioratus. 264
Tutelaſe cœnobium. 181. 281.		Victor III. Antipapa. 465
298. 304. 375.		Vieille Brioude 269. V. Bri- vate vetus.
Tyranni victi oratione.	20	Vigno prioratus. 381
		Villanova prioratus. 315
		Villa Dei prioratus. 389
		Ville prioratus. 340
		Vineros prioratus. 268
		Vinonia prioratus. 251
V Acœ, domus Templo- rum.	359	Vir major est muliere. 14
Vairac prioratus.	301	Viſera fluuius. 91
Valentini capituli epiſtola.	499	Vitalis Abbas Savigniacenſis.
Vall's prioratus.	314	556
Vandador prioratus.	281. 374	Vnitās in trinitate. 3
Varenum prioratus.	323	Volonionis prioratus. 356. 396
		Volfaudus Comes. 403. 409

I N D E X.

<i>¶ seq. 463. ¶ seq.</i>		Vvillermus Comes Pictaven-	
Volvic prioratus.	<u>343</u>	sis.	<u>445</u>
Vosienfis abbatia.	<u>287. 487</u>	Vvillermus Epifcopus Præ-	
Vibani V. mors.	<u>511</u>	neftinus.	<u>455. 458</u>
Vrnæ motus.	<u>418</u>	Vvillermus Epifcopus Vvin-	
Vifetum prioratus	<u>338</u>	tonienfis.	<u>426</u>
S. Vifini prioratus.	<u>357</u>	Villelmus vir illuftris.	<u>150</u>
Vfarchienfis abbatia.	<u>288</u>	Vvilligifus Archiepifcopus	
Vfellenfis Ecclefia.	<u>373</u>	Moguntinus.	<u>437</u>
Vfurarum abjuratores.	<u>307</u>	Vvolfardis Abbatiffa.	<u>408</u>
Vvalonis epiftola ad Vvido-		Vxorem fuam relinquere non	
nem.	<u>442</u>	licet.	<u>54</u>
Vvidiniaca finis.	<u>404. 410</u>		
Vvidricus Comes.	<u>423</u>	Y	
Vvigfridus Epifcopus Virdu-		Y Da Comiffa Domni:	
nenfis.	<u>431</u>	martini.	<u>470</u>
Vvillermus Abbas Cadomen-		Yliodorenfis abbatia.	<u>341</u>
fis.	<u>473</u>		

Extrait du Privilege du Roy.

LE Roy par ses Lettres patentes données à saint Germain en Laye le 19. Avril 1679. signées LOUIS, & plus bas, *Par le Roy*, COLBERT, & scellées du grand sceau de cire jaune, a permis à Estienne Baluze Prieur de Beauvais, de faire imprimer un ouvrage intitulé *Miscellanea Stephani Baluzii*, en un ou plusieurs volumes, & autant de fois que bon luy semblera, pendant le temps de trente années, à compter du jour que chacun desdits volumes sera achevé d'imprimer pour la premiere fois; avec defenses à toute sorte de personnes, autres que celuy ou ceux qui auront esté choisis par ledit Baluze, de les imprimer ou faire imprimer, vendre ni debiter pendant ledit temps, à peine de dix mille livres d'amende, de confiscation des exemplaires contrefaits, & de tous dépens, dommages & interets, comme il est plus à plein porté par lesdites Lettres.

Registré sur le Livre de la Communauté des Libraires & Imprimeurs de Paris le 19. May 1679.

Signé, COUTEROT, Syndic.

Et ledit Sieur Baluze a cedé ledit Privilege pour ce quatrième Volume, à François Muguet Imprimeur & Libraire ordinaire du Roy, pour en jouir selon sa forme & teneur.

